

ფილიპე მახარაპე.

თხზულებათა პრეგული

ტომი II

წერილები სვპლასხვა საკითხებზე.

ს. ს. ს. რ. სახელმწიფო გამომცემლობა

თბილისი—1925

ზ ი ნ ა ბ რ ს ი.

ქერნალი „ჯალი“ 1902—1903 წ.

და.

„პრთლუცარიაცის ბრძოლა“ 1904 წ.

	გვერ.
კიათურის ვითარება	1
შავი ქვის მრეწველთა მე-ნ-თე ყრილობა ქუთაისში	20
წერილი პირველი	20
მეორე	24
მესამე	31
მეოთხე	39
მეხუთე	45
მეექვსე	52
მეშვიდე და უკანასკნელი	60

ქერნალი „პრთლუცარიაცის ბრძოლა“ 1904 წლისა.

გლენკაცობის მდგომარეობის შესახებ ამიერ-კავკასიაში	70
---	----

ქერნალი „მთგზაური“ 1905 წლისა.

დღევანდელი ვითარება	85
ბაქოში მომხდარ ამბების გამო	91
კიდევ ბაქოში მომხდარ ამბების გამო	93
გურიის ვითარება	98
რა გამოირკვა?	104
გლენ-კაცობის მოძრაობა ქართლში	110
დღევანდელი მდგომარეობა	116
ვის ატყუილებენ?	121
წარმომადგენლობითი მართვა-გამგეობა	126
მქადაგებელი	132
დღევანდელი ვითარება	136
თავის გამართლებაც ასეთი უნდა (პასუხათ თ-დ ილია ჭავჭავაძეს)	141
ბიუროკრატია და რეფორმები	155
ალექსანდრე წულუკიძის ხსოვნა	<u>158</u>
ა. ბ. ბულიგინის პროექტი	160
უკანასკნელი ამბების გამო	163
ალ. წულუკიძის ხაფლავთან	166
აგრარული კითხვის გამო	168

რუსეთი	171
ზავის ჩამოგდება	174
სახელმწიფო სათათბირო (ნ აგვისტოს კანონი)	176
ისტორიული მატრაკეციები	182
საკუთარი სახის დანახვა	187
გურია განსაცდელშია	194
რუსეთის რევოლიუცია და 17 ოქტომბრის მანიფესტი .	197
განსაცდელის აცდენა	208
პროლეტარიატის დანიშნულება	210
პარტიის ცხოვრებიდან	214
ჩვენს მკითხველებს	221
რუს. სოც.-დემ. მუშათა პარტიის მომავალ ყრბობის (სიეზდის) გამო	223
პირდაპირობა და ორჭოფობა	225
წერილი პირველი	225
წერილი მეორე და უკანასკნელი	234
პროლეტარიატი და რევოლიუცია	240
შინაური მიმთხილვა	244
უურნალ გაზეთებიდან	278

გამბ.: „სსივი“, „განთიადი“, „რუჯა“ და „ლამპარი“ 1906 წლისა.

მთავრობის ლოლიკა და ისტორიის ლოლიკა	287
უკან ვიხვეთ თუ წინ მივდივართ?	290
მთავრობის საქმიანობა და ხალხის ინტერესები	294
სომხებისა და თათრების დელეგატების თათბირი	297
აგრარული მოძრაობა და დღევანდელი მთავრობა	300
პოლიტიკური ბრძოლა და კლასობრივი ინტერესები	303
პროლეტარიატი იბრძვის, ბურჟუაზია უფლებებს პოულობს	306
აგრარული მოძრაობის მოლოდინი	309
„კონსტიტუციონალური“ ილიუზია	312
სახელმწიფო სათათბირო და ბიუჯეტი	316
ხალხის ჰირისუფლები	320
ურიების დარბევა რუსეთში	324
დღევანდელ დღეს	328
კონსტიტუციონ. დემოკრატების ტაქტიკა	332
სოციალ-დემოკრატები და სათათბიროს არჩევნები	336
სოციალ-დემოკრატის გარშემო	341
დღევანდელი პოლიტიკური ვითარება	345
პოლიტიკური მიმთხილვა	352
რევოლიუციის ბედი	356
ადექსანდრე წულუკიძის გარდაცვალების წლის თავი	360
შენიშვნები	363

ქუჩნალი

„კვალნი“ 1902—1903 წ.

და

„პროლესტარისტის ბრძოლა“ 1904 წ.

ქიათურის ვითარება.

I

სწორეთ მოგახსენოთ, მე არ მინდოდა ამ სათაურით დაწერა, იმიტომ რომ ვიცი: ქიათურის გახსენებაზე ბევრი ააქცივტიწებს ყურს, ბევრს შიშის ერუანტელი დაუვლის ტანში; არ მინდოდა იმიტომაც, რომ ამ სიტყვის გაგონებაზე ზოგიერთები სიაშოვნების ღიმილით აიღებენ ხელში გაზეთს იმ იმედით, რომ იქ იპოვონ სხვისი დასამცირებელი საშუალება, რადგანაც ფიქრობენ, რომ იმათი სისაძაგლე და ზნეობრივი სიღუბე დაიძალდება, თუ საზოგადოების ყურადღება სხვისკენ იქნება მიქცეული. მაგრამ მე წინდაწინვე ვაცხადებ, რომ ვინც ასეთი განზრახვით დაიწყებს ჩემი წერილის კითხვას, ის მოტყუებული დარჩება. წინდაწინვე ვაცხადებ, რომ მე პარადათ არც ქიათურის ოქროები მაინტერესებს და არც მისი ახალმოდის დევ-გმირთა სასიქადლოო თუ სათაკილო მოღვაწეობა. კარგათ ვიცი, რომ ამაებს უჩემოთაც მრავალი მოტრფიალე ყავს, რომ მეც იმათ შვეუერთდე. დეე, იმათ ილაპარაკონ და ბეჭდონ სტატიები ასეთ საგნებზე, ვისაც გამდიდრება და პირადი ანგარიშის საქვეყნო ინტერესებით დასახვა ერთათ-ერთ მიზნათ გაუხდია საბედნიეროთ ქვიყანა მართო ასეთებით არ არის დასახლებული. მე მრწამს, რომ ჩვენში არიან ისეთებიც, რომლებიც სულ სხვა, მაღალი გრძობებით არიან აღჭურვილი, რომლებიც ადამიანის ღირსებას პატივს ცემენ, მის პიროვნებას ესარჩლებიან ყოველგვარი შეფარობების დროს, რომელთაც თავის დროშაზე დაუწერიათ ჰუმანიტრი სიტყვები: „ხიმატლე და ჰეშმარიტება“. მე ვიცი, რომ ამ სიტყვების გაგონებაზე ბევრი ეშმაკურად ჩაიციწებს, ეს რა გამოუცდელი და ხამი ვინმე ყოფილაო! მაგრამ ცდებით! იცოდეთ, რომ მე ძველი, ქანდარანი გაეღილი მოსარჩლე ვარ ამ წმინდა იდეების, რასაკვირველია, არა როგორც სარდალი, არამედ როგორც ერთი უკანასკნელი მისი ჯარის-კაცი. და არ, სადაც კი ადამიანის პიროვნების დაჩაგვრას და უსამართლობას დაეინახავ, მეც, ჩვეულებრივით, როგორც ყოფილი ჯარის-კაცი, ჩემ იარაღს მივმართავ ხოლმე. ამ იარაღს ჰქვია ჩვენს დროში ბეჭდვითი ხიტყვა:

რომელიც ზოგჯერ გათხუპნულ ხელებშიც ვარდება, რომ მისი შემეშობით უსანაოლობას გაუწიონ მოსარჩლეობა, მაგრამ დაბოლოს მაინც კეშმარტების და სიმართლის მისაღწევი იარაღია.

ამ განმარტების შემდეგ გადავდივარ იმ საგანზე, რომელზედაც აქ საუბარი გვექნება მკითხველთან.

მკითხველმა ალბათ იცის; თუ რა არის დღეს ქიათურა, ის ქიათურა, რომელიც ამ ოციოდე წლის წინათ სრულიად უცნობი და მიყრუებული ადგილი იყო. დღეს ის წარმოადგენს სამრეწველო ცენტრს, რომელსაც ფართო სახელი აქვს მოპოვებული. ქიათურის მრეწველობა თქვენ იცით; გეცოდინებათ აგრეთვე ისიც; თუ როგორ მდიდრდება იქ ზოგიერთი ბედნიერთაგანი ამა ქვეყნისა. მაგრამ მე იმაზე არ ვლაპარაკობ და არც იმათი ბედნიერება მშურს; და კიდევ რომ მშურდეს, მე ხომ ამას ვერავის დაეუშლი. არა, მე ვაშობ იმ დავიწყებულებზე, რომლებიც ქიათურის მრეწველობას სათავეში უდგანან, რომელთაც მიწის გულრიდან წვითა და დაგვიტ ამოაქვთ სიმდიდრე და სხვას ჯიბეში უდებენ.

და მართლაც, ყველასათვის აშკარაა, რომ შავი ქვის მადანი თავის თავად მიწიდან არ გამოდის და არც რკინის გზის ბაქნებზე ჩადის. ყველაქვეყნისა უწყის, რომ მადანის ამოღებისათვის, მისი გაწმენდა-და-სუფთაებისათვის და რკინის გზის ბაქნებზე ჩამოტანისათვის ადამიანის შრომა აუცილებელ საჭიროებას შეადგენს. და ამ გარემოებას იძულებულია შეურიგდეს ყველა მრეწველი, რომელსაც ფულის შეძენა გაუხდია თავის ცხოვრების მიზნათ. მაგრამ თვით ამ შრომის წარმომადგენელის პიროვნება, მისი მდგომარეობის ცოდნა არავისთვის საჭიროებას არ შეადგენს. საჭიროა მხოლოდ, რომ მადანი გამოიღონ მიწიდან; გაწმინდონ, ჩაიტანონ რკინის გზის ბაქნებზე და იმით დატვირთონ ვაგონები. თუ კი ეს შესრულდება, დანარჩენი არამც უოფილა, ოქროები ხომ ჯიბეში ჩაჩხრიალდება, და წარმოიდგინეთ, რომ ქიათურის მიდამოზე ყოველივე ეს ოც წელიწადზე მეტია რაც სრულდება და ერთხელაც არავის მოუსურვებია იმის გაგება, თუ ვინ არის ქიათურის შავი ქვის მრეწველობაში შრომის წარმომადგენელი, ან როგორია მისი არსებობის პირობები. იმდენათ დიდია ეს დავიწყება, იმდენათ საგრძნობელია იგი, რომ ჩვენ ვქვს შევიტანდით ქიათურაში მშრომელი ხალხის არსებობაში, რომ აქა-იქიდან ყოველ წლივ 20—30 მილიონი ფუთი მადანი არ გამოქანდეთ. თვით ბ. გ. ზდანოვიჩის¹⁾ მოხსენებიდან, რომელიც მან წარუდგინა 1900 წლის შავი ქვის მრეწველთა შესამე ყრი-

ლობას, ჩვენ ვტყობილობთ, რომ მთელ რუსეთში ძნელათ მოიპოვება რეწველობის მეორე დარგი, სადაც ისე უყურადღებოთ იყოს დატოვებული მუშა ხალხის მდგომარეობა, როგორც ქიათურისაა, და სადაც დღემდის მისი მძიმე ტვირთის შესამსუბუქებლათ არაფერი არ გაკეთებულაო^{*)}. ასეთი ოფიციალური განცხადების შემდეგ მოსალოდნელი იყო, რომ ქიათურაში მომუშავე ხალხის მდგომარეობა რამოდენიმეთ მაინც გამოიკრევეოდა, რაც იქნებოდა პირველი ნაბიჯი ამ მდგომარეობის გაუმჯობესებისაკენ გადადგმული. მაგრამ ეს იყო და ეს, ყოველივე დაბოლოვდა მხოლოდ ამ მკვერამეტყველური განცხადებით.

მართალია, ამ ხნის განმავლობაში, თანახმად მესამე ყრილობის გადაწყვეტილებისა, შემოღებულ იქნა ქიათურის მადნებში მომუშავეთა საერთო (კოლექტიური) დაზღვევა უბედურ შემთხვევებისაგან კეძო-კომერციულ საზოგადოებაში, მაგრამ ეს ზომა დღევანდელი სისტემით სრულიათ შეუსაბამო და ყოველად უსარგებლო გამოდგა ქიათურის მუშათა მდგომარეობის გაუმჯობესობისათვის, რასაც ჩვენ აშკარად დაგვინახვებს ამ დაზღვევის ორი წლის მოქმედების განხილვა, რაიცა ამ წერილის უმთავრეს საგანს შეადგენს. მაგრამ სანამ ამაზე გადავიდოდეთ, მკითხველის ყურადღებას კიდევ შევაჩერებ ერთ ზოგად გარემოებაზე.

არის ორგანო, რომელთაც კანონით ასე თუ ისე დავალებული აქვს ქიათურის მრეწველობაში მომუშავეთა მდგომარეობის გაცნობა: სამთო გამგეობა და თვით მრეწველთა საბჭო. პირველი ორგანო, ე. ი. სამთო გამგეობა, ვალდებულია ყოველ წლივ შემდეგი ცნობები შეკრიბოს და წარადგინოს სათანადო სამინისტროში: 1. მრეწველთა რიცხვი და მათი წარმოების რაოდენობა; 2. რამდენი მუშა ყავდა თითოეულ მრეწველს წლის განმავლობაში; 3. რამდენი იყო იმათში მკირეწლოვანი და დედაკაცი; 4. ხელფასის რაოდენობა; 5. საშუალო დღის სიგრძე მალარობეში. გარდა ამისა, სამთო გამგეობა ავალებს ყველა მრეწველებს იქონიონ ცალკე ჟურნალი, რომელშიაც დაწვრილებით უნდა იქნეს შეტანილი ყოველგვარი უბედური შემთხვევა, რომელიც კი მუშაობის დროს მუშას შეემთხვევა. მართალია, სამთო გამგეობის პროგრამაში არ შედის სხვა საინტერესო კითხვები, როგორც, მაგ., მუშის ეროვნება, მისი თანხური მდგომარეობა, წერა-კითხვის ცოდნა, ან რამდენი ხანია მუშაობდა მადნებში და მრავალი სხვა, მაგრამ რაც შედის, იმაზედაც რომ

*) იხ. Труды III с'езда марганцевопромышленников. Доклад Г. Здановича об учрежденческой массе, გვ. 9.

პასუხს იძლეოდეს ქიათურის სამთო ზედამხედველობა, ამ შემთხვევაში მისი ცნობები მრავალნაირად იქნებოდა საინტერესო, ვინაიდან მაშინ ჩვენ გვეცოდინებოდა, თუ რამდენი კაცი მუშაობს შავი ქვის მრეწველობაში, რამდენია იმათში ბავშვი და ღებულობენ ისინი ღლიურათ. სამწუხაროთ ადგილობრივი სამთო გამგეობა სრულებით არ თვლის საჭიროთ ამ ცნობების შეკრებას. ამის მაგივრათ ადგილის სიას, სადაც შეაქვს მრეწველთა სახელები და გვარები; იმათ გვერდზე ნაჩვენებია, თუ თითო მრეწველს რამდენი ფუთი მადანი ამოუღია წლის განმავლობაში და რამდენი მუშა ყოლია. მორჩა და გათავდა მაგრამ უფრო გასაკვირვალა აქ ის არის, რომ უმეტეს შემთხვევაში მუშათა რაოდენობა ნაჩვენებია მთელი რიცხვით კი არა, არამედ მთელი რიცხვის ნაწილიც ახლავს. მაგალ., ვინმე მრეწველს ამოუღია, ვთქვათ, წლის განმავლობაში ასი ათასი ფუთი ქვა და მუშა ყოლია 5, 7, ე. ი. ხუთი მთელი მუშა და ერთისაც შვიდი მეათედი. რასაკვირველია, რთულ სტატისტიკურ გამოკვლევებში ასეთი ნაწილადიანი რიცხვები ჩვეულებრივი მოვლენაა, მაგრამ ამ შემთხვევაში ეს ყოველად გაუგებარია. და თუ ასეთი ციფრებით არის ავსებული სამთო გამგეობის სიები, ეს მხოლოდ იმიტომ, რომ ნამდვილ ცნობების შესაკრებათ მას ვერ მოუკლია, და ვალის მოსახდელათ თავისი ფანტაზიის საშუალებით გამოგონილი რიცხვები ჩაუწერია იმ მოსაზრებით, რომ კონტროლს მაინც ვერავინ გაუკეთებს. და ეს იმ დროს, როცა სამთო გამგეობას ქიათურაში მოხდა საბურქეთა სრულიად საკმარისი რიცხვი ყავს. აწნაირათ გამოდის, რომ ჩვენ დღეს არ ვცით დაახლოვებით ქიათურის მადნებში მომუშავეთა ნამდვილი რაოდენობა. რაც შეეხება იმას, თუ ვინ არის ეს ხუთი და შვიდი მეათედი მუშა, საიდან არიან ისინი მოსული, მკირეწლოვანია, ღებულობენ თუ ღიდი, რა ქირას ღებულობენ, რამდენ საათს მუშაობენ დღე და ღამის განმავლობაში, წერა-კითხვის მკოდნე არიან თუ არა და სხვადასხვა — ყოველივე ეს წყვედილით არის მოკული და თქვენ სრულიად ამათ ეცდებით ამების გაგებას.

ამ ნაკლის თავიდან აცილება შეეძლო მრეწველთა საბჭოს და განსაკუთრებით მასთან დაარსებულ სტატისტიკურ ბიუროს. ვინც წაიკითხავს ბ. ზვანაგიის მოხსენებას, რომელიც მან მრეწველთა მესამე ყრილობას წარუდგინა, ყველა იმ დასკვნამდე მივა, რომ სტატისტიკური უწყის დაარსების ერთი უმთავრესი მიზანი ქიათურის მრეწველობის მართლმართლ ხაზის მოკმარისობის გამოკვლევა და შესწავლა უ

ყოფილიყო. მაგრამ, როგორც სჩანს, ეს არ გამართლდა. მართალია, დაზღვევის არ იყოს, სტატისტიკური ბიურო კი დაარსდა, მაგრამ მისი თავი და თავი მიზანი თითქმის სრულებით დავიწყებული დარჩა. როცა რაიჰე ლონისძიება გასურთ იხმართ რაიჰე საქმის წარმატებისათვის, უწინ თვით საქმეს უნდა იცნობდეთ. მშრომელი ხალხის მდგომარეობის გაუმჯობესება უწინარეს ყოვლისა თხოულობდა თვით ამ მდგომარეობის ცოდნას. ქიათურის მრეწველთა საბჭოსთან დაარსებული სტატისტიკური ბიურო ჩვენთვის უცნობ მიზეზების გამო აცდა თავისი პირდაპირი გზას. ჩვენ არ ვიცით, თუ რას აკეთებს დღეს ბიურო, შეიძლება იგი ბევრსაც მუშაობდეს, მაგრამ ის კი დანამდილებით ვიცით, რომ ქიათურაში მომუშავე ხალხის მდგომარეობის შესწავლა დღესაც იმ ყოფაშია, როგორც ეს ამ ორი თუ გინდ ათი წლის წინად იყო. ჩვენი აზრით მრეწველთა საბჭო ვალდებული იყო მიენიჭებინა სტატისტიკური ბიუროსთვის ისეთი ორგანიზაცია, რომ მას შესძლებოდა თავის უშთაგონის დანიშნულების შესრულება. სამწუხაროთ, ეს ასე არ მოხდა. სანტერესოა ვიცოდეთ, ნიეთიერი საშუალების უქონლობამ შეუშალა ხელი საბჭოს საქრო ორგანიზაციის შექმნისთვის, თუ თვით სტატისტიკური ბიუროს მოსამსახურენი ვერ აღმოჩნდნ თავის თანამდებობისათვის შესაფერი პირები?

როცა ხედავ, ერთი მხრით, ასეთ სრულ უყურადღებობას და მეორე მხრით მომუშავეთა აუტანელ მდგომარეობას, ვული გიკვდება. შეიძლება კი, რომ ჩვენშიაც, როგორც სხვაგან, არსებულიყო სხვადასხვა ორგანიზაცია ამათ სასარგებლოთ, როგორც, მაგ., სხვადასხვა დამზარებელი საზოგადოებანი, სკოლები, კითხვები, იაფ-ფასიანი სასაღილოები და უმეტესათ კი ბინები. რომ იცოდეთ, სად ატარებენ ღამეებს ქიათურელი მუშები, ან როგორ იკვებებიან ისინი, რამდენ საათს მუშაობენ დღე და ღამეში, გაოცდებით. მაგრამ თქვენთვის წარმოუდგენელია ის ბნელი, ნესტიანი, მიწური, ქობნახები, რომლებიც ყველაფერს ჰგავს, გარდა აღამიანის სადგომისა. აი რაში ცხოვრობენ ქიათურაში მომუშავენი! როცა უყურებ აქ ცხოვრებას, ძალა-უნებურათ გაიფიქრებ, რომ აღამიანის პიროვნებას ასე მდაბლათ არსად არ უნდა აფასებდნ, როგორც ქიათურის მადნებში. სკოლა რა ხილია, აქ არ იციან, თუმცა მცირეწლოვან მომუშავეთა რიცხვი საკმარისათ დიდია. აქედან აღვილათ აიხსნება ის გარემოება, რომ წერა-კითხვის მკოდნეს აქ სანთლით ვერ მოსძებნი. მაგრამ მადნებში მომუშავეებზე კიდევ უფრო უარეს ყოფაში ჩაღან-

დღეობა, ე. ი. ისინი, ვისაც ხარ-კამეჩით თუ ცხენით მადანი რკინის გზის ბაქანზე ჩამოაქვთ. თუ მადნებში მომუშავე ხალხს სამთო გამგეობა ანუ ასე თუ ისე იხსენიებს, ჩაღანდრები მასაც დავიწყებული ჰყავს და მრავლელთა საბჭოს ხომ ისინი არ გახსენებია და არა, ე. ი. თუ ჩვენ სამთო მუშათა რიცხვი, ტყუილი თუ მართალი, მაინც გვაქვს, ჩაღანდრების შესახებ არც ეს ვიცით. მრავლელებში იციან მხოლოდ, რომ ვილაკ იჯარეები და პეტრეები მადნებში მიდიან, იქ ტვირთვენ ურემს და ცხენებს. შავი-ქვით, რომელიც ჩააქვთ რკინის გზის ბაქნებზე. ხშირათ მოხდება. ზოლმე, რომ ჩაღანდარი თავისი ცხენით ან ხარ-კამეჩით რკინის გზის ბაქანის მაგიერ ხრამში გადაფარდება და სამუდამოდ იკარგება, მაგრამ ეს არაა ის აწუხებს და ამას შეელოს ის გარემოება, რომ მათი სათვლავიც უკარგავინ იცის, რომ დაკლება მაინც შენიშნოს! ერთი სიტყვით, საკვირველი არსებია ეს შავი-ქვის მუშა!

II

პირველ წერილში მე ვთქვი, რომ, თანახმად ქიათურის შავი-ქვის მრავლელთა მესამე ყრილობის გადაწყვეტილებისა, 1901 წლის 21 თებერვლიდან შავი-ქვის მადნებში მომუშავენი დაზღვეულ იქნენ უბედურ შემთხვევისაგან. იქვე იყო ნათქვამი, რომ ამ წერილის უმთავრეს საგანს შეადგენს ამ დაზღვევის გაცნობა და დაფასება, თუ რა სარგებლობა მოუტანა მან მუშებს და რას უნდა მოველოდეთ მისგან მომავალში, თუ ფინანსობა მისი დღევანდელი სისტემა, წესრიგი სრულებით არ გამოიცვალა მომავალი მეხუთე ყრილობის დროს, რომელიც ჩქარა უნდა მოხდეს. მაგრამ, სანამ ამ საგანზე გადავიდოდე, საჭიროთ მიმაჩნია განემარტო, რაც შეიძლება მოკლეთ, თუ რას ვეძახით უბედურ შემთხვევას, რომლის-ქანაც იზღვევა მუშა, რა კანონის ძალით ხდება მუშის ნივთიერი ზარალი, რომელიც მუშას უბედურ შემთხვევის გამო მოელოს.

ყველამ ჯარგათ იცის, რომ უბედური შემთხვევა ყოველ ფხვის ნაბიჯზე შეიძლება შეემთხვას კაცს, მეც და შენც, მკითხველო; მაგრამ ისიც კარგათ ვიცით ყველამ, რომ ამისთვის არავინ ვალდებული არ არის ჩვენ რაიმე გვიზღოს. სულ სხვაა, როცა დაქირავებული მუშა იზღვება მუშაობის დროს უბედურ შემთხვევისაგან, — მაგრამ ესეც გახმარტებას თხოვლობს. ყოველგვარი მუშაობა, თუ იგი ხდება ცუდ პირობებში,

მაგ. გაფუჭებულ ჰაერში, ან დიდხანს გრძელდება, ასწავლებს კაცს და უდროოდ უსპობს მას სიცოცხლეს. მეორე მხრით, არის ისეთი მუშაობა, სადაც ან თვით წარმოების იარაღი, მისი ხმარება უქადის მუშას ხიფათს, ან და თვით დასამუშავებელი ნივთიერება აუცილებლად სწამლავს მუშის სხეულს. მუშაობის ასეთი მავნებელი და სახიფათო პირობები წინათაც, მონობის და ბატონ-ყმობის დროსაც იყო, რასაკვირველია, მაგრამ, მიუხედავად ამისა, მუშის დაზღვევა უდროოდ დასწავლებისაგან და უბედურ შემთხვევისაგან მხოლოდ სულ ახალი საქმეა. მუშის დაზღვევის გაჩენის მიზეზი მარტო ის კი არ არის, რომ იგი სხვის სასარგებლოდ მუშაობს და ამიტომ მისი დამკვირვებელი ვალდებულია მას ზარალი უზღოს. არა. უნდა ვიფიქროთ, რომ შრომისაგან უდროოდ დასწავლება და მოწამლვა და ჩს, რასაც ჩვენ დღეს უბედურ შემთხვევას ვეძახით, უწინ აღბად უფრო ხშირათ ხდებოდა, ვიდრე დღეს, მაგრამ მაშინდელი მუშების დაზღვევა მაინც არავის მოსვლია თავში, ეს იმიტომ, რომ მაშინდელი მუშა სრული საკუთრება იყო თავის ბატონის, ან როგორც მონა, და ან როგორც ყმა. როგორც ნამუშევარი არ შეადგენდა მაშინდელი მუშის საკუთრებას, ისე არც თვითონ მუშა ეკუთვნოდა თავის თავს, იგი სხვისი საკუთრება იყო, როგორც უბრალო ნივთი და ამ ნივთს ხმარობდნენ ისე, როგორც უნდოდათ. მაგრამ დროთა განმავლობაში მონური და ბატონ-ყმური ურთიერთობა შეიცვალა, თანდათან განვითარდა სრულიად ახალი საზოგადოებრივი ურთიერთობა, რომელსაც ადამიანის პირადი დამოუკიდებლობა და თავისუფლება დაეძღვა საფუძვლად. მაგრამ ამ პირად თავისუფლებას მოჰყვა ნივთიერი ანუ ეკონომიური მონობა. დამავიწყდა მეთქვა, რომ მონობის და კიდევ უფრო ბატონ-ყმობის დროს აქა-იქ იყვნენ წვრილი მესაკუთრენი; მიწის მუშები და ხელოსნები, რომლებიც ასე თუ ისე თავისუფლად ცხოვრობდნენ. ახალი ურთიერთობის განვითარებაში, რაც ფულის მნიშვნელობის გაძლიერების და აღებ-მიცემობის აღორძინების შედეგი შეიქმნა, წინანდელი წვრილი მესაკუთრეობა თავისი კარჩაკეტილი, პატრიარქალური მეურნეობით მრსპო და მის მაგიერ წამოაყენა, ერთი მხრით, მსხვილი მიწის მფლობელთა, ხელოსანთა და ფულის პატრონთა კლასები, და მეორე მხრით თითქმის ყოველგვარ საკუთრებას; გარდა თავის სამუშაო ძალისა, მოკლებული მუშა, რომელიც იმავე დროს პირად თავისუფლებით იყო აღჭურვილი და რომელიც იძულებული შეიქმნა თავისი ერთად ერთი საკუთრება—სამუშაო ძალა, გამოეტანა ბაზარზე გასა-

სყიდათ. წარმოების ტექნიკური პირობების გაუმჯობესებამ, სხვადასხვა გამოგონებამ და აღმოჩენამ, მეცნიერების პრაქტიკულ ცხოვრებაში გამოყენებამ სულ უფრო და უფრო შეუწყო ხელი ასეთ დაყოფის, დიფერენციაციის, მიმდინარეობის პროცესს. გაჩნდნენ უზარმაზარი წარმოებანი, სადაც ათასი და ათი ათასი დაქირავებული მუშები იყრიან თავს. ეს არის თანამედროვე ფაბრიკები, ქარხნები და მალაროები.

მაგრამ წარმატების ტექნიკურ პირობების გაუმჯობესებას და ამოდენა დაქირავებული მუშების ერთ ქარხანაში თუ ფაბრიკაში თავის მოყრას აი რა მოყვა: ვინაიდან მშრომელი და წარმოების მოთავე სულ სხვადასხვა პირი აღმოჩნდა, ამიტომ პირველ ხანებში სრულებით აღარ მიჰქცევს ყურადღება არც შრომის ანტისანიტარულ და ანტიჰიგიენურ პირობებს. და არც უბედურ შემთხვევათა ასაკდენ ღონისძიებათ; და უნდა ვთქვათ, რომ რამდენათაც გროვდებოდა წარმოება ერთი კაცის ხელში, რამდენათაც უმჯობესდებოდა თვით წარმოების ტექნიკური პირობები, იმდენათ უარეს პირობებში ვარდებოდა თვით შრომა, ე. ი. მშრომელი ხალხი. და ეს არც გასაკვირალია. გარდა ამისა წარმოებაში რთული მანქანების შემოღების გამო, ხშირად უბედური შემთხვევები, ე. ი. მუშების სიკვდილი ან დასახიჩრება. დღეობით ამას მიწის გულის კაქრა და მიწის ქვეშ მუშაობა სხვადასხვა მანქანების გამოსატანათ, უროზლისოთ ყოველათ შეუძლებელია დღევანდელი მრეწველობის და მასთან თვით დღევანდელი განათლებული კაცობრიობის არსებობა. და აგრეთვე ჯანმრთელობისათვის სხვადასხვა მავნებელ ქიმიურ ნივთიერებათა გაკეთება და თქვენ რამდენიმეთ წარმოიდგენთ, თუ რამდენნაირი უბედურება მოელის თანამედროვე მუშას მუშაობის დროს.

თანამედროვე მრეწველობის განვითარების ხანებში, როგორც მოგეხსენებათ, გამეფებული იყო ასეთი შეხედულება: მუშა სრულიად თავისუფალია, როცა იგი ყიდის თავის სამუშაო ძალას; მას სრული უფლება აქვს თავისუფლათ აირჩიოს სამუშაო, მაგრამ რაკი ერთხელ აირჩევს, შემდეგ რაც მოუვა; ყველაფერში თვითონვე პასუხისმგებელი. ასეთი ემპირიკური ლიბერალიზმით დამქირავებლები, მრეწველები, დიდხანს იცილებდნენ თავიდან ყოველგვარ პასუხისმგებას, როცა იმათ მუშებს უბედური შემთხვევა სიცოცხლეს უსპობდა ან საშუალოდ ასახიჩრებდა და ასწულდებდა. რამდენათაც იზრდებოდა მრეწველობა, იმდენათ უბედური შემთხვევათა რიცხვი და მუშა ხალხის უძროვო დასწულდება უფრო და უფრო ხშირი მოვლენა შეიქნა. მაგრამ იმავე დროს ასეთი მდგომარეობა

რეობის უსამართლობა და აუტანლობა აშკარა შეიქნა. ამიტომ როგორც საზოგადოებაში, ისე მრეწველობაში გაჩნდნენ ისეთი სასახელო მოღვაწენი და მეცნიერნი, რომლებმაც აშკარათ დაგვეს ასეთი მდგომარეობა და ურიცხვი ფაქტებით დაამტკიცეს, რომ რამდენათ იზარდება თანამკდროვე საზოგადოების სიმდიდრე, იმდენათ ხალხის ერთი უდიდესი ნაწილი შემდგარა დეგრადაციის, ე. ი. გონებრივი, ზნეობრივი და ფიზიკური დაქვეითების გზაზე. აქედან იწყება ის დიდებული მოძრაობა, რომელმაც შექმნა ყველა განათლებულ ქვეყნებში ეგრეთ წოდებული საფაბრიკო კანონმდებლობა, რომლის ერთ საფუძველთაგანს შეადგენს ის დედა აზრი, რომ მექარხნე კაპიტალისტი პასუხისმგებელია, თუ მის დაქირავებულ მუშას მუშაობის დროს მის უნებურათ რაიმე უბედურება შემთხვა, რომელიც ბოლოვდება ან სიკვდილით და ან დასახიჩრებით, რომელიც სამუდამოთ აბნეოებს მას. თუ უბედური შემთხვევა გამოწვეულია ფაბრიკანტის დაუდევრობით, იგი ნიეთიერი პასუხისმგებლობის გარდა, ხისხლის სამართლითაც ისჯება. ამ ნაყოფიერ მოძრაობას მოუსწრო და მის გაძლიერებას ხელი შეუწყო თვით მომუშავე ხალხის გამოთხოვნილებამ და თავისი თავის ინტერესების შეგნებამ. თავის თავად იკულისხმება, რომ მრეწველები ყოველგვარ საშუალებას ხმარობდნენ, რომ რამენაირათ თავიდან აეცილებინათ მათ სამუშაოში დასახიჩრებულთა ნიეთიერათ დაკმაყოფილება, მაგრამ დრო უკვე გამოიცვალა. მრეწველნი იძულებულნი შეიქნენ უბედურ შემთხვევათაგან დაზარალებულნი დაეკმაყოფილებინათ.

ამნაირათ, როგორც ხედავთ, მუშების დაზღვევა არ გამოუსწვევია არც მრეწველთა გულკეთილობას და არც მათ ქველმოქმედებას—ეს არ არის მოწყალეობა. პირიქით, რასაც ამ შემთხვევაში მუშას აძლევენ, მან ეს დამისახურა არა მარტო შრომით, არამედ თავის სიცოცხლის და თავის ჯანმრთელობის შეწირვით. ეს დღეს უკვე აღარსად და არავისთვის სადავო საგანს აღარ შეადგენს... ყველაზე უფრო მუშების დაზღვევის საქმე განვითარდა გერმანიაში, რომელიც ამ მხრით ყველა დანარჩენ ქვეყნებისთვის. მისიზამთ მაგალითად შეიქნა. არც ერთ ქვეყანაში მუშათა დაზღვევას ისეთი ფართო ნიადაგი არა აქვს მოპოვებული, როგორც იქ. აი სხვათა შორის რამდენიმე ცნობა მუშათა დაზღვევის შესახებ გერმანიაში*): ფულდის რომელიც გერმანიის მუშა ხალხმა მიიღო მეცხრამეტე საუკუნის უკანასკნელ 15 წლის განმავლობაში (1885 წლი-

* ეს ცნობები ამოღებულია ბელგიის მოხსენებიდან. რომლის შინაარსი მოყვანილია ახალ დაარსებულ რუსულ ჟურნალში „Прогрессивное хозяйство“, წ. 1, გვ. 75.

დან იწყება გერმანიაში ავადმყოფობისაგან დაზღვევა, 1885 წლიდან — უბედურ შემთხვევათაგან, და 1891 წლიდან — მოხუცებულობისა და შეუძლებლობისაგან — ИНВАЛИДНОСТЬ), როგორც პენსია და სხვადასხვაგვარი დახმარება, უდრის ოთხ მილიარდ მარკას, ანუ თითქმის ორ მილიარდ მანეთს. მეცხრამეტე საუკუნის დასასრულს იმ მუშების რიცხვი, რომელთაც სავალდებულო დაზღვევით უზრუნველყოფილი აქვთ პენსია მუშაობის დროს უბედურების გამო, ავიდა 19 მილიონამდე. გარდა ამისა, ნაწილი იმ ფულისა, რომელიც შეგროვილია სხვადასხვა დაწესებულებაში მუშების დასაზღვევად ეძლევა სესხათ ისეთ დაწესებულებათ, რომელთაც მიზნათ აქვთ მუშა ხალხის მდგომარეობის გაუმჯობესება, როგორც, მაგ., მუშათა სადგომების ასაგებათ, საავადმყოფოების, შემნახველ კასების, მომხმარებელ საზოგადოებათა დასაარსებლათ და სხვ. მაგრამ გერმანიაში შემოდებულ სავალდებულო დაზღვევის ყველაზე უფრო თვალსაჩინო შედეგი იმაში მდგომარეობს, რომ ამ დაზღვევამ შეამცირა უბედურ შემთხვევათა რიცხვი და აი რათა: ყოველი უბედური შემთხვევა, გარდა სხვა უსიამოვნობისა, მრეწველობის მხრით იწვევს ხარჯს, და ამიტომ იგი ამჯობინებს მის აცდენას, რისთვისაც ლეხულობს სხვადასხვა ზომებს. აი რას ამბობს ამის შესახებ პროფ. კონ. ჰარმანი: „წარმოების საშიშარ პირობების შესასწავლათ, იმათი მნიშვნელობის დასაფასებლათ და იმათ წინააღმდეგ ზომების მისაღებათ საჭირო შეიქნა ძლიერი ფაქტორი. ასეთი ფაქტორია უბედურ შემთხვევათაგან დაზღვევის კანონი, რომელიც გამოიცა გერმანიაში 1884—1887 წ.წ., რომლის ძალით, მუშა, რომელიც უბედურ შემთხვევამ დაასწავლა ისე, რომ მუშაობა აღარ შეუძლია, ლეხულობს ჯილდოს. ვინაიდან ამ უკანასკნელს იხდიან მრეწველები, ამიტომ ისინი ყოველ ღონისძიებას ხმარობენ, რომ რაც შეიძლება შეამცირონ უბედურ შემთხვევათა რიცხვი“). და წარმოიდგინეთ, რომ ის, რის მიღწევას სასტიკი პოლიციური ზომებით ამოათ ცდილობდნენ რამდენიმე ათი წლის განმავლობაში, სავალდებულო დაზღვევის მეოხებით მიღწეულ იქნა სულ მოკლე ხანში.

საჭიროა აქვე აღვნიშნოთ, რომ როცა მუშას უბედური შემთხვევა ისე ასწავლებს და ასუსტებს, რომ მას სრულებით აღარ შეუძლია მუშაობა, სავალდებულო დაზღვევის ძალით მას ეძლევა წლიური პენსია, რომელიც უდრის მის წლიურ სამუშაო ღირსს, თუ ეს უკანასკნელი არ

აღმეტება 280—300 მანეთს, უკანასკნელ შემთხვევაში ამ ქირის 75% მაგრამ არა უმცირეს 275 მანეთისა წელიწადში.

როგორც ვამბობდით, მუშების დაზღვევამ ჩქარა მოიკიდა ფეხი სხვადასხვა ქვეყნებში; ყველაზე უფრო გვიან მან რუსეთში შემოიყვანა ფეხი. აქ მუშების დაზღვევა იწყება მხოლოდ 1888 წლიდან. ფაბრიკანტები და მექარხნეები ჩქარა დარწმუნდნენ, რომ მათთვის ბევრათ უფრო უპრობესია წინდაწინ განსაზღვრული თანხის გადახდა მუშების საერთო დაზღვევისათვის რომელიმე კერძო დამზღვევ საზოგადოებაში. და მართლაც, სულ ათიოდე წლის განმავლობაში დაზღვეულ მუშათა რიცხვი საოცრათ გაიზარდა. 1888 წელს დამზღვეულ მუშათა რიცხვი მთელ რუსეთში უდრიდა 40,196 კაცს, 1898 წელს კი ეს რიცხვი ავიდა 684,766-ამდის. იმავე დროს დაზღვეული თანხა უდრიდა:

	სიკვდილის დროს	სრული დას. დროს
1888 წელს	28.151,555 მან.	29.738,655 მან.
1898	458.968,769	621.196,579
	დროებ. შეუძლ. დროს.	ს უ ლ
1888	4.003 მ.	57.894.213 მ.
1898	173,009 „	1.080.338,357

როგორც ხედავთ, ამ ათი წლის განმავლობაში მუშების დაზღვევის დიდი ნაბიჯი გადაუდგამს წინ. მაგრამ ნუ თუ თქვენ გგონიათ, რომ ამით შემსუბუქდა მშრომელი ხალხის მდგომარეობა? შემდეგი ფაქტი აშკარათ დაგვიანახებს ჩვენ საქმის ნამდვილ მდგომარეობას. იმავე ხნის განმავლობაში, ე. ი. 1888—1898 წწ. სხვადასხვა დამზღვევ საზოგადოებათ მიუთლიათ ჯილდოთ მუშების საერთო დაზღვევის 7,493,897 მან. და დაუბრუნებიათ ამ ფულიდან დასახიჩრებულ და დასნეულებულ მუშების დასაჯილდოებლათ მხოლოდ 3.614,061 მან.; 3,825,836 მან., ე. ი. ნახევარზე მეტი თვითონ ჩაუდგიათ ჯიბეში*). ერთი სიტყვით, იმ ფულის უდიდესი ნაწილი, რომელიც დაავადმყოფებულ და დასნეულებულ მუშების სასარგებლოთ უნდა წასულიყო, ისევ ხელში უვარდება დამზღვევ საზოგადოებას, რომელსაც მხოლოდ მოგება აქვს მხედველობაში. ამ მოგების უზრუნველყოფაზეა აგებული მისი წესდება, რომელშიც ათასგვა-

რი საშუალებათა დასახელებული, რომ უბედური შემთხვევის გამო დაზარალებულ მუშას ჯილდო არ მისცეს. ამ წესდების ძალით სრული პენსია, რომელიც ჩვენებურ მუშის წლიური მცირე შემოსავლის ერთ მესამედსაც ძლიერ შეადგენს, მაშინ ერკება მუშას, როცა მას არც ერთი ხელი და არც ერთი თგბი აღარ აქვს სრულებით (შემხმარი მხედველობაში არ მიიღება). აშკარაა, რომ ის საზოგადოება, რომელიც ასეთი წესდებით მოქმედებს, დაარსებულია არა გაუბედურებული მუშის სისარგებლოთ, არამედ თავისი ჯიბის გასასქელებლოთ. ამიტომ ამ უკანასკნელ ხანებში რუსეთში ზოგიერთ ადგილას მრეწველებმა სხვადასხვა გარემოებათა ზეგავლენით საქროთ დაინახეს მუშებისათვის თავისი საკუთარი საურთიერთო დაშლვევ საზოგადოებათა დაარსება, გერმანიის მაგალითის მიხედვით; ისეთ საზოგადოებათა, რომელნიც ბევრათ უფრო უზრუნველყოფენ დასახიჩრებულ და დასწყლებულ მუშებს. ასეთ საზოგადოებათა რიცხვი ჯერ-ჯერობით მცირეა, მაგრამ მოსალოდნელია, რომ იგი თანდათან იზარტებს. — ქიათურის მრეწველთა საბჭომ კი ამ ორი წლის წინეთ კერძო საზოგადოებაში დაზღვევის გარდა ვერაფერი გამოინახა *). მაშინ, როცა მისთვის აშკარა უნდა ყოფილიყო ასეთი დაზღვევის მღუშებისათვის სრული უსარგებლობა; ქვევით ჩვენ დაინახავთ, თუ რა მოგვიტანა ამ დაზღვევამ და თუ როგორ პირობებში ხდებოდა იგი.

III

განვიხილოთ ახლა ქიათურის შავი ქვის მადნებში მომუშავეთა დაზღვევის უმთავრესი პირობები, როგორც მოხსენებული გეკონდა, მრეწველთა საბჭო 1901 წლიდან ზღვევს შავი ქვის მუშებს კერძო საზოგადოებაში — „როსსია“. ეს დაზღვევა ამნაირად სწარმოებს: წლის დასაწყისში საბჭო ატყობინებს საზოგადოებას, თუ რამდენი მუშა იქნება მდგომარე წელს მადნებში და რა დღიური ქირა უნდა ეძლიოთ მუშებს. ამის კვალობაზე გამოითვლება მთელი სამუშაო ქირის რაოდენობა ერთი წლის განმავლობაში; ამ რაოდენობით განისაზღვრება იმ ჯილდოს რაოდენო-

* არ შეძლება ითქვას, რომ საბჭოს არ სტოღნოდეს ასეთი დაზღვევის გამოუდგრობა. ბ. ზუჟანოვი თავის მოხსენებაში ანტკიცებდა, რომ თუნცა საურთიერთო დაზღვევა ბერძნულ უმჯობესია კერძო საზოგადოებაში დაზღვევასთან შედარებით, მაგრამ ამისთვის ჩვენ ჯერ არა ერთ მომზაუბელი, და ამიტომ უკეთესია „Из двух зол выбрать меньшее“, ვ. ი. სულ და უხლოველობას კერძო საზოგადოებაში დაზღვევა ეამჯობნოთო (იხ. „Труды III с'езда, доклад И. Здановича“).

ბა, რომელსაც საზოგადოება ართმევს საბჭოს თავის თავზე რისკის მიღების გამო. აი ეს არის არსებითი მხარე მუშების კოლექტიური, საერთო დაზღვევისა კერძო საზოგადოებაში. მაგრამ ჩვენთვის ეს ისე საინტერესო არ არის, როგორც სხვა გარემოებანი, სახელდობრ აი რა: პირველი: რა საზღაურს იძლევა საზოგადოება, როცა მუშა უბედური შემთხვევასაგან სახიზრდება და სწეულდება, ასე რომ თავის შრომით ცხოვრება აღარ შეეძლება და ან სრულებით ენაღმება სიცოცხლეს, ე. ი. კვდება; რანაირად აჯილდოვებს იგი ამ შემთხვევაში, ერთი მხრით, დასახიზრებულ და დასწეულ მუშას და, მეორე მხრით, მოკლულ მუშის ქვრივ-ობლებს და ნათესაეებს. მეორე: რა და რა შემთხვევაში საზოგადოება თვლის თავის თავს ვალდებულათ უზღოს ნივთიერი ზარალი დაზღვეულ მუშას.

ეს გარემოებანი აღნიშნულია საზოგადოების მე-19 და მე-21 პარაგრაფში. პირველი იპათვანი, ე. ი. § 19 აი რას ამბობს: თუ დაზღვეული მუშა მოკვდა უბედურ შემთხვევის გამო; საზოგადოება აძლევს მთელს დაზღვეულ თანხას (1000 X დღიურ ქირაზე) მის ქვრივ და ობლებს; ანუ უკანასკნელნი 16 წლის ზედაელნი არ არიან; დაზღვეული თანხის ნახევარს — შობილებს, თუ ისინი გარდაცვლილ მუშის შრომით ცხოვრობდნენ; თუ ვინცობაა ასეთ პირს არავინ არა ყავს, იმ შემთხვევაში საზოგადოება ფარავს მხოლოდ იმ ხარჯს, რომელიც გამოიწვია გარდაცვალებული მუშის აქიმობაზე და დასაფლავებამ, მაგრამ არა უმეტეს 10⁰/₁₀₀ დაზღვეული თანხისა. თუ მუშა მუშაობის დროს უბედური შემთხვევისაგან დასახიზრდა, ისე, რომ ამას მოყვა საშუალო დაუძღვრება, ანუ ინვალიდათ გახდენა, ე. ი. როცა მუშას თავის შრომით აღარ შეეძლება თავის რჩენა სრულებით, ან მხოლოდ იმდენად დაუძღვრდა, რომ მას ნაკლებად შეუძლია მუშაობა, იმ შემთხვევაში საზოგადოება არჩევს დაუძღვრების (ИНВАЛИДНОСТЬ) სამ ხარისხს: 1) როცა მუშა დაუძღვრდება საშუალოთ და სრულიად, ასე რომ, მას არავითარი შრომა აღარ შეეძლება, საზოგადოება აძლევს მას წლიურ პენსიას სიკვდილამდის, რომელიც (პენსია) განისაზღვრება საზოგადოების ტარიფების მიხედვით; 2) ნახევრათ დაუძღვრების დროს მუშას ეძლევა იმის ნახევარი, რაც სრულად დაუძღვრების დროს; 3) მესამე ხარისხის დაუძღვრების დროს მუშას ეძლევა 10-25⁰/₁₀₀ იმისა, რაც პირველი ხარისხის დაუძღვრების დროს. ყველა დასახელებულ შემთხვევაში საზოგადოებას უფლება აქვს წლიური პენსიის მაგიერ მისცეს დაუძღვრებულ მუშას ერთდროული

შეწეობა. თუ ეინიკობაა რამდენიმე ხნის განმავლობაში მუშა მოლონი-
ე, და და შრომა შეიძლო, ამის კვალობაზე შეუმცირდება მას პენსიის
რაოდენობა და შესაძლებელია სრულებით შეეწყვიტოს მისი მიცემა. გა-
ვჩვენოთ ახლა, თუ რით ხელმძღვანელობს საზოგადოება დაუძლეურების ხარის-
ხის გამოსაცნობად, საზოგადოების წესდების იგივე მე-13 პარაგრაფი დაუძ-
ლეურების ხარისხის გამოსაცნობათ შემდეგ საზომს იძლევა: პირველი ხარის-
ხის: ა) როცა მუშა დაკარგავს სრულებით მხედველობას, ორივე თვალებით
დაბრმავდება; ბ) როცა მას წაერთმევა ორივე ხელი, ან ორივე ფეხი;
გ) ან ერთ და იმავე დროს ერთი ფეხი და ერთი ხელი, და დ) როცა
მუშა სრულებით შეიშლება, გაგიჟდება. მეორე ხარისხის: ა) როცა მუ-
შა წაერთმევა ან ერთი ხელი და ან ერთი ფეხი; ბ) როცა დაბრმავდე-
ბა ნახევრათ, ე. ი. დააკლდება ერთ თვალს და გ) გაგიჟდება იმდენად,
რომ მუშაობა კიდევ შეეძლება რამდენიმეთ. მესამე ხარისხის: ყველა ისე-
თა შემთხვევები, როცა მუშა ცოტათი უძლეურდება.

აი ის კრიტერიუმი, რომლითაც საზოგადოება „როსსია“ ზომავს
კოლეგ უბედურ შემთხვევას; აი ის ნორმა, რომლის საშუალებით იგი
დაასესებს მუშის სიცოცხლეს და მის დაუძლეურებას. ყველა უბედურ შემ-
თხვევის დროს საზოგადოება მხოლოდ ამ ნორმას უყურებს და მკაცრად
აპირებს იმ ზარალის დაფასების დროს, რომელიც მუშას შემთხვევა
უბედური შემთხვევის გამო; იგი არ შედის არავითარ გარემოების გამო-
თქვაში: ვთქვათ, მაგ., რომ მუშას ორივე ფეხი ან ორივე ხელი არ წარ-
უგებია, ისინი მას აბია სხეულზე, მაგრამ ისინი შემხმარია ან მათი ხმა-
რითა შეუძლებელია სხვადასხვა შიზეზების გამო, თუ ტკივილის, თუ
სხვა რამის, ასე რომ, ეს შემთხვევა არსებითად უდრის იმას, როცა კაცს
სრულებით აღარ აქვს ეს ორგანოები; მაგრამ საზოგადოება სრულებით
არ შედის იმის გარჩევაში: რაკი ხელი ან ფეხი ისევ ტანზეა შერჩენი-
ლი, თუნდაც სრულიად გამოუღვგარი, იგი ამნაირ შემთხვევას მესამე ხა-
რისხის დაუძლეურებათ ჩათვლის; მეორე მხრით, ადვილი წარმოსადგენია,
რომ მუშას სრულებით არ ჰქონდეს მხედველობა დაკარგული, ან არ
იყოს შეშლილი და ხელები და ფეხებიც არ აკლდეს, მაგრამ ისე დაუ-
ძლეურებული იყვეს, რომ სრულებით არ შეეძლოს მუშაობა, საზოგადო-
ება ასეთ შემთხვევას არასოდეს პირველ ხარისხის დაუძლეურებათ არ ჩათ-
ვლის; დიდი იქნება კიდევ, თუ ასეთ შემთხვევაში მან მეორე ხარისხის
გაიღო გამოიღოს. ადვილი მისახვედრია, თუ რისთვის შემოფარგლა
მეორე საზოგადოებამ თავის მოქმედებათა წრე; რაც შეიძლება ნაკლებ შემ-

თხვევაში გამოიღოს პირველი ხარისხის საზღაური, ე. ი. რაც შეიძლება მეტი მოიგოს დასახიჩრებულ და დაუძღურებულ მუშის ანგარიშიდან. გარდა ამისა, როგორც ვიცით, ქუთაზე შეშლა საზოგადოების წესდებით მიჩნეულია ისეთ შემთხვევათ, როცა საზოგადოება აძლევს ამ სენით დაუძღურებულ მუშას ან პირველი ან მეორე ხარისხის საზღაურს; მაგრამ იმავე დროს საზოგადოების წესდების მეოცდაერთე პარაგრაფის ძალით ქუთაზე შეშლა ჩათვლილია იმ შემთხვევათა რიცხვში, როცა საზოგადოება სრულებით განთავისუფლებულია უზღოს დაუძღურებულ პირს რაიმე ნივთიერი ზარალი. მართალია ხსენებულ (§ 21) პარაგრაფში ჩამოთვლილი იყო ავადმყოფობანი, რომლებიც არ არიან გამოწვეული უბედურ შემთხვევის გამო, მაგრამ როცა სრულებით იშვიათი არ არის ისეთი ადვოკატი, რომელსაც სასამართლოს წინაშე არ შერცხვა ეთქვა, რომ მუშისთვის ფეხები სრულებით საჭირო არ არისო, ოღონდ ამით კი დაეცა კერძო საზოგადოების ინტერესი *). ნუ თუ უფრო ადვილი არ არის იმის დამტკიცება, რომ ქუთაზე შეშლას უბედურ შემთხვევასთან არაფერი საერთო არ აქვსო. გასაკვირალი აქ კიდევ ის არის, რომ ამ შემთხვევაში საზოგადოების წესდება ეწინააღმდეგება მთავრობის პირდაპირ განკარგულებას. ფინანსთა სამინისტროს განკარგულებით (7 ივნისიდან 1895 წელს) იქ, სადაც საზოგადოების § 19-ში ქუთაზე შეშლაა დასახელებული, უნდა იყოს განუყოფრნებელი ხენი (неизлечимый недуг), რაც ერთი და იგივე სრულებით არ არის. ხსენებულ განკარგულებას არ ეთანხმება არც საზოგადოების მიერ მიღებული უბედურ შემთხვევათა შედეგების სამკატეგორიოთ, ანუ სამ ხარისხათ დაყოფა. მაგ., სამინისტროს განკარგულებაში მიღებულია მხოლოდ ორი ხარისხი დაუძღურებისა. როცა დამზღვევი საზოგადოება მოგების გულისთვის თავის წესდებაში ორ ერთი მეორის საწინააღმდეგო მუხლს ათავსებს, ეს კიდევ გასაგებია, მაგრამ საგულისხმო ის არის, რომ იმავე მიზნის მისაღწევად იგი ეწინააღმდეგება მთავრობის პირდაპირ განკარგულებას და მთავრობა კი მას პასუხს არ სთხოვს.

შეიძლება ვინმემ იფიქროს, რომ მართალია კერძო დამზღვევი საზოგადოება, როგორც არის საზ. „როსსია“, მეტად ავიწროებს თავის მოქმედების ფარგალს იმ მიზნით, რომ რაც შეიძლება ნაკლებ შემთხვევაში გამოიღოს საზღაური დასახიჩრებულ ან მოკლულ მუშის დასაკმა-

*) იხ. გაზ. „С.-Пет. Ведомости“, 1903., № 50. О страховании рабочих, Н. Самойлов.

კულტურაში, მაგრამ სამაგიეროთ როცა იძლევა, ყოველ შემთხვევაში, საკმაოდ საზღაურს იძლევაო. სამწუხაროთ, ეს ასე როდია. აქ კიდევ უფრო აშკარა ხდება კერძო საზოგადოების გაუმძღვრობა იმავე გაუბედურებული მუშის ანგარიშზე, აქ კიდევ უფრო დალატობს კერძო საზოგადოება მუშის ინტერესებს და იცავს მხოლოდ თავის ჯიბეს. უწინარეს ყოვლისა მოწიფული ცოლშვილიანი მუშის სიცოცხლეს, რომელიც დღეებულობს დღეში, ვთქვათ, ერთ მანეთს, საზოგადოება აფასებს 100 მანეთად? არც მეტი არც ნაკლები. არა გვეონია, რომ სადმე ასე იქნებოდა აფასებდნენ ადამიანის სიცოცხლეს; რასაკვირველია, ჩვენ ამ შემთხვევაში კულტურული ქვეყნები გვყავს მხედველობაში. მაგრამ თქვენ უნდა იცოდეთ, რომ დამზღვევი საზოგადოებისათვის მხოლოდ მოგებას აქვს მნიშვნელობა, და არა ადამიანის სიცოცხლეს,—ეს უკანასკნელი ჯობილით დარაღია გამდიდრების. ამნაირათ, თუ ვინიცობა უბედურმა შემთხვევაში მუშა იმსხვერპლა, საზოგადოება მის ქვრივობლებს და ნათესავებს აძლევს ერთდროულათ დახმარებას და არა წლიურ პენსიას, როგორც ეს მიღებულია იქ, სადაც გაუბედურებული მუშის ინტერესი აქვთ მხედველობაში და არა კერძო კაპიტალისტების გამდიდრება. რაც შეეხება მუშის დაკმაყოფილებას დაუძლეურების დროს, ამ მხრით კიდევ უფარვანათ არის მოწყობილი საქმე. მართალია, საზოგადოების წესდებით დაუძლეურების დროს მუშას ეძლევა წლიური პენსია სიკვდილამდის, მაგრამ ეს ისე იშვიათია, რომ, ვგონებთ, ათასში ერთხელაც არ ხდება ქვრივობის მოწვევაში ჯერ ასეთი შემთხვევა არა დროს არ ყოფილა, რაც მხოლოდ თვით პენსიის სიმცირით აჩხსნება. რომ ამ პენსიის სიუბედურობე ვიქონიოთ სწორი წარმოდგენა, ავიღოთ ისეთი შემთხვევა, როცა მუშა სრულებითა უძლეური ხდება ყოველგვარი მუშაობისთვის; როცა ზვი ან უხელ-უფეხით არის დარჩენილი, ან დაბრმავდა და ან კჭუაზე შეიშალა; ამ შემთხვევაში, როგორც ვიცით, საზოგადოება უნიშნავს დაუძლეურებულ მუშას წლიურ პენსიას, რომელიც საზოგადოების ტარიფით უნდა განისაზღვროს იმის კვალობაზე, თუ რა თანხა დაზღვეულია და რამდენი წლის იყო მუშა. როცა უბედურება შეეშობება. მაგ., 30 წლის მუშას, რომლის დღიური ჯირა უდრიდა ერთ მანეთს და რომელიც უბედურ შემთხვევის გამო ისე დაუძლეურდა, რომ სრულებით მუშაობა აღარ შეუძლია, წლიურად დაენიშნება 55—60 მანეთი. და ამას უნდადებენ უბედურ შემთხვევისაგან დაზღვევას! თუ ასეთია დასახიზრებული მუშის პენსია მაშინ, როცა მას სრულებით აღარ შეუძლია მუ-

შაობა, თქვენ წარმოიდგინეთ, როგორი იქნება იგი მაშინ, როცა მუშას, საზოგადოების გადაწყვეტილებით, კიდევ შეუძლია რამდენიმეთ იშრომოს; ჩვენ ვაშობობთ საზოგადოების გადაწყვეტილებით იმიტომ, რომ ხშირათ მუშას სრულებით აღარ შეუძლია მუშაობა, მაგრამ საზოგადოების შეხედულებით ის მხოლოდ ნახევრათ ან შესამედათ არის უძლური მუშაობისათვის. ჩვენ ქვევით დავასახელებთ ნამდვილ მაგალითებს ქიათურის მადნების დაზღვევის პრაქტიკიდან, თუ როგორ აჯილდოებდა ორი წლის განმავლობაში იმათ დამზღვევი საზოგადოება „როსსია“. ახლა კი განვიხილოთ ხსენებული საზოგადოების მე-12 პარაგრაფი; რომელიც კიდევ უფრო აშკარათ ყოფს მის მიზანს და მის მისწრაფებას, დასახელებულ პარაგრაფში ჩამოთვლილია ის ავადმყოფობანი და ის შემთხვევები, როცა საზოგადოება ყოველგვარ პასუხისმგებლობას იშორებს თავიდან.

აი მისი შინაარსი: საზოგადოება არაერთარ ჯილდოს არ იძლევა:

ა) ყველა იმგვარი ავადმყოფობის დროს, რომელიც უბედური შემთხვევით არ არის გამოწვეული და რომელსაც ეკუთვნის დაშლა, ბნელა, ქკუაზე შეშლა, წვეთი, ქირურგიული ოპერაცია, ტრავი და ყოველგვარი სნეულებანი, რომლებიც კი სიმძიმის აღებით არის გამღწვეული; ბ) უბედური შემთხვევები, რომლებიც გამოწვეულია მიწის-ძვრის, ომიანობის, ხალხის აჯანყების, არეულობის გამო ან დაზღვეულის ბოროტი განზრახვით, ჩხუბის ან თავის მოკვლით; და გ) ისეთი უბედურება, რომელიც მოხდება იმ დროს, როცა დაზღვეული პირი არ ასრულებს თავის სამსახურს, იმ სამსახურს, რომელიც პირობაშია მოხსენებული.

როგორც ხედავთ ეს პარაგრაფი კიდევ უფრო მეტათ საქარგებლობა საზოგადოებისათვის თავისი კერძო ინტერესების დასაცავათ, ვიდრე მე-19 პარაგრაფი. იგი უფლებას აძლევს საზოგადოებას, საითაც სურს აქიხა გადალუნოს თავის წესება, როგორც სურს ისე შეავიწროვოს ან გააფართოვოს თავისი მოქმედების ფარგალი. მე-21 მუხლი მას უფლებას აძლევს გროშიც არ გამოიღოს იმ მუშის სასარგებლოთ, რომელიც უბედურ შემთხვევის გამო დაუძლურდა. თქვენ აქ აშკარად ხედავთ, თუ რა ფართო სარბიელი ეძლევა საზოგადოების ვეკილს მოიხმაროს თავისი მახვილი ენა იმის დასამტკიცებლათ, რომ ესა თუ ის ავადმყოფობა სრულებით უბედური შემთხვევით არ არის გამოწვეული, რომ ეს ან თითონ მუშის ბრალია და ან გამოწვეულია ბუნების მოვლენით. გარდა იმისა, რომ ხსენებული საზოგადოება უმრავლეს შემთხვევაში თავიდან იშორებს

ყოველგვარ პასუხისმგებლობას დასახიჩრებულ მუშის წინაშე, იგი ამას არ ჯერდება და პირდაპირ ამბობს, რომ თუ უბედური შემთხვევა მოხდა იმ წუთში, როცა მუშა არ ასრულებდა თავის პირდაპირ მოვალეობას, იგი ამ შემთხვევაშიაც ყოველგვარი პასუხისმგებლობიდან თავისუფალი არისო. ჩვენ ვიცით, რომ ამ უკანასკნელ საშუალებით მეტათ ხშირათ სარგებლობს დამზღვევი საზოგადოება, როცა უნდა ყოველგვარი პასუხისმგებლობა თავიდან მოიშოროს. და ამის სურვილი კი, როგორც ვიცით, მას ყოველთვის აქვს.

ამნაირათ კერძო საზოგადოება „როსსია“, ეგრეთ წოდებულ კოლ-ლექტიურ დაზღვევაში ყოველგვარ უფლებას იტოვებს თავისთვის, ე. ი. იმის მიზანია რაც შეიძლება მეტი მოვიგო და იმავე დროს რაც შეიძლება ნაკლები მივსცე მუშას იქიდან, რასაც იგი მუქათათ ლებულობს. ამ მიზნის განსახორციელებლად არის შედგენილი მისი წესდება. სიმართლე მოითხოვს ვთქვათ, რომ ეს წესდება მოხერხებულათ არის შედგენილი, რომ ჩვენ კიდევაც უნდა გვიკვირდეს, როცა ორიოდ გროშს გადმოუგდებენ გაუბედურებულ მუშას ან მის ობლათ დარჩენილ წვრილ-შვილებს საზოგადოების მდიდარი კასიდან! აქ გასაკვირალი არაფერია. დამზღვევი საზოგადოება წმინდა კომერციული დაწესებულებაა, რომლის ერთადერთი მიზანი მოგებაა და არა მრეწველობის მიერ დასწელებული და დასახიჩრებული მუშების დახმარება. დღეს ეს აღარავისთვის (რასაკვირველია, გარდა „ცნობილი ქართველი მოღვაწის“ ბ. ზდანოვიჩისა!) საიდუმლოება არ არის. ვინც მუშების დაზღვევის საქმეს ცოტათი იცნობს, იმისთვის აშკარაა, რომ კერძო საზოგადოებაში დაზღვევას ყველაზე ნაკლები სარგებლობა თვით მუშებისათვის აქვს. ამაში ჩქარა დარწმუნდენ როგორც მწერლობის საუკეთესო წარმომადგენელნი, ისე თვით მრეწველები; ამაშივე იძულებული შეიქნა დარწმუნებულიყო ამ ბოლო ხანებში თვით მთავრობაც. ამას მოწმობს ის გარემოება, რომ სხვადასხვა დარგის მრეწველები უკვე დიდი ხანია შეუდგენ საურთიერთო საზოგადოებათა დახმარებას თავიანთ მუშების დასაზღვევათ უბედურ შემთხვევათაგან დაზოგმა კიდევაც დააარსა, ზოგიც ახლა ემზადება და შეუამდგომლობა აქვთ ღობრული. მაგრამ კერძო საზოგადოებაში მუშების უბედურ შემთხვევათაგან დაზღვევის მოტრფილად და იმავე დროს ხსენებულ საზოგადოებათა ერთდროული და შეუპოვარი დამცველი გამოჩნდა ჩვენში. ეს გახლავთ ბ. გ. ზდანოვიჩი. მაგრამ ჰოი საკვირველებავ! ეს ვაჟბატონი ამ სპი წლის წინათ, კიათუჩრის მრეწველთა მესამე ყრილობაზე, 1900 წელს,

თვითონ იყო წინააღმდეგი კერძო საზოგადოებაში მუშების დაზღვევისა, არ ვიცით ამ სამი წლის განმავლობაში რა ცვლილება მოხდა. ის კი ცხადია, რომ კერძო საზოგადოებაში დაზღვევის უვარგისობა ამ ხნის განმავლობაში ყველასათვის კიდევ უფრო აშკარა შეიქნა. მაგრამ შეიძლება ქიათურის მადნების მუშების დაზღვევამ დაარწმუნა ბ. ზდანოვიჩი კერძო საზოგადოებათა უპირატესობაში? შემდეგ წერილში გავიგებთ, თუ რა სარგებლობა მოუტანა ქიათურის მუშებს ამ დაზღვევამ.

„კვალი“ № 50—1902 წ. № 2
და 16—1905 წ. მ. მარილაძეს
ფსევდონიმით.

შავი ჰვის გრეშვალთა V ყრილობა კუთხისში.

წერილი ბირველი.

მკითხველებმა უკვე იციან, რომ ამა თვის 7 ქ. ქუთაისში, 'სამი-წათმოქმედო და სახელმწიფო ქონებათა მინისტრის ნებართვით გაიხსნა ქიათურის შავი ჰვის მრეწველთა მეხუთე ყრილობა, რომელიც, მოსალოდნელია, გასტანს ორ კვირამდის. ჩვენ განვიზრახეთ ვადვენათ მას თვალყური და შეძლებისამებრ გავაცნოთ იგი ჩვენს მკითხველს.

თქმა არ უნდა, რომ ისეთი ყრილობა, როგორც დღევანდელია, ჩვენს ცხოვრებაში სრულიად ახალი მოვლენაა და ეს საუკეთესო დამასაბუთებელია მთელი ჩვენი თანამედროვე საზოგადოებრივი ცხოვრების მიმდინარეობისა, მაგრამ ეს დღეს ჩვენ არ გვაინტერესებს. ამ ეპოქაში მთელი ჩვენი ინტერესი მიჰყრობილია თვით ყრილობაზე, — თუ რისთვის არის იგი მოწვეული და რა უნდა გააკეთოს მან.

ისეთნაირი ყრილობა, როგორც დღევანდელია, ორ-სამ წელიწადში მხოლოდ ერთხელ ხდება, დღემდის ეს მაინც ასე იყო*). მესამე ყრილობა მოხდა ზაფხულში 1900 წელს, ე. ი. თითქმის 2¹/₂ წლის წინად. ყრილობიდან ყრილობამდის მრეწველთა ყრილობა (С'езд) ირჩევს საკუთარ მუდმივ აღმასრულებელ ორგანოს — საბჭოს, რომელსაც წინამძღვრობს საბჭოს თავმჯდომარე. საბჭოს მოვალეობაა მოიყვანოს სისრულეში ყრილობის მინდობილებანი, უწინამძღვროს და აწარმოვოს მრეწველთა საერთო საქმეები და დაიცვას მათი ინტერესები, რაც კერძო პირთათვის შეუძლებელია, ან მოუხერხებელი. უნდა იცოდეთ, რომ მრეწველთა და მის საბჭოს დიდი უფლება აქვს მინიჭებული დღევანდელ სახელმწიფო წესწყობილებაში, მას აქვს შედარებით ძლიერ ფართო სარბიელი თვითმართველობის ასპარეზზე, აშკარაა, — თუ რა ინტერესით და გულმოდგინებით უნდა უყურებდნენ მრეწველები თავის ყრილობას და

*) გასულ წელს მარტში მომხდარი ყრილობა იყო არაჩვეულებრივი, მას სრულებით განსაკუთრებული ხასიათი ჰქონდა და ამიტომ იგი სათვალავში არ მიიღება.

საბჭოს, თუ როგორ უნდა აფასებდნენ იმათ. გაერცხლებულია საზოგადოების და პრესის ერთ ნაწილში ის აზრი, რომ ჩვენ, ჭარბელებს, ჯერ კიდევ არ მიგვიღწევია განვითარების იმ საფეხურამდე, როცა შეიძლება დამოუკიდებლად წარმოება თავისი საკუთარი საქმეებისა, ე. ი., უფრო მარტივად რომ ვთქვათ, ჩვენ ჯერ ვერ შევიფერებთ თვითმართველობას. პირადათ მე ასეთი აზრი დიდ შეცდომათ მიმანია, როცა ამის მოქმედის არაერთი ბოროტი განზრახვა არ აქვს მხედველობაში. და თუ შავი ქვის მრეწველთა ყრილობა ვერ გამოიჩინეს საკმარის უნარს და შესაფერ მოქმედებას თვითმართველობის ასპარეზზე, ეს მხოლოდ ადგილობრივ მრეწველთა კლასის უსუსურობას და მოუშხადებლობას დაამტკიცებს და მეტს არაფერს. დღეს კი მრეწველთა მთელი ყურადღება უნდა იყოს მიქცეული მესამე ყრილობის მიერ არჩეულ საბჭოს მოქმედებაზე, ამიტომ სანამ ჩვენ დღევანდელ ყრილობაზე და მის დახასიათებაზე გადავიდოდეთ, საჭიროა რამდენიმეთ შევჩერდეთ მომავლად საბჭოს დახასიათებაზე.

არავისთვის საიდუმლო არ არის, რომ ეს რამდენიმე ხანია ჩვენს საზოგადოებაში და შურნალ-გაზეთებში გაისმის ქიათურის მრეწველთა საბჭოს მიმართ საყვედური, მისი უმოქმედობის და უზრუნველობის ამბავი. ჩვენ ეს არ გვეჯეროდა, ყოველ შემთხვევაში, გაზვიადებულად ვთვლიდით და ვერ წარმოგვედგინა, რომ ეს სანაქებო საბჭო ამ ზომამდე დაუდევარი და უნიკო იყო, ის საბჭო, რომელსაც მოთავეთ ყავს ოდესმე სიმართლისათვის თავდადებული მოსარჩლე და ერთ დროს ნიკიერ პუბლიცისტათ აღიარებული პირი. სამწუხაროდ, დღეს ჩვენ უნდა დავიჯეროთ არა თუ ის, რასაც კანტი-კუნტათ წინად ამბობდნენ, არამედ მრავალი ისეთი რამეებიც, რაც წინად აინუნშიაც არავის მოუვიდოდა. თვით საბჭოს მოქმედების „ანგარიში“, რომელიც მან ამ დღეებში გამოსცა და სარევიზიო კომისიის მოხსენება, აშკარად ყოფენ დღევანდელ საბჭოს სრულ ზნობრივ და გონებრივ სიკოტრეს, მის სრულ შეფერებლობას და შესაბამობას ქიათურის შავი ქვის მრეწველობის საერთო საქმეების მოწყობასა და წინამძღვრობაში. ჩვენ ვეცდებით ამ წერილებში გავარჩიოთ და დავაფასოთ დღევანდელი, მესამე ყრილობაზე ამორჩეული საბჭოს მოქმედება რაც შეიძლება სავსებით და ვრცლად. აქ, პირველ წერილში, მხოლოდ აღვნიშნავ დღევანდელ საბჭოს მოქმედების დახასიათებლად რამდენიმე გარემოებას. ამ შემთხვევაში ჩვენთვის გზის მაჩვენებლად იქნება სარევიზიო კომისიის მოხსენება, რომლიდანაც ჩვენ დავასახელებთ მხოლოდ რამდენიმე მთავარ ფაქტებს.

1. საბჭოს შესავალ-გასავლის საქმე ისე ჰქონებია მოწყობილი, რომ იქ რაიკეს გაგება თითქმის შეუძლებელია. ერთად ერთი კასის წიგნი გავსებულია ჩანაწერთ და წაშლილი ადგილებით, ასე რომ იმაზე დამყარება და იმის მიღება ყოვლად შეუძლებელია. ასეთ დაუდევრობას, თუ ამას ნაშლოდ დაუდევრობათ ჩავთვლით, საბჭო ხსნის მით, რომ ქუთაისში ბუჰგალტერი ვერ ვიშოვეთო; და გაუწევია კიდევაც ეკონომია: ბუჰგალტრისათვის გადადებული ფული არ დაუხარჯავს სრულად, ასე რომ, ზორჩენია 1,900 მანეთი.

2. ხარჯთაღრიცხვაში სისწორით არც ერთი სტატია არ არის შესწორებული; რევიზიამ აღმოაჩინა შემდეგი: საბჭოს დაუხარჯავს ნაკლები:

მუღმივ ხარჯებიდან	111,856 მ. 12 კ.
ერთდროული .	126,396 მ. 30 კ.

დაუხარჯავს მეტი, ვიდრე ხარჯთ-აღრიცხვაში იყო:

მუღმივ ხარჯებიდან.	4,513 მ. 40 კ.
ერთდროული .	59,666 მ. 43 კ.

ამნაირათ, როგორც ხედავთ, საბჭოს 174,074 მან. და 60 კაპ. ეკონომია გაუწევია, რაც მხოლოდ იმას ამტკიცებს, რომ იგი ყოვლად შეუსაბამო და უნიჭო ყოფილა მინდობილ საქმეებში. როცა ყრილობა თავის საბჭოს ფულის დახარჯვას ანდობდა, ეს იმიტომ კი არა, რომ ზას მეტი ჰქონდა, ან და იმიტომ, რომ მას დახარჯვა ყვარებოდეს. არა. იმიტომ, რომ ფულის დახარჯვით საქმე გაკეთებულიყო, სხვადასხვა აუცილებელი საკიროებანი დაეკმაყოფილებიათ. და თუ ეს ვერ მოახერხა საბჭომ, ეს მხოლოდ მის უნიჭობას უნდა მიეწეროს. ამას ჩვენ დაგვანახვებს იგივე სარევიზიო კომისიის მოხსენება, რომლიდანაც ვტყობილობთ, რომ საბჭოს ეკონომია გაუწევია უმთავრესად ქიათურის საავადმყოფოს ხარჯზე, გზების და ხიდების შეკეთებაზე და უმთავრესად იმაზე, რომ საბჭოს ვერ შეუყიდა ის მიწები, რომლების ყიდვა მისთვის ყრილობას მიუზღვია. იმავე დროს კი ქიათურის საავადმყოფო მეტად სამწუხარო მდგომარეობაშია: იგი გავსებულია ავადმყოფებით, სადაც გადამდებ სენით ავადმყოფები თათქმის ერთად არიან არეული სხვა ავადმყოფებთან, თუმცა სხვადასხვა ოთახში, მაგრამ ისე კი, რომ გადამდებ სენის გავრცელებას არაფერი არ უშლის ხელს. საავადმყოფოს არა აქვს არც ვანა, და არც ფეხის ადგილი თვით სადგომში, ასე რომ ავადმყოფი წვიმაში, თოვლში და ყინვაში იძულებულია ცივ ჰაერზე ირბინოს.

მოსიარულე ავადმყოფის მისაღები ოთახი, აფთიაქი, ფერშლოების საცხოვრებელი ბინა მოთავსებულია სრულებით დანგრეულ შენობაში. ავადმყოფებს ვინ იცის რას აძლევენ საქმელათ და იმავე დროს კი საბჭო ავადმყოფების ხარჯზე 15,340 მანეთს ეკონომიას ეწევა. სახელი და დიდება ასეთ საბჭოს! მაგრამ ისიც კი უნდა ითქვას, რომ ამ საავადმყოფოს ანგარიში ღმერთმა დაიფაროს: ეს ანგარიში თურმე ექიმის ჯამებია, რომელსაც, გარდა იმისა, რომ ნახევარჯერ კიათურაში არ არის, ანგარიშის არაფერი გაეგება. არ არის არაერთარი წერილობითი საბუთი, თუ სანოვაგე ან სხვა ნივთი როგორ არის წაყიდი, და მოდი ასეთ დაწესებულება, რევიზია გაუკეთე! ყველაფრით შემკულ კიათურის საავადმყოფოს ექიმიც თავისებური და მეტად ახირებული პუოლია: იმას თავისი წესი შემოუღია: თუ ერთ დღეს მივიდა საავადმყოფოში, უეჭველათ უნდა იცოდეთ, რომ ორ დღეს მაინც მას აღარ მიეკარება, თუ გინდ ამით ვინმე სიცოცხლესაც გამოესაღმოს და ასეთ ექიმს საბჭო აძლევს თვეში 200 მანეთს, გარდა საჩუქრებისა და შემწეობისა!

შედარებით დიდი ეკონომია გაუკეთებია ყველაფერში „ნაქებ“ საბჭოს სტიპენდიებზედაც. 1900 წლის ყრილობის გადაწყვეტილებით ამ 2 $\frac{1}{2}$ წლის განმავლობაში საბჭოს უნდა დაუხარჯა, ე. ი. გაეცა სტიპენდიებათ 5,440 მანეთი. დაუხარჯავს კი მხოლოდ 2,560 მანეთი. აქედან სამ მოსწავლეს მიუღია სულ 960 მანეთი და ერთს 1600 მანეთი! როგორ მოგწონთ ასეთი განაწილება! ნუ თუ სამი მოსწავლე ერთ მოსწავლეთ მაინც არ ღირდა, აღბათ, იკითხავს გულუბრყველი მკითხველი! ეს საბჭოს ჰკითხეთ. ამნაირათ საბჭოს დაუზოგავს 2,880 მანეთი ღარიბ მოსწავლეთა ფულიდან! იმავე დროს საბჭო თავის „ანგარიშში“ სწერს: „იმ პირთა რიცხვი, რომელთაც მოისურვებს სხვადასხვა სამთო სასწავლებელში შესვლა მრეწველთა კრების სტიპენდიატებათ, მრავალი აღმოჩნდა“ (გვ. 5), — რაც მოსალოდნელიც უნდა ყოფილიყო. მაშ, ბარაქალა მის ბიჭობას, ბარაქალა მის გულშემატკივრობას! ჩვენი ყმაწვილთაობის აღზდაში მას დაუზოგავს და ვერ გაუმეტებია ის მცირე ფულილი, რაც ამ საქმისთვის ყრილობამ გადასდო.

სამაგიეროდ უნდა იცოდეთ, რომ საბჭოს წევრებს არ დაუფიწყიათ თავისი თავი: თავმჯდომარის შოადგილისთვის იმავე საბჭოს მიუცია მეტი, ე. ი. მეტი, რაც ხარჯთ-აღრიცხვაში იყო ნაჩვენები 1651 მ. 81 კ. და წევრებისათვის 1300 მან., ანუ სულ 2951 მან. 81 კაპ. ე. ი. ის ფული, რომელიც კრების გადაწყვეტილებით ღარიბ მოსწავლეების აღზ-

დას უნდა მოხმარებოდა, საბჭოს იმდენი მოუხერხებია, რომ თვითონ ჩაუღვია ჯიბეში.

მ. საბჭოს მოვალეობას შეადგენდა აგრეთვე გზების გაკეთება და შეკეთება, რომლებიც ისეთ მდგომარეობაშია დღეს, რომ იმაზე სიარული მხოლოდ კისრის მოტეხას უქადის ადაჰიანს, გაუვალს ტალახს რომ თავი დაეანებოთ, მაგრამ აქ ვწყვეტ საბჭოს მოქმედებაზე ლაპარაკს. ასეთ გარემოებას, საბჭოს ასეთ საქციელს უეკველია უნდა გამოეწვია საზოგადოებაში დიდი უკმაყოფილება და დრტვინვა. ეს ასეც მოხდა. ჩვენთვის გაუგებარია მხოლოდ ის ტაქტიკა და ის ქცევა; რომელსაც დაადგა განსაკუთრებით ამ ბოლო ხანებში ამ საბჭოს ერთად ერთი ხელმძღვანელი, ანუ მისი თავმჯდომარე ბ. ზდანოვიჩი. ეს ვაებატონი, რომელიც ერთ დროს კაცობრიობის დაჩაგრულ ნაწილს მოსარჩლეობდა და სიმართლის დროშის ქვეშ იბრძოდა, დღეს თავადებულ, აულაგმავ უტიფრობის გზას დასდგამია, მის დროშაზედ ამიერიდან აწერია: შორს, მოქალაქობრივო გრძნობაჲ! პიროვნების პატივისცემაჲ! პირიქით, გაუმარჯოს ლანძღვას, პიროვნების დამცირებას და გათელვას! ან მე და ან „ქვა ქვაზედაც ნუ ყოფილაო!“ ყოველივე რაც წინ ეღობება მის ეგოისტურ მიზანს, იგი დევნის, სრესს და თელავს შეუბრალებლად. იგი მსჯელობს ამ ნაირათ: მას შეუძლია ჩიდიინოს რაც სურს, შელახოს ვისი ინტერესიც უნდა იყოს და ამისათვის მას პასუხის გებას ვერაფერ მოთხოვს. პირველი ორი სხდომა ჩვენ გვიმოტიციებს, რომ ბ. ზდანოვიჩს თვის დასაცველად აღარაფერი აღარ აქვს, გარდა გაბედული ურცხვობისა და თავდაუპერელ ლანძღვა-გინებისა; მას აღბათ სურს ამ გზით გამოიწვიოს ყრილობაზე უწესობა, ყრილობა დაახურენოს და შემდეგ ძველებურათ იპარპაშოს. მაგრამ ჩვენ დარწმუნებული ვართ, დღევანდელი ყრილობა უფრო შეგნებით მოეკიდება თავის ინტერესებს. და მახეში არ გაებმება.

წერილი მეორე.

ყოველდღიურ გაზეთების ანგარიშებიდან თქვენ უკვე გეცოდინებათ, თუ რა ზომამდის გამწვავდა შავი ქვის მრეწველთა მეხუთე ყრილობის სხდომები. უშვერ ლანძღვა-გინებას დღევანდელი საბჭოს მომხრეების მხრით და პირად კინკლაობას საზღვარი აღარ აქვს. მაგრამ საჭიროა დაესწროთ თვით ყრილობაზე, რომ შენიშნათ ის დასავმობი საქციელი,

რომელსაც დასდგომია ერთი მხრით დღევანდელი ყრილობის უმრავლესობა და მეორეთი საბჭოს თავმჯდომარე. ეს უმრავლესობა, რომელსაც ბ. ზღანოვიჩის ბრძანებით წინამძღვრობენ პირადი ანგარიშებით გატაცებული ვაჟბატონები, ვერ გრძნობს, თუ რა საშარცხენო იარაღათაა იგი გადაქცეული იმათ ხელში. უმრავლესობა აყოლია სხვის ფეხის ხმას და სრულებით არ სურს მოისმინოს მართალი სიტყვა, რომელსაც მას ზოგიერთები ეუბნებიან. იგი სიხარულით და ტაშის ცემით ვეგებება ყველა იმ განცხადებებს, რომლებსი ერთადერთი მიზანი სიმართლის დაფარვა და გადაფუჩიჩებაა. ასეთმა გარემოებამ არ შეიძლება არ მოახდინოს მეტად სამწუხარო შთაბეჭდილება გარეშე მაყურებელზე. მე უკვე რამდენიმე სხდომას დავესწარი და არ შემიძლია არ გამოვთქვა კერძოთ ჩემი მწუხარება არა მარტო ამ უმრავლესობის შეუღნებლობის და ნებსითი თუ უნებლიეთ დაბრმავების გამო, არამედ იმიტომაც, რომ ყრილობის თავმჯდომარეც, რომელიც პირუთენელი ხელმძღვანელი უნდა იყოს კრების, უმრავლესობას ესარჩლება და მისი მონა-მორჩილი გამოდის. ეკვი არ არის, რომ თუ უმრავლესობამ არ შესცვალა თავისი ტაქტიკა, იგი მხოლოდ თავის თავს უღალატებს; მისი ინტერესები მოითხოვდა, რომ სიმართლის გაგება არ დაბრკოლებულიყო და იგი მოესმინათ, თუნდაც ეს სიმართლე ზოგიერთებისათვის არა სასიამოვნო და მწუვავე ყოფილიყო. მაგრამ, როგორც სჩანს, ეს აღარ ხერხდება, დღევანდელი ყრილობისათვის ეს შეუძლებელი გამხდარა. აშკარაა მხოლოდ ის, რომ ასეთი გარემოება დაჩაგრავს არა მარტო კერძო მრეწველთა ინტერესებს, არამედ იგი შეათერხებს მთელი ქიათურის შავი ქვის მრეწველობის საქმეს. ამ შენიშვნის შემდეგ გადავიდეთ დღევანდელი საბჭოს მოქმედების განხილვაზე.

წინა წერილში საბჭოს მოქმედების ზოგიერთ მხარეების დასახასიათებლად ჩვენ ვიხელმძღვანელებთ სარევიზიო კომისიის მოხსენებით. სამწუხაროდ უნდა აღვნიშნო, რომ ეს მოხსენება თუმცა საკმარისად ვრცელია და იმავე დროს მრავალ შემადარწუნებელ და აღმშფოთებელ ფაქტებს შეიცავს საბჭოს მოღვაწეობის დასახასიათებლად, მაგრამ უნდა გამოვტყდე, რომ მას ბევრი რამ აკლია, და რაც არის, ის მხოლოდ ნედლი, დაუმუშავებელი მასალაა, ვიდრე სისტემატიური და დამთავრებული შრომა. სარევიზიო კომისიის მოხსენება სრულებით არ ეხება საბჭოს მოქმედების მრავალ მხარეებს; იგი არჩევს და აფასებს მხოლოდ საბუჟალტერიო ნაწილს—ფულის ანგარიშს, საავადმყოფოს და მაღნებში მისა-

ვალ გზების მდგომარეობას. ასე წარმოიდგინეთ, აბანოს გაკეთების საქმე, რომელსაც თავის მოხსენების სიტყვით საბჭომ მთელი თავისი დრო მოანდომა და, რომელსაც დაახარჯა თითქმის ასი ათას მანეთამდის, მოხსენება მხოლოდ გაკვრით იხსენიებს და აღნიშნავს, რომ ამის შესახებ დამთავრებული ანგარიში საბჭომ ვერ მოგვეცაო. და მართლაც, ასეთი ანგარიში ჯერაც არ არსებობს, თუმცა აბანო, კარგია თუ ავი, უკვე დამთავრებულია. ამიტომ ჩვენ ვეცდებით აღვნიშნოთ აქ ის მხარეები და ის ფაქტები, რომლებზედაც სარევიზიო კომისიას არ მიუქცევია ყურადღება ან არ შეეძლო რომ მიექცია.

დავიწყოთ, მაგ., იქიდან, რომ საბჭოს თითქმის არც ერთი კითხვა, რომელიც ყრილობის პროგრამაშია შეტანილი, წინდაწინ არ შეუსწავლია და არ გამოურკვევია. საზოგადოთ: მიღებულია, რომ იმ საგნებს, რომლებიც საზოგადო კრებაზე უნდა გაიჩიეს, საბჭო კრებამდის იხილოს და არკვევს, რასაც ორნაირი სარგებლობა მოაქვს: ერთი ისა, რომ კრებას საშუალება ეძლევა უფრო ნათლად გაარჩიოს საგანი და მეორეც ის, რომ ამისათვის იგი კრებას ბევრ დროს აღარ უკარგავს. ჩვენ სახელოვან საბჭოს ეს შეტად უცვნია. ავილოთ, მაგ., კიათურაში სახელოვნო სკოლის დაარსების საკითხი. როცა თავმჯდომარე ამ კითხვის გარჩევას შეუდგა კრებაზე, ასე გვეგონებოდათ, რომ თითქო მთელი კრება დამუხჯდაო, ისეთი სიჩუმე ჩამოვარდა. არაფერ არ იყო ამისათვის მოზადებული. ასევე წარმოიდგინეთ, რომ საბჭოს განათლებულ ხელმძღვანელს, ბ. ზდანოვიჩს, არც კი შერცხვა შემდეგი განცხადების წარმოთქმისათვის: საბჭოს ამ საგანზე არაფერი არ აქვს სათქმელიო, ე. ი. საგანი მისთვის ისეთივე terra incognita-ა, როგორც სხვებისათვისო. ამიტომ ვთხოვთ სახალხო სკოლების დირექტორს ამის შესახებ რაიმე გვიჩიოსო. ბ. დირექტორმა, რომელიც ბ. ზდანოვიჩის ბედზე იქ იმყოფებოდა, თავის მხრით განაცხადა, რომ მას მხოლოდ თქმა შეუძლიან თუ ამა თუ იმ ტიპის სკოლა როგორ. რა პირობებით გაიხსნება, მაგრამ მან სრულებით არ იცის, თუ რა ტიპის სკოლაა კიათურაში უფრო საჭირო, — ეს თქვენი საქმეაო, დაუმატა ბ. დირექტორმა. და მართლაც, საბჭოს პირდაპირ მოველეოვას არ შეადგენდა წინდაწინ გამოეკვლია და ვაეგო, თუ რა ტიპის სკოლაა საჭირო კიათურაში? ამისათვის მას უნდა შეესწავლა კიათურის და მის ახლო-მახლო მდებარე სოფლების ვითარება, ვაეგო ადგილობრივი სახალხო სკოლების მდგომარეობა, თუ რამდენად ამ მხრით ხალხის განათლება უზრუნველყოფილია და სხ., და ასეთ შეს-

წავლაზე დაემყარებია თავისი შეხედულება და ასე მომზადებული წარმომდგარიყო კრების წინაშე. მაგრამ ამისთვის თავი არ შეუწუხებია, ვინაიდან წინდაწინ იცოდა, რომ უამისოდაც ადვილად გაედიოდა ფონს.

იგავე უნდა ითქვას მარგანეცის ყოველ გატანილ ფუთზე დაწესებული $\frac{1}{2}$ კაპეიკის გადასახადის გადიდების თაობაზედაც. ეს კითხვა დღევანდელი ყრილობის პროგრამაში შეტანილია თვით მთავრობის მიერ. ბ. ზდანოვიჩი ამ გადასახადის გადიდების მომხრეა და დიდი ხანია ჰეცადინებობს მის განხორციელებას (უნდა აღვნიშნოთ აქ, რომ ეს თითქმის ერთად ერთი საგანია, რომელშიაც მას ჩვენ თანაფუკრძნობთ); სამწუხაროდ, არც ამ კითხვაზე შეუწუხებია მას თავი, და როცა თავიწდომარემ ეს კითხვა წამოაყენა, მან ორიოდღე ლამაზი სიტყვა წარმოსთქვა პროგრესზე და მოთხოვნის გაფართოებაზე, ე. ი. ათასჯერ გადაღებული აზრი, მაგრამ თვით საკითხის სასურველათ გადაწყვეტისათვის ვერავითარი გასამართლებელი საბუთი ვერ მოიყენა. მაგრამ როცა ბ. ზდანოვიჩს მქერმეტყველურათ უპასუხეს, რომ დღეს, როცა მარგანეცის ფასი ამ ზომამდე დაკლებული მსოფლიო ბაზარზე, ამ გადასახადის მომატებაზე ლაპარაკი ყოვლად შეუძლებელია, მით უმეტეს, რომ შავი ქვის მრეწველები საერთო საჭიროებათა დასაკმაყოფილებლად გაცილებით უფრო მეტს იხდიან, ვიდრე ბაქოს ნავთის მწარმოებელნი და სამხრეთ რუსეთის მთამადნეულობის მრეწველები, მას, ე. ი. ბ. ზდანოვიჩს აღარაფერი აღარ ჰქონდა სათქმელი. ბ. ზდანოვიჩს რომ ცოტა ემუშავა ამ საგნის გამოსარკვევათ, იგი ადვილად დაუმტკიცებდა კრებას, რომ თუმცა საერთო საჭიროებათა დასაკმაყოფილებლად ნავთის მრეწველნი და სამხრეთ რუსეთის მემადნენი ბევრათ უფრო ნაკლებს იხდიან, ვიდრე შავი ქვის მრეწველები, მაგრამ იმავე დროს ეს უკანასკნელნი, ე. ი. შავი ქვის მრეწველნი, ერთ გროშსაც არ ხარჯავენ იმ დაწესებულებათა სასარგებლოთ, რომლებსაც ინახავენ ნავთის მრეწველნი და სამხრ. რუსეთის მემადნენი. იქ თითოეული მრეწველი მოვალეა იქონიოს თავის საკუთარ ხარჯზე მუშებისათვის სკოლა, აბანო, ბიბლიოთეკა-სამკითხველო, საკვირაო სკოლა და კურსები, იყოლიოს აგრეთვე საკუთარი ექიმი და ფერშალი და ზოგიერთ შემთხვევაში ცალკე საავადმყოფოც; გარდა ამისა ისინი ვალდებული არიან დაზღონ მუშები უბედურ შემთხვევებისაგან თავისივე ხარჯით. ჩვენ არაფერს ვამბობთ აქ იმ ხარჯზე, რომელსაც ეწევიან დასახელებული მრეწველები მუშებისთვის ბინების ასაგებათ

და გასაუმჯობესებლათ. არც ერთი აპგვარი ხარჯი შავი ქვის მრეწველებმა არ იციან, ასე რომ ყველა ამავებისაგან ისინი სრულებით თავისუფალი იყვენ და არიან, დღემდის მაინც, ვინაიდან ამგვარ საკიროებათა დასაკმაყოფილებლად მიჩნეულია მხოლოდ ერთად ერთი წყარო — ნახევარ კაპეიკიანი გადასახადი ფუთზე და თუ ყოველივე ამას მივიღებთ მხედველობაში, მაშინ გამოვა, რომ ჩვენი მრეწველები ბევრათ უფრო ნაკლებს იხდიან საზოგადო საკიროებათა დასაკმაყოფილებლად. ბ. ზღანოვიჩი ამდენი ხანია ახლო იცნობს როგორც შავი ქვის მრეწველებს, ისე ნავთის და სამხრეთ რუსეთის სამთო მრეწველობის საქმეს, და ეს გარემოება მისთვის შეუქმნეველი დარჩენილა. ალბათ მას ამისთვის არც ცხელა.

მაგრამ შეიძლება თქვენ იკითხოთ: მართალია, საბჭო სრულებით მოუშხადებელი გამოდის კრებაზე, მაგრამ უეჭველია იგი სხვაში გამოიჩენდა მოღვაწეობის უნარს ამ 2¹/₂ წლის განმავლობაში, ალბათ იგი სხვა რამეში ისახელებდა თავს. მაშ სად არის მისი მოღვაწეობის კვალი? სადაა მისი მოქმედების ნაყოფი? ჩვენ წინ გვიდევს „მესამე კრებაზე ამორჩეულ საბჭოს მოქმედების ანგარიში,“ რომელშიაც ჩვენ ბევრი ვეძიეთ ამ კითხვების პასუხი და შემდეგ გულ-დასმით გადაკითხვისა იმ დასკვნამდის მივედით, რომ საბჭოს არსებითად არაფერი არ გაუკეთებია, გარდა ჩხირ-კედლობისა, ე. ი. რამდენიმე უნაყოფო შუამდგომლობათა დაწერის გარდა. თითქმის ყველა ამ შუამდგომლობათ უნაყოფოდ ჩაუვლილია, რადგანაც ისინი ან არ ყოფილა დასაბუთებული, როგორც ჯერ არს, ან და შუამდგომლობა დაუწყიათ და უწარმოებიათ იმ გზით, რომლითაც იმათი სასურველად დაბოლოება არ მოხერხდებოდა. ვუჩვენეთ მაგალითისთვის ერთ ამგვარ შუამდგომლობაზე. მესამე კრების დადგენილების თანახმად საბჭოს უნდა ეშუამდგომლა სადაც ჯერ არს ქიათურის „პოსადათ“ გადაკეთებისა და აქ გამარტივებული თვითმართველობის შემოღების თაობაზე. მართალია, საბჭომ ამის შესახებ გამართა მიწერ-მოწერა და რამდენიმე შუამდგომლობაც დაწერა, მაგრამ ყოველივე ამან სრულებით უნაყოფოთ ჩაიარა. რისთვის? იმიტომ, რომ ამ მიწერ-მოწერის და შუამდგომლობათა წერის დროს მას ის კი არ ჰქონებია მხედველობაში, რომ საქმე გაკეთებულიყო, არამედ ის, რომ ფორმა შეესრულებიათ, და შეასრულა კიდევაც, რამდენიმე უთავბოლო შუამდგომლობის დაწერით. ახლა, როგორც ყრილობაზე გამოიჩინა, ეს თურმე სრულიად მარტივი, უბრალო საქმე ყოფილა! ამისთვის უწინარეს ყოვე-

ლისა საჭიროა მხოლოდ, რომ საგუბერნიო გამგეობამ ქიათურა იცნას როგორც ახალი დასახლებული ადგილი (აქამდის მას არ იცნობენ ასეთ ადგილათ); შემდეგ ამისა შესაფერი განაჩენი უნდა იქნას დადგენილი ქიათურის მცხოვრებლების მიერ სათანალო მთავრობის წინაშე წარსადგენათ. ჩვენ სწორედ შეგვრცხვა ბ. ზდანოვიჩის მაგივრათ, როცა ეს უბრალო ამბავი მოვისმინეთ ყრილობაზე; საკვირველია, რომ საბჭომ, რომელმაც ამ თაობაზე ამდენი ქალაღი და მელანი დახარჯა, ეს უბრალო ამბავი ვერ შეიტყო!

პირველ წერილში ჩვენ აღენიშნეთ სხვათა შორის ის გარემოება, თუ როგორ თანაგრძობით მოეკიდა საბჭო მესამე ყრილობის დადგენილებას სტიპენდიების თაობაზე; ახლა ამას დაეუმატებთ კიდევ სხვა მარგალი ღებს მისი „განმანათლებელი“ მოღვაწეობიდან. მესამე კრებამ საბჭოს სხვათა შორის მიანდო: „შუამდგომლობანი იქნეს აღძრული, რომ მუშებისათვის დაარსებულ იქნას: ბიბლიოთეკა-სამკითხველო, საბალახო, თეატრი, საკვირაო სკოლა, იაფ-ფასიანი სასადილოები, ადვილად გასაგები რეჟიციები და კითხვები და თუ ვინცობაა ესენი ნებადართულ იქნა, აღმოუჩინონ იმათ მრეწველთა საშუალებიდან შესაფერი ნივთიერი დახმარება“ (იხ. „ანგარიში“, გვ. 2). როგორ შეასრულა ყოველივე ეს საბჭომ? საბჭოს მოქმედება ამ შემთხვევაში ყველაზე უფრო ახასიათებს მას თავიდან თეხებამდე, იმ საბჭოს, რომელიც მხოლოდ ფორმალურად უყურებს თავის მოვალეობას. აი რას ეკითხულობთ საბჭოს „ანგარიში“ ამის თაობაზე: „ყველა ამისათვის კრების მიერ გადაღებული 2,000 მანეთი ძლიერ კოტააო“ (იხ. „ანგ.“ გვ. 39),—თითქო ამით მას წინდაწინ სურს გაამართლოს თავისი სრული უმოქმედობა და უზრუნველობა, და თითქო კრების მიერ ნაჩვენები საზღვარი, როცა მას სურდა, არა ერთხელ გადაეჯეკნოს, თითქო კრების გადაწყვეტილება მას არასოდეს არ დაერღვიოს. შემდეგ „ანგარიშიდან“ ვგებულობთ, რომ საკვირაო სკოლა გაუხსნიათ მხოლოდ 1901 წლის დამლევს. სად იყო აქამდის საბჭო, რას აკეთებდა, ან რამ შეუშალა მას ხელი, რომ თითქმის წლინახევრის შემდეგ გაახსენდა ეს მეტად სასარგებლო საქმე? არ შეგვიძლია ვიკითხოთ, თუ რისთვის არის მოწვეული საბჭო თუ არა კრების დადგენილებათა და მინდობილებათა სისრულეში მოსაყვანათ? ეს არაფერი. —იმავე 1901 წლის დამლევს (ე. ი. ოქტომბერში) საბჭოს დაუდგენია (რე საჭირო იყო დადგენილება, როცა ეს კრებისაგან იყო გადაწყვეტილი?—ეს ჩვენ არ ვიცით) მოეწყოს ქიათურაში ჰიგიენაზე და მედიცი-

ნაზე*) ლექციების გამართვის საქმე. ამისთვის მას შეუძენია აკიდევაც ზოგიერთი საკირო ნივთი. თვით კითხვების მოწყობა და ხელმძღვანელობა ჩაუბარებია ექ. მ. ჯაფარიძისთვის და ამით გათავებულა ეს საქმე. „ანგარიში“ გვეუბნება, რომ ბ. ჯაფარიძის „მძიმე ავადმყოფობის გამო“ ეს საქმე შეფერხდა (გვ. 40). ეს სიმაართლის გადაფუჩეჩებაა: ბ. ჯაფარიძე კიათურის საავადმყოფოს ექიმი და ნუ თუ მთელი ამ ხნის განმავლობაში იგი ავად იყო? თუ ეს ასეა, მის ადგილას სხვა ვინმე უნდა მოეწვიათ, ვინაიდან, ჩვენის აზრით, ავადმყოფები ჯაფარიძის მორჩენას არ მოუტყდიდნენ. მაგრამ ისე კარგი მას დაემართოს, როგორც კარგმა საბჭოთა კარგ კაცს მიანდო ასეთი სისარგებლო საქმის წინ გაძლოლა. სიმაართლის ასეთ გადაფუჩეჩებაში ჩვენ საბჭოს მეტად საგრძნობელი ლოლიკური ნახტომებიც მოსდის.

როგორც მოსალოდნელი იყო, მუშებისთვის ბიბლიოთეკა-სამკითხველოს დაარსებისთვის საბჭოს სრულებით არ უფიქრია და ასე წარმოადგინეთ, ამის გამო მას ერთი თავისებური გაბერილი შუამდგომლობაც კი არ დაუწერია! ეს ისე მცირე საქმეა, რომ ამისთვის აბა იგი რათ შეიწუხებდა თავს. მაგრამ ანგარიშში თავის გასამართლებლად იგი მაინც სწერს: „სახალხო ბიბლიოთეკა-სამკითხველო ვერ იქნა გამართული იმ განსაკუთრებული პირობების გამო, რომელშიაც იმყოფება კიათურის რაიონის მადნებში მომუშავე ხალხი, რომელიც, კიდევ რომ განხნილიყო ასეთი ბიბლიოთეკა-სამკითხველო, მაინც ვერ ისარგებლებდა ამითა. მადნებში მომუშავე ხალხი გაფანტულია კიათურიდან 3—4 ვერსის მანძილზე და ვერ ისარგებლებს კიათურაში ბიბლიოთეკა-სამკითხველოთი, როგორც სიშორის, ისე წერა-კითხვის უკოდინარობის გამო“ (იხ. „ანგ.“ გვ. 40), გვასწავლის ნაქები საბჭო! მოდი და ნუ დაუჯერებთ მას ასეთ უტყუარ სიმაართლეს! სიშორე და უფიცობა—ამის შემდეგ რაღა საკიროა ან ბიბლიოთეკა, ან სამკითხველო, და საბჭოც სწორედ ასე მოქცეულა, მაგრამ ანგარიშის შედგენის დროს მას ალბათ შერაცხვენია თავისი უმოქმედობის და უზრუნველობისა და იქავე სწერს კრების დასამშვიდებლათ: მართალია, ჩვენ ამაზე არ ვიზრუნეთ დღემდის, მაგრამ თუ ახლა ავიჩიჩევთ, ჩვენ თქვენს ხარჯზე მზათ ვარც გავაკეთოთ კიათურაში სახალხო სახლი—სასახლე (народный дом—дворец), ხელდაც მოვათავსებთ ყველა განმანათლებელ დაწესებულებათ (გვ. 41) და

..*) ნუ დაივიწყებთ, რომ საბჭომ შეაიწროვა ყრილობის დადგენილება. იქ ნათქვამი იყო საზოგადოთ ლექციები და კითხვები.

იმათ რიცხვში სახალხო ბიბლიოთეკა-სამკითხველოსაცო! როგორ მოხდა, რომ, თუ ამ ორწლიანხვერის განმავლობაში კიათურა ხელმისაწვდენი არ იყო მუშებისათვის, სახალხო სახლის გაკეთების შემდეგ იგივე კიათურა როგორ შეიქნება ხელმისაწვდენი, ეს ჩვენთვის გაუგებარია, ამას მხოლოდ „ნაქები“ საბჭოს ლოლიკა თუ დასძლევს, თორემ სხვა ვერავინ.

მაგრამ ჩვენ ვიცით, რომ ეს თვალის ასახვევი იარაღი და მეტი არაფერი.

წერილი მესამე.

ვგონებ არც ერთ საქმეში საბჭო ისე აშკარათ არ წასულა ლოლიკის და ფაქტების წინააღმდეგ, როგორც მუშებისათვის საავადმყოფოს შენობის გაკეთების საქმეში. ასეთი შენობის საჭიროება აღიარებულ იქნა როგორც კავკასიის სამთო გამგეობის, ისე თვით მრეწველთა ყრილობის მიერ. ჯერ კიდევ მესამე კრებამდის, ე. ი. 1900 წლის დასაწყისში კავკასიის სამთო გამგეობის განკარგულებით და თხოვნით კიათურის ქსენონის სამეურნეო გამგეობა გადაეცა საბჭოს იმ მოსაზრებით, რომ სამკურნალო საქმე კიათურის მადნებში უმჯობესად მოწყობილიყო და ამასთანავე გაედიდებიათ სახლი, სადაც მაშინ მოთავსებული იყო ქსენონი, სანამ ახალი შენობა გაკეთდებოდა*). თავის მხრით მრეწველთა მესამე კრებამ მიანდო საბჭოს კიათურაში საავადმყოფოს შენობის გაკეთება, რისთვისაც გადადებული იქნა, როგორც ერთდროული ხარჯი, 69,000 მანეთი. ამნაირად საავადმყოფოს გაკეთება პირველხარისხოვან საჭიროებათ იყო მიჩნეული და იმის გაკეთება კიდევაც გადაწყდა სასურველათ ვისგანაც ეს დამოკიდებული იყო. მაგრამ ჩვენ ვიცით, რომ კრებას არ ძალუძს სისრულეში მოიყვანოს თავის გადაწყვეტილება და განაჩენი; ამისათვის იგი ირჩევს საბჭოს, რომელიც კრების აღმასრულებელი ორგანოა და რომელსაც მოყავს სისრულეში კრების დადგენილებანი და განაჩენები. ასეა ყოველგან, სადაც რაიმე წესი და სისტემაა შემოღებული, სადაც საურთიერთო პატივისცემა სუფევს და თვითნებობას ადგილი არ აქვს. სამწუხაროდ, ასეთი წესი არ ყოფილა შავი ქვის მრეწველთა

*) იხ. „Отчет о деятельности совета, избранного на первом съезде“. Хозяйственная часть, Стр. 9.

შორის, მათი კრება მოკლებული ყოფილა პატივისცემას და იქ გაბატონებული ყოფილა თვითნებობა. აი როგორი ყოფილა ხსენებული მრეწველთა თვითმართველობა, რომელზედაც ასე ხშირად უთითებს ხოლმე ბ. ზდანოვიჩი.

მესამე კრების გადაწყვეტილების შემდეგ საბჭოს დაუყოვნებლივ უნდა დაეწყო საავადმყოფოსთვის შენობის აგება. ეს იყო საბჭოს მოვალეობა, თუ იგი პატივს სცემდა მრეწველთა კრებას. მაგრამ საბჭო გადაუდგა კრების გადაწყვეტილებას, მან უკუ აგლო კრების დადგენილება საავადმყოფოს გაკეთების შესახებ, რითაც აშკარათ შელახა და გათელა კრების უფლება. რა უფლებით? რა მოსაზრებით? პირველ კითხვაზე ჩვენ პასუხს ვერ მოგცემთ, ვინაიდან სადაც თვითნებობაა, იქ არაფრითაა უფლებას ადგილი აღარ აქვს. ხოლო რაც შეეხება მოსაზრებას, ამის შესახებ აი რას ვკითხულობთ საბჭოს მოქმედების (უფრო მართლა რომ ვთქვათ უმოქმედობის) „ანგარიშში“: საბჭო არ შეუღდა მუშებისათვის საავადმყოფოს აგებას იმით, რომ ქიათურაში არსებული ქსენონი თავის სიდიდით (по размерам своим), კრავატების ჩაოდენობით სავსებით აკმაყოფილებს მანდებში მომუშავე ხალხის მოთხოვნილებას საექიმო დახმარებაში. გარდა ამისა მას (საბჭოს) მრავალი დაბრკოლება აღმოუჩნდა იმ მხრით, რომ შესაფერი ადგილის გამორჩევა გაძნელდაო (Отчет, გვ. 30).

აწინააღმდეგა, როგორც ხედავთ, საბჭოს აზრით საავადმყოფოს გაკეთება ქიათურაში საჭირო არ ყოფილა, ვინაიდან მისი აზრით, არსებული ქსენონი თურმე სავსებით აკმაყოფილებს მუშა ხალხის მოთხოვნილებას საექიმო დახმარებაში. მაგრამ ნუ თუ საბჭოს იმ საკითხის გადაწყვეტა მიანდევს, საჭიროა თუ არა ქიათურაში საავადმყოფოს გაკეთება? კრებამ მას შენობის აგება მიანდო და იგი კი ამ გადაწყვეტილების კრიტიკას შეეღვამია! მართალია კრიტიკა სასარგებლოა, მაგრამ საბჭომ კრიტიკოსობა დაიწყო იქ, სადაც ამას ადგილი არ უნდა ქონოდა. ჩვენ ქვევით დავინახავთ, თვით ბ. ზდანოვიჩის სიტყვებიდანაც, რომ საავადმყოფოსათვის ახალი შენობის აგება ქიათურაში მიუტოლებელი საჭიროება ყოფილა იმ თავიდანვე. მაგრამ, თქვენ გგონიათ, რომ საბჭო ბოლომდე გაყვა თავის მოსაზრებას? სრულებითაც არა. რამდენიმე სტრიქონის შემდეგ, სადაც საბჭო ამბობს, რომ ქიათურის ქსენონი სავსებით აკმაყოფილებს ადგილობრივ მოთხოვნილებას, იგი ამბობს: „ამ ეპოქით შეძენილია ადგილი, სადაც უნდა გაკეთდეს საავადმყოფო და ამასთანავე დაიწყეთ შენობისათვის მასალის დამზადებაო“ (Отчет, გვ. 31). ეს ნიშნავს ეს:

ყველაფრის სასაცილოთ აგდებას, თუ საბჭოს ულოლიკობას? ჩვენის აზრით ერთსაც და მეორესაც, მაგრამ უფრო კი ულოლიკობას. თუ საბჭო იმისათვის არ შეუდგა საავადმყოფოსთვის შენობის აგებას და კრების დადგენილება უკუაგდო, რომ არსებული ქსენონი საესებით აკმაყოფილებს ადგილობრივ მოთხოვნილებას, რილასთვის შეიძინა მიწა და ან რისთვის შეუდგა მასალის დამზადებას? აქ ისეთი ულოლიკობა და წინააღმდეგობაა, რომ მსგავსი მაგალითი ძნელი მოსაპოვებელია. ჩვენის აზრით საბჭოს ასეთი ულოლიკობა მხოლოდ იმას მოწმობს, რომ იგი სრულებით ულონო ანუ უნიქო ყოფილა იმ საქმეში, რომელიც მას მიანდევს.

საბჭომ სრულებით უყურადღებოთ დატოვა აგრეთვე იაფ-ფასიანი სასადილოების გამართვა. „იმათი მოწყობა არც ისე ადვილი საქმეა, როგორც ეს პირველი შეხედვით გეგონებათო“, — გვახლის გონიერი საბჭო. „იაფ-ფასიანი სასადილოების გამართვაში დაბრკოლება აღმოგვიჩნდა როგორც უფულობის გამო, ისე ისეთი სასადილოს ტიპის გამოძებნაში, რომელიც ადგილობრივ პირობებს შეეფერებოდეს“ (ОУЧЕТ, გვ. 41). აქედან გამოდის, რომ საბჭო თითქო ბევრს ცდილა იაფ-ფასიანი სასადილოების გამართვის თაობაზე, მაგრამ მას ამისთვის არც ფული ჰქონებია კრების მიერ გადაღებული და აგრეთვე სასადილოს შესაფერი ტიპიც ვერ გამოუძებნია. სირცხვილია ასეთი ტყუილები! იმ საბჭომ, რომელმაც რვა ათასი მანეთის მაგიერათ 110 ათას მანეთამდის დახარჯა აბანოზე, ნუ თუ ამ საქმისათვის მცირე წვლილს ვერ აღმოაჩენდა? სრულებით ამაოთ ცდილობს გაიმართლოს თავი საბჭომ საყვედურისაგან იმ მოსაზრებით, რომ კრებამ მას ამ საქმისათვის საჭირო თანხა არ მისცაო. ამას მნიშვნელობა ექნებოდა მხოლოდ იმ შემთხვევაში, რომ საბჭოს ყოველ ფეხის ნაბიჯზე კრების განაჩენი და გადაწყვეტილება არ დაერღვია და ფეხით არ გაეთელა. დღეს კი საბჭოს თავის გამართლება ასეთი საშუალებით მწარე დაცინვაა და მეტი არაფერი; ამას ჩვენთვის არავითარი მნიშვნელობა აღარ აქვს.

ზევით ნათქვამიდან თქვენ რამდენიმეთ გაიგებდით, თუ რაში გამოიხატა ქიათურის შავი ქვის მრეწველთა საბჭოს მოღვაწეობა გასული 2¹/₂ წლის განმავლობაში. წერილმან ფაქტების დასახელებით მე აღარ მოგაბეზრებთ თავს. ახლა გადავდივარ თავდათავ საგანზე, ე. ი. იმ განმარტებაზე, რომელიც ბ-მა ზდანოვიჩმა გაუკეთა სარევიზიო კომისიის მოხსენებას. მრეწველთა მთავარი საქმეები შეკავშირებულია ფულის დახარჯვასთან. კრება წინდაწინ ადგენს ხარჯთაღრიცხვას და აძლევს მას

საბჭოს სისრულეში მოსაყვანათ. საბჭოს არაერთარი მნიშვნელობა, არც იურიდიული და არც ზნეობრივი, არა აქვს კრების დაუკითხავათ ამ ხარჯთ-აღრიცხვის ფარგალიდან გამოვიდეს. სარევიზიო კომისიის მოხსენებამ დაგვიმტკიცა, რომ საბჭოს თითქმის არც ერთი მუხლი, არც ერთი სტატიის ამ ხარჯთ-აღრიცხვისა არ მოუყვანია სისრულეში სისწორით. მაგ., საბჭოს ვერ მოუწყვია სტატისტიკური ბიურო, როგორც ეს საჭირო იყო, არ დაუწესებია სტიპენდიები, არ გაუმართავს სკოლები, არ გაუკეთებია კიათურაში შენობები. არც თავისთვის და არც საავადმყოფოსთვის, ვერ შეუყიდია ამისთვის დროზე მიწები, გზებზე და ხიდებზე დაუზოგავს 57:576 მანეთი, რის გამო გზები საშინელ ცუდ მდგომარეობაშია და იმათი გაუმჯობესება უპირველესი საქმეა მთელი მრეწველობისათვის; იმავე დროს საბჭოს თავის ნებით მიუცია ზედმეტი თავმჯდომარის მოადგილესათვის 1.651 მან., საბჭოს წევრებისათვის—1.300 მან., დაუზოგავს საავადმყოფოზე 14.657 მან., დაუხარჯავს აბანოზე 109.000 მან. როცა ამისთვის კრებამ გადადო მხოლოდ 8 ათასი მან., და შრავალი სხვა. ასეთი მოქმედებით საბჭომ უარყო კრება და მისი გადაწყვეტილებანი, მან სრულებით გააუქმა თვითმართველობა და გააბატონა თვითნებობა. სარევიზიო კომისიის მოხსენების წაკითხვამ კრებაზე ყველასათვის, თვალსაჩინო-ჰყო ასეთი სამწუხარო მოვლენა ჩვენ ცხოვრებაში. მაგრამ ნუ თუ თქვენ გვრწათ; რომ ბ-ნმა ზდანიოვიჩმა შეიკიმი ყოველივე ეს, ნუ თუ თქვენ ფიქრობთ, რომ მას ოდნავათ მაინც შერცხვენოდეს კრების უფლების ამ აშკარათ დარღვევისათვის? სრულებითაც არა. და აი სწორეთ პირველათ აქ წარმოდგა ჩვენს წინაშე ეს ვაუბატონი მთელი თავისი გონებრივი და ზნეობრივი ფიზიონომიით; აი აქ დაგვიმტკიცა მან, თუ რა ზომამდის შეიძლება დაეცეს და დაქვეითდეს ადამიანის ზნეობა და გონიერება. ბ-ნმა ზდანიოვიჩმა თავის გრძელ და უშნო სიტყვაში, რომელიც სარევიზიო კომისიის წინააღმდეგ იყო მიმართული, თვალსაჩინოთ დაგვიმტკიცა, რომ იგი ამ დაქვეითების გზაზე საკპარისათ შორს წასულა. მისი სიტყვა შემკული იყო სოფიზმებით და კაზუსტიკური დასკვნებით. მისი ხერხი იმაში მდგომარეობდა, რომ დაებნელებინა მაყურებელთათვის მოხსენების გაგება, ამისათვის დაქვედა ყურადღებას განსაკუთრებით მეორე და მესამეხარისხოვან შენიშვნებს ან და ცალკე სიტყვებს, იგი მთელი საათობით ლაპარაკობდა იმის შესახებ, რომ სარევიზიო კომისიის მოხსენებას ცუდი სუნი უდის, ეს მოხსენება სააგიტაციო მიზნით არაა დაწერილი, იან პარლამენტობა აკლია. ამ დაგვიმტკიცა

რაში სჩანს საბჭოს ბოროტმოქმედება, — იკითხა ბ-ნმა ზდანოვიჩმა. დაგვისახელეთ, რა ბრალი გვედება? სარევიზიო კომისია ბევრს ეცადა, მაგრამ ვერსად ვერ აღმოაჩინა, რომ ჩვენ რომელიმე ხარჯი ან შემოსავალი დაგვრჩენოდეს ჩაუწერელი, ან ნაკლები დაგვეხარჯოს, ვინემ გვიწერიაო. ბ. ზდანოვიჩს შეიძლება გონია, რომ რაკი კასაში ფული არ დაკლებით, მაშასადამე, საბჭოს ბოროტმოქმედება არ ჩაუდენია. მაგრამ ბ. ზდანოვიჩი ცდება, სარევიზიო კომისია საბჭოს ქურდობაში კი არ ამტყუნებდა, არამედ იმაში, რომ იგი სისტემატიურად არღვევდა კრების გადაწყვეტილებას, ე. ი. ხარჯავდა იქ, სადაც არ უნდა. დაეხარჯა და ზოგავდა იქ, სადაც არ უნდა დაეზოგა. ეს დარღვევა არ მომხდარა შემთხვევით, ეს საბჭოს ჩვეულებრივ მოვლენათ გადაიქცა; საბჭომ უკუაგაგა კრების დადგენილებანი, მოქმედების პროგრამა, რომელიც მას კრების მისცა და თვისი პროგრამა გამოიგონა. და აი, ეს არის ბოროტმოქმედება.

არ შეგვიძლია უფრო დაწვრილებით არ შევხვით ბ. ზდანოვიჩის სიტყვის იმ ადგილს, რომელიც იმავე კიათურის ბედკრულ ქსენონს შეეხება. თქვენ უეჭველათ გახსოვთ სარევიზიო კომისიის მოხსენების ის ადგილი, სადაც კიათურის საავადმყოფოს საზარელი სურათია დახატული. ბ. ზდანოვიჩი კატეგორიულათ უარყოფს ამას და დასამტკიცებლად მოჰყავს ერთი ადგილი ქუთაისის გუბერნატორის ანგარიშიდან, სადაც ნათქვამია, რომ კიათურის ქსენონი მთელ გუბერნიაში საპაგალითოაო. მაგრამ ჩვენ კარგათ ვიცით, თუ რა ფასი აქვს ასეთ მოხსენებას. აი ამის დასამტკიცებელი საბუთი. 20 სექტემბერს. 1900 წელს თითონ ბ. ზდანოვიჩი სამიწათმოქმედო და სახელმწიფო ქონებათა მინისტრს სწერდა, სხვათა შორის: „ამ უბედურ დროს (როცა კიათურაში გადამდები სენი მძვინვარებდა) კიათურის ქსენონმა, რომელიც საბჭომ, შეიძლება ვთქვათ, სამაგალითოდ მოაწყო, დიდი სამსახური გაუწია კიათურის მადნების „მუშებსო“ (იხ. ОУЧЕТ, გვ. 7). და აი ეს „სამაგალითოდ მოწყობილი“ ქსენონი რამდენიმე თვის შემდეგ, როგორც გამოააშკარავა ორჯერ ზედიზედ მოხდენილმა რევიზიამ, აღმოჩნდა ისეთ გასაოცარ მდგომარეობაში, რომ აწერაც ძნელია. იქ არც ექიმი ყოფილა თავის ადგილას; და არც დანარჩენი მოსამსახურენი. შენობა არ ვარგა, სისუფთავე არ არსებობს, ავადმყოფები ყველანი თითქმის ერთად არიან არეული, საქმელი მათ არ ეძლევათ რიგზე და საქმარისად; ანგარიში არ იციან რა არის, არც ექიმმა და არც ზედამხედველმა და სხ. და სხვ. აი ამას ჰქვია „სამაგალითოდ მოწყობილი“! სარევიზიო კომისიის

მოხსენების ავტორები მაშინ არ იყვნენ ბ. ზღანოვიჩის მოწინააღმდეგე-
ნი და ვგონებ ბ. ზღანოვიჩი მაშინდელ ამათ შენიშვნებში ექვს ვერ შე-
იტანს, რომ ვითომც უოველივე ეს სააგიტაციო მიზნით ყოფილიყოს
ნათქვამი. ამიტომ ჩვენ ექვი შეგვაქვს უფრო თვით ბ. ზღანოვიჩის სიტ-
ყვებში, რომ ქიათურის ქსენონი 1900 წ. დაძლეეს საბჭოს მიერ ვი-
თომც „სამაგალითოთ ყოფილიყოს მოწყობილი“. სარევიზიო კომისიის
ახალ მოხსენებას, რომელიც დღევანდელ კრებას წარედგინა და რომე-
ლიც იმეორებს და ამტკიცებს იმასვე, რაც წინანდელ მოხსენებაში იყო.
ნათქვამი, ბ. ზღანოვიჩი არ ღებულობს იმიტომ, რომ იგი სააგიტაციო
მიზნით არის შედგენილიო; მაგრამ ეს ხომ საბუთი არ არის, განა ყო-
ველივე ის, რაც იქ აწერილია, სიმართლე არ არის? ვის შეუძლია იმის
უარყოფა; გარდა ბ. ზღანოვიჩისა? განა აშკარა არ არის, რომ ავადმყო-
ფები იქ უპატრონოდ არიან? განა ყველამ არ იცის, რომ საავადმყო-
ფოს ექიმი ბ. ჯაფარიძე მთელი კვირაობით და თვეობით ქიათურას
სრულებით არ ეკარება? მხოლოდ ერთში კი გამოტყდა ბ. ზღანოვიჩი,
სახელდობრ იმაში—შენობა არ ვარგაო და სანამ ჩვენ საკუთარ შენობას
არ ავაგებთ, იქამდის ყველა იმ ნაკლულებებთანა აცილება, რომლებიც
შენობის სივიწროვით არის გამოწვეული, ყოვლად შეუძლებელიაო. მა-
გრამ აქაც წაიკოკლა ჩვენმა გმირმა. მას სამართლიანათ შენიშნეს, რომ
ხუთი ათასი მინეთით ყველა ეს ნაკლულებებანი აცილებული იქნე-
ბოდა, რომ საბჭოს ცოტაოდენი ყურადღება მიექციაო. მაგრამ ბ. ზღა-
ნოვიჩი სხვანაირად მსჯელობს: ჩვენ აზრად გვაქვს საავადმყოფოსთვის
ცალკე შენობა ავაგოთ და რისთვის დაეიხარჯოთ ახლა? სამწუხაროთ,
ის არ ფიქრობს იმაზე, რომ დღევანდელი ავადმყოფები ამ შენობის გა-
კეთებას ვერ მოუტყდიან. ეს არაფერი: თუ უამისოთ საავადმყოფოს გა-
უმჯობესება ყოვლად შეუძლებელია, ერთი ვიკითხოთ, რას ფიქრობდა
ამის თაობაზე საბჭო მთელი 2¹/₂ წლის განმავლობაში? მისი აზრით
ქიათურის ქსენონი ხომ საესებით აკმაყოფილებს მადნებში მომუშავე
ხალხის მოთხოვნილებას? რომელი ზღანოვიჩია მართალი: ის ზღანოვიჩი,
რომელმაც „საბჭოს მოქმედების ანგარიში“ შეადგინა, თუ ის, რომე-
ლიც ამბობს, რომ სანამ შენობა არ გაკეთდება, იქამდის საავადმყოფოს
დღევანდელი სამწუხარო მდგომარეობის გაუმჯობესება ყოვლად შეუ-
ძლებელიაო? ჩვენ ვამბობთ, რომ არც პირველია მართალი და არც მე-
ორე. ჩვენ ვიცით, რომ ბ. ზღანოვიჩი იქაც სტყუის და აქაც ვინაი-
დან დღევანდელი ქსენონი რომ არ აკმაყოფილებს ადგილობრივ მოთხოვ-

წილებას, ეს ცხადზე უცხადესია. აშკარაა აგრეთვე ისიც, რომ თუ საბჭო მოინდომებდა და ფულს დახარჯავდა, რამდენიმეთ დღეებანდელ პირობებშიაც გააუმჯობესებდა საქმეს. მაგრამ მან არ მოისურვა არც ახალი შენობის გაკეთება და არც ძველის შეკეთება, — და ასეთ მოქმედებას ჩვენს ენაზე ბოროტმოქმედება ეწოდება, რომ უფრო მწვავე სიტყვა არ ვიხმართ. x

მაგრამ ბ. ზდანოვიჩის საყვედურს ვერ ვეტყვი: იგი თურმე ნამეტანს ზრუნავს მუშებისათვის, ამათვის მას არაფერი არა შურს: მან აუგო მუშებს ქიათურაში ისეთი აბანო, რომელიც მეცნიერების უკანასკნელ სიტყვას შეადგენს, რომელიც მუშებს საშუალებას აძლევს ისარგებლონ თანამედროვე ბურჟუაზიულ კომფორტებით, ფუფუნებით. ბატონებო, მიმართა ბ-ნმა ზდანოვიჩმა მშრომელი ხალხის ინტერესების დამცველთ, — რათ არ გსურთ თქვენ, რომ მუშებმაც ისარგებლონ იმ კეთილი ცხოვრებით, რომლითაც სარგებლობს საზოგადოების მდიდარი ნაწილი! ბ-ნ ზდანოვიჩს ამ სიტყვებისთვის ტაში დაუკრეს, მაგრამ ამ რიტუალში არ ერია არც ერთი იმათგანი, ვისაც მუშა ხალხისთვის ნამდვილი სიკეთე სურს და ეს ასეც უნდა ყოფილიყო. ბ-ნ ზდანოვიჩს ამ ხალხისათვის სიკეთე რომ სდომებოდა, ის სხვა რასმე ეცდებოდა, სახელდობრ, იგი იმეცადინებდა ქიათურის რაიონში გახსნილიყო სკოლები, ბიბლიოთეკა-სამკითხველოები, გაკეთებულიყო საავადმყოფო, რამდენსამე ადგილას აბანო, და თვით მუშა ხალხის მდგომარეობაც შეესწავლათ. ყოველივე ეს უკუაგლო ბ-მა ზდანოვიჩმა და რალაც ფოკუსური აბანო გააკეთა ქიათურაში, რომელიც დღევანდელ ქიათურის მუშებს ისე შეჰფერის, როგორც ძონძებში გახვეულ და ფეხშიშველა კაცს რომ ფრაკი ჩააცვათ და თავზე ცილინდრი დახურათ: ნუ თუ ეს დაცინვა არ არის? მაგრამ ბ-ნმა ზდანოვიჩმა დასცინა არა მარტო მუშა ხალხს, არამედ თვით მრეწველთა კრებას. მან კრებაზე განაცხადა შემდეგი: ჩვენ გვისაყვედურებენ, რომ მესამე კრებაზე აბანოს ასაშენებლათ ვითომც 8 ათასი მანეთი ყოფილიყოს გადაღებული და ჩვენ კი, ე. ი. საბჭოს, ასი ათასი მანეთი დაიხარჯოს ამ საქმისთვისო. ეს ტყუილიაო, — ბრძანა ბ-ნმა ზდანოვიჩმა და აი რა მოსაზრებით: ჯერ ერთი ისა, რომ აბანოზე ჩვენ ასი ათასი მანეთი კი არ დავიხარჯავს, არამედ მხოლოდ 34 ათასი მანეთი მოვანდომეთო. და მართლაც თუ ბ-ნ ზდანოვიჩს დავუჯერებთ, ქიათურის აბანოს რომ გამოაკლოთ ყველა ის შემადგენელი ნაწილები, ურომლისოთ იგი აბანო არ იქნება, მაგ. წყლის გასაყვანი და

გასათბობი იარაღები, განათების მოწყობილება და სხვა რამეები, რომ შემდეგ ჩვენ მხოლოდ კედლები დაგვრჩება ხელში, გამოვა, რომ ასეთ კედლების ასაშენებლად მხოლოდ 34 ათასი მანეთი დასჭირდებათ. მაგრამ ეს ხომ სისულელეა, ეს ხომ აბანო არ არის! ბ-ნ ზდანოვიჩის აზრით საბჭოს 34 ათასი მანეთი ჰქონებია მესამე კრებისაგან მონდობილი სხვადასხვა ხარჯებისათვის კიათურაში, და აი, ეს ფული ჩვენ მოვანდომეთ აბანოსო. სოფიზმებიც ასეთი უნდა, ვიტყვიტ ჩვენ. ჩვენ მხოლოდ ის გვაკვირვებს, რომ კრება იმ ზომამდის როგორ დაძაბუნდა, რომ ასე სამასხაროთ ააღებია თავი.

დასასრულ თავის გრძელ სიტყვისა ბ-ნმა ზდანოვიჩმა მიმართა კრებას და სთხოვა (უფრო მართალი რომ ვთქვათ, უბრძანა): ჩემი განმარტება მიიღეთ, საბჭოს მიერ წარმოდგენილი ფულის ანგარიში დაამტკიცეთ და სარევიზიო კომისიას საყვედური გამოუცხადეთ საბჭოს ცოდვების მხილებისათვისო. კრების უმრავლესობა ამ სიტყვებს ტაშის ცემით მიეგება და თანაც დასძანა: „მივიღოთ, მივიღოთო!“ ახლა ჩვენ ვიკითხოთ: რას ნიშნავს ბ-ნი ზდანოვიჩის უკანასკნელი სიტყვები და აგრეთვე კრების უმრავლესობის პასუხი? ბ-ნმა ზდანოვიჩმა ერთ ადგილას, როცა გზებზე იყო ლაპარაკი და სარევიზიო კომისია შედარებით კარგათ იხსენიებდა საგუბერნიო მართველობის მიერ გაკეთებულ გზებს კიათურის მახლობლათ, განაცხადა: აი, ბატონებო, სად მარხია ძაღლის თავი. სარევიზიო კომისია ამ გზებზე იმიტომ გვითითებს, რომ მას სურს ჩვენ წაგვართიან თვითმართველობაო.—მე არ ვიცი რას ფიქრობდა სარევიზიო კომისია, მხოლოდ ბ-ნ ზდანოვიჩის ვკითხავ: ყველა ის, რაც მან ჩაიდინა, როგორც მრეწველთა საბჭოს თავმჯდომარემ, განა თავიდან ბოლომდის არ უთხრის ძირს თვითმართველობას? სადღაა აქ თვითმართველობა? მას შემდეგ, რაც ბ-ნმა ზდანოვიჩმა დაარღვია კრების დადგენილებანი, გადაჯეკნა მისი სურვილი და სამაგიეროთ თავის სურვილი ვაბატონა, თვითმართველობაზე მას ლაპარაკი აღარ შეუძლია. ნუ თუ მას მართლა ჰგონია, რომ თავის მოქმედებით იგი თვითმართველობას იცავს. დავარწმუნებთ ბ-ნ ზდანოვიჩს, რომ სიტყვა თვითმართველობა მისთვის უბრალო ოინბაზობა არ არის, სიტყვის მასალათ ნახშირი, ის ძლიერ სცდება. ეს თვითმართველობა კი არა თვითმართველობაა, როგორც ერთმა წევრმა ეს საჯაროდ განაცხადა კრებაზე. რაც შეეხება კრებას, მან თითონ უარჰყო თავის თავი და იმაზე აბა რაღა გვეთქმის! როცა კრებამ გამართლა საბჭოს

მოქმედება, ხელი დაათარა ყველა მის ბოროტმოქმედებას, იმან ამიერიდან არსებითად მოსპო თავის არსებობა და ყოველივე უფლება გადასცა საბჭოს. ბარაქალა, კრებაე! ასეთი თვითმმართველობა ნურამც ყოფილა, იმის გაუქმებით ჩვენ არაფერს არ ვკარგავთ. მრეწველთა კლასი აღარ არის დღეს ის კლასი, რომელიც ზღვს უწყობს ნამდვილ თვითმმართველობის აღორძინებას და განვითარებას, ეს პრინციპი ანუ იდეა სულ სხვა კლასში იდგამს ფეხს და მხოლოდ იქიდან უნდა მოველოდეთ ხსნა.

წერილი მეოთხე.

მრეწველთა კრება უკვე მიიწურა: სანამ ეს წერილი გაზეთის ფურცლებზე დღის სინათლეს დაინახავდეს, კრება უეჭველად დამთავრდება და საბჭოს მონებრებულ საეარძელზე ან ისევე ზღანოვიჩი დარჩება და ან სხვა ვინმე. იმას კი ვიტყვით წინდაწინ, რომ ვინც უნდა დარჩეს მომავალი საბჭოს დაეგეგმარე, ჩვენთვის ეს თითქმის სულ ერთია, ჩვენ კარგათ ვიცით, ვისი ორგანოა მრეწველთა საბჭო და ვინ უნდა იყოს მისი ხელმძღვანელი, ანუ ვის უნდა ეკუთვნოდეს იგი. ჩვენ დარწმუნებული ვართ, რომ კეთილ-სინდისიერათ საქმის წარმოება რამდენიმეთ აქაც უნდა იყოს შესაძლებელი. მხოლოდ ასეთმა რწმენამ გაგვაბედვინა ჩვენ საბჭოს მოქმედება გაგვეხილა. ჩვენი ერთად ერთი მიზანი იყო და არის მესამე კრებაზე არჩეული საბჭოს მოქმედების უღმობელი კრიტიკის დარჯაკში გატარება, რომ ამით გამოგვეაშკარავებია მისი უნიკობა და სრული გონებრივი და ზნეობრივი სიკოტრე. მრეწველთა საქმეების მართვა-გამგეობაში ბევრს ეწყინა, რომ ჩვენ აქ თეთრს თეთრი ვუწოდეთ და შავს შავი. რა ვქნათ, თუ უმრავლესობას ეს არ ესიამოვნა, ჩვენი აქ რა ბრალია. პასუხი აგონ იმათ, ვინც ყოველივე ეს მოიმოქმედა. დეე დაგვიმტკიცონ, რომ ჩვენ ვცდებით ან ტყუილს ვაპბობთ, ჩვენ მზათ ვართ საჯაროთ ვალიაოთ ჩვენი შეცდომა თუ დანაშაული. სანამ კი ეს არ მოხდება, სანამ ჩვენ ნამდვილ ფაქტებს არ დაგვისახელეებენ, რომლებიც ჩვენს ნათქვამს ამტყუნებდენ, ან ოდნავაც შაინც ასუსტებდენ, იქამდის ჩვენი შეხედულება შეუფრთხელებელი დარჩება. საქმეს არ უშველის, რომ ჩვენ ვილაღ-ვილაღაებთან კავშირი დაგვეკონ. ეს მხოლოდ დამტკიცებს იმათ გონებრივ სიბრმავეს, ვისაც კილისწამებით

ჩენი დამცირება სურს. დარჩება ბ-ნი ზღანოვიჩი ისევ ძველებურათ და მთელი კრება დაიბრმავებს თავს და სამუდამოთ გააუქმებს თავის თავს, ეს ჩენთვის ამიერიდან სულ ერთია;—ჩენი მოვალეობა, რამდენათაც ძალა შეგვეწედა, შევასრულეთ. კუზიანს მხოლოდ სამარე გაასწორებსო—ამბობს რუსული ანდაზა, ისეა აქაც. შემდეგ წერილში ჩვენ შევეხებით ბ. ზღანოვიჩს უფრო დაწვრილებით, ვეცდებით წარმოვეუდგინოთ მკითხველს ამ ვაჟბატონის მთელი ფიზიონომია სავსებით, დავხატავთ მის ზნობრივ და გონებრივ სახეს რაც შეიძლება ნათლად და გარკვევით. ამასთანავე, ცალკე წერილში ჩვენ ვეცდებით დავახსიანოთ მეხუთე კრება, დავფასოთ და ავწონ-დავწონოთ მთელი მისი ნამოქმედარი. მაგრამ სანამ ამაზე გადავიდოდეთ, ჩვენ მოვიხსენიებთ აქ მეხუთე კრების ზოგიერთ დამახასიათებელ ეპიზოდებს, რომლებიც სხვილ ხაზს ავლებენ როგორც ბ. ზღანოვიჩის, ისე თვით კრების ხასიათს.

როცა კრებამ მოისმინა მუშების დაზღვევის აწინდელი წესის გარემოება, მან ერთხმად მოინდომა ამ წესის შეცვლა. ბ-მა ზღანოვიჩმა კი ინება ამ წესის დაცვა, რასაკვირველია, არა მუშების სასარგებლოთ, არამედ მდიდრების კიდევ უფრო გასამდიდრებლოთ. მან ისარგებლა თავის მდგომარეობით და კრებას წარმოუდგინა ყალბი, გამოგონილი ცნობები, რომ ასეთი ცვლილება არ მომხდარიყო. შემდეგ თუმცა ამ საქმისათვის არჩეულ იქნა ცალკე კომისია, მაგრამ ეს ტყუილათ თავის მოტყუილებამ, გინაიდან ეს კომისია ბ-ნ ზღანოვიჩის სურვილის წინააღმდეგ ვერ წავა და აირჩევს იმ გზას, რომელზედაც მას ეს „ყოვლის შემძლე“ ვაჟბატონი მიუთითებს.

კრებას წარმოედგინა განსახილველათ შავი ქვის (მარგანეცის) მექანიკური საშუალებით ჩამოტანა მადნებიდან და საზოგადოთ მადნებში მისავალი გზების გაუმჯობესების საქმე. ამის შესახებ პროექტი უნდა წარმოედგინა ინჟინერ მიხაილოვს; რომელსაც ამისთვის ბ-ნ ზღანოვიჩის სურვილისამებრ წინდაწინ აქვს მიღებული ფული. ამ საბრალო პროექტის ისტორია ასეთია: ჯერ კიდევ მუსხამე კრებამდის ბ. ზღანოვიჩი, კრების სახელით, თუმცა კრებისაგან მას ასეთი მინდობილობა სრულებით არ ჰქონებია, შეტკრა ბ. მიხაილოვს შემდეგი პირობით: ამ უკანასკნელს უნდა შეედგინა პროექტი კიათურის ყველა მადნებიდან მექანიკური საშუალებით მარგანეცის ჩამოტანისა, მაგრამ ისე კი, რომ არც ერთ მრეწველს უპირატესობა არ ჰქონებოდა სხვებთან შედარებით. ასეთი საშუალება ყველა მადნებისათვის ერთ და იმავე დროს კრებას უნდა გაე-

კეთებია თავისი თუ ნასესხები ფულთ. ბ. მიხაილოვს ამ შრომისათვის უნდა მიეღო ნაწილ-ნაწილად რვა ათასი მანეთი. მესამე კრებას ბ-ნმა მიხაილოვმა წარუდგინა საკმარისათ ვრცელი მოხსენება თავის მომავალ პროექტის შესახებ და ამტკიცებდა, რომ ასეთი ფანტასტიური პროექტის საფუძვლით, უნაკლულთ განხორციელება ძლიერ ადვილი საქმეა*).

ბ. ზდანოვიჩიც ჩვეულებრივი გაბედულებით და დიდი რიხით ამტკიცებდა მის განხორციელებას და პირში ბურთს აჩრიდა ყველას; ვინც ამის წინააღმდეგს რასმეს იტყოდა. მას შემდეგ გავიდა თითქმის სამი წელიწადი და გარემოება ასე შეიცვალა: ბ. ზდანოვიჩი დღეს აღარ ამტკიცებს ხსენებულ პროექტის განხორციელებას იმ გზით და იმ საშუალებით, როგორც ეს მას ეგონა ამ სამი წლის წინეთ. საიდან დარწმუნდა ეს ვაჟბატონი ამაში? გამოცდილებით თუ საქმის თეორიულათ შესწავლით? არც ერთი, არც მეორე. მას დღეს ასე სურს, და ვინც წინააღმდეგს იტყვის, მას ღობლიანი პირით და ჩახლჩილი ხმით ლანძღვით და გინებით გაბერავს. მაგრამ აქ არის ერთი მცირე გარემოება, ღირსი ყურადღებისა. ბ-ნმა მიხაილოვმა დაპირებული პროექტი არ წარმოადგინა, თუმცა ფული კი 2,600 მანეთის გარდა სულ მიიღო. ბ. ზდანოვიჩი, რომელიც ბ. მიხაილოვს უნიჭიერეს ინჟინერთათ სთვლის და საზოგადოებას უთითებს მაზე, როგორც სამაგალითო ადამიანზე, კრებას უცხადებს, რომ ბ. მიხაილოვს დაპირებული პროექტი ჯერაც არ წარმოუდგენიაო. რაც შეეხება მიცემულ ფულს, ჩემის აზრით ის რუქები და პროფილები, რომლებიც ბ. მიხაილოვმა გადმოგვცა, იმაზე მეტი ღირს, რაც ჩვენ მივეციეთო. შემდეგ ილაპარაკა თვით ბ. მიხაილოვმა და უნდა გამოვტყდეთ, რომ მან აქ დიდი გულწრფელობა გამოიჩინა. რამდენადაც ბ. ზდანოვიჩი ცდილობდა კრებისთვის თვალები აეხვია და საქმის ნამდვილი მდგომარეობა დაეფარა, იმდენათ ბ. მიხაილოვმა მოისურვა რამდენიმეთ მაინც ფარდა აეხადა ამ საქმისათვის და გულწრფელათ ეუწყებია კრებისათვის, რომ მე დგატყუილეთო. დგატყუილეთ ჯერ იმაში, რომ ისეთი პროექტის შედგენა ვიკისრე; რომლის განხორციელება ყოველად შეუძლებელიაო; დგატყუილეთ იმაშიაც, რომ ის რუქები და პროფილები, რომელშიაც მე თქვენგან ფული მივიღე, იმათ არ ღირსო. ასეთი მხილების დროს, რაც მ. ზდანოვიჩის სრული სიყალბის გამომჟღავნება იყო, ამ უკანასკნელს ოდნავაც არ შერცხვენინა. გასაოცარი აქ კიდევ ის არის, რომ

*) იხ. „Труды III съезда“, გვ. 77.

როგორც გამოაშკარავდა, უწინარეს ყოვლისა პროქტის წინააღმდეგი ყოფილა თვით ავტორი, ე. ი. ბ. მიხაილოვი; ე. ი. ბ. მიხაილოვს უკისრია ისეთი პროექტის შედგენა, რომლის განხორციელება თითონ მას შეუძლებლათ მიაჩნია და პირობის დარღვევის მიზეზათაუც ეს გარემოება დაასახელა.—კარგი, მაგრამ ფული რილასთვის მიიღოვო, — იკითხავს ვინმე. ექ! განა ცოტა რამ საკვირველებს ხდება ამ ცოდვილ დედამიწაზე? ყოველ შემთხვევაში ამის ცოდვა მარტო ბ. ზდანოვიჩს აწევს თავზე და სხვას არავის, მაგრამ თქვენ გგონიათ, რომ კრებამ საყვედური გამოაუცხადა ამისთვის ან ბ. ზდანოვიჩს და ან ბ. მიხაილოვს? სრულებითაც არა. მართალია ზოგიერთებმა დაგმეს და გაკიცხეს როგორც ერთი, ისე მეორე, საზოგადოების ასე აბუჩათ აღებისათვის, მაგრამ რა გამოვიდა! უმრავლესობა, ბ. ზდანოვიჩის ბრძანებით, თეთრს შავით ღებულობს და შავს თეთრით. ეს მდინარე აღმა მიდისო, რომ განაცხადოს ბ. ზდანოვიჩმა, — კი ბატონო, აღმა მიდისო, მოახსენებენ მას და მუშტი-კრივით ჩაქოლვენ იმას, ვინც სინამდვილეს უჩვენებს.

აი არჩევენ შავი ქვის მრეწველთა ღებულებების პროექტს. ერთს წევრს შემოაქვს აზრი იმის თაობაზე, რომ სარევიზიო კომისიას უფლება აქვს ყოველთვის გაუკეთოს რევიზია როგორც საბჭოს, მოქმედებას, ისე ყველა იმ დაწესებულებათ, რომლებიც საბჭოს ექვემდებარებიანო. ბ-ნი ზდანოვიჩი, რომელსაც არ უყვარს, რომ მის მოქმედებას ვინმე შეეხოს და მის თვითნებობას საზღვარი უჩვენოს, ალაგმოს, მაშინვე წამოვარდა და დაახლოვებით ასეთი სიტყვა წარმოსთქვა: ბატონებო! თქვენ ირჩევთ საბჭოს, ანდობთ მას საქმეებს და იმავე დროს სარევიზიო კომისიას უფლებას აძლევთ, რომ მან საბჭოს მუდამ უჩიკინოს. სარევიზიო კომისია ისარგებლებს ამითი და მუდამ კრიკაში ჩაუდგება საბჭოს; თქვენ მიერ არჩეულთ, რომლებსაც თქვენ ვნდეთ. თუ ასეთი უფლება მიანიკეთ სარევიზიო კომისიას, ეს იმის მომასწავებელი იქნება, რომ თქვენ უნდობლობას უცხადებთ თქვენ მიერ არჩეულ კაცებს. მეორე მხრით ამითი თქვენ საბჭოს და სარევიზიო კომისიას შორის ჩამოაგდებთ აყალ-მაყალს, შფოთს და ალიაქოთს, და ისინი იმის მაგიერათ, რომ საქმე გააკეთონ, მთელ თავის დროს ამ ურთი-ერთ კინკლაობას მოანდომებენო. ბატონებო, ეს არ გეკადრებათ თქვენ! სარევიზიო კომისიისთვის ასეთი უფლების მინიჭება რაღაც პარტიული ზომაა, პარტიული ანგარიშით გამოწვეული. ეს არ ეკადრება ღირსეულ კრებას. ვინც თქვენ ამას გირჩეს, იმას თქვენი დამხობა უნდა; მე ვატი საიდან მომდინარეობს ყოველივე ეს. იმათ

სურთ, რომ ჩვენ თვითმართველობა მოგვისპონ, ჩვენი საშუალება ხაზინას გადასცენ და ჩვენ დაგვტოვონ პირში ჩალა ამოვლებული. არა, ნუ მივიღებთ ისეთ წინადადებას, რომელიც ჩვენ თვითმართველობას შეავიწროვებს ან შელახავს, მე ვიცავ ნამდვილ თვითმართველობას, და ამიტომ გირჩევთ მიიღოთ ჩემი წინადადება: სარევიზიო კომისიამ გააკეთოს ის, რასაც მას ბატონი საბკო უბრძანებს! იმ მხოლოდ მაშინ იქნება დაცული წესიერება და თვითმართველობა. კრების უმრავლესობის ტაშის გრიალი იყო ამ სამარცხვინო სიტყვების პასუხად.

ამით: უმტკიცებენ ბ. ზდანოვიჩს და მის ნებსითი თუ უნებლიეთ დაბრმავებულ დამქაშებს, რომ ყოველივე ის, რაც ბ. ზდ-მა ბრძანა სარევიზიო კომისიის უფლების გაფართოვების წინააღმდეგ, მარტო ცილის წამებაა, რომ ყოველგან, სადაც კი მსგავსი დაწესებულება არსებობს, სარევიზიო კომისიას აქვს კონტროლის მოხდენის უფლება ყოველთვის, რომ ეს გარემოება სრულებით არ უშლის ხელს საქმის წესიერ წარმოებას და ოდნავაც არ ჩაგრავს თვითმართველობას: პირიქით, ასეთი უფლება ხელს უწყობს წესიერების დამკვიდრებას და ამავე დროს ლაგძეს თვითნებობას. მაგრამ კრების უმრავლესობას ეს არ ესმოდა, თუ არ სურდა რომ მოესმინა და ამიტომ მის თვალში არაავითარი საფუძვლიან მოსაზრებას არაავითარი ფასი არ ჰქონდა. მას ესმოდა მხოლოდ ბ. ზდანოვიჩის სიტყვები: ნუ გინდათ, რომ სარევიზიო კომისიას ჰქონდეს ნამდვილი კონტროლის უფლება და იგი მხოლოდ მარტო ფორმისთვის გვეყვდესო.

აქ მკითხველის ყურადღება უნდა შევიპიროთ ბ. ზდანოვიჩის ერთ სიტყვაზე, რომელიც მან წარმოსთქვა მაშინ, როცა კრება არჩევდა ახალ დებულების იმ მუხლს, სადაც ლაპარაკია იმაზე, თუ მრეწველთა კრებაზედ ვინ დებულობს მონაწილეობას, როგორც ნამდვილი წევრი: არსებულმა დებულებამ იცის მხოლოდ ორი კატეგორია მრეწველთა: შადნის ამომღები (промышленник) და გამტანი (экспортер). ახალმა დებულებამ ამ ორ ელემენტს მოუმატა კიდევ გამტანი, კიათურიდან მარტო ფოთამდის და ბათუმამდის (вывозящий). კრებაზე გამოიკვია, რომ ეს მესამე ელემენტი შუამავლის როლს თამაშობს კიათურის მრეწველობაში; რომ იგი ნამდვილი წურობელია რომელიც მხოლოდ „სკიდკებით“ სულდგმულობს, ამიტომ უჯობესი იქნება, ეს ელემენტი სრულებით არ იქნას წარმოდგენილი კრებაზე. საზოგადოთ მისი არსებობა მრეწველობისთვის მავნებელია და სასურველი არ არის მისი გამაგრება. ბ-ნმა ზდანოვიჩმა ამ საგანზე

წარმოსთქვა მოკლე, მაგრამ მხურვალე და ძლიერ შინაარსიანი სიტყვა, რომელიც შეადგენს დასკვნას მთელი მისი მოღვაწეობისას ამ უკანასკნელი დღეების განმავლობაში, რომელიცაა თუ ასე შეიძლება ვთქვათ, მან თავი მოუყარა მთელ თავის პრაქტიკულ გამოცდილებას ამ ხნის განმავლობაში, რომელიც მას შეუძენია პრაქტიკული ზედგავლენით. ამ სიტყვაში ბ-ნმა ზღანოვიჩმა ნათლათ და გარკვეულათ გამოხატა თავისი ახალი შეხედულება პრაქტიკულ ცხოვრებაზე, რომელიც მას ამ უკანასკნელი ხნის განმავლობაში შეუსისხლხორცებია და რომელსაც იგი დღეს აღვას, ესე იგი, უფრო გარკვეულათ რომ ვთქვათ, ამ სიტყვაში ბ-ნმა ზღანოვიჩმა დაგვიხატა პრაქტიკული ცხოვრების პროგრამა, რომელსაც იგი დღეს ვრცლათ ახორციელებს ცხოვრებაში. ბატონებო—მიმართა ბ-ნმა ზღანოვიჩმა კრებას, ნუ დაივიწყებთ, რომ ჩვენ იმიტომ კი არა ვართ მოწოდებული, რომ ცხოვრებაში ზნეობრივი კანონები შევიტანოთ და არც იმიტომ, რომ სხვადასხვა იდეალური წესები შევიმუშავოთ სახელმძღვანელოთ. ჩვენ ბევრიც რომ ვეცადოთ, ცხოვრებას მაინც ვერ შევცვლით. ვინ ამბობს, რომ იქ ყველაფერი საუკეთესოთ იყოს მოწყობილი, სრულებითაც არა. მაგრამ რას იზამთ. ამიტომ ცხოვრება უნდა მივიღოთ ისე, როგორც არის. და თუ სარგებლობის მოტანა გვსურს, ყოველგვარი კანონი დავიმორჩილოთ და შევუწყვათ პრაქტიკული ცხოვრების მოთხოვნილებას. რას ქვია ზნეობა, რა არის იდეალი? ყოველივე ეს ცარიელი სიტყვებია და მეტი არაფერი. რა ვუყოთ, რომ ცხოვრებაში ჩვენ ვხედავთ ყოველის ფეხის ნაბიჯზე საზიზღარ და უმსგავს მხარეებს? ჩვენ ამების გასწორება და აღმოფხვრა სრულებით არ შეგვიძლია, ამისთვის ტყუილ-უბრალოთ შევიწუხებთ თავს. პირიქით, ყოველგვარ მოვლენას, რა გინდ იგი საზიზღარი და მავნებელი იყოს, გამაგრების და გაფართოების საშუალება უნდა აღმოვუჩინოთ. სასაცილოა ის ადამიანი, რომელიც ცხოვრებას იმ მხრით დაუწყებს ყურებას, რომ იქ რაიმე გაუმჯობესების შეტანა საჭიროა. ჩვენ გვეუბნებიან, რომ გამტანთა ის ჯგუფი, რომელიც ერთი მხრით ქიათურისა და მეორე მხრით ფოთსა და ბათუმს შუა-ეზიდებიან მარგანეცს, მავნებელია, წურბელააო, და ამიტომ ჯგუფის არსებობა სრულებით არ არის სასურველი ქიათურის მრეწველობის ინტერესებისათვისო. ჩვენ იმათ არ ვეთანხმებით ამაში. რა ვუყოთ, ბატონებო, რომ ისინი წურბელები არიან. იმათი გასწორება ჩვენი საქმე არ არის, ცხოვრებამ დაბადა ისინი და ჩვენ იმათ ვერ უარყვოდთ. ნუ დაივიწყებთ

პრაქტიკული ცხოვრების მოთხოვნილებას, რომელიც ჩაგვძახის, რომ ცხოვრებაში ჩვენ უნდა ვიხელმძღვანელოთ არა ზნეობრივი კანონების და საუკეთესო იდეალების მიხედვით, არამედ არსებულ პირობების მიხედვით. შორს იდეალური მისწრაფება, გაუმარჯოს პრაქტიკული ცხოვრების მოთხოვნილებას, რომელიც გვიბრძანებს, თუ რა ხერხი და იარაღია საჭირო კაცისათვის არსებობისათვის ბრძოლაში! ამიტომ მე გირჩევთ: დაანებეთ თავი ზნეობრივ პრინციპებს და იდეალებს და მოიქცით ისე, როგორც ნივთიერი ინტერესები გიბრძანებენ.

ამ სიტყვის დამთავრება და კრების უმრავლესობის მხრით ტაშის გრიალს და ვაშას ძახილს საზღვარი აღარ ჰქონდა. უმრავლესობაში უფრო ყურადღებას იქცევდნენ ტაშის კვრით და ვაშას ძახილით სოლ. წერეთელი, ივ. ნიქარაძე, კიტა აბაშიძე, პეტ. წულუკიძე და სხვ. ამას სიხარულს საზღვარი აღარ ჰქონდა. ეტყობოდათ სრული კმაყოფილება, რომ რამდენიმე წლის მეცადინეობას ტყუილა უბრალოთ არ ჩაუვლია და შესაფერი ნაყოფიც გამოუღია. და მართლაც, იმათ ჰქონდათ ამის მიზეზი, მაგრამ თითონ ბ. ზდანოვიჩი რაღას გრძნობდა ამ დროს? — შეიძლება იკითხოს ვინმემ. ეს ძნელი გამოსაცნობია. ზდანოვიჩი სიმართლის და ქვეშაობების მოსარჩლე და ზდანოვიჩი ყველა ამის უარისმყოფელი! მათ შორის, ვგონებ სამუდამო უფსკრულია.

წერილი მეხუთე.

როგორც მოსალოდნელი იყო, კრების უმრავლესობამ საბჭოს თავმჯდომარეთ. ისევ ბ. ზდანოვიჩი აირჩია. დაავიროვინა მრეწველთა მეხუთე კრებამ თავისი მეცადინეობა: აქ არაფერი გასაკვირალი არ არის: პირობით, გასაკვირალი ის იქნებოდა, რომ კრების უმრავლესობა, რომელიც ყველაფერში ბ. ზდანოვიჩის მონა-მორჩილი და ხელ-ქვეითი შეიქნა, ბ. ზდანოვიჩის წინააღმდეგ წასულიყო და ვინმე სხვა პირი აერჩია. თუ რა ამოკმელებდა: და ამოძრავებდა ამ უმრავლესობას, როცა თითქმის ერთი თვის განმავლობაში სისტემატიურათ გაუბრძოდა სინამდვილის გაგებას და ყოველგვარი საშუალებით ებრძოდა იმათ, ვინც სიმართლის გამომკვლევნებას ცდილობდა, და როცა მან საბჭოს თავმჯდომარის სავარძელზე ისევ ბ. ზდანოვიჩი წამოასკუპა, ამას ჩვენ დაწერილებით თავის დროზე ვავიგებთ. ჩვენ სრულებით არ გვეშინია იმის, რომ ამოდენა ლაპარაკით

ბ. ზდანოვიჩზე ჩვენს მკითხველს. თავი მოვაბეზროთ. როგორც ბ. ზდანოვიჩში, ისე მის გარშემო დიდ ბოროტებას აქვს ფესვები გადგმული; ამიტომ ჩვენ უნდა მივსდეთ მას ბოლომდის, შევიწინააღმდეგოთ და გამოვიტანოთ იგი დღის სინათლეზე და დავარქვათ მას თავის ნამდვილი სახელი. აქ კი მოგიხსრობთ, თუ რა პირობებში მოხდა ბ. ზდანოვიჩის არჩევა.

მკითხველებმა უკვე იციან, თუ რა სამარცხვინო როლს თამაშობდა მეხუთე კრებაზე მისი უმრავლესობა; იციან აგრეთვე ისიც, თუ როგორ უჭერდა მხარს ამ უმრავლესობას კრების თავმჯდომარე, ცვიტლინი. ყველა ამათი ერთათ ერთი მიზანი იყო ბ. ზდანოვიჩის არჩევა და ამისთვის არაფერს არ ზოგადედნ, არაფერს არ ერიდებოდნენ. 30 იანვარს თავმჯდომარემ განკარგულება მოახდინა, რომ მეორე დღეს თეატრის დარბაზში გარეშე ხალხი აღარ შეეშვათ, რადგანაც არჩევნები უნდა მოხდესო და მაყურებლები ხელს შეგვიშლისო. მიუხედავად ამისა, 31 იანვარს თეატრის შენობას დიდ-ძალი ხალხი მიაწყდა; დარბაზში შეუშვებს მხოლოდ მანდილოსნები, დანარჩენი კი გარეთ უცდიდა არჩევნების ბოლოს. ეს არჩევნები მრავალ მიზეზების გამო მეტათ საინტერესო შეიქნა საზოგადოებისათვის. გონებით უბადრუკათთვის ეს გაუგებარია; თავისი პირადი ინტერესებით აღქურვილ ვაჟბატონთ ვერ წარმოუდგენიათ, რომ კიათურის მრეწველობას მარტო თითო-ოროლა ჩარჩ-მრეწველებისათვის როდი აქვს მნიშვნელობა, იმათ ვერ წარმოუდგენიათ, რომ საზოგადო საქმის სათავეში მოქცევა მარტო იმათთვის კი არ არის საინტერესო, ვინც იქ მოექცევა, არამედ მთელი საზოგადოებისათვისაც. აი კიდევაც მოაღწია არჩევნების დასაწყისი. მაყურებელი საზოგადოება დარბაზში ცოტაა. გარდა ქალებისა, ქალებიც მალლა ქანდარზე მოთაყსებულან. პარტერში სხედან წევრები, მარცხნივ ბ. ზდანოვიჩის ხელქვეითი პარტია, მწყობრათ და მკიდროთ ჩამწყკრივებულა; მარჯვენა მხარე უკავია ოპოზიციას, აქ უფრო ხალვათათ არიან. ორთავე ბანაკს სერიოზული სახე აქვს, დაღვრემილობაც ეტყობა. ეტყობათ, რომ დღეს უკანასკნელი განსჯის დღე დაჰდგარა. ორთავე ბანაკში რალაც წყნარი, ჩუმი ფაცა-ფუცია, გადაყვრ-გადმოყვრით მუსიიფი და ნელი ხმაურობა. ბელადები ღრმა ფიქრში არიან ვართული, — ვაი თუ დაფარულმა კენჭის ყრამ არ გაამართლოს დაპირება, როგორ გამოვიცნოთ ვინ თეთრი მოგვცა? ვინ შავი. მაგრამ ნუ დავიფიწყებთ, რომ გაშავდება თუ არა ბ. ზდანოვიჩი დღეს, უმრავლესობის ბედი მაინც მის ხელშია, ამიტომ თუ გაშავდა, მტყუანზე

და მართალზე ერთნაირათ იყრის ჯავრს და ამითი აიხსნება კრების უმრავლესობის ერთ-სულობა. გამოცდილებამ დაარწმუნა ბ. ზღანოვიჩი მესამე კრებაზე, რომ ასეთი უმრავლესობა, ე. ი. წერილი მრეწველები, მისთვის გამოსადეგი იარაღია და კიდევაც მოიმწყვდია თავის კლანკებში; დღეს იმათ თავის ნებით განძრევაც არ შეუძლიათ უზღანოვიჩოთ. და აბა წარმოიდგინეთ, ასეთმა ხალხმა მას შავი კენკი როგორ უნდა ჩაუგდოს, თუნდ დახურული კენკის ყრის დროს.

ღარბაზში არაჩვეულებრივი სიჩუმეა, ბ. ზღ—ის ერთი მხარეთაგანი და იმავე დროს მისი ხელკეითი, პეტრე წულუკიძე სიტყვას თხოულობს. ორატორი ქებას ახსამს კრების თავმჯდომარეს, ცეიტლინს, რომელსაც პირველათ შეუგონებია კიათურის შავი-ქვის მრეწველებისთვის ყრილობის (СЭЗД) შემოღების აზრი. ამის თაობაზე ცეიტლინმა თურმე ბევრი უჩიჩინა მრეწველთ, რომლებმაც შემდეგ ბ. ზღანოვიჩს მიანდვეს. თხოვნის გაგზავნა სადაც ჯერ იყო. ამისათვის ორატორი მადლობას უტყბადებს ბ. ცეიტლინს და აგრეთვე ბ. ზღანოვიჩსაც, თუმცა ამ უკანასკნელს მან თავი მოჰკრა თავის სიტყვით. აქამდის ჩვენ გვეგონა, რომ ის, რაც ბ-ნ წულუკიძემ ცეიტლინს მიაწერა, ბ-ნ ზღანოვიჩის ერთადერთი სამსახური იყო შავი ქვის მრეწველთა წინაშე, ეს ერთადერთი საქმე იყო, რითაც ბ. ზღანოვიჩს თავი მოჰკონდა და ამასობადა დღეს კი, თერთ მისივე დამქაშის პირით გამომქლავნდა, რომ თურმე ესეც სხვას მიეწერება. ამ ამბის გამომქლავნებისათვის სწორეთ: მადლობის ღირსია თ-დი წულუკიძე. შემდეგ გაიმართა კენკობია. ყუთი დაუდგეს ორ პირს: ბ. ზღანოვიჩს და თ-დ ანდ... ერისთავს. სცენაზე დარჩენ მხოლოდ ოთხი პირი: კრების თავმჯდომარე ცეიტლინი, წარმომადგენელი: შინაგან სამინისტროს ბ-ნი პრინცი, რკინის გზის ბ. სოლოვიოვი და სამთო ინჟინერი მარკოვსკი. პეტრე წულუკიძე და კიტა აბაშიძე ერთ-ხმით გაიძახიან: „მარკოვსკი ნუ დარჩება სცენაზე!“ პატარა, გაფითრებული თავმჯდომარე თითქოს კიდევ უფრო დაპატარავდა და გაფითრდა; თავმჯდომარემ და მარკოვსკიმ ერთმანეთს ჩაღაც. გაღუჭურჩულეს; შემდეგ ამისა ცეიტლინი ატყბადებს, რომ მარკოვსკის გაგდება სცენიდან არ შეიძლება, რადგანაც მას განსაკუთრებული მინდობილობა ქონებია კავკასიის სამთო გამგეობისაგან. ამასობაში დაიწყეს გამოძახება, ცეიტლინი გაჩერდა ყუთებთან და ამომრჩეველთ დაუწყა ჩუმი ლაპარაკი და ხელის ქნევა. ზოგიერთ შემთხვევაში ის თითონ სწევდა მადლა მაუდს და ეუბნებოდა, რომ აქ თეთრია და აქ შავიო, ეს ზღანოვიჩისაა და ეს ერისთავისო.

რამდენიმე წევრმა პარტიურიდან შენიშნა, რომ თავმჯდომარე მიუღლო-მელი უნდა იყოს, იგი ყუთებს არ უნდა ეკარებოდეს, რომ გავლენა არ იქონიოს ამრჩევლებზე კენქის ჩავდების დროსო. ბ. ცეტილინი კი ბოროტათ სარგებლობს თავის მდგომარეობით: მას უფლება არა აქვს ყუთებთან იღვეს და მით უმეტეს, ამომრჩეველთ გაელაპარაკოსო. თუ მიიღებთ მხედველობაში იმ გარემოებას, რომელიც კრებაზე გამოირკვა, თქვენ მიხედვით, თუ რამდენათ სამართლიანი იყო ასეთი შენიშვნა. მაგრამ ბ-ნმა ცეტილინმა მაინც არ დაიშალა თავისი: იგი ერთი წუთს ვითომც ანებებს თავს ყუთებს, მაგრამ მეორე წუთში ისევ ყუთებს მიაშურებს თავზე ხელმოკერილი და ისევ წინანდელი ჩურჩული და ნიშნება. ამას მოყვა ხელ-აწალრი შენიშვნა მეორე წევრის მხრით, რაზედაც პასუხს თავმჯდომარის მაგივრათ აძლევს ბ-ნი პრინცი, რომელიც თავმჯდომარეზე ნაკლებ არ იყო დაინტერესებული არჩევნების შედეგით. ის აცხადებს, რომ გაჩერდით, თორემ თქვენ უოფაქცევას გუბერნატორს მოვახსენებ დღესეო. ამნაირათ, ყველას, ვინც წესიერების დაცვა მოითხოვა, ბურთი ჩასჩარეს პირში და ბ-ნმა ცეტილინმა დაურიდებლათ განაგრძო თავისი მოქმედება: იგი საშინლათ წუხდა, ცმაკურობდა, ხტუნავდა, მაგრამ ყუთებს მაინც ვერ შორდებოდა,—ასე გეგონებოდათ, რომ აქ, ამ ყუთებშია მისი ბედი და იღბალიო, რა აწუხებდა ან რა აშფოთებდა ბ-ნი ცეტილინს, თუ იგი მიუღლომლათ იქცეოდ და ვისმეს გაშავებდა. ან გათეთრება პირადათ მისთვის დანაკლისი ან შეძენა არ იყო? მაგრამ ამას ახლა თავი დავანებოთ.— აი კიდევაც გათავდა გამოძახება, ხმაურობა მიწყნარდა, თითქო ყველამ სული განაბაო. თავმჯდომარე ითვლის პირველათ ერისთავის კენქებს. დათვალა სულ 84 თეთრი. გაისმა ზდანოვიჩის პარტიიში ტაშის ცემა, ე. ი.: ერისთავს მიულოცეს გაშავება. ზდანოვიჩს ამოუვიდა 119 თეთრი. შეიქნა გაცხარებული ტაშის ცემა და ყვირილი ოპოზიციის მიმართ: „წადით, დაიკარგვით, ახლაც აღარ დაგვანებებთ თავს“? ეს იყო პირველ დღეს.

მეორე დღეს, ე. ი.: 1 თებერვალს, მოხდა საბჭოს წევრების არჩევნები. მაგრამ ეს აღარავისთვის აღარ იყო საინტერესო, არც წევრებისთვის და არც გარეშე საზოგადოებისათვის, სხდომას გარეშე ხალხი თითქმის აღარ დასწრებია. ოპოზიციის წევრებიც ნაკლებათ დაესწრენ. რაც შეეხება უმრავლესობას, იმას ახლო დაეკირა პარტიის ორივე მხარე და თავის თავს სრულ ბატონათ თვლიდა. მართალია, მას აღარ ქონდა წინანდელი ხალისი, სიცოცხლე, იგი თითქო ძალა გამოლევულ ადამიანს

მიაგავდა, იმ აღამიანს, რომელმაც ბევრი იშრომა და დაიღალა. ახლა ზგი ლაღობს, ვინაიდან თავის მიზანს მიღწეოა—ზღანოვიჩი ისევე დაი-სკუპა თავზე. უმრავლესობას აღარ აინტერესებდა საბჭოს წევრების არ-ჩევნები, რადგანაც წინდაწინ იცოდა, ვინ იქნებოდნენ არჩეულები, ბ. ზღანოვიჩის ამის შესახებ უკვე მიცემული ჰქონდა შესაფერი ბრძანება: მას უქვევლად უნდა დაეჯილდოებია თავის ერთგული ყმები, განსაკუთ-რებით ისინი, ვინც უფრო ისახელა თავი მის გათვრებაში. ასეთები იყვენ ივანე ნიჟარაძე, ბარათლომე მოსეშვილი, გ. ცერცვაძე, ავგერინო, კრინიცი და კიკნაძე, მარა ყველაზე უფრო მეტი ხმა ბარათებით მოუ-ვიდა ნიჟარაძეს (56), შემდეგ ც—ძეს, ოგანეზოვს, მოსეშვილს, თვი-თეულს დაახლოვებით 50. იმავე დროს დ. ნ. ბაქრაძემ მიიღო 5 ხმა და ნ. ი. ნიკოლაძემ 2. კენჭი იზარეს: ნიჟარაძემ, ცერცვაძემ, მოსეშვილ-მა, ავგერინომ, კიკნაძემ და ბარათაშვილმა. არჩეულ იქნენ წევრებად: ნიჟარაძე, ცერცვაძე, მოსეშვილი და ავგერინო, ხოლო კანდიდატებათ—კრინიცი, კიკნაძე და ან. წერეთელი. ამნაირად საბჭოში დარჩენ ყველა ძველები, გარდა ბარათ. მოსეშვილისა, რომელმაც მეხუთე კრებაზე ისა-ხელა თავი ბ. ზღანოვიჩის დაცვით და თავგამოდებული მომხრეობით. ბ-ნმა ზღანოვიჩმაც გადახედა თავის მოწყალე თვალით და საბჭოს წევ-რობა უბოძა. სარევიზიო კომისიის და ვაგონების და ბაქნების კომიტე-ტის წევრების არჩევნებით თავს აღარ მოგაბზერებთ, ესეც იგივე განმე-ორება იქნება, შეენიშნავე მხოლოდ, რომ სარევიზიო კომისიის წევრათ აირჩიეს ერთი ისეთი პირი, სახელდობრ, ნიკ. ყიფშიძე, რომელმაც რუ-ხული წერა-კითხვა, როგორც ამჟობენ, არც კი იცისო; მეორე მხრით ვაგონების და ბაქნების კომიტეტში არ აირჩიეს ისეთი პირი, რომლის მიუდგომელი და სასარგებლო მოღვაწეობა დასახელებულ კომიტეტში ერთხმად იქნა აღიარებული კრებაზე თვით ამავე უმრავლესობის მიერ (ე. ი. კარპე მოდებამდე), რადგანაც ეს პირი ოპოზიციას ეკუთვნოდა.

ამით დასრულდა კიათურის შავი ქვის მრეწველთა მეხუთე კრება, რომელმაც შეარქხვინა და თავი მოსჭრა ქართველ მრეწველთა კლასს. დიდი ხანი გაიღოს, სანამ ქართველი მრეწველები გაასწორებდნენ იმ შე-ცდომებს, რომლებიც მათ ამ კრებაზე დაუშვეს. მაგრამ ამაზე შემდეგ, აქ მკითხველის ყურადღებას მივაქცევთ ერთ მეტათ საინტერესო გარე-მოებაზე. ჩვენ ვამბობთ ან. ერისთავის კანდიდატურის წამოყენებაზე საბ-ჭოს თავმჯდომარის ადგილზე. ვინ არის ანდ. ერისთავი, რომელ ჯგუფს ეკუთვნოდა ან ემხრობოდა იგი აქამდის, ან რომელს ემხრობა დღეს?

აი საკითხი, რომელიც აღზად ყველას დაებადა თავში, როცა ერისთავ-
 მა თავის კანდიდატურა წამოაყენა. ჩვენ არ ვიცნობთ მას, როგორც სა-
 ზოგადო მოღვაწეს, ვინაიდან აქამდის მას ჩვენ ვერსად ვხედავდით, სა-
 ზოგადოებრივ ასპარეზზე მომქმედს, ამიტომ ჩვენ არ ვიცით, რომელ
 ჯგუფს ეკუთვნოდა იგი იქამდის და ან რომელს ეკუთვნის დღეს. ბ-ნმა
 სერ. ჯაფარიშვილმა (იხ. „ივერია“, № 21) გამოაცხადა, რომ ან. ერის-
 თავი და ბ. ზდანოვიჩი „ეკუთვნოდენ ერთ და იმავე წრეს და ამასთანა-
 ვე პირადი ამხანაგებიც იყვნენ. ეს წრე თურმე, იმავე ავტორის სიტყ-
 ვით, ებრძვის „ყოველივე ბიწიერებას საზოგადო საქმეებში“ ამიტომ
 ბ. ჯაფარიშვილი ან. ერისთავს გამკემს და მოლაღატეს ეძახის. მეორე
 მხრით გაზ. „ახალი მიმოხილვა“, ზდანოვიჩს, ერისთავს და კვალელებს
 ერთ და იმავე პროგრესიული ჯგუფის წარმომადგენლებათ თვლის; მათ
 შორის არავითარი განსხვავება არ არსებობს, გვეუბნება ბ. გ. „ახალ
 მიმ.“-ში, და თუ ერთმანეთს ეწინააღმდეგებიან, ეს მხოლოდ გაუგებრო-
 ბა არისო. ნეტარ არიან უვიცნი, რამეთუ იმათ არაფერი გაეგებათ!
 შეიძლება ზდანოვიჩი და ერისთავი მართლა ეკუთვნოდენ ერთ და იმავე
 წრეს, როგორც ამას „ივერიის“ ავტორი ამტკიცებს, მაგრამ რაც შე-
 ეხება კვალელებს, ეს ან ცილისწამებაა და ან სრული უვიცობა. კვა-
 ლელებს არ წამოუყენებიათ ან. ერისთავის კანდიდატურა და ვერც წა-
 მოაყენებდენ. მიუხედავით ამისა კვალელებმა ოპოზიციის დანარჩენ წევ-
 რებთან ერთად მას თეთრი კენჭი ჩაუგდეს. ასეთ მათ მოქმედებას აქვს,
 სხვათა შორის, ორი გასამართლებელი მიზეზი: ერთი ისა, რომ საქმის
 ინტერესი შოითხოვდა ბ. ზდანოვიჩის გადაყენებას; ანდ. ერისთავის გა-
 ყუანას კი ბევრათ უფრო მეტი შანსი ჰქონდა, ვინემ სხვას; მეორეც ის,
 რომ ან. ერისთავმა, რომელიც ბ. ჯაფარიშვილის სიტყვით, იმავე წრეს
 ეკუთვნოდა, რომელსაც ეკუთვნის თვით ბ. ზდანოვიჩი თავისი კანდი-
 დატურის წამოყენებით, საქვეყნოთ დაგმო და გაეციტა ბ. ზდანოვიჩის
 მოღვაწეობა, როგორც საბჭოს თავმჯდომარისა. აქედან აშკარად სჩანს,
 რომ ბ. ერისთავი ღრმით დარწმუნებულია ბ. ზდანოვიჩის შესაბამო მო-
 ღვაწეობაში, როგორც საბჭოს მეთაურისა, თორემ ასე აშკარათ თავის
 მეგობრის და თავის წინააღმდეგ ვერ წავიდოდა, თუ სულ დაცემული
 აღამიანი არ იყო. ბ-ნმა ჯაფარიშვილმა კი, და მასთან ერთათ ეგრეთ
 წოდებულმა ქუთაისის ინტელიგენციამ ან. ერისთავის ასეთი მოქმედება
 ჩათვალა გაცემათ, დაღატათ. მაგრამ ბ. ჯაფარიშვილს და ა-ს, აღზათ,
 არ ესმის, თუ რა არის დაღატაი საზოგადო. საქმეში. თუ შენ საზოგადო

საქმეს ემსახურები და პარტივს სცემ, ღალატათ ჩითვლება ის მოქმედება, როცა შენ ბოროტებას ხელს დააფარებ და მის გამაგრებას ეცდები. პირიქით, თუ ამ ბოროტებას გამოამჟღავნებ და მის თავიდან აცილებას ეცდები, თუნდაც ეს გამოამჟღავნება კერძო პირისთვის მავნებელი იყოს, ეს საზოგადო საქმისადმი სამსახური იქნება. ბ. ჯაფარიშვილი და მისი მსგავსნი ალბათ ვერ არჩევენ საზოგადო ინტერესებს კერძო ინტერესებისაგან, და როცა კერძო პირის წინააღმდეგ გამოდიან საზოგადო საქმის სიკეთისათვის, მას ეს ღალატათ მიაჩნია. აი ბ. ჯაფარიშვილის და მის მსგავსთა თვალთა ხედვის ისარი! მართალია, ეს ღალატია, მაგრამ არა საზოგადო საქმის, არამედ კერძო პირის, თუ გინდ თავისივე წრის, იმ პირის, რომელმაც საზოგადო საქმე თავის და თვის მახლობელთა პირად საქმეთ გადააქცია, რომელმაც უარყო საზოგადოების სამსახური და მხოლოდ თავის საკუთარი სურვილი გააბატონა. არა, ბ. ერისთავი ამ შემთხვევაში მოიქცა ისე, როგორც უნდა მოქცეულიყო ყველა პატიოსანი და სინდისიერი ადამიანი. მარტო ის ფაქტი, რომ ანდ. ერისთავი გამოვიდა ბ. ზდანოვიჩის წინააღმდეგ, დიდთ საგულისხმოა: მის მაგიერათ რომ გამოსულიყო ემერიკი, ჩიკვაიძე ან ვინმე კვალელი, იმას არასოდეს ის მნიშვნელობა არ ექნებოდა. ისეთი კანდიდატურა, როგორც ამ შემთხვევაში ან. ერისთავია, რომლის წარსული შედარებით შეუბღალავია და რომელსაც თვით ზდანოვიჩის წრე თავისიანად სთვლიდა, მოწინააღმდეგისთვის პირდაპირ ზნეობრივი დამარცხებაა. *Habent sua fata libelli*. ქუთაისის ინტელიგენტურ წრეს და მის წარმომადგენელს ბ. ზდანოვიჩსაც აქვს თავისი ბედი. ერთხელ ესენიც ატარებდნენ ხალხის გულშემატკივართა და მოკეთეთა სახელს, მაგრამ ყოველივე ჩანთქა დროთა ვითარებაჲ, ყოველივე ეს გაქრა, როგორც სიზმარი ღამისა. ვინ არიან დღეს ბ. ზდანოვიჩი და მისი მალმერთებელი „წრე“? რა აწერია მათ დროშაზე? ენაზე მათ აკერია ხალხის ინტერესი და მისი სამსახური, ხოლო საქმით მისი მჩაგვრელები არიან, მათი სამარცხვინო დანაშაულებები მხოლოდ გამოსარჩენი და მოხერხებული ადგილების ხელში ჩაგდებაა. და მართლაც, ამ წრეს აღარაფერი აღარ დაუზოგავს, არაფერს აღარ დარიღებია, რომ ყოველგვარი გამოსარჩენი საქმე თავის ხელში ჩაეგდო: არც დანოსს (მიხეილის საადგილ-მამულო ბანკი), არც მოტყუილებას და მოყიდვას ის არ დარიღებია, ოღონდ ყველა საზოგადო საქმე მას ხელში ჩაეგდო. და მართლაც, ქუთაისის საადგილ-მამულო ბანკიდან დაწყებული ქალაქის გამგეობამდის ქუთაისში

ყოველივე მის ხელშია დღეს. როგორც მრეწველთა საბჭო, ორივე საკრედიტო ბანკი ქუთაისში და ქიათურაში, ამასთანავე გამოაშკარავდა, რომ იმათ შორის საზღვარი აღარ აქვს, მას ეს აღარ ყოფნის. საინტერესოა ის გარემოება, რომ ხსენებულ წრეში, რომელიც ბ. ჯაფარაშვილის სიტყვით ყოველგვარ ბიწიერებას ებრძოდა, დღეს თავი მოუყრიათ და სოლიდარულად მოქმედობენ ერთი მხრით ჩარჩი-მრეწველები, როგორც არიან, მაგ. სოლ. წერეთელი, პეტრე წულუკიძე, კოტე ბაქრაძე და სხ. და მეორე მხრით სიბნელის ისეთი წარმომადგენელი, როგორც არიან კიტა აბაშიძე, კ. თუმანოვი და სხვ. ყველა ამათი მეგობრულტრე გამხდარა გ. ზდანოვიჩი. ამნაირათ, ქუთაისის ინტელიგენციაში, რომლის სისპეტაკეში წინეთ იშვიათად თუ ვინმე ექვს შეიტანდა, დღეს ძალიან მოუყრია საზოგადოების ყველა ქვემძრომთ და საზიზღარ ელემენტებს. ვისაც თვალი აქვს ხედვით და ყური სმენად, ამიერიდან ეს დაფარული აღარ დარჩება. ამასთანავე ისეთი შემთხვევები, რომელსაც ბ. ჯაფარაშვილი გაცემას და ლალატს უწოდებს, ხსენებულ წრეში, თანდათან უფრო გახშირდება. არ გასულა ერთი წელიწადი, რომ ასეთ შემთხვევას ქალაქის გამგეობის არჩევნების დროს ქონდა ადგილი. ცოტათ თუ ბევრად სინოდისიერი პირები და ხალხის გულშემატკივარნი, რომლებიც ყოველგან მოიპოვებიან, ამნაირ გათახსირებას ვერ შეურიგდებიან, და იას. ბაქრაძესავით და ანდ. ერისთავივით შესწყვეტენ ხსენებულ წრესთან ყოველგვარ კავშირს და იგი თანდათან გაიხრწნება და ამასთანავე მისი მიმართულება და ხასიათიც უფრო და უფრო აშკარა შეიქნება.

წ ე რ ი ლ ი მ ე ე ქ ვ ს ე .

ჩვენ ჯერ არ შევხებივართ თვით კრებას, როგორც ერთ მთელს, არ გავვიცნია მისი შემადგენელი ნაწილები, აქამდის ჩვენი ყურადღება განსაკუთრებით მიქცეული იყო ერთი მხრით საბჭოს მოღვაწეობის განხილვაზე და მეორე მხრით იმ მთავარ გარემოებათა დახასიათებაზე, რომლებმაც თავი იჩინეს თვით კრების დროს. აქ ყველაზე უფრო თვალში საძგერი ბ. ზდანოვიჩის მოქმედება და მისი საქციელი იყო და ეს არ შეგვეძლო არ აღვვენინა. ვინც გარემოებას დაუკვირდება და საქმეს გაიცნობს, ის ამას აღვილათ მიხვდება. მხოლოდ გონებით უბრაადრუკთ და პირადი ანგარიშებით დაბრმავებულთ შეუძლიათ თქვან, რომ ჩვენ აქ

მხედველობაში გვქონდა „დაძობა პირისა“ (ე. ი. ზდანოვიჩის), რომელიც სათავეში ჩაუდგა ახალ საქმეს“ (იხ. „ცნობის ფურცელი“ № 2053) არავისთვის საიდუმლოება არ არის, რომ შავი ქვის მრეწველთა კრების ერთ-ერთი „დაუმარცხებელი რაინდი“ ამიერიდან ბ. ზდანოვიჩია. ამიტომ ყველა იმ ბრალდებაში, რომელსაც ჩვენ მრეწველთა საბჭოს და კრების წინააღმდეგ წამოვყენებთ, ბ. ზდანოვიჩს ვამტყუნებდით და ვამტყუნებთ დღესაც. ახირებული და სასაცილო იქნებოდა, რომ სპილოსთან ომი გქონებოდეს და ბუზანკალებს ბრძოლა დაუწყო. და აი, სწორეთ „ცნობის ფურცელი“ გვისაყვედურებს, რომ რათ ჩვენ თავი არ დაყანებთ სპილოს და არ შევებრძოლეთ ბუზანკალებს! შესაძლებელია, ბუზანკალებთან ბრძოლა ხელსაყრელი ყოფილიყო „ცნობის ფურცლის“ ხელმძღვანელთათვის, მაგრამ ამას არ მოითხოვს საზოგადო საქმის ინტერესი. ის ფაქტები, რომლებიც ჩვენ წინა წერილებში მოვიყვანეთ, აშკარად გვიმტკიცებენ, რომ ბ. ზდანოვიჩის სისტემატიურმა მოქმედებამ სრულიად გაუთხარა ძირი ქიათურის შავი ქვის მრეწველთა თვითმართველობას, რომ დღეს ეს ვაგებატონი თვით-მართველობის სახელით იცავს აულაგმავ თვითნებობას. ამიტომ ჩვენ ვეწინააღმდეგებით ბ. ზდანოვიჩს იმიტომ კი არა, რომ იგი ზდანოვიჩია და არა სხვა ვინმე, არამედ იმიტომ, რომ იგი, როგორც საზოგადო საქმის ხელმძღვანელი, უარგისია. ვიმეორებთ, სანამ ფაქტებით და არა სიტყვებით, წინააღმდეგს არ დაგვიმტკიცებენ, მანამ ზდანოვიჩზე აზრს ჩვენ არ გამოვიცვლით. ახლა კი გადავიდეთ კრებაზე.

ვისგან შესდგება ქიათურის შავი-ქვის მრეწველთა კრება? იმას შედგენენ ერთი მხრით მრეწველნი, ე. ი. მადნის გამომღებნი, მეორე მხრით მადნის გამტანნი საზღვარ-გარეთ და რუსეთში, ე. ი. ეგრეთ წოდებული ექსპორტერები. პირველები შეადგენენ დიდ უმრავლესობას, მეორენი უმცირესობას. მაშინ, როცა მრეწველთა რიცხვი 300-400 აღწევს, ექსპორტერების რიცხვი ოცამდე ძლივს აღის. პირველები უმთავრესად ქართველებია, ექსპორტერების დიდი უმრავლესობა კი უცხოელებისაგან შესდგება. ამ ორ ჯგუფს შორის მუდამ უთანხოებაა, მუდამ განხეთქილებაა, როგორც მყიდველთა და გამყიდველთა შორის. ჩვეულებრივ მრეწველს ქიათურაში შეუძლია მადანი ამოიღოს ტუნელიდან, მაგრამ მადნის ბაზარზე გატანა მის არ შეუძლია, ვინაიდან ამისთვის საჭიროა თანხა, საჭიროა თაოსნობა, საჭიროა კრედიტი და ქიათურის ჩვეულებრივ მრეწველს კი არც პირველი აქვს, არც მეორე და არც მესამე. ამიტომ

იგი ექსპორტერის ხელშია. და მართალია, ამ უკანასკნელს იგი გარეგნობით კიდეც ეალერსება, მაგრამ ნამდვილათ კი მას ზიზღით უსჯერის. ამას ჩვენ აშკარათ ვხედავთ კრების დროს. კრებაზე ექსპორტერები ყოველთვის უმცირესობას შეადგენენ როგორც რიცხვით, ისე ხმებითაც, ასე რომ, კრების ნამდვილი ბატონი მრეწველები არიან. ამიტომ ჩვენ აქ მხოლოდ მრეწველთა დახასიათებას შევეუდგებით. თანამედროვე მრეწველი დიდი ხნის კულტურული მუშაობის ნაყოფია; იგი ნიშნავს ადამიანს, შეიარაღებულს არა მარტო ფულით, არამედ თაოსნობით, ცოდნით, რომელსაც წინ მიყავს თავის საქმე, რომელიც მუდამ აუშჯობესებს. საქმის წარმოების წესს და რომელიც ამის გამო ხდება სწავლა-განათლების და საზოგადოთ კულტურის იარაღათ. სულ სხვაა ქიათურის შავიქვის ჩვეულებრივი მრეწველი, ამ მრეწველების დიდი უმრავლესობა მაინც. უწინარეს ყოვლისა, ქიათურის მრეწველი ძლივს იპურებს თავს, მას არა თუ არა აქვს საკმარისი თანხა, არამედ მას არც გაბედულება აქვს და არც ცოდნა; ამიტომ იგი უძლურია რაიმე გაუმჯობესებული წესი შემოიღოს წარმოებაში. იგი შემთხვევით შეიქნა მრეწველი; მას ამისთვის არ დასჭირებია არც წარსული გამოცდილება, არც თანხა და არც სწავლა. ქიათურაში მადნის გამოღებას დიდი ანი და ბანი არ უნდა; ამისთვის არც ფულია საჭირო და თითქმის სამთო ხელობის ცოდნა. ადვილათ გამდიდრების მსურველი ყოველგან და ყოველთვის მრავალი ყოფილა და არის. ამიტომ, როცა შავმა-ქვამ ბაზარი მოიპოვა, ქიათურას დიდ-ძალი ხალხი მოაწყდა და რადგანაც მადანის გამოღება დიდს არაფერს შეიძენდა, უთვალავი მრეწველები გაჩნდნენ. ეს მრეწველები ერთსა და იმავე დროს მრეწველის სახელსაც ატარებდნენ და მუშის როლსაც ასრულებდნენ. ცნობილია, რომ ასეთ პირობებში შრომის ფასი, ე. ი. მუშის ქირა მეტათ მცირეა და თვით შრომაც ჩაყენებულია აუტანელ პირობებში. ასეთი პირობები ხელს უწყობენ წარმოების ძველებურ, პრიმიტიულ წესის არსებობას; აქ არავითარი რენიკურ გაუმჯობესებას ადგილი არა აქვს და ამიტომ ვერც სხილი წარმოება იკიდებს ფეხს. ასე მოხდა ქიათურის მრეწველობაში. აგერ 22 წელიწადია, რაც ეს მრეწველობა არსებობს, მაგრამ ამ ხნის განმავლობაში მას ფერი არ უცვლილა. მართალია, წარმოება სოცრად გადიდდა, გაიზარდა, მაგრამ წარმოების პირობები ოდნავაც არ შეცვლილა; ვერც ერთმა სხილმა ფირმამ იქ ფეხი ვერ მოიკიდა, ვერ იხერია. და მართლაც, როგორ უნდა გაუწიოს მეტოქეობა. ისეთი მრეწველმა; რომელიც წარმოებას ისე

იწყებს, რომ თითქმის ფულს არაფერში არ ხარჯავს; მისთვის საკარისია თუ ორი-სამი მუშა იქირავა, იმათ თვითონ ამოუჯდება გვერდში და მუდამ დღე მუშაობენ. ასეთ მრეწველს არ სჭირია არც მასალა, არც ძვირფასი იარაღები, არც მუშების ბინა, არც ბუჰგალტერი, არც საქმის გამგე; მისთვის, ასე წარმოიგდინეთ, ზოგიერთ შემთხვევაში არც სამთო გამგეობის ნებართვაა საჭირო, რაც კანონით ყველასთვის სავალდებულოა. აი ასეთი მრეწველი ბოგინობს ქიათურაში, აი, ასეთ მრეწველთა ხელშია ქიათურის შავი-ქვის მრეწველობა.

ამის შესახებ ახლად გამოცემული Статистика марганцевого дела *) შემდეგ ცნობას ვეძლევა. იმისდაკვალათ, თუ რამდენ ფუთ მადანს იღებს წლის განმავლობაში მრეწველები, ისინი დაყოფილია სამ კატეგორიით: წვრილი, შუათანა, სხვილი. პირველი კატეგორია იღებს წლის განმავლობაში 100,000 ფუთს, მეორე—100,000—500,000-დის მესაჟე—500,000 ფუთს და მეტს. მრეწველთა საერთო რიცხვი იყო: 1895 წელს 1899 წ.—291, 1900 წ.—400, 1901 წ.—177.

ამათში პირველი ორი კატეგორიის იყვნენ:

წლები	წვრილი	შუათანა	ორივე	ანუ	%	%	საერთო რიცხვის.
1895	61	15	76		97,44		
1899	189	92	281		96,56		
1900	249	140	389		97,25		
1901	85	86	173		97,51		

საერთოდ ამ ორ კატეგორიას ამოუღია მადანი:

წლები	ფუთი	ანუ	საერთო რიცხვის
1895	4,831,055		60,40%
1899	25,250,513		74,05
1900	28,577,167		70,80
1901	18,086,535		78,93

*) იხ. „Стат. марган. дела“, издание 1902 გვ. 30—31.

იმავე დროს სხვილ მრეწველთა მდგომარეობა ქიათურის შავი ქვის მრეწველობაში ასე გამოიხატება:

წლები.	მრეწველობა.		გამოუღიათ მადანი ფუთი.	% საერთო რიცხვთან.
	რიცხვი.	% საერთო რიცხვთან.		
1895	2	2,56	2,269,000	31,96
1899	10	3,44	8,801,919	25,95
1901	11	2,75	11,786,325	29,20
1901	4	2,49	4,818,000	21,07

ეს ცნობები ნათლად ამტკიცებენ ზევით ნათქვამს, სახელდობრ აი რას: 1) წვრილი და შუათანა მრეწველები შეადგენენ დიდ უმრავლესობას, ე. ი. თითქმის 98% საერთო რიცხვისას; 2) იმათ მიერ გამოღებული მადანის რაოდენობა შეადგენდა 1895 წელს 4,831,055 ფუთს, ანუ 68,04% საერთო რიცხვისას, 1901 წელს კი იგი უდრიდა 18,086,535 ფუთს, ანუ 78,93%; და 3) იმავე დროს კლებულობს შედარებით, როგორც სხვილ-მრეწველთა რიცხვი, ისე რაოდენობა იმათ მიერ ამოღებული მადანისა. ამავე პროცესს ამოწმებს შემდეგი გარემოება: საშუალო რიცხვით თითო მრეწველი ამუშავებდა წლის განმავლობაში:

1895 წ. 34,45 მუშას, 1899 წ. 11,17 მუშას, 1900 წ. 9,25 მუშას, 1901 წ. 11,16 მუშას *).

ასეთი წესი მუშაობისა როგორც ქიათურის მრეწველობაში გაბატონებული, წინ ეღობება ყოველგვარ ტექნიკურ წარმატებას, მუშათა მდგომარეობის გაუმჯობესებას და ხელს უწყობს სიმდიდრის უნაყოფოთ გაფლანგვას. მაგრამ იგი არა მარტო ამ მხრით არის მიუხედავადი. იგი ხელს უშლის თვით მრეწველთა კლასის გათვითცნობიერებას, თავის რეალურ მოთხოვნილებათა და საჭიროებათა შეგნებას და ამისთვის შესაფერ ზომათა მიღებას. წვრილი მრეწველი მუდამ რყევაშია. მას არას-

*) იხ. Стат. Map. X. გვ. 42.

ოდეს არ აქვს თავისი ნამდვილი ინტერესი შეგნებული და გათვალისწინებული, იგი მუდამ სხვის დახმარებას და ხელმძღვანელობას საჭიროებს, იმას არ შეუძლია, რომ სხვას არ მიეყვოდეს და სხვის ფეხის ხმას არ აჰყვეს; ერთი სიტყვით, იმას არ შეუძლია დამოუკიდებლათ მოქმედება და ამით აიხსნება ის სამარცხვინო გარემოება, რომ წერილი მრეწველი მუდამ სხვისი მონა-მორჩილი ხდება, რომ იგი სხვისი იარაღი გამოდის. ეს საესებით დაგვიმტკიცა ქიათურის მრეწველთა მეხუთე კრებამ, რომლის უმრავლესობა—და მუშა-თანამრეწველნი წინააღმდეგ თავის საკუთარ ინტერესებისა, ბ. ზდანოვიჩის და მისი დამქაშების მონა გახდა. როგორც ზევით ვამბობდით, კრების ბატონი არიან მრეწველები, განსაკუთრებით წერილი და შუათანა მრეწველები. მესამე კრების დროს მრეწველთა ეს ორი კატეგორია ბ. ზდანოვიჩის წინააღმდეგ იყო, ისინი საბჭოს ოპოზიციას შეადგენდნენ. ყველამ იცის, თუ რა გასაკირში ჩააგდო მაშინ ამ ოპოზიციამ ბ. ზდანოვიჩი: მან უარყო ბ. ზდანოვიჩის მიერ მოწონებული კანდიდატი კრების მდიანის თანამდებობაზე, აირჩია კომისიებში თავის კაცები, გამოუცხადა საბჭოს თავმჯდომარეს, ე. ი. ბ. ზდანოვიჩს, საყვედური ხმის უმეტესობით, მიაღებინა კრებას მუშათა მდგომარეობის გასაუმჯობესებლათ მთელი რიგი სხვადასხვა ზომათა (თუმცა, ბ. ზდანოვიჩის წყალობით სრულიათ ამოათ!), და მხოლოდ ექსპორტერების ხრიკებს მიეწერება, იმ ექსპორტერების, რომლებიც მესამე კრებაზე ბ. ზდანოვიჩის მხარეზე იყვნენ, რომ ბ. ზდანოვიჩი ისევ საბჭოს თავმჯდომარეთ იქნა არჩეული. ამ უკანასკნელ გარემოებას რამდენიმეთ ხელი შეუწყო რიგიან კანდიდატის უყოლობამ. სამწუხაროთ, მეხუთე კრება მოხდა სულ სხვა პირობებში: ის უმრავლესობა, რომელიც მესამე კრებაზე ბ. ზდანოვიჩის წინააღმდეგი იყო, მეხუთე კრებაზე ბ. ზდანოვიჩის მომხრე იყო, ახლა მის შეურიგებელ მტრებათ გადაიქცენ. რა მოხდა, რამ გამოიწვია ასეთი ცვლილება? ნუთუ $2\frac{1}{2}$ წლის განმავლობაში ბ. ზდანოვიჩი ისე გამოიცვალა, რომ იგი გახდა წერილ მრეწველთა მომხრე და მათ სასარგებლოთ რაიმე გააკეთა და ამავე დროს მსხვილებს გადაუდგა? არც ერთი, არც მეორე: ბ. ზდანოვიჩი დარჩა ისეთი, როგორიც იყო, მხოლოდ მან მეტი გამოუცდილება შეიძინა, რასაკვირველია, თავის სასარგებლოთ; როგორც წერილი, ისე სხვილი მრეწველები მისთვის მხოლოდ გამოსადეგი იარაღია. სამაგიეროთ წერილმა მრეწველებმა მეხუთე კრებაზე დაკარგეს ის ცოტაოდენი გამჭირახობაც კი, რომელიც მათ მესამე კრების დროს გამოიჩინეს.

მესამე კრებაზე ბ. ზღანოვიჩი დარწმუნდა იმაში; რომ წვრილი მრეწველები მისთვის დიდათ საშიშარ ელემენტს წარმოადგენდნენ, ისე საშიშარს, რომ თუ ვინიციკობა შემდეგ კრებაზედაც ისინი მის წინააღმდეგ წაიბოლოდნენ, უეჭველათ თავმჯდომარის სავარძლიდან გადააბრძანებდნენ. ბ. ზღანოვიჩი დიდ საგონებელს მიეცა: როგორ უნდა მოვიძებრო ჩემსკენ წვრილი მრეწველები: ეს არც ისე ადვილი საქმე იყო. მიუხედავად იმისა, რომ წვრილი მრეწველი ადვილი დასაყოლიებელი და ადვილი მოსატყუებელია, ის იმავე დროს სწორედ ამ გარემოების გამო ძნელი სანდოა. როგორც შენ შეგიძლია დაიყოლიო იგი, ისე სხვასაც შეუძლია თავისაკენ მიიზნოს. ამიტომ ხაჭირო იყო ისეთი ღონისძიება, რომლის საშუალებით წვრილი მრეწველი ჩაეთრიათ და არა ჩაეყოლათ; საჭირო იყო ისეთი ღონისძიების გამოგონება, რომ მრეწველს კიდევ: რომ ნდომოდა თავის დაღწევა, ეს ველარ უნდა მოეხერხებია. ასეთი საშუალება ბედმა არგუნა ბ. ზღანოვიჩს „შავი ქვის“ ამხანაგობის სახით. ამ ამხანაგობის შედგენის აზრი პირველათ ბ. ზღანოვიჩს დაბალებია, მაგრამ მან შესანიშნავათ ისარგებლა ამ საშუალებით. „შავი-ქვის“ ამხანაგობა—ეს ისეთი კვანძია, რომლის გახსნა დღეს თვით ზღანოვიჩსაც გაუჭირდება*). აშკარაა მხოლოდ ის, რომ ბ. ზღანოვიჩმა „შავი-ქვის“ ამხანაგობის მეხებით მიაღწია იმას, რაც მას სურდა: წვრილი მრეწველები თავისი სურვილის წინააღმდეგ გახდნენ მისი მონა-მორჩილები:

„შავი-ქვის“ ამხანაგობის მოწყობამ მოამზადა ამ დამორჩილების ნიადაგი. მაგრამ ეს კიდევ არ კმარადა, სრული მორჩილებისათვის საჭირო იყო ამ ნიადაგის ხელ-ახალი გადაბარვა. როცა მეხუთე კრების მოწვევაზე ჩამოვარდა ლაპარაკი, მაშინვე გაჩნდნენ „დახელოვნებული“ პირნი, რომელთაც კარგათ ქონდათ შეტყობილი წვრილ მრეწველთა ხასიათი, მათი სუსტი მხარე; ამ პირებმა დაიწყეს შესაფერი მოქმედება და ხალხს დაუბნინეს გონება. იმათ უკვე წინდაწინ ქონდათ წარმოდგენილი, რომ თუ ხალხი თავის ნებაზე დარჩება მიშვებული, ბ. ზღანოვიჩს უეჭველათ ჩამოაბრძანებდნენ თავის დღევანდელ ადგილიდან: ეს უწინარეს ყოველისა უდი იქნებოდა ამ „დახელოვნებულ“ პირთათვის: და აი, დაუწყეს ხალხს ქადაგება, რომ ბ. ზღანოვიჩი წვრილ მრეწველთა მხსნელია, რომ იგი მხოლოდ იმათთვის ზრუნავს, აი ამისთვის დაგიარსათ მან ამხანაგობა „შავი-ქვა“, რისთვისაც მას ვადამტერენ წვრილ მრეწველთა მართველები—

*) ახლო მომავალში ხსენებულ ამხანაგობას ჩვენ ცალკე წერილს ვუძღვნივთ.

ექსპორტირებო. ამაში ცოტაოდენი სიმაღლესი იყო, სახელდობრ ის, რომ „შავი-ქვის“ გამო ზღანოვიჩის მართლა გადაემტერნენ ექსპორტირები, სამაგიეროთ ამით მან იზოვნა უფრო მეტი თავისი კენტი. და მისთვის კი მხოლოდ ეს იყო საჭირო. „დახელოვნებულმა“ პირებმა იცოდნენ, რომ ზღანოვიჩის გასაშავებლათ მეხუთე კრებისთვის გაცილებით უფრო მეტი საბუთი იყო, ვინმე მესამე კრების დროს და ამიტომაც იყო საჭირო ენერგიული მოქმედება. კენქის შოვნის საქმე დიდი ხანია მკვიდრ ნიადაგზე იყო დაყენებული, მას შემდეგ რაც „შავი ქვის“ ამხანაგობა შედგა; საჭირო იყო მხოლოდ შესაფერი ახსნა და განმარტება, რისთვისაც სიტყვიერათ მუშაობდნენ. ამნაირათ შედგა ძველი საბჭოს და ბ. ზღანოვიჩის მომხრე პარტია მეხუთე კრებაზე ანუ უფრო მართლათ რომ ვთქვათ, პარტია შედგა ჯერ კიდევ იმ დროს, როცა კრების მოხდენა ჯერ კიდევ გამოცხადებული არ იყო. როგორც ბ-ნმა ზღანოვიჩმა, ისე, „და-ახლოვებულმა“ პირებმა კრების შედეგი იცოდნენ რამდენიმე თვის წინ კრების მოწვევამდის. მათ სისწორით დათვლილი ქონდათ თეთრი კენ-ქები, რომლებიც უნდა ამოსვლოდა ბ. ზღანოვიჩის მომავალ კრებაზე, რომელიც ჯერ კიდევ მოწვეულიც არ იყო. ამნაირათ შედგა ბ. ზღანოვიჩის უმრავლესობა, რომელსაც იგი უნდა გაეთეთრებია არჩევნების დროს. ეს უმრავლესობა არ იყო თავის ნებით, თავისუფლად მებრძოლი მოწინააღმდეგე პარტიასთან. იგი ხელფებ შეკრული დაზონებული რაზმი იყო, რომელსაც მხოლოდ იმის ამოძახება შეეძლო, რასაც ჩასძახოდნენ. ასეთნაირათ დამონებული ჯარი ყოველთვის როდი გამოდგება ბრძოლისთვის, მეტადრე იქ, სადაც სიტყვის და გონების საშუალებით იბრძვიან, და არა ფიზიკური ძალით. ამიტომ დამონებულ რაზმს მისცეს შესაფერი დარიგება: ბ. ზღანოვიჩის ყოველ სიტყვაზე ვაშას ძახილი და ტაშის დაკრა; მისი ყოველი წინადადების მიღება; იმავე დროს მორჩილ ჯარს მოწინააღმდეგე პარტიისთვის საშუალება არ მიეცა, რომ კლაპარაკათ: როცა საბჭოს და ბ. ზღანოვიჩის წინააღმდეგ დაიწყებდა ვინმე ლაპარაკს, ამ დროს მორჩილ რაზმს უნდა აეტება ყვირილი და ხმაურობა, რომ უმრავლესობას არ სურს მოისმინოს მისი სიტყვა, უმრავლესობა ეთანხმება ყველაფერში ბ. ზღანოვიჩსო.

ამნაირათ გამოცხადდა ეს უმრავლესობა კრებაზე; მან კრების გახსნისთანავე გამოიჩინა თავი, იგი პირველ-სხლამაზედვე წამოღდა ჩვენ თვალწინ, როგორც ბრბო, რომელსაც დაუკარგავს საკუთარი მსჯელობა და ჭკუა და სხვისი იარაღი შექმნილა. განსაკუთრებული ის არის, რომ

ბ. ზღანოვიჩის რაზმმა კრების გახსნამდის იცოდა, რომ იგი უმრავლესობას შეადგენდა. ეს გარემოება ჩვენ არ უნდა დავივიწყოთ. აქედან ჩვენ ვტყობილობთ, თუ რა მზადება იყო კრების მოწვევამდის. თავის მომხრე პარტიას წინაღობა შეაგონეს, რომ ისინი უმრავლესობას შეადგენენ კრებაზე და რაც უნდათ, იმას გაიყვანენო. საკვირველი იყო კრებაზე ამითი ქცევა: იმათ ეპირათ პარტიერის მარცხენა მხარე; როცა ვინმე იმათი ბელადთაგანი, როგორც ივ. ნიჟარაძე; სოლ. წერეთელი, კოტე ბაქრაძე, ან ჯ. იაშვილი აღგებოდა, მთელ ამ რაზმს თითქო ელექტრონული ტოკი დაუარაო, ისე ყველანი ერთ ღროს წამოგარდებოდნენ ზედ. ვგონებ, ასეთი სისტემა დისციპლინა და მორჩილება ნამდვილი ჯარის სარდალს შეშურდებოდა! მაგრამ, საუბედუროთ, როგორც ყრველთვის, ეს სასტიკი დისციპლინა-დამორჩილება ყოველგვარ აზრის დაკარგვას და გონების დაჩლუნგებას მოასწავებდა; იგი ნიშნავდა ყურის მოყრუებას და თვალის დაბრმავებას. „სულ ერთია, თქვენ რაც უნდა თქვათ, ჩვენ იმას მაინც არ მივიღებთ, რადგანაც უმრავლესობას ჩვენ შევადგენთ; ამიტომ რაღაზე კარგავთ ღროს, უმჯობესია გაჩერდეთ. მაინც ხომ არ მივიღებთო“, აი რა იყო ბ. ზღანოვიჩის უმრავლესობის პაროლი. ამიტომ მიუდგომელი მაყურებელი, რომელმაც არ იცოდა კარგათ რაში იყო საქმე, გაოცებული რჩებოდა. ეს რა უსამართლობა, რა საზიზღრობა ხდება ჩემ თვალწინო. რა უნდა გაეკეთებია ასეთ პირობებში მონხდარ კრებას?

წერილი მეშვიდე და უკანასკნელი.

ჩვენ ვატყობთ, რომ საუბარი ქიათურის მრეწველთა მეხუთე კრების გამო ძლიერ გაგვიგრძელდა, ამიტომ საჭიროა იგი ბარემ დავაბოლოოთ. ჩვენ დავგრჩა კრების ნამოღვაწევის დაფასება და განხილვა, მისი ნამოქმედარის საერთო ჯამის გაკეთება, მაგრამ სანამ ამაზე გადავიდოდეთ, საჭიროა ოპოზიციის მოკლეთ დახასიათება, იმ ოპოზიციის, რომელმაც ბევრი სისხლი გაუშრო როგორც ბ. ზღანოვიჩს, ისე მის დამკავებს, თუმცა ოპოზიციამ როგორც საქმის ცოდნით და გამოცდილების, ისე მრეწველობის საერთო ინტერესების დაცვით საქმარისათ გამოიჩინა თავი მეხუთე კრებაზე, მაგრამ სამწუხაროთ, პირდაპირი სარგებლობა მან ცოტა მოიტანა, მისმა მეცადინეობამ თითქმის უნაყოფოთ ჩაიარა. ამის მიზეზი მრავალია. პირველი: კრებაზე ოპოზიციის მოწინააღმდეგე უმ-

რაიონებს იყო, რომელიც მას ლაპარაკის ნებას არ აძლევდა; მეორე თავმჯდომარე კრებისა თავის უფლებით ავიწროებდა ოპოზიციის მოქმედებას, ხოლო ბ. ზდანოვიჩის პარტიას ყველაფერში ხელს უწყობდა. მესამე მიზეზი ოპოზიციის მოღვაწეობის უნაყოფობისა თვით ოპოზიციაშივე უნდა ვეძიოთ. ჩვენ ვაპირობებთ იმ გარემოებაზე, რომ მეხუთე კრების ოპოზიციაში არ იყო ერთსულობა; მისი წარმომადგენლები სამ ჯგუფათ თუ არა, ორათ მაინც გაიყოფებოდნენ. თუ ჩვენ მივიღებთ ორ ჯგუფათ დაყოფას, დაეინახათ, რომ ოპოზიციის უპირველესობას შეადგენდნენ ექსპორტერები, უმცირესობას თითო-ორიოლი წვრილ მრეწველთა წარმომადგენელი—კვლელები. აშკარაა, რომ ამ ორი ჯგუფის, ოპოზიციაში მოქცევა მხოლოდ შემთხვევითი მოვლენა იყო, ვინაიდან არც მიმართულება და არც რაიმე იდეა მათ არ აკავშირებდა და არც აკავშირებს. შავი-ქვის მრეწველთა მეხუთე კრებაზე ამ ორ სხვადასხვა ჯგუფთა შეერთება აიხსნება მხოლოდ იმ უკმაყოფილებით, რომელიც დაბადა იმათში მრეწველთა საბჭოს ყოველად შეუფერებელმა და გამოუღებარმა მოღვაწეობამ. ამიტომ როგორც ექსპორტერების, ისე კვლელების მიზანს კრებაზე შეადგენდა ხსენებულ საბჭოს ძირიან-ფესვიანათ დამხობა. აი ის კონკრეტული საგანი, რომლის განსახორციელებლათ შეერთდნენ დასახელებულ ჯგუფთა წარმომადგენელი. თუ ექსპორტერებისათვის ბ. ზდანოვიჩის გაშვება საჭირო იყო უფრო თავის კერძო ინტერესების დასაცავლათ, კვლელები საბჭოს მოქმედების გაკაცებით და დაგმობით გზას კაფავდნენ და მეცადინეობდნენ სხვადასხვა კულტურული ზომების განსახორციელებლათ, რაც ასე უკუგდებული და უარყოფილია დღემდის კიათურის მრეწველობაში. ვინაიდან ორივე ჯგუფის მიზანს წინ ელობებოდა მრეწველთა ძველი საბჭო, ამიტომ ორივე ჯგუფის წარმომადგენლებმა სასტიკი და შეუბრალებელი ომი გამოუცხადეს მას კრებაზე. მაგრამ ეს ომი არ იყო. თანასწორი, ვინაიდან ოპოზიცია კრების უმცირესობას შეადგენდა, მისი მბრძანებელი ბ. ზდანოვიჩის ყურმოკრილი უპირველესობა იყო. გარდა ამისა ოპოზიციის დაბრკოლება კიდევ იმაში მდგომარეობდა, რომ მასში ისეთი ერივნენ, რომლებსაც ადგილობრივი წვრილი და შუათანა მრეწველები ძლიერ ცუდის თვალთ უყურებენ. ყოველ შემთხვევაში, თუ რაიმე სასარგებლო იქნება ან გაკეთდა მეხუთე კრებაზე, ეს მხოლოდ ოპოზიციის მიეწერება. ოპოზიცია კრების გახსნისათანავე მედგრათ შეუღდა საბჭოს მოქმედების კრიტიკას; თითქმის მთელი თავისი ძალ-ღონე მან ამ საქმეს მო-

ანდომა, ვინაიდან მხოლოდ ამ გზით შეიძლება, რომ კრების უმრავლესობას თვალები აეხილა და თავის მდგომარეობა დაენახა. ბევრი უსაყვედურებს ოპოზიციას, რომ მან ახალ-ახალი პროექტები ვერ წარმოუდგინა კრებას, რომ მან ვერ შემოიტანა სხვადასხვა სასარგებლო წინადადებანიო; ეს საყვედური რამდენიმეთ მართალია, მაგრამ ამის მთქმელნი იფიწყებენ ერთ გარემოებას, სახელდობრ იმას, რომ შესაშვ კრებაზე ბევრი სასარგებლო პროექტები და წინადადებანი იქნენ მიღებული, მაგრამ თუ რა ბედი ეწია მათ დღევანდელი საბჭოს წყალობით, ეს დღეს ყველამ კარგათ იცის. რა საჭიროა პროექტები, თუ იმათ გახორციელებელი არ ეყოლებათ? ამიტომ გამოცდილებამ დაარწმუნა ოპოზიციონერები, რომ უწინარეს ყოვლისა საჭიროა ისეთი კაცების არჩევა საბჭოში, რომლებიც კრების გადაწყვეტილებას არ გადაუდგებოდნენ და მის მონდობილებას სავესებით შეასრულებდნენ. ვინაიდან ძველმა საბჭომ კრების მონდობილებანი თავისი ნებით უარყო და კრება ფიქციით გადააქცია, საჭირო იყო უწინარეს ყოვლისა მისი თავიდან მოშორება. აშკარაა, თუ რისთვის გაიხილა ოპოზიციამ თავის უპირველეს მიზნათ დღევანდელი საბჭოს გაშეგება. თუ ამ მიზანს მან ოდნავაც ვერ მიაღწია, ეს აიხსნება მხოლოდ იმით, რომ იგი კრებაზე უმცირესობას შეადგენდა და არა იმით, რომ იგი მართალი არ იყო. მაგრამ ოპოზიციის კრებაზე დამარცხება სრულებით არ ნიშნავს იმ პრინციპების დამარცხებას, რომლებსაც იგი კრებაზე იცავდა ისე, როგორც ბ. ზდანოვიჩის და მისი შინა-ყმების გამარჯვება მათ ზნეობრივ გამარჯვებას არ მოასწავებს.

გადავავლოთ ახლა თვალი მეხუთე კრების ნამოქმედარს — განვიხილოთ, თუ რამდენათ ნაყოფიერი და სასარგებლო იყო იგი ქიათურის მრეწველობისათვის, გავიგოთ, თუ რა გააკეთა მან კერძოთ როგორც მრეწველობისათვის, ისე მუშა ხალხისათვის. განსაკუთრებით ყურადღება მივაქციოთ, თუ რა მოიმოქმედა კრებამ ქიათურის მუშებისათვის, ვინაიდან ამათი მდგომარეობა მეტათ გაჭირებული და საზარელია, და ეს იმიტომ, რომ დღემდის ამით სასარგებლოთ არავის არაფერი არ გაუკეთებია, რაც არავისთვის საიდუმლოება არ არის. მეხუთე კრების მნიშვნელობა საზოგადოთ ჩვენ შეგვიძლია განვიხილოთ სამი მხრით: 1) თვითმართველობის პრინციპის, 2) მრეწველთა და მრეწველობის საერთო ინტერესების და 3) საზოგადოებრივი ხასიათის ღონისძიებათა მიღების მხრით.

1) რაც შეეხება თვითმართველობის დედა აზრს, ამ მხრით მეხუთე კრებამ მეტათ ცული სამსახური გაუწია თავის თავს. როგორც თვითმართველი ორგანო, მან გააუქმა თავის თავი. ეს კრებამ მოიმოქმედა მით, რომ მან უარჰყო საბჭოს მოღვაწეობის განხილვა და დაფასება. კრებამ, ე. ი. მისმა უმრავლესობამ, თავისი დასტურით დააკანონა საბჭოს თვითენებობა, ე. ი. წესიერათ ჩათვალა უწესოება და ვინც უწესოებაზე ხმის ამოღება მოინდომა, ჩააჩუმა. არა გვგონია, რომ ყოველგვარი წესიერების ასე საჯაროთ უარყოფა საზოგადოებრივ დაწესებულებათ სრულებით დაუსჯელათ ჩაუაროს. სამწუხარო აქ ის არის, რომ თუ ვინმე დაისჯება ამისთვის, ეს მხოლოთ თვით მრეწველთა კრება და არა სხვა ვინმე. კრებას რომ არ გაემართლებია საბჭოს თვითენებობა და სარევიზიო კომისიის და ოპოზიციის შენიშვნები საბჭოს მოღვაწეობის შესახებ გულდასმით მოესმინა, მაშინ იგი დაამტკიცებდა, რომ მრეწველთა კრება საქმარისათ მომზადებულია თვითმართველობისათვის, და მით იგი იხსნიდა თავის თავს განსაძღვლისაგან. მაგრამ არა: მან გაკიცხა და საყვედური გამოუტყადა სარევიზიო კომისიის და ოპოზიციის და იმავე დროს საბჭოს კი მადლობა უთხრა. ამნაირათ სხვისი ცოდვა კრებამ თავის თავზე მიიღო და მისი გამართლება არა საშუალებით არ შეიძლება. ასეთი მოქმედებით მეხუთე კრებამ უღალატა თვითმართველობას და იგი ანაცვალა კერძო პირებს.

2) მრეწველთა და მრეწველობის საერთო ინტერესების სასარგებლოთაც ბევრი არაფერი გაუკეთებია მეხუთე კრებას, უმეტესი ნაწილი იმ ღონისძიებათა, რომლებიც საჭიროა საერთოდ მთელი მრეწველობის სასარგებლოთ და რომელთა შესახებ აღძრულ იქნა შუამდგომლობა მთავრობის წინაშე, კრებისაგან არ არის დამოკიდებული, ამიტომ იმათ შესახებ ჯერ არაფრის თქმა არ შეიძლება, თუმცა დღევანდელ საბჭოს ხელში, ადვილი მოსალოდნელია, იმათაც ისეთი ბედი ეწიოს, როგორც მესამე კრების შუამდგომლობათ. დანარჩენ მოხსენებათაგან, რომლებიც მრეწველობის პირბების გაუმჯობესებას ეხებოდენ, კრებამ მიიღო მხოლოდ მოხსენება ქიმიური ლაბორატორიის დაფუძნების შესახებ, ვინაიდან ეს მოხსენება ბ. ზ. ზდანოვიჩისაგან იყო წამოყენებული, თუქცა იმის განხორციელება მაინც საჩოთიროა უსაშუალოების გიმო. მადნის გასარეცხი ფაბრიკის გაკეთება სრულებით უყურადღებოთ დასტოვეს, ასეთი რთული საქმისთვის კრებას როდი სცალოდა, ასეთივე ბედი ეწია მადნის გადაზიდვას რკინის გზის ბაქნებზე გაუმჯობესებული საშუალებით,

გარდა იმისა, რომ ბ. მიხაილოვს გადაუწყვეტეს სრულათ რვა ათასი მანეთის მიცემა შეუღლებულ პროექტების ფასათ. მხოლოდ გზატკეცილების და ხიდების გასაკეთებლად გადასდო კრებამ შედარებით საკმარისი თანხა 47,000 მანეთი, მაგრამ მომავალი გეგმეებს, თუ რამდენათ გამართლდება კრების იმედი, ხოლო ღლებანდელი საბჭოს წარსული ამ მხრით არაფერს საიმედოს არ იძლევა. შემდეგ კრებამ მეორეჯერ დაავალა საბჭოს საავადმყოფოსათვის შენობის აგება და აგრეთვე იმ შენობის შეკეთება, რომელშიაც ამ ეამათ მოთავსებულია საავადმყოფო ისე, რომ იქ დაიდგას ვანები და სხე., რომლის უქონლობა ასე აბრკოლებს საქმეს. ბ. ზდანოვიჩი და მისი ხელ-ქვეითი უმრავლესობა იძულებული შეიქნენ მიეღოთ ის წინადადება, რომელიც ოპოზიციამ წამოაყენა კრებაზე. მაგრამ იმავე დროს კრებამ დააკანონა, რომ ქიათურის ქსენონის ექიმს შეუძლია სრულებით არ იაროს საავადმყოფოში, და თუმც მოისურვებს, მას შეუძლია არც იცხოვროს ქიათურაში; იმავე დროს ამ ექიმს შეუძლია 200 მანეთი იღოს თვეში კრების საშუალებიდან და საავადმყოფოს მოსამსახურეც თითონ იმსახუროს სახლში. კრებამ მოიწონა აგრეთვე ის გარემოება, რომ ქსენონში ავადმყოფებს სხვა სიკეთის გარდა მშვირებს ხოცავენ და კიდევაც იმიტომ არის, რომ ასე ბევრი იხოცება ამ საარაკო საავადმყოფოში. — ერთ-ერთი დაწესებულება, რომელსაც ყველაზე ნაკლებათ წყალობს როგორც მრეწველთა კრება, ისე მრეწველთა საბჭო და რომელსაც უპირველესი მნიშვნელობა აქვს მთელი მრეწველობისათვის, არის სტატისტიკური ბიურო, რომელიც არსებობს კრების საბჭოსთან აგერ ორი წელიწადია. სტატისტიკურ მასალას ძლიერ დიდი პრაქტიკული მნიშვნელობა აქვს სხვადასხვა კითხვების გადაწყვეტის დროს, მრეწველობის სხვადასხვა მხარეების გამოსარკვევად და გასაგებათ; ზოგიერთი კითხვების გადაწყვეტა კი სრულებით შეუძლებელია ასეთი მასალის უქონლობის გამო. მაგრამ გარდა ამისა მრეწველობის ცრათ თუ ბევრათ საფუძელიან სტატისტიკას წმინდა მეცნიერული მნიშვნელობაც აქვს; სტატისტიკური შრომა საფუძვლიათ ედება სხვადასხვა რთულ სოციალურ ხასიათის საკითხების ახსნა-განმარტებას. შავი-ქვის მრეწველობის სტატისტიკასაც აქვს არა მარტო პრაქტიკული მნიშვნელობა, არამედ მეცნიერულიც იმის მიხედვით, თუ რამდენათ მკვიდრ ნიადაგზე იქნება დამყარებული ეს სტატისტიკა. სამწუხაროდ სტატისტიკური ბიუროს დაარსება მრეწველთა საბჭოსთან მხოლოდ ფორმის გულისათვის მოხდა და არა საქმის გასაკეთებლათ. ეს

გარემოება მით უფრო სამწუხაროა, რომ ამ საქმის ინიციატორი თვით ბ. ზდნოვიჩი ბრძანდებოდა. ამ ვაჟბატონმა სტატისტიკურ ბიუროსაც ის საქმე წაჰკიდა, რაც მრეწველთა კრების თვითმართველობას. უველგან, სადაც კი ამგვარი დაწესებულება არსებობს, იმას განსაზღვრული ორგანიზაცია და პროგრამა აქვს, როგორც ნედლი სტატისტიკური მასალის შესაგროვებლათ, ისე ამ მასალის დასამუშავებლათ. მესამე კრებამ სტატისტიკური ბიუროს მოწყობა მიანდო ბ. ზდნოვიჩს, მაგრამ მან არ აღირსა ამ სასარგებლო დაწესებულებას არავითარი ორგანიზაცია. თავისთავათ ხომ ეს ვერ გაჩნდებოდა. თუმცა სტატისტიკური ბიურო არსებობს, მაგრამ მას არ ჰყავს გამგე, არ აქვს არავითარი ორგანიზაცია, და, როგორც სჩანს, იგი არავითარ ცნობებს არ აგროვებს, არამედ კმაყოფილდება იმით, რასაც მას უგზავნის რკინის გზის ტექნიკი, დამოყნა და სამთო გამგეობა. ეს ცნობები კი სრულებით საქმარისი არ არის ადგილობრივი მრეწველობის შესასწავლად. მოსალოდნელი იყო, რომ მრეწველთა კრება დაინახავდა სტატისტიკურ ბიუროს მოქმედების გაფართოებას მიუცილებელ საჭიროებათ, მაგრამ კრების ბატონი ხომ ბ. ზდნოვიჩის პარტია იყო და ეს უკანასკნელი ხომ მის წინააღმდეგ არ წავიდოდა. და მართლაც, სტატისტიკური ბიურო კიდევ უფრო შევიწროვა მეხუთე კრებამ, ვინემ იგი აქამდის იყო. გარდა იმისა, რომ ჯამაგირი გაუდიდეს საზღვარ-გარეთელ აგენტს, ალბათ იმიტომ, რომ ზოგიერთები მისგან სხვადასხვა კომერციულ კორესპონდენციებს ღებულობენ, რომელთაც სტატისტიკასთან სრულებით არავითარი კავშირი არა აქვს. და ასე იქცეოდა კრება ყოველთვის, როცა კერძო მრეწველთა ინტერესები ამას თხოულობდენ. თუ ბ. ზდნოვიჩისთვის და პ. წულუკიძისთვის საინტერესო იყო, საზღვარ-გარეთელი აგენტისთვის ჯამაგირის მომატება კრების საერთო საშუალებებიდან, კერძო მრეწველთათვის მეტათ სასარგებლო იყო მადნების გვემის და რუქების გადაღება; ყველა მრეწველი არა თუ ვალდებულია, არამედ იძულებულიც არის, ესეთი გეგმა და რუქა იქონიოს, და იმას რაღა ემჯობინება, თუ ეს საერთო თანხიდან შეუძლია იქონიოს. თუმც ბ-ნმა ზდნოვიჩმა ამ შემთხვევაში არაჩვეულებრივი წინააღმდეგობა გაუწია მრეწველთა უმრავლესობის გაუმადლობას თითქმის ყოველივე კერძო მოთხოვნილება საერთო თანხიდან დაიკმაყოფილონ — ალბათ იმიტომ, რომ თავისთვის იმზადებდა, მაგრამ უმრავლესობამ ეს მას აღარ დაუთმო, ჩვენც კაცები ვართ, ჩვენ კარგათ ვიცით საზოგადო თანხას კერძო საქმეებისთვის მო-

ხმარაო და ექსპი ათასი: მანეთი გამოკლიჯეს ხელიდან ბ. ზღანოვიჩის თავის კერძო ინტერესების დასაკმაყოფილებლათ.

3) საზოგადოებრივი ხასიათის ღონისძიებანი ორ ჯგუფათ გაიყოფება: ერთი მხრით მუშათა მდგომარეობის გაუმჯობესება და მეორე მხრით სწავლა-განათლების საქმე, სხვადასხვა ქველმოქმედ დაწესებულებათა და კერძო პირთათვის დახმარების აღმოჩენა. კრება არ შეიძლება და არ შეეხებოდა მუშათა მდგომარეობას კიათურის სამრეწველო რაიონში, მაგრამ ეს რომ უნაყოფოთ ჩაივლიდა, ეს წინდაწინ ვიცოდით. ერთადერთი ღონისძიება, რომელიც მუშა ხალხის სასარგებლოთ იქნა მიღებული, ჯერ-ჯერობით, რასაკვირველია, მხოლოდ ქალაქებზე, არის მუშებისთვის კაზარმების გაკეთება, რისთვისაც კრებამ გაიმეტა 10,000 მანეთი. მაგრამ კრებამ უარყო იაფ ფასიანი სასაღილოების გამართვა, უბედურ შემთხვევათაგან დაზღვევის წესის შეცვლა და პირველ დაწყებითი სკოლების დაარსება, — ყოველივე ეს უსაშვალობის გამო. რაც შეეხება სამუშაო დღის მოწესრიგების საქმეს, შრომის ჰიგიენური პირობების გაუმჯობესებას, ქალების და ბავშვების მუშაობას მადნებში და საზოგადოთ მადნის მუშების მდგომარეობის შესწავლას, — ყოველივე სულ უყურადღებოთ დარჩა; და ან კი ვინ შეიწყობებდა ამისთვის თავს, ეს ვის რათ ეჭირებოდა. როცა მუშების მდგომარეობაზე ლაპარაკობდენ, ჩაღანდრები სრულებით არავის არ გახსენებია, ვითომც ისინი მუშების რიცხვში არც ითვლებოდენ და ან მათი მდგომარეობა კიდევ უფრო უარესი არ იყოს, ვინემ მადნებში მომუშავეთა. ამწაირათ მუშების მდგომარეობის გასაუმჯობესებლათ კრებას არავითარი საშუალება არ მიუღია, თუმც მის პროგრამაში გამოქიმული იყო ეს კითხვა ორ მუხლში (§§ 22 და 24).

მეხუთე კრებამ სწავლა-განათლების და სხვადასხვა გვარ დახმარებათა აღმოჩენითაც ისახელა თავი. აქამდის კიათურის სამრეწველო რაიონში ერთი სკოლა არ არის, რომელიც მრეწველთა კრების მიერ იყოს დაარსებული და რომელსაც იგი ინახავდეს. რა ეშველებოდა მრეწველთა კრებას, რომ იმის საძფლობელოში სასულ იერო მთავრობას ერთი წერა-კითხვის სკოლა არ დაეარსებია (კიათურის სამრეწველო სკოლა). ბარაქალა შვი-ქვის მრეწველებო! ტყუილათ კი არ აღუჩევიათ მათ თავის მოთავეთ ისეთი განათლებული პირი, როგორიც ბრძანდება ბ. ზღანოვიჩი! მეხუთე კრების ჩხარკედლობა სწავლის თაობაზე იმით დამთავრდა, რომ 2000 მანეთი გადადევს სამოქალაქო სასწავლებლის გახსნისთვის კია-

თურაში. სამაგიეროთ მეხუთე კრებამ სამარადისოთ აღნიშნა თავის კაცთ-მოყვარეობა: აქამდე მრეწველთა კრების სტაჰენდიები ეძლეოდა ყველას, განურჩევლად იმისა, მარგანცის მრეწველის შვილი იქნებოდა იგი, თუ სხვა ვინმე: მეხუთე კრებამ ეს შეზღუდა: ჩვენი ფული ისევ ჩვენ შვილებს და ნათესაებს მოსპარდესო. გესმით? ჩვენი ფულიო! ამიერიდან აშკარაა, რომ მრეწველების სტაჰენდიები მხოლოდ თავისთვის დაუნ-შნავთ, ე. ი. თუ ორიოდ გროში გამოიმეტეს ღარიბ შევირდების აღსაზრდელათ, ეს მხოლოდ იმიტომ, რომ ისევ თავის ჯიბეში ჩაედევთ. ამნაირმა ვიწრო ეგოისტურმა ლოლიკამ კრების უმრავლესობა იმ დასკვნამდის მიიყვანა, რომ არც ერთი გროში ვისმეს „ჩვენი ფულებიდანო“! და მართლაც: უარი უთხრეს ყველა საქველმოქმედო დაწესებულებით, რომლებიც საზოგადო საქმეს ემსახურებიან, როგორც მაგ., წერაკითხვის საზოგადოებას, სტუდენტთა დამხმარებელ საზოგადოებას, ქუთაისის სახალხო ბიბლიოთეკას, სახალხო თეატრის კომისიას (იქავე) და სხვ., და აგრეთვე კერძო პირებსაც, როგორც, მაგ. ვლ. მესხიშვილს და სხვ. ამის შესახებ სწორეთ ხერხიანათ მოიქცენ. ყველა ამ შუამდგომლობათა განხილვას მაშინ შეუდგენ, როცა ხარჯთ-აღრიცხვის განხილვა გაათავებს და დამტკიცეს. ხარჯები ძლივს დაფარეს შემოსავლით და ისიც დეფიციტით. და აი, გამოაცხადეს გულმტკივნეულათ: ჩვენ ძალიანაც გვსურს ყველა ამ შუამდგომლობათა დაქმაცოფილება, მაგრამ სახსარი არ გვაქვს და ნურას უფაცოაფათო: ყველაფერი ჩანთქა გველეშაპმა—აბანომ და საბჭომო! და მართლაც, აბანოს რომ თავი დაეანებოთ და ჭიათურის მრეწველთა საბჭოს ზოგიერთი ხარჯები რომ შევადაროთ თუნდ, მაგ., სამხრეთ-რუსეთის მადნეულობის მრეწველთა საბჭოს თანაბარ-ხარჯებთან, ჩვენ დავინახავთ!

ჭიათურის მრეწ.
საბჭო *)

სამხრეთ რუსეთის
მრეწ. საბჭო **)

საბჭოს თავმჯდომარეს .	4,000 მან.	3,000 მან.
შის მოადგილეს	1,000	1,200
მდივანს	1,200	1,500

*) ხარჯთ-აღრიცხვა 1903 წლისთვის.

***) ხარჯთ-აღრიცხვა 1902 წლისთვის (იხ. Труды XXVI съезда Горнопром. Юга Рос. в. I).

ბუხგალტერს.	2,600 მან.	2,400 მან.
მოსამსახურეებს, ტელ., სტა- ტისტიკ., ბიურ. გამგეს.	1,500	3,000
ფოტო., კანცელარ. და წერი- ლი ხარჯები .	2,880	2,600
მისვლა-მოსვლა	3,000	1,200
კაზო რის გამგეს .	2,000	—
წარმომადგენელს პეტერბ.	600	—
მოულოდნელი ხარჯები.	5,000	3,000

რომ ამ ციფრების მნიშვნელობა გავიგოთ, საჭიროა ვიცოდეთ, რომ ქიათურის მრეწველთა მთელი წლიური ხარჯი ორჯერ უფრო ნაკლებია სამხრეთ რუსეთის მრეწველთა საბჭოსაზე და შემოსავალი კიდევ ერთი სამათ. მიუხედავად ამისა ქიათურის მრეწველთა საბჭოს თავმჯდომარე იღებს წელიწადში 4,000 მანეთს და სამხრეთ-რუსეთის მრეწველთა საბჭოს თავმჯდომარე კი მხოლოდ 3,000 მანეთს. შეიძლება გვიპასუხონ, რომ შეიძლება ბ. ავდაკოვი ბ. ზდანოვიჩზე ნაკლებს მუშაობს საბჭოს საქმეებისთვის, რომ იგი გარდა ამისა, როგორც ვიცით, კერძო საზოგადოების დირექტორიც არისო. მაგრამ ამის მტკიცებლა ნუ თუ არ იცის, რომ ბ. ზდანოვიჩი იმავე დროს, სულ-კოტა რომ ვთქვათ, გარდა მრეწველთა საბჭოსა, სამი კერძო კომერციული საქმის მოთაფეა: იგია თავმჯდომარე „შაეი-ქეის“ საზოგადოების და ქუთაისის წყლისაყვანის საზოგადოებისა; გარდა ამისა იგი ითვლება, როგორც ვეჭილი, ერთ და იმავე დროს ბ. რაბპოვიჩის და მისი კონტრ-აგენტებისა ტყვიარჩელის საქმეში. და ამის შემდეგ ნუ თუ დასაჯერებელია, რომ ბ. ზდანოვიჩი საბჭოსთვის უფრო მეტ დროს ხარჯავს და მეტ საქმეს აკეთებს, ვინემ ბ. ავდაკოვი? მისმა მოღვაწეობის განხილვამ, როგორც საბჭოს თავმჯდომარისა, ჩვენ დაგვანახება, თუ რამდენათ უსაფუძვლოა ეს აზრი. სამაგიეროთ ჩვენი საბჭო ნაკლებ ჯილდოს აძლევს. დანარჩენ მოსამსახურეთ: ჰლივანს, ბუხგალტერს და სტატ. ბიუროს გამგეს და მით გვეუბნება, რომ მას მხოლოდ ერთადერთი სათაყვანებელი პირი ჰყავს, ეს საბჭოს თავმჯდომარე, რომელსაც ვერც ერთი ხორციელი აღამიანი ვერ მიუახლოვდება. იმავე დროს საბჭოს წევრების სამგზავროთ ზეენი საბჭო ხარჯავს წელიწადში 1,800 მანეთით მეტს, ვინემ სამხრეთ-რუსეთისა, რაც ალბათ, იმით აიხსნება, რომ ქუთაისის ტალახიან და მტვერიან ქუ-

ჩებზე ფეხით სიარული სასიამოვნო არ ყოფილა, მით უფრო, რომ ეს კრების ხარჯზე შეძლებულა, რის გამომელაღებამ მეტათ შეაშფოთა ბ. ზდანოვიჩი. შემდეგ, გარდა იმისა, რომ მოულოდნელი და სხვადასხვა წვრილი ხარჯები ჩვენს საბჭოს 2,200 მანეთით მეტი აქვს, ვინემ სამხრეთ-რუსეთისას, თუმცა საერთო ხარჯების კვალობაზე ეს ასე არ უნდა იყოს, მას ორი ისეთი თანამდებობა დაუარსებია კანცელარიაში, რომელიც სამხრეთ-რუსეთის მრეწველთა საბჭომ სრულებით არ იცის: ეს საბჭოს კანტორის გამგე 2,000 მანეთი ჯამაგირით წელიწადში და პეტერბურგში წარმომადგენელი—500 მანეთი. არა გვეონია, რომ სამხრეთ-რუსეთის მრეწველთა კრების საქმეები, რომელიც სამჯერ მეტს ხარჯავს წელიწადში, უფრო მარტივ და ნაკლებ შრომას მოითხოვდენ, ვინემ ადგილობრივ მრეწველთა კრების საქმეები. რა თქმა უნდა, სადაც ასეთი გაუმადლობა სუფევს, სადაც ყველა იმაზე ფიქრობს, რომ რაც შეიძლება მეტი ჩამოთალოს საზოგადო ღუმას, იქ საზოგადოებრივი ხასიათის მიზნისათვის რაღა უნდა დარჩეს. და აი სწორეთ ამას ვხედავთ კიათურის მრეწველთა კრებაზე და მის საბჭოში, რომელსაც თავზე აზის ბ. ზდანოვიჩი, რომელიც სიტყვით დიდი გულაშარია და საქმით კი გაუმადლარი..

ამნაირათ იქიდან, რაც ჩვენ ვთქვით მრეწველთა მეხუთე კრების თაობაზე, შემდეგი დასკვნა გამოდის:

- 1) კრების უმრავლესობამ შელახა თვითმართველობის პრინციპი და კრება, როგორც თვითმართველი ორგანო, თითქმის სრულებით გააუქმა;
- 2) მრეწველობის და მრეწველთა საერთო საქმეების მოსაწყობათ მან არსებითად ვერაფერი ვერ გააკეთა; და
- 3) რაც შეეხება სხვადასხვა კულტურულ ღონისძიებათა მიღებას, მეხუთე კრებამ სულ მთლათ შეიკაცებინა თავი.

ქრნალი „კვალი“ 1903 წ. №3 3, 4, 5, 6, 7, 8 და 10.
12, 19 და 26 იანვარი, 2, 9 და 16 თებერვალი და 2 მარტი.

„გარეშე მეთვალყურეს“ ფსევდონიმით.

გლახკასოვის მდგომარეობის შესახებ სიერ- კავკასიაში.

როგორც ვიცით, ამიერ-კავკასიაში ბატონ-ყმობა არსებობდა მხოლოდ ტფილისის და ქუთაისის გუბერნიებში. რუსეთის მართველობის შემოღების შემდეგ, მრავალ მიზეზების გამო, რომლების განხილვაში ჩვენ აქ ვერ შევალთ, დასახელებულ გუბერნიებში ბატონ-ყმური ურთიერთობა ძლიერ გამწვავდა და მთავრობისათვის მეტათ საშიშარი მიმართულება მიიღო. ასე რომ, თვითმპყრობელ მეფეს, რომ ყმა არ გაენთავისუფლებინა, უეჭველია, ყმა თითონ გაინთავისუფლებდა თავს. თვითმპყრობელი მეფე ალექსანდრე II კარგათ ხედავდა, რომ თუ ის არ ჩამოართმევდა მებატონეთ ყმებს და თითონ არ დაეპატრონებოდა იმათ, გლეხების აჯანყება აუცილებელი იყო და ეს ხომ მეტათ საშიშ მდგომარეობაში ჩააყენებდა თვითმპყრობელობის საქმეს: ამიტომ, როგორც ვიცით, მან 1861 წელს ჩამოართვა ყმები რუსეთის თავად-აზნაურობას და შემდეგ, 1864—1867 წლებში ეს „რეფორმა“ ჩვენშიაც შემოღებულ იქმნა: გლეხი განთავისუფლდა კერძო მებატონეთა პირად დამოკიდებულებისაგან, ე. ი. მებატონეთ ამის შემდეგ აღარ შეეძლოთ თავის ნებით გლეხის ოჯახის აკლება, მისი ცოლ-შვილის გაუპატიურება და შინაყნობა წაყვანა. მაგრამ იმავე დროს ნივთიერათ გლეხი ისევ წინანდელ ბატონის ხელში დარჩა, რადგანაც ის მიწა-აღგილი, რომელზეც გლეხს თავის სახლ-კარი ჰქონდა და რის მეოხებითაც ის ცოლ-შვილს არჩენდა და რომელიც მრავალი საუკუნოების განმავლობაში მის სარგებლობაში იყო, მებატონეს საკუთრებათ იქნა აღიარებული. ამ გარემოების წყალობით გლეხი ფაქტიურად ისევ თავად-აზნაურობის მორჩილი შეიქნა. მართალია, გლეხს ვითომც თავისუფლება მიეცა თავის „ნადელის“ გამოსყიდვისა და მით შემამულის ბრწყინებისაგან განთავისუფლებისა, მაგრამ, როგორც ვიცით, ეს უფლება მხოლოდ ქალაქზე დარჩა. მართალია, დროებით-ვალდებულ გლეხების ერთმა ნაწილმა გამოიყიდა მიმასისხლათ თავიანთი ერთი ცილა „ნადელები“, მაგრამ უმრავლესობისათვის ეს გამოჰიდგა შეუძლებელი გახდა, რადგან გლეხის მიერ თავის

დახსნა სავსებით მემამულეთა ნება-ყოფლობაზე იქნა დამოკიდებული და ძლიერ ხელსაყრელი და სასარგებლო გამოდგა მემამულეთათვის. მემამულეებმა ყოველგვარი ხერხი იხმარეს, რათა რიგიანათ ესარგებლათ და რაც ყმების ჩამორთმევით დააკლდათ, ამით მაინც აენაზღაურებინათ. მემამულეები ან სრულებით უარს ეუბნებოდნენ გლახეებს „ნადღეების“ გამოყიდვაზე, ან მხოლოდ მაშინ თანხმდებოდნენ, როცა გლახეები ერთი ხუთათ და ერთი ათად აძლევდნენ ფასს იმ მიწა-ადგილებში, რომელიც მისივე ხელით იყო გაკეთებული და მოშენებული და, რომელიც არასოდეს სხვის საკუთრებას არ შეადგენდა. გლახეების დროებითი ვალდებულობა მემამულეთა წინაშე, „მოწყალე ხელმწიფის“ მიერ დაკანონებული, ძლიერ იარაღით გამოდგა მემამულეთა ხელში გლახეების დასამონებლათ და დასაბეჩავებლათ. ეს ვალდებულება მარტო იმაში კი არ მდგომარეობს, რომ გლახეებმა მოსავლის ერთი მეოთხედი უნდა აძლიონ მემამულეს, საქმეც იმაშია, რომ ამით მემამულეს სრული საშუალება ეძლევა ყოველმხრივ შეავიწროვოს გლეხი, შეავიწროვოს იმ ზომამდე, რომ მეოთხედის სახელით მის შემოსავალს მთლად დაეპატრონოს. ამავე დროს ყურადღების ღირსია ის გარემოება, რომ სულ ერთია გლეხი ამუშავებს თუ არა „სანადგლო“ მიწას, მემამულეს მან მაინც უნდა აძლიოს დაკანონებული მეოთხედი; გარდა ამისა მემამულეს კანონი ნებას აძლევს აყაროს „სანადგლო“ მიწიდან თავისი მამულის საზღვრების გასასწორებლათ და სადმე სხვა ადგილას მიუზომოს ამავე ზომის მიწა. მართალია, ამ შემთხვევაში საჭიროა გლეხის თანხმობა, მაგრამ მემამულეს ხელში ათასგვარი საშვალეა აქვს აიძულოს გლეხი, რომ ასეთი თანხმობა გამოსტყუოს.

დროებით ვალდებულ გლახეების მონურ მდგომარეობას კიდევ უფრო აშკარათ მოწმობს, სხვათა შორის, ის გარემოებაც, რომ მემამულეთა ძალ-მომარეობისა და შევიწროების გამო მოთმინებიდან გამოსულმა გლახეებმა, თუ ვინიციობაა მათ წინააღმდეგ რამე დანაშაული ჩაიდინა, რუსეთის კანონები მას სჯის და ასამართლებს არა როგორც თავისუფალ და თანასწორ ადამიანს, არამედ როგორც მემამულის მორჩილს; ესე იგი, „სამართალი“ ამ შემთხვევაში დროებით ვალდებულ გლახესა და მემამულეს შორის ხედავს ისეთ დამოკიდებულებას, როგორიც არსებობს უმცროს და უფროს მოხელეთა შორის; ყველამ კარგათ უწყის, თუ ასეთ შემთხვევაში, როგორ სასტიკათ სჯის „სამართალი“. მეფის მთავრობა ამასაც არ დასჯერდა. მემამულეთა ინტერესები მოითხოვდნენ, რომ მათ-

სა და დროებით ვალდებულ გლახებს შორის ჩამოვარდნილ დავის და უთანხმოების გარჩევა და საზოგადოთ მათ შორის ურთიერთობის გაწესრიგება მთავრობას ისეთ პირებისათვის მიენდო, რომელნიც უწინააღმდეგარსა შემამულეთა ინტერესებს დაიცავდნენ. ასეთი პირობები სად უნდა გამოეცხებინათ, თუ არ თვით შემამულეებში? და აი, ხალხის სისხლის მწოველთა მფარველმა მთავრობამ დააკანონა: დროებით ვალდებულ გლახთა და შემამულეთა შორის ურთიერთობის მოწესრიგება მიენდოს მომრიგებულ შუა-კაცთ, რომლებიც უსათუოდ შემამულეებისაგან უნდა იქნენ აჩეულნიო. არაგისთვის გასაკვირალი არ უნდა იყოს, რომ ასეთი შუა-კაცები, რომლებსაც კანონით დიდი უფლებები აქვთ მინიჭებული, უწინარეს ყოვლისა თავის, ე. ი. შემამულეების ინტერესებს დაიცავდნენ; ამნაირათ სოფლებში ისევ წინანდელი ბატონ-ყმური ურთიერთობა რჩებოდა. რომ ეს ასე მოხდა, რომ აქ ოღნავაჯ გადაქარბებული არაფერი არ არის, ამას მოწმობს, სხვათა შორის, ისეთი ოფიციალური მწერალი, როგორც არის თავ. გ. მ. თუმანოვი, გაზ. „ახალი მიმობნილის“ რედაქტორი; მას, ვგონებ, ვერავინ ვერ დასწამებს გლახების მომხრეობას; აი რას ამბობს ის: „ახალი წესების (გლახთა დებულებაზეა ლაპარაკი) განხორციელების დროს გლახი დამოკიდებულია ადგილობრივ მომრიგებელ შუა-კაცთა თვითმხრეობაზე. თუ მივიღებთ მხედველობაში, რომ ეს უკანასკნელი ახალი წესებით იკრიბებიან განსაკუთრებით ადგილობრივ მიწათმფლობელთაგან, მაშინ ადვილათ გავიგებთ: ვის ინტერესებს დაიცავდნენ მომრიგებელი შუა-კაცები თავის ფართო უფლებებით, და აქედან აშკარაა, რომ ნამდვილი ბატონ-ყმური ურთიერთობის გამეფებამდის დიდი მანძილი აღარ არის“. ეს ბატონ-ყმური ურთიერთობა, სიტყვით ვითომც გაუქმებული თვითმპყრობელი მეფის მიერ, ნამდვილათ ხელ-ახლად დაჰყვირდა აოფლის ცხოვრებაში. საკვირველი მხოლოდ ის არის, რომ ამ ფაქტებს დღეს აღარავინ არ მალავს, თითქმის ოფიციალური დაწესებულებანი და პირები იძულებული არიან ეს აღიარონ. ეს ამბავი მეტათ საგულისხმოა ხალხის კეთილდღეობისათვის თვითმპყრობლობის მოღვაწეობის დასახსნათებლათ. აი ღირსეული ნაყოფი მისი შეუწყვეტელი მეცადინეობისა და მზრუნველობისა ხალხის საბედნიეროთ; ხალხი ნივთიერად გაყვლეფილი და გატყავებული, იურიდიულათ მოკლებული ყოველგვარ აღმზანურ უფლებას, ხალხი ვითომდა ყმობადან განთავისუფლებული, ფაქტიურათ ისევ ყმად ხდება!..

რუსეთის შიდა გუბერნიებში დროებით ვალდებულება მოისპო 1882 წლიდან და თავის დახსნა სავალდებულოთ იქნა აღიარებული; ჩვენში კი ეს დროებითი მდგომარეობა დღემდე არსებობს და დროებითის მაგიერ იგი სამუდამოთ გადაიქცა. დროებით ვალდებულ გლუბეთა რიცხვი დღეს ტფილისის და ქუთაისის გუბერნიებში საკმარისათ დიდია: ორივე გუბერნიებში ირიცხება არა ნაკლებ 40,000 კომლისა, რომელთაგან 22,000 ქუთაისის გუბერნიაში. მაგრამ შეიძლება ვინმემ იფიქროს, რომ ასე შევიწროებულ და განუკითხავ მდგომარეობაში იურიდიულათ მხოლოდ დროებით ვალდებული გლუბები იყოს და გლუბეკაობის დანარჩენი ნაწილი შედარებით უკეთეს პირობებში ცხოვრობდეს. გავიცნოთ და გავიგებთ.

პირველად გავიცნოთ ხიზნების მდგომარეობას. ესენიც, როგორც დროებით ვალდებული გლუბები, ამიერ-კავკასიაში მხოლოდ ტფილისის და ქუთაისის გუბერნიებში ცხოვრობენ. ხიზნების სათავე ბატონ-ყმურ ურთიერთობაში უნდა ვეძიოთ. როცა მებატონე უზომოთ აწუხებდა ყმას, ეს უკანასკნელი გარბოდა და ეხიზნებოდა სხვა მემამულის მიწაზე უფრო შეღავათიან პირობებით. ეს პირობა იყო ჩვეულების ძალა, რომელიც სჯულზე უმტკიცესია. ამ პირობის ძალით ხიზანი ვალდებული იყო მემამულის სასარგებლოთ მიწის მოსაელის. განსაზღვრული ნაწილი ეხადა; ეს გადასახადი ყველგან ერთნაირი არ იყო, მაგრამ ხიზანი არსად არ იყო ბატონ-ყმურ დამოკიდებულებაში მემამულისაგან და ამ მხრით მისი მდგომარეობა არსებითად განსხვავდებოდა ყმების მდგომარეობისაგან. ამიტომ აშკარაა, რომ ეგრედ წოდებული საგლუბო რეფორმა, რომლის ძალით გასული საუკუნის მესამოცე წლებში მებატონეთ ყმები ჩამოართვეს, ხიზნებს სრულობით არ შეეხებია, ამ რეფორმის შემდეგ ხიზნები დარჩნენ კანონს გარეშე; თვითმპყრობელ მთავრობამ ისინი დაუტოვა საყვლეფათ და დასარბევათ მემამულეებს. პირველ ხანებში ხიზნებსა და მემამულეთ შორის ურთიერთობა ძველებურათ იყო. დავას და აყალ-მაყალს ჯერ მათ შორის ადგილი არ ჰქონდა. მაგრამ რამდენიმე ხნის შემდეგ მემამულეთა მოთხოვნებიანი გართულდა; ისინი ყოველ შემთხვევით სარგებლობდენ, რომ სოფლის მუშისაგან, ე. ი. გლუბისაგან ნაც რაც შეიძლება მეტი სისხლი გამოეწოვათ. თავისთავად იგულისხმება, რომ ამიერიდან ხიზნებს ისინი მოსვენებას აღარ მისცემდენ და ამ უკანასკნელთა შვიდი ცხოვრება სამუდამოთ დაირღვეოდა. პირველი ნაბი-

ჯი მემამულეებისა ხიზნების შევიწროებისაკენ გადადგმული, იყო ღალის მომატება. იქვი არ არის, რომ ამ გარემოებას ხიზნებმა ექვის თვალთ შეხედეს და უკმაყოფილება გამოაცხადეს. ამათში მაშინვე დაიბადა აზრი, რომ თუ ერთხელ ასეთივე ცვლილება მოხდა, შემდეგ იგი ჩვეულებათ გარდაიქცევა, ასე რომ მემამულეთ ამის შემდეგ ყოველთვის ნება ექნებათ უმატონ ღალას და გადასახადს ჩვენდა დაუკითხავად, რაც ჩვეულებას ეწინააღმდეგებაო. ამას ბევრი ლოდინი აღარ დასჭირდა: მემამულეებმა ერთბაშით ასწიეს ღალა და მოუმატეს გადასახადი ხიზნებს, ხოლო როცა ეს უკანასკნელი უარს უცხადებდნენ ასეთ მომატებაზე, მემამულეები სასამართლოსაკენ მიეშურებოდნენ საჩივრებით. სასამართლოები ყოველთვის მზად იყვნენ მემამულეების თხოვნა დაეკმაყოფილებინათ და აკმაყოფილებდნენ კიდევ: ხიზნებს უმატებდნენ ღალას და თუ ამ მომატებული ღალის გადახდაზე უარს იტყოდნენ, იმ შემთხვევაში თავისი შრომით და ჯაფით გაშენებული მიწებიდან, უნდა აყრილიყვნენ და სადმე გადასახლებულიყვნენ. მე-XIX-ე საუკუნის მეოთხმოცე წლებში მეტათ გახშირდა ასეთი შემთხვევა: თვითმპყრობელობის მიერ ამის უყურადღებოთ დატოვება შეუძლებელი იყო. მთავრობა იძულებული შეიქნა ჩარეულიყო ხიზნებისა და მემამულეთ შორის ატეხილ დავა-უკმაყოფილებაში. თვითმპყრობელი მთავრობის ადგილობრივმა მოხელეებმა განიზრახეს ხიზნების საქმის მოწესრიგება და მათთვის რაიმე დებულების გამოცემა. ამ შიზნით იმათ მოიხმეს მხოლოდ ერთი დანიტერესებული მხარე, სახელდობრ მემამულეები და მხოლოდ მათ ჩვენებებზე დაამყარეს თავისი დასკვნა. მიწათმფლობელთა აზრით, ხიზნები უბრალო მოიჯარადრენი არიან, და როგორც ასეთები, ისინი უნდა დამემორჩილონ მემამულეთა ყოველგვარ მოთხოვნილებას, წინააღმდეგ შემთხვევაში უნდა აიბარგონ და საითაც სურთ, იქ გარდაიხვეწონ. კავკასიის ადგილობრივმა მთავრობამ ამის თანახმით შეიმუშავა პროექტი ხიზანთა დებულების შესახებ 1884 წლის დამოღვეს. ეს პროექტი: გაიგზავნა შესაზღოწმებლათ პეტროგრადში. „ინაირათ—ამბობს ზევით დასახელებული. ავტორი ამ პროექტის შესახებ,—ის დაწესებულებანი, რომლებიც მოწოდებული იყვნენ გლეხების მდგომარეობის გასაუმჯობესებლათ, ამათი შემავეწროებელი გამოდგენა“. ეს ასეც უნდა მომხდარიყო. ბ-ნი თუმანოვი უწინარეს ყოვლისა ცდება იმაში, რომ რუსეთის თვითმპყრობელ მტარვალს ოდესმე მოეწოდებოის რომელიმე დაწესებულება გლეხების მდგომარეო-

ბის გასაუმჯობესებლათ; ეს ზღაპარი გაავრცელეს საზოგადოებაში და მწერლობაში ხალხის სისხლის მსმელმა მინისტრებმა და თვითმპყრობელი მეფის საზიზღარმა მოხელეებმა ერთი მხრით და ზოგიერთმა გულ-უბრყვილო ლიბერალებმა, მეორე მხრით. ხოლო ჩვენთვის-კი ცხადია, თუ როგორ იღვწის და ზრუნავს თვითმპყრობელი რუსეთის მტარვლი და მისი მოხელეები მშრომელ ხალხისათვის საზოგადოთ და გლებ-ჯაქობისთვის კერძოთ. გავიდა რამდენიმე წელიწადი, სანამ პეტერბურგში ხიზნების შესახებ დებულებას დაამტკიცებდნ და მხოლოდ 1891 წელს ელირსა მას ეს დამტკიცება. რა მისცა ამ დებულებამ დაინტერესებულ მხარეებს, ე. ი. ხიზნებს ერთი მხრით და მემამულეებს, მეორე მხრით? 1891 წ. დებულება ხიზანებზე აშკარათ გვეუბნება, რომ თვითმპყრობელ მთავრობას შესახებდავთ არც მწვადის დაწვა ნდომია და არც შამფურის. თავისთავად იგულისხმება, რომ მისი თანაგრძნობა მემამულეების მხარეზე უნდა ყოფილიყო, როგორც ყოველთვის; მაგრამ იმავე დროს მას უპირველესათ თავისი თავის დაცვა აქვს მხედველობაში. ამიტომ თვითმპყრობელ მთავრობას ვერ გაუბედავს პირდაპირ ეთქვა ხიზნებისთვის: თქვენ უბრალო მოიჯარადრენი ხართ და ამიტომ, თუ მემამულეთა მიწაზე გსურთ იცხოვროთ, ვალდებული ხართ დაემორჩილოთ. ყველა მათ მოთხოვნილებასო. მთავრობას უფიქრია: ვაი თუ ასეთმა პირდაპირმა განცხადებამ უკმაყოფილება გამოიწვიოს ხიზნებში; ამ უკმაყოფილებას, უეჭველია, ამათი საერთო აჯანყება მოჰყვება; ეს სიკვდილის დღის მოახლოებებს მოასწავებსო. ამიტომ მთავრობამ, მართალია, ხიზნები არსებით მოიჯარადრეებათ იცნა, მაგრამ მემამულეების მიერ ღალის მომატება და მით უმეტეს მათი. აყრა, ზოგიერთ პირობებით, შეზღუდა; მაგალითად, მემამულეს შეუძლიან აყაროს ხიზანი, მაგრამ მან უნდა დაითანხმოს იგი. თუ ვინიცობაა, ეს უკანასკნელი ნებაყოფლობით თანახმა არ გაუხდა, მაშინ მემამულეს უფლება აქვს ძალით აპყაროს იგი; მაგრამ ამ შემთხვევაში მემამულე ვალდებულია ორკეცათ უზღოს ხიზანს ყოველგვარი ხარჯი, რაც-კი ამ უკანასკნელს გაუწევია მემამულის მიწაზე. მთელ ამ დებულებაში ერთად-ერთი მუხლი იყო, რომელიც რამდენიმეთ იფარავდა ხიზანს მემამულის აულაგმავე თვითნებობისაგან, მაგრამ, წარმოიდგინეთ, რომ ამ უბრალო დათმობამაც-კი ააღელვა და შეაშფოთა მემამულენი. როგორ თუ ჩვენ მთავრობა ვალდებულად გვხდის ორკეცათ უზღოთ ხიზნებს იმ ნაშენებ-ნაყეთებისთვის, რომელიც იმათ ჩვენ მიწაზე გაუწევიათო? ეს ჩვენი დალუპვა და გაძარცვააო? როგორ თუ მთავრობა ჩვენს

ინტერესებს არ იცავს და ხიზნებს მომხრეობას უწევსო? მაშინვე გამართეს კრებები, შეადგინეს და გაგზავნეს თხოვნები და შუამდგომლობანი თავიანთ ინტერესების კვალობაზე და ბოლოს კიდევაც მიიღწიეს მიზანს. „მოწყალე“ ხელმწიფემ, ნიკოლოზ მეორემ. ყურად იღო მემამულეთა მოთხოვნილება და 1900 წლის დებულებით ის მცირეოდენი მფარველობაც წაართვა ხიზნებს, რომელსაც რამდენიმეთ უწევდა მათ 1891 წ. დებულება. 1900 წ. დებულებამ ხიზნები უბრალო მოიჯარადრეგებათ იცნა; მემამულეს შეუძლიან, როგორც სურს მოუმატოს ლალას; თუ ხიზანი თანხმა არ გაუხდა შეუძლია აიყაროს და, ამ შემთხვევაში მემამულე ვალდებულია უზღოს ხიზანს, შენობების ღირებულება, — მორჩა და გათავდა. 1891 წლის დებულებას, რომელიც როგორც დაინახეთ, ცოტაოდენ მფარველობას უწევდა ხიზნებს, დაქრთამული და პირ-მოთნე მოხელეები უმაღლედენ და არ უმხელდენ ხიზნებს, სამაგიეროთ 1900 წლის დებულების შესრულებას-კი მაშინვე მიჰყვეს ხელი გახარებულმა მემამულეებმა, მაგრამ ამ დებულების განხორციელება ცხოვრებაში ძნელი გამოდგა; მთავრობის მოხელეთა და მიწათ-მფლობელთა ცემა-ტყევა, კერძო აჯანყებანი და რამდენიმე მემამულეთა მოკვლა; — აი როგორ მიეგებენ ზუზნები ამ დებულების განხორციელების ცდას. ჯერ სამი წელიწადი ძლიერს გავიდა ამ დებულების გამოქვეყნების შემდეგ და მიუხედავად ამისა ამ მოკლე ხნის განმავლობაში ჩვენ მოწამენი ვიყავით მრავალ შეტაკებათა, ერთი მხრით მთავრობის და მიწათ-მფლობელთა და მეორეს მხრით ხიზნებს შორის, რომლებიც უმეტეს ნაწილათ სისხლის ღვრით თავდებოდენ და ეს ასეც უნდა მომხდარიყო! ახალმა დებულებამ ხიზნები გამოიწვია საომრათ. დღეს არც ერთი ხიზანი უზრუნველყოფილი არ არის, რომ ხვალ მას მემამულე არ ეტყვის: წადი, გამეცალე ჩემი მიწიდან! რა უნდა ქნას მაშინ ხიზანმა? ადგეს და თავისი სისხლით და ოფლით მორწყული ყოველგვარი ნაშენები და ნაკეთები სრულებით მუქთად უნდა დაუთმოს მემამულეს და თითონ უნდა გადაესახლოს სხვაგან. მაგრამ სად?... რა გასაკვირალია, რომ მას ადვილათ არ დასაშობს ხიზანი, თუმც ამან სისხლის დაღვრა მოითხოვოს, რასაც მართლაც ვხედავთ ცხოვრებაში.

მაგრამ აქ არის ერთი საგულისხმეიერო გარემოება. ამ შეტაკების დროს ხიზანი ძალიანუნებურათ იგებს, რომ მისი მტერი მემამულე კი არ არის, პირიქით, მისთვის აშკარა ხდება, რომ მისი უმთავრესი მტერი არის ის, ვინც მხარს დაუჭერს მიწათ-მფლობელთ და სცემს კანონებს იმათ

სასარგებლოთ. ამიტომ მისი ზიზღი და შურისძიება გადადის თვითმპყრობელ მთაფრობაზე და მის მოხელეებზე. ხიზნების საქმეში რუსეთის დღევანდელმა მთაფრობამ ნათლათ და აშკარათ დაამტკიცა, რომ იგი მომხრეობს და იცავს მხოლოდ მდიდრებს და კერძო მიწათ-მფლობელთ. მშრომელი ხალხი-კი მხოლოდ იმათ გასამდიდრებლათ და გასასუქებლათ მიაჩნია. ამნაირათ იგი, ე. ი. მთაფრობა, ნებსით და უნებლიეთ, თითონვე ლესავს იმ მახვილს, რომლითაც მას ყელი უნდა გამოსჭრან.

ჩვენ ზევით ვთქვით, რომ ბატონ-ყმობა ამიერ-კავკასიაში არსებობდა მხოლოდ ორ გუბერნიაში: ქუთაისის და ტფილისის. დანარჩენ გუბერნიებში: ე. ი. ბაქოს, ერევნის და განჯის, სადაც ცხოვრობენ სომხები და თათრები, ბატონ-ყმური წესწყობილება არ განვითარებულა. იქ ყოველგვარი მიწა-ადგილი, გარდა იმ მიწებისა, რომლებიც შეადგენდნენ ეზოს და რომლებიც ეჭირა სხვადასხვა შენობებს, შეადგენდა მხოლოდ ერთი პირის, სახელდობრ, სახელმწიფოს უფროსის, იმამის კუთვნილებას. ეს უკანასკნელი ნიშნავდა პროვინციების გამგეებათ ხანებს, ბეგებს, მელიქებს, ალაღარებს, რომლებიც მათი მინდობილობით პროვინციებში ვალდებული იყვნენ სახელმწიფოს უფროსისათვის მოეკრიბათ ხარჯი და სხვადასხვა გადასახადი. ამნაირათ ეს ბეგები, მელიქები, ალაღარები იყვნენ სახელმწიფოს უფროსის მიერ დაყენებული მოხელეები. ჯილდოთ ისინი ლებულობდნენ პირდაპირ. მიწის მოსავლიდან, იშვიათად ფულად; ასეთი გადასახადის რაოდენობა ერთხელ და სამუდამოთ გადაწყვეტილი იყო. გარდა ამისა, იმათ არ ჰქონდათ არავითარი უფლება არც მიწა-ადგილებზე, რომლებიც მცხოვრებთა სარგებლობაში იყო და არც თვით მცხოვრებთა პიროვნებაზე; ერთი სიტყვით, აქ ბატონყმური ურთიერთობას ადგილი არ ჰქონებია. მაგრამ გარემოება შეიცვალა, როცა ეს ადგილები რუსეთის მთაფრობამ დაიპყრო; თვითმპყრობელი მეფის მოხელეები აზრდითონი ბატონ-ყმურ ნიადაგზე და გაყლენთილი ბატონ-ყმურ იდეებით, ყოველგან ბატონ-ყმურ წესწყობილებას ხელაუდნენ. ამათი შეხედულებით ბეგები, მელიქები და ალაღარები ნამდვილი მებატონეები იყვნენ; მიწაც და ყმებიც მათ ეკუთვნოდათ. ასეთი აზრი პირველათ კავკასიის მთაფარ-მართებელმა ერმოლოვმა წარმოსთქვა და ამის შემდეგ ხსენებულ ადგილებში იწყო განვითარება ბატონ-ყმურ ურთიერთობამ. მაგრამ ასეთი ზომის სიყალბე მეტად თვალსაჩინო იყო და საქმარისი იყო სულ მცირე დაკვირვება, რომ ეს აღმოჩინილიყო: გასული საუკუნის მეორმოცე წლებში სენატორ განის რევიზიის წყალობით ეს

შებენდულემა. უარყოფილ იქნა და კავკასიის მთავრობა ისევე იძულებული გახდა: განკარგულემა მოეხდინა, რომ ბეგებისათვის და მელიქებისათვის ჩამოერთვათ მიწები და ყმები და ამის სანაზღაუროთ იმათთვის პენსიები დაენიშნათ. რა თქმა უნდა, — რომ ეს არ მოეწონათ შემთხვევით გაბედნიერებულ ბეგებს და მელიქებს და მთავრობას განუცხადეს თავისი უკმაყოფილება. მთავრობისათვის კი ესენი იმ დროს უფრო საჭირო და გამოსადეგნი იყვნენ, ვინაჲ გლეხები, ვინაიდან ამათი საშვალეებით მთავრობას ადვილათ შეეძლო ახალ შემოერთებული ქვეყნების დამშვიდება და ხალხის დამორჩილება. ამიტომ საჭირო იყო ბეგების და მელიქების მიხსრობა და მთავრობაჲც დაუთმო მათ; ბეგების და მელიქების თავ-გამოდებული მოსარჩლე შეიქმნა მტარვალ მეფის, ნიკოლოზ პირველის მოადგილე კავკასიაში, ცნობილი თავის „ლიბერალიზმით“, თავ. ვორონცოვი. მან აღძრა შუამდგომლობა თვითმპყრობელ მეფის წინაშე, რომ მთავრობის ინტერესებისათვის საჭიროა ბეგების და მელიქების მომადლიერება; ამიტომ მთავრობამ იმათ მინიჭებული უფლებები კი არ უნდა წაართვას, არამედ რაც შეიძლება კიდევ მეტი უფლებები მისცეს, გახადოს ისინი ნამდვილ მემამულეებათ და გლეხები კი — იმათ მიწებზე მოსახლეებათ. რა ვუყოთ მერე, რომ ამით დაიჩაგრება ხალხი, სამაგიეროთ გაიმარჯვებს თვითმპყრობელობის საქმეო. ვორონცოვის აზრით ამას თხოულობდა რუსეთის პოლიტიკა, ანუ თვითმპყრობელობის ინტერესი ამიერ-კავკასიაში. მტარვალ მეფე მაშინვე დაეთანხმა თავის ერთგულ მოსამსახურეს და ხალხის მოღალატეს — ვორონცოვს. ნიკოლოზ პირველმა ისიც აღიარა, რომ ბეგებისათვის და მელიქებისათვის მიწის წართმევა დიდი შეცდომა იყო. ამნაირათ, ასე აშკარათ უსამართლობის ჩადენით ბეგები, მელიქები და ადალარები გამოაცხადეს იმ მიწის შესაკუთრებათ, რომლებიც საუკუნოების განმავლობაში გლეხების ხელში იყო სასარგებლოთ და ამათი ოფლით იყო განაყოფიერებული. მაგრამ ამავე დროს თვით გლეხები ვერ გამოაცხადეს ბეგების და მელიქების ყმებათ; ისინი სახელმწიფო გლეხებათ აღიარეს. ვის შეეძლო იმის ჩვენება, რომ აქ აშკარა წინააღმდეგობა იყო: თუ გლეხები ყმები არ იყვნენ, როგორ მოხდა, რომ ისინი კერძო მემამულეთა მიწებზე იყვნენ დასახლებულნი? თუ ისინი სახელმწიფო გლეხები იყვნენ, იმ შემთხვევაში ის მიწები, რომლებზედაც ისინი ესახლენ, სახაზინო უნდა ყოფილიყო, თუ იმათი საკუთრება არა. ეს გლეხები გარდა იმისა, რომ ხაზინის სასარგებლოთ დატვირთეს გადასახადებით, ვალდებული არიან მემამულე-

თა სასარგებლოთ იხაღონ ღალა მიწის მოსაელოდან ერთი მეხტეთელიდან ერთ მეთათდამდის.

ამნაირათ თვითმპყრობელმა მთავრობამ მოინდომა ბატონ-ყმური წესების შემოღება იქ (რამდენიმეთ კიდევაც შეჴიილო), საღაც წინებთ ამის ხსენებაც არ ყოფიღა და ეს როდის? მეცხრამეტე საუკუნის ნახევარში, როცა აღდამიანის ღირსების დამამკირებელი წესწყობიღება ყვეღან უარყოფილი და დღგმობილი იყო. იმის მაგივრათ, რომ შემდღეში მინც შეესუსტებიათ ბატონ-ყმური წესები, მთავრობა მის განმტკიცებას და გამაგრებას ცდილობდა—1861 წლის საღღებო რეფორმა, ამ კატეგორიის გღებებს სრულებით არ შეებია. მხოლოთ 1870 წღს გამოიცა ამათ შესახებ ცალკე წესღება, —რომღელმაც დააკანონა ამ გღებებისათვის ღროებით ვღღებული მდგომარეობა, ე. ი. ამათ მიეცათ „ნაღღები“. გამოყიღვის ნება მისცეს იმ წესებითა, რა წესებითაც ეს მიენიქათ ტფიღისისა და ქუთათისის გუბერნიის ღროებითი ვღღებულ გღებებს. ამ ღროებით ვღღებულღებამ ჩამოაღღო იმათ შორის ნამღღილი ბატონ-ყმური ურთიერთობა. როგორც მცოდნე პირები ამტკიცებენ, ამ გღებებში „ნაღღის“ გამოყიღვის საქმე მეტათ საბრღლო მდგომარეობაშია და იქ თითქმის ეს გამოყიღვის საქმე არცკი დაწყებულა.

ენახოთ ჳხღა რა მდგომარეობაში არიან ამ.-კავკასიაში სახღღმწიფო გღებები. რიცხვით ესენი უმეტეს ნაწიღს შეაღღენენ ამიერ-კავკასიის გღებ-ჯაქობისას. რაც შეებება ამათ მდგომარეობას, ესენი ბევრით არაფრით განსხვღებიათ სხვა კატეგორიის გღებებისაღან. კავკასიის სახღღმწიფო გღებები არაფრით უზრუნველყოფილი არ არიან; რომ აღღიღებს, რომელიც ამჳამათ მათ სარგებლობაშია, ხეღღ მთავრობა არ წაართმევს და არ უბრძანებს: სხვაღან ვღღათრიეთო. თუ ღროებით ვღღებული გღებები, ხიზნები და ის სახღღმწიფო გღებები, რომღებიც კერძო მემამულეთა მიწებზე არიან დასახღღებულნი, მთავრობამ კერძო მემამულეთა სრულ თვითნებობას დაუმორჩიღა, სამაგიეროთ ხაზინის მოხღღეღებს დაუმორჩიღა სახღღმწიფო გღებები. ასღებითღღ სახღღმწიფო გღებები ხაზინის მოიჯარადრენი არიან, მთავრობას როცა უნდა, მაშინ ვღღღენის სახღღმწიფო გღებებს სხახინო მიწიღან, ისე როგორც ამას კანონით ჩღღიან ღღეს კერძო მემამულენი. თაღ. გიორგი თუშანოვი ამბობს, რომ სახღღმწიფო გღებები უბრღლო მოიჯარადრეღებს მოგვაგონებს; რომელიც არაღითარი კანონით არ არიან უზრუნველყოფიღნი, რომელიმე მოხეღღის თვითნებობისღან მაშინ, როცა შიღა გუბერნიებში სახღღმწიფო

გლეხებს ჯერ კიდევ 1867 წელს მიუზომეს „ნადლეები“ და ფორმალურათ ნება მისცეს იმათი გამოსყიდვისა, ამიერკავკასიაში სახელმწიფო გლეხების მდგომარეობა განსახდერული არ არის. კანონით იმ სახელმწიფო გლეხების მიწები, რომელთაც არ მიუღიათ ეგრეთ წოდებული „სამფლობელო ბარათები“, მთავრობის საკუთრებას შეადგენს და რა წაშს თავის საჭიროებისათვის მოუნდება; იმ წამსვე შეუძლია გლეხი თავის მამაპაპის დროიდან შემუშავებულ და გაკეთებულ მიწა-ადგილიდან აყაროს და სადმე სხვაგან მიუჩინოს მას მაგიერი მიწა. როგორც ხედავთ, სახელმწიფო გლეხების უზრუნველყოფელობა იმავე მდგომარეობაშია, როგორც დანარჩენ გლეხებისა. არიან ამიერკავკასიაში მესაკუთრე გლეხები; ესენი მეტ ნაწილად ტფილისისა და ქუთაისის გუბერნიებში ცხოვრობენ. ეს ის გლეხებია, რომელთაც დიდის ჰაპანწყვეტითა და ვაი ვაგლახით მამასისხლად, ე. ი. ერთი ათად და ოცად გამოიყიდეს მემამულესაგან თავიანთი ერთი ციდა ადგილები, ე. ი. გამოიყიდეს მემამულეთაგან თავისივე საკუთარი, თავისივე სისხლით და ოფლით განოყივრებული მიწები. მაგრამ განა ამით მათ თავი დააღწიეს მემამულეთაგან დამოკიდებულებას? სრულიადაც არა! როგორც ვიცით, „ნადლეებათ“ მიუზომეს გლეხებს ის ადგილი, რომელიც ბატონ-ყმობის დროს იმათ სარგებლობაში იყო. მას შემდეგ თითქმის ორმოცი წელიწადი გავიდა და ხალხის რიცხვი თანდათან გაიზარდა. თუ მაშინ გლეხებისათვის ეს მცირე იყო, დღეს რაღა უნდა იყოს! ამას გარდა გლეხებისათვის ხომ არც ტყე და არც საძოვარი არ დაუტოვებიათ, ყველა ეს მემამულეთა ხელში დარჩა. უაშისოთ კი გლეხებს განა ცხოვრება შეუძლიათ? და აი, გლეხი თუმცა მან ნადელი როგორც იყო გამოიყიდა მემამულისაგან და ამით ვითომც თავი დაიხსნა კიდევაც მისგან, მაგრამ აშკარაა, რომ მესაკუთრე გლეხი—ნამდვილად იმავე მემამულის ბრქყალებშია. ჩვენ აქ არაფერს ვამბობთ ეგრეთ წოდებულ რაიტებზე, ე. ი. იმ გლეხებზე, რომელიც ცხოვრობენ დაღესტანის ოლქში და რომელნიც რუსეთის დაფუძნებამდე თავისუფალ მცხოვრებად ითვლებოდნენ, მხოლოდ მერე პირდაპირ ბატონ-ყმურ დამოკიდებულებაში ჩაცვივდნენ. არიან ამას გარდა ამიერკავკასიაში სხვა სახელწოდების გლეხებიც, მაგალითად ერევნის გუბერნიაში, მაგრამ ყველას დასახელება აქ საჭირო არ არის. უმთავრესი ყურადღება მივაპყრათ ჩვენ იმას, რომ გლეხკაცობა რუსეთის სახელმწიფო კანონებით ყოველმხრივ შეზღუდული და დამონებულია. ის ბატონ-ყმური ურთიერთობა, რომლის გაუქმებას ყველა ასე ჩავგვიჩინებს.

ნამდვილათ კიდევ ცოცხალია. ორმოცი წლის განმავლობაში თვით-მპყრობელი მთავრობა საშინლად ატყეილებდა ხალხს, რომ მან ვითომც იგი გაანთავისუფლა ბატონ-ყმური ბორკილისაგან. როგორც დაინახეთ, ეს სიცრუე გამოდგა. დიდი ხანია თქმულა, ხალხის განთავისუფლება მონობისაგან მხოლოდ მაშინ არის საიმედო, როცა ეს განთავისუფლება თვით ხალხისაგან მომდინარეობს, თვითონ ხალხის გულში მწიფდება.

თვითმპყრობელ მთავრობას არსად და არასოდეს ხალხი არ გაუნთავისუფლებია და ვერც გაანთავისუფლებდა; ამისათვის საჭირო იყო პირველად ამ თვითმპყრობელობის დამხობა. ჩვენი ხალხის განთავისუფლება მხოლოდ მაშინ მოხდება, როცა რუსეთის თვითმპყრობელობა სამუდამოდ დაემხობა. ამას წინადა ჩვენ წავიკითხეთ გაზეთებში, რომ მტარვალის მეფის მოადგილეს კავკასიაში, ხალხის სისხლის მსმელს გოლიცინს, რაღაც ცვლილებების შემოღება განუზრახავს ამიერ-კავკასიის გლუბ-კაცობის შესახებ. რომ გლუბების მდგომარეობა აუტანელი შეიქნა ჩვენში, ამის უარის ყოფა არავის არ ძალუძს; დადგა ის ნეტარი დრო, როცა ხალხმა თვითონ უნდა გაანთავისუფლოს თავის თავი. ამასაც გრძნობენ ხალხის მტრები—ე. ი. თვითმპყრობელი იმპერატორი და მისი მოსამსახურე მინისტრები, და, მათ შორის, კავკასიის მტარვალის გოლიცინი და აი, ეს საზიზღარი მოხელე რაღაც ოინებს და ხრიკებს იგონებს, ეგებ მონობის ჯაჭვის გაწყვეტა და ხალხის შურისძიება რამდენიმე ხნით კიდევ შეაჩეროს. ამ მიზნით ის ჩვენ გლუბ-კაცობას პირდება „ვოლოსტებისა“ და „საგლუბო უფროსობის“ შემოღებას, მაგრამ ამ არსებას დავიწყებია, რომ დღეს სხვა დრო დადგა და ასეთი თილის-მით ხალხს ვეღარ მოატყუებს.

ჩვენი გლუბკაცობა დღეს მეტად გაქუცობულია, ამას დღეს ვერა-ვინ ვერ უარყოფს. საქმე ის არის, თუ როგორ შესძლებს გლუბკაცობა ამ გაპირვებიდან თავის დაღწევას. თანამედროვე კაპიტალისტური წესწყობილების გამო გლუბკაცობა თანდათან იყოფა სამ ნაწილად; უმცირესობას შეადგენს სოფლის ბურჟუაზია, ე. ი. შეძლებული გლუბები, რომლებიც მიწა-ადგილს იძენენ და ვაჭრობასაც მისდევენ; ესენი დღევანდელი ცხოვრების პირობებშია იოლად მიდიან. მეორე, უმრავლესობას შეადგენს ხელ-მოკლე გლუბები, რომელთაც მიწა-ადგილი იმდენათ ცოტა აქვთ, რომ იძულებული არიან მემამულეებისაგან ღალათ აიღონ, და შესაბამე გგუფს— გლუბები, რომელთაც ან სულ არ აქვთ და ან სულ მცირე, დანის პირის ოდენა საკუთრება შერჩენიან და იძულებულნი არიან მოჯამაგირებათ

დაუდგენ მემამულეებს ან კიდევ სრულებით მოშორდენ სოფლებს და ქალაქის მუშათ იქცენ, რაც უფრო წშირდება.

მაგრამ მთელ გლეხ-კაცობას ცოტად თუ ბევრათ კისერზე აწევთ თვითმპყრობელობისაგან ნაბოძები მემამულეთა პრივილეგიები, რუსეთის სოციალ-დემოკრატიული მუშათა პარტია იწვევს მთელ გლეხობას შეუერთდეს ქალაქის პროლეტარიატს განმათავისუფლებელ ბრძოლაში და იბრძოლოს ბატონ-ყმურ დარჩენილ ნაშთთა წინააღმდეგ და ამისთანავე თვითმპყრობელობის დასაშობათ. ექვს გარეშეა, რომ მთელი გლეხობა მოძრაობას მხარს არ დაუჭერს ბოლომდინ: თვითმპყრობელობის დაშობის შემდეგ სოფლის ბურჟუა-გლეხობა მიემხრობა ქალაქის ბურჟუას და შეძლებულ თავად-აზნაურობას; მხოლოდ სოფლის ღარიბი გლეხ-კაცობა დარჩება ჩვენთან ბოლომდის.

არალეგალ. ეურნალი „პროლეტარიატის
ბრძოლა“ 1904 წ. № 7.

ქუჩნალი „მობჯაუნი“

- 1905 წ.

დღევანდელი ვითარება.

მძიმე და ამავე დროს მეტად სანატრელი დრო დაგვიდგა. საზოგადოებრივი ცხოვრების შიგა გამოუთქმელი სიჩქარით სცემს და ეს გარემოება სიცოცხლის იმედს აძლევს ყველას, ვინც აქამდის სასოწარკვეთილებებში იყო. დადგა ჩვენშიაც ისეთი დრო, როცა თითოეულ წამს უფრო მეტი მნიშვნელობა აქვს საზოგადოებრივ ცხოვრებაში, ვიდრე სხვა დროს მთელ საუკუნოებს. რას ვხედავთ ჩვენს გარშემო? საზოგადოებრივ მოძრაობას, რომელსაც, აღიღებულ მდინარესავით, გაუხეთქია ძველი, ვიწრო კალაპორტი და ესწრაფვის ახალი, უფრო ფართო და უფრო შესაფერი კალაპორტის გაკეთებას. რამდენიმე თაობის მხურვალე მისწრაფებამ, პატიოსან და თავდადებულ პირთა შრომამ და მეცადინეობამ დღეს მიიღწია უმაღლეს წერტილს და ლამობს ხორცი შეისხას, დაგვირგვინდეს. მაგრამ რამდენათ სანატრელი და აღმთრთოვანებელია დღევანდელი წამი, იმდენათ იგი აღმაშფოთებელი და შესაზარციაა. აღამიანთა აურაცხელი მსხვერპლი, ომის საკურთხეველზე შეწირული, შეუჩერებელი ჟღერა ჯანსაღ ახალგაზრდათა სიცოცხლისა ისეთ საშინელ საშუალებათა წყალობით, რომლების მსგავსი არც ერთ ველურ და ბარბაროსულ ხალხს სიზმარშიაც კი არ მოჩვენებია, აურაცხელ ქვრივ-ობოლთა და მოხუც მშობელთა უპატრონოდ და უსახსროდ დარჩენა, აურაცხელი სიმდიდრის ტყუილ-აუბრალოთ დაღუპვა და განადგურება, და საერთოდ ქვეყნის ეკონომიური ცხოვრების ნორმალური მსვლელობის შერყევა, შეჩერება, — აი მოკლეთ რა შეადგენს დღევანდელი წამის მეორე უდიდეს დამახასიათებელ თვისებას. სიცოცხლე და სიკვდილი, ყოფნა თუ არ ყოფნა პირისპირ ებრძვიან დღეს ერთმანეთს ჩვენს თვალწინ და შეუძლებელია, რომ საზოგადოებამაც, ამოდენი ხნის დაყრუვებისა და ძილის შემდეგ, არ მიიღოს ამ საარსებო, სამკედრო-სასიცოცხლო ბრძოლაში აქტიური მონაწილეობა.

ყველამ, ცოტად თუ ბევრად შეგნებულმა აღამიანმა, უნდა იცოდეს, რომ ეს ბრძოლა არ დაწყებულა გუშინ, რომ იგი არ გამოუწვევია რუსეთის და იაპონიის ომს. პირიქით, მთელი ეს მოძრაობა და თვით დღე-

ვანდელი ომი უკანასკნელი მოქმედება იმ საშინელი დრამისა, რომელსაც ჩვენი საშინაო ცხოვრება ეწოდება. არიან ისეთი გულუბრყვილონი, რომელთაც კიდევ სჯერათ, რომ რუსეთის და იაპონიის ომი უბრალო, შემთხვევითი უბედურებაა, რომლის თავიდან აცილება ადვილათ შეიძლებოდა, რომ იმათ, ვის ხელშიაც იყო და არის აქამომდე ჩვენი საშინაო და საგარეო ცხოვრების ბედ-იღბალი, მეტი შორს-მჭვრეტელობა და გამჭრიახობა გამოეჩინათ. იმათი აზრით, თვით ეს მოძრაობაც შემთხვევითი მოვლენაა და თუ არა ეს ომი, თუ არა ჩვენი სასტიკი დამარცხება იაპონიასთან ბრძოლაში, ისე ამ მოძრაობას ადვილი არ ექნებოდა. მაგრამ ასეთი შეხედულება მიუტყვებელი შეცდომაა. დღევანდელი ომი მაგარი რკინის ჯაჭვით არის გადაბმული მთელ ჩვენს წარსულ ცხოვრებასთან და განსაკუთრებით კი იმ სისტემასთან, რომელიც დამყარდა და გამაგრდა რუსეთის ხალხის ცხოვრებაში ამ უკანასკნელ რამდენიმე ათი წლის განმავლობაში. როცა მხედველობაში მივიღებთ რუსეთის ეკონომიური ცხოვრების ძირითად პირობებს, რომლებიც ბოლოს და ბოლოს შეადგენენ მთელი თანამედროვე სახელმწიფო და საზოგადოებრივი წესწყობილების საფუძველს, მაშინ ჩვენთვის აშკარა გახდება როგორც რუსეთის და იაპონიის ომის, ისე დღევანდელი საზოგადოებრივი მოძრაობის აუცილებლობა. გამჭრიახმა და შორს-მჭვრეტელმა პირებმა უეჭველად ბევრი ეცადეს როგორც პირველის, ისე განსაკუთრებით მეორეს თავიდან აცილება, მაგრამ იმათ მეცადინეობამ სრულებით ამაოდ ჩაიარა. და ეს ასეც უნდა მომხდარიყო. საზოგადოება მხოლოდ მანამ ემორჩილება კერძო პირებს, სანამ საზოგადოებრივი ცხოვრების პირობები ამ უკანასკნელთ წინააღმდეგობას არ უწყევს, ე. ი. სანამ ეს კერძო პირები საზოგადოების თანახმად მოქმედებენ. მაგრამ, როცა მმართველ პირებსა და საზოგადოებას შორის იბადება კონფლიქტი, როცა პირველი აჩრიან საზოგადოებას თავიანთ სურვილებს და ბრძანებებს, რომლებიც საზოგადოების წინააღმდეგ არიან მიმართული, მაშინ თუ საზოგადოებას სიცოცხლის მაჯა უცემს, მან მთელი თავისი ძალ-ღონით უნდა წინააღმდეგვას ასეთ მიმართულებას და სძლიოს იგი, თორემ მას სიკვდილი მოელოის. ასეთ საზოგადოებაში წარმატებასა და წინსვლაზე ლაპარაკი აღარ შეიძლება. ამას გვიმტკიცებს კაცობრიობის წარსული ისტორია, ისტორიულ და საზოგადოებრივ მოვლენათა მეცნიერული შესწავლა.

აქედან აშკარა ხდება იმ ღრმა მიზეზების გათვალისწინება, რომელთა წყალობით რუსეთის ხალხს თავზე დაატყდა ეს ომი, რომელმაც თა-

ვის მხრით დააჩქარა და გააძლიერა ის მოძრაობა, რომელიც რუსეთის ხალხის გულში კარგა ხანია ღვივოდა და რომლის აფეთქებისათვის საჭირო იყო მხოლოდ რაიმე გარეგანი გარემოება. რუსეთი, როგორც ყველაფერში, ისე თანამედროვე კაპიტალისტურ მრეწველობის ასპარეზზე შედარებით გვიან გამოვიდა, ე. ი. იგი იმ დროს ჩაება კაპიტალიზმის ფერხულში, როცა რუსეთის ბურჟუაზიისათვის საჭირო ბაზრები აზიისა, აფრიკისა და ავსტრალიის ქვეყნებში უკვე დიდი ხანია დაქვრილი იყო კაპიტალისტურათ განვითარებული ქვეყნების ბურჟუაზიის მიერ. ყველა ქვეყნის ბურჟუაზიისათვის კი ბაზრის, ე. ი. საქონლის გასასაღებელი ადგილის შოვნა არსებითი, სასიცოცხლო კითხვაა. მართალია, რუსეთის ბურჟუაზიისათვის თვით რუსეთი თავისი 130-40 მილიონი მცხოვრებლებით ვეებერთელა ბაზარს წარმოადგენს, მაგრამ არ უნდა დავივიწყოთ ორი გარემოება:

1) რუსეთის ხალხს, როგორც კულტურულად დაბლა მდგომარეობის ნაკლებათ აქვს განვითარებული მოთხოვნილებები და ამიტომ ძლიერ ნაკლებათ თხოულობს ბაზარზე საქონელს; მეორე მხრით, კიდევ რომ შქონდეს მოთხოვნილება, სახსარი არა აქვს საქონლის შესაძენათ, სასყიდლათ, ვინაიდან ნივთიერადაც იგი მეტის-მეტად გალატაკებული დაწველში გაწყვეტილია უზოზო გადასახადების და ბაჟების წყალობით. გარდა ამისა, რუსეთის საქონელი მფარველობითი სისტემის წყალობით, ე. ი. უცხოეთის საქონელზე დიდი ბაჟების დადებით, შედარებით ძლიერ ძვირია. ასეთ პირობებში რუსეთის ბურჟუაზიისათვის აუცილებელი შეიქნა შინაური ბაზრის გაფართოება: ამ მოთხოვნილების შესრულება და დაკმაყოფილება იკისრა მთავრობამ, რომელიც თავის მხრით არა ნაკლებათ არის დაინტერესებული ბურჟუაზიის და კაპიტალიზმის განვითარებაში, რადგანაც ეს გარემოება მას საშუალებას აძლევს იყოლიოს ძლიერი ჯარი და ფლოტი. ჯარების და სამხედრო ფლოტის გაძლიერება თვით ბურჟუაზიისათვისაც დიდათ ხელსაყრელია, რადგანაც ამით მას უზრუნველდება დაუღვევლი შეკვეთა ხაზინის მხრით სხვადასხვა სამხედრო საგნებისა და ყველამ კარგათ უწყის, თუ ხაზინა ამ მხრით როგორ ხელგაშლილია.

2) ყველა ამას, თითქო განგებ, ზედ ერთვის კიდევ ის გარემოება, რომ რუსეთის უზარმაზარ სამხედრო ფლოტს, ამოდენა ჯარის და ძლიერი სამხედრო ფლოტის მკლას, არა აქვს ისეთი ნავთსადგური ზღვაში, საიდანაც ყოველ დროს თავისუფლად შეეძლებოდა გასვლა. ამნაირად,

ერთი მხრით, რუსეთის ბურჟუაზიას უნდა ეშოვნა სადმე უფრო ადვილათ გასასაღებელი ადგილი თავის საქონლისათვის და, მეორე მხრით, მთავრობასაც უნდა მოეპოვებია გაუყინაფი ნავთსადგური თავის სამხედრო და სავაჭრო გემებისათვის, რომელთაც გზა დაკეტილი არ ჰქონოდა როგორც შავი ზღვის ნავთსადგურებს აქეთ ხოლმე.

ერთად ერთი გასაწევი ადგილი, როგორც რუსეთის ბურჟუაზიას, ისე რუსეთის მთავრობას, შორეულ აღმოსავლეთისაკენ ჰქონდათ. ამიტომ ამ უკანასკნელი წლების განმავლობაში იმათი ერთად ერთი სატრფიალო მიზანი წყნარ ოკეანეს ნაპირებზე თავისუფალი ნავთსადგურის შექმნა და იქ დამყარება შეიქნა. ამისათვის მთავრობა არ ზოგავდა არავითარ მსხვერპლს. ეჭვი არ არის, რომ შორეულ აღმოსავლეთში თავის მიზნის განხორციელებისთვის ისინი ნაკლებ წინააღმდეგობას და დაბრკოლებას მოელოდნენ. იპაონია ამ ათი-თხუთმეტი წლის წინად არავის მხედველობაში არ ჰქონებია, რაც შეეხება ჩინეთს, იგი ხომ ყურადღების ღირსი არ იქნებოდა. უეჭველია ისიც, რომ რუსეთს მანჯურიის და კორეის დაპყრობა და შემოერთება ჰქონდა მხედველობაში, როცა აღმოსავლეთისაკენ მიიწვედა, მაგრამ ეს ბუნებით მდიდარი და მჭიდროდ დასახლებული ქვეყნები არც სხვა ქვეყნების ბურჟუაზიისთვის იყო ნაკლებათ სანატრელი ლუკმა. ევროპის და ამერიკის ბურჟუაზია იმათ უფრო ადრე შესტკეპროდა და თავისი ეკონომიური ბატონობა რამოდენიმეთ კიდევაც დაემკვიდრებოდათ იქ თავიანთი ნაწარმოების გავრცელებით. სრულ დამორჩილებისათვის კი შემთხვევა იყო საქირო, რომელიც ხელში ჩაუგდებდა ბუნებით მდიდარ ქვეყნებს უფრო ძლიერ ბურჟუაზიას.

ამანაც დიდხანს აღარ დაიგვიანა. ჩინეთსა და იაპონიას შორის ატეხილმა ომმა 1895 წელს დაინტერესებულ ქვეყნებს საბაზი მისცა ჩინეთის საშინაო საქმეებში ჩარეულიყვენ და ამ ვეებერთელა სახელმწიფოს ტერიტორია თავიანთ საკენკათ გაეხადათ. გამარჯვებულ იაპონიას კი არ მისცეს საშუალება თავის გამარჯვებით სავსებით ესარგებლებია. კიდევ უკეთესი შემთხვევა 1900 წლის არეულობა იყო ჩინეთში ევროპიელების წინააღმდეგ. იაპონიამ ამ დროსაც ისახელა თავი, მაგრამ რუსეთმა და ევროპის უძლიერესმა სახელმწიფოებმა იქაც ჩაუშხამეს მის საქმე და მხოლოდ თვითონ იხვედრეს მოზრდილი კერძი ჩინეთის ანგარიშზე. სხვათა შორის რუსეთმა დაიკავა საუკეთესო ნავთსადგურები: პორტ-არტური და დალნი და ვეებერთელა ტერიტორია მანჯურია 25 მილიონი მცხოვრებით. ეს უკანასკნელი თუმც. დროებით, მაგრამ როგორც შემ-

დღე გამოირკვა, სამუდამოთ სურდა ხელში ჩაეგდო. თავის განზრახვის სისრულეში მოსაყვანად, რუსეთმა გაამაგრა ეს ნავთსადგურები, გაიჩინა იქ უძლიერესი სამხედრო ფლოტი და შემოუერთა ისინი რკინის გზით რუსეთს. ასეთმა საქციელმა ყველა დანტერესებული სახელმწიფოები გააბრაზა, მაგრამ ყველაზე უფრო შეურაცყოფილი შეიქნა იაპონია, რომლის მომავლისათვის რუსეთის დამყარება დასახლებულ ადგილებში ძლიერ საშიში გარემოება იყო. იაპონიისათვის ცხადი იყო, რომ თუ რუსეთი დამყარდებოდა მანჯურიაში, ეს იმას ნიშნავდა, რომ ეს მხარე სრულებით დაიკეტებოდა საგარეო ვაჭრობისათვის დიდი ბაიების საშუალებით, რადგანაც რუსეთის საქონელი თავისუფალ ბაზარზე ვერ გაუწევს მოცილებობას უცხო ქვეყნის საქონელს. გარდა ამისა, მანჯურიას და კორეიას იაპონია, რომელიც მეტად მკიდრით არის დასახლებული, როგორც ახალშენებს, ისე უყურებდა... ამიტომ აშკარაა, რომ იაპონია ყოველ ღონეს იხმარდა, რუსეთისთვის აქ მედგარი წინააღმდეგობა გაეწია და იგი დაქერილ ადგილებიდან გაეძევებია. აი ამ ნიადაგზე ატყდა ეს ღირს-სახსოვარი ომი, რომლის გამო, აგერ წელიწადი სრულდება, უმოწყალოდ იღვრება უდანაშაულო ადამიანთა სისხლი.

ზევით ჩვენ გინდოდა რამდენიმეთ დაგვეჩვენებია მკითხველებისათვის, რომ ამ ომის ატება არ იყო შემთხვევითი მოვლენა, არამედ მას ღრმა მიზეზი ჰქონდა ორივე მებრძოლ ხალხის საზოგადოებრივ პირობებში. ეს ომი შეადგენს დღეს ყველაზე უდიდეს მოვლენას არა მარტო რუსეთის ცხოვრებაში, არამედ დანარჩენ ხალხთა უმეტესობისათვისაც. ყველა იმ შემთხვევების გათვალისწინება, რომლებიც მას უნდა მოყვეს, დღეს ჩვენთვის შეუძლებელია; იმის აღნუსხვაც კი ძნელია, რაც აქამდის მოყვა მას. პირველი შედეგი არის ის, რომ საზოგადოებამ აშკარათ დანახა ბიუროკრატიული წესის, რომლითაც აქამდე განაგებდნენ რუსეთის ხალხს, სრული გაკოტრება და ახალ ცხოვრებასთან შეუსაბამობა; რომ იქ, სადაც ყოველივე წესიერად არის მხოლოდ ქალაქებზე და არა სინამდვილეში, არა ცხოვრებაში, საზოგადოებას დიდი განსაცდელი მოეღოს და საჭიროა დიდი ენერჯია და ხსიანთის სიმტკიცე, რომ უბედურება თავიდან აიცილინონ. როგორც მეკვრის გაცოცხლება აღარ შეიძლება, ისე დაპოქსებული წესის აღდგენა და განახლება შეუძლებელია. უკანასკნელი ამბები აშკარად მოწმობს, რომ რუსეთის ხალხში შენახულა იმოდენი ცხოველყოფილი ძალა, რომ იგი სძლევს იმ დაბრკოლებებს, რომლებიც მას ყოველ ფეხის ნაბიჯზე ელობება წინ. მაგრამ ნუ ერწმუ-

ნებით ყველას. ამ საერთო ხორაში ურევიათ ყალბი ხმებიც, ბევრი მლიქვნელი და მაცდური ენები. საჭიროა იმათი გარჩევა და თვისი პოზიციის მტკიცედ დაცვა. ყველა გაზეთები, საზოგადოების ყველა ჯგუფები თუ კლასები უკმაყოფილო არიან დღევანდელი ომით. მაგრამ რისთვის? ნუ თუ ამ უკმაყოფილებას რაიმე საერთო აქვს? ნუ თუ აქაც საერთო „ნიადაგი“ არის? სრულებითაც არა: ერთნი იმიტომ არიან უკმაყოფილო, რომ აშკარად ხედავენ, თუ დღევანდელ ბიუროკრატიულ წესს სამარე როგორ ეთხრება და როგორ აშკარად ედება მისი გამანადგურებელი შხამი. მეორენი უკმაყოფილო არიან იმიტომ, რომ რუსეთი ვერ იპყრობს კორეას, მანჯურიას, ინდოეთს, რომ ამით გაძლიერდეს რუსეთის ჯარის დიდება და ბურჟუაზიამ იშოვნოს ბაზარი და დიდი ბაყების, ე. ი. მფარველობითი სისტემის წყალობით შემოზღუდულმა გარეშე საშიშ მოცილებებისაგან უზრუნველყოფილმა, არხეინად მოისვენოს და ჯიბე ოქროებით გაიტენოს. არა იმიტომ არიან უკმაყოფილონი ისინი, ვინც მშრომელი ხალხის, ქვეყნის მუშაკების და მკეთებლების ინტერესს იცავენ. მაგრამ ამის შეგნება და ცოდნა არ შეიძლება ასე ადვილად, ამისთვის საჭიროა სისტემატიური მეცადინეობა და ობიექტიური, მიუღღამელი დაფასება ყოველივე იმისა, რაც ჩვენს გარშემო ხდება. შეცვლილ და ახალ გზაზე დაყენებული „მოგზაური“ ეცდება ეს მუშაობა რამდენიმეთ მაინც გაუადვილოს ჩვენს მკითხველებს. ნუ დაივიწყებთ კი, რომ დღევანდელი წამი არის მეტად სანატრელი და მას სიამოვნებით მოიგონებს ჩვენი მომავალი თაობა. არ ვუმტყუნოთ ჩვენს დანიშნულებას და ვეცადოთ, რომ მომავალმა თაობამ ჩვენც სიამოვნებით და პატივისცემით მოგვიგონოს.

ჩვენი ვალია მედგრად და მტკიცედ სვლა წინ, ერთხელ დასაბულ მიზნისაკენ. ჩვენი საბოლოო მიზანი არ არის ორქოფი, ორ-აზროვანი და ბურჟუსი გახვეული. როგორც ამომავალი მზე, იგი ნათლად მოსჩანს. გაუმარჯოს ჩვენს იდეას! ვუსურვოთ გამარჯვება ახალ „მოგზაურს“, ახალი ცხოვრებისაკენ მიმავალს.

(ჟურნალი „მოგზაური“ 1905 წ.

16. იანვარი—№ 2).

ბაქოში მომხდარ ამბების გაშო.

მეტად საზარელი და აღმაშფოთებელი ამბები ხდებოდა ბაქოსა და მის ახლო-მახლო მიდამოებში, საბუნჩა-ბალახანაში, მთელი ხუთი დღის განმავლობაში—ნ თებერვლიდან 10-მდე. ჯერ კიდევ, სანამ გაზეთებიდან რასმეს გავიგებდით, ადგილობრივ საზოგადოებაში ხმა გავრცელდა, რომ ბაქოში მაჰმადიანები და სომხები ერთმანეთს ხოცავენ და ჟლეტენო. არავინ არ იცოდა, თუ რა იყო ამ საშინელი ამბის მიზეზი. ყველასთვის მოულოდნელი იყო ასეთი ამბის გაგონება, თუმცა კი შინიოვისა და გომელის ამბების²⁾ შემდეგ ჩვენთვის გასაკვირვავი არაფერი არ უნდა იყოს. დღეს, რამდენათაც ვიცით გაზეთებიდან, ბაქოში მომხდარ ადამიანთა ჟლეტა-ხოცვის საბაბი ერთი მაჰმადიანი ტუსალის სიკვდილი ყოფილა სომეხ სალდათის მიერ. ეს ტუსალი გამოძიმებულიდან სატუსალოში მიყავდათ, გზაზე გაქცევა მოუწოდებია და სალდათს მოუკლავს. ამის შემდეგ ერთი მისი ნათესავთაგანი მისული სომხის საყდრის ეზოში და მოუკლავს ეს სალდათი. სომხებს დაუჭერიათ მკვლელი და პოლიციისთვის გადაუციათ, მაგრამ პოლიციას იქვე გაუშვია იგი. მკვლელი ხელახლა დაბრუნებულა ეკლესიის ეზოში, სამჯერ უსვრია რევოლვერი, მაშინ ისიც იქვე მოუკლავთ.

აი ამით დაიწყო ეს საშინელი ჟლეტა-ხოცვა და შურისძიება. შეუძლებელია იმის აღწერა, რაც ბაქოში რამდენიმე დღის განმავლობაში ხდებოდა—უცნობი და ნაცნობი, ვინ იცის რისთვის, ერთმანეთს ხოცავდნენ, ჰკლავდნენ, ჟლეტდნენ, რითაც კი შეიძლებოდა—თოფით, რევოლვერით, დანით. ადამიანის გამხეცებას საზღვარი აღარ ჰქონდა. ქუჩები მოკლულებით და დაქრილებით მოიფინა და ადამიანების სისხლით შეიღება! არ არჩევდნენ არც, დიდს და არც პატარას, არც ქალს და არც კაცს, ვინც მოხვდებოდათ, ყველას განურჩევლად ხოცავდნენ. ყოველგვარი წარმოება შეწყდა, ქუჩაში ვეღარავინ გამოდიოდა. ყველა შიშის ზარს შეეპყრო.—ახლა ვიკითხოთ, განა შესაძლებელია უბრალო მკვლევლობას, ერთი კაცის შურისძიებას, ასეთი საყოველთაო სისხლისღვრა, ასეთი საყოველთაო შურისძიება გამოეწვია? ეს მეტად დამაფიქ-

რებელი ამბავია! როგორ უნდა წარმოვიდგინოთ, რომ ერთად მცხოვრებ ერთა შორის ასეთი სიძულვილი, ასეთი უსაზღვრო მტრობა ყოფილა დამარხული! თუ ეს ასეა, და ამაში დღეის შემდეგ არავითარი ექვი არ უნდა შევიტანოთ, როგორ შეიძლება, რომ ეს ხალხები, გამსკვალულნი უსაზღვრო სიძულვილით და მტრობით ერთი მეორის მიმართ, ერთად ცხოვრობდნენ, ერთ და იმავე საზოგადოების წევრებათ იყვენ? როცა ჩვენ გვეუბნებიან და გვარწმუნებენ, რომ დღევანდელი საზოგადოება საუკეთესო ფორმაა საზოგადოებრივ ცხოვრებისა, რომ აქ აღმამიანის პიროვნება და მისი ქონება უზრუნველყოფილია, რომ საზოგადოებრივი მშვიდობიანობა მკვიდრ საფუძველზეა დამყარებულიო,—ჩვენ სრული უფლება გვაქვს ყოველივე ამნაირი ღალადი ყალბათ ჩაეთვალოთ და მწარე დაცინვათ მივიღოთ.

არა, ის საზოგადოება, ის წეს-წყობილება, რომელიც თავის გულში აღვივებს და იმარხავს ასეთ სიძულვილს, ასეთ მტრობას ურთიერთ წევრებისადმი, იგი საზოგადოება ყალბ საფუძველზეა დაყრდნობილი და აღრე იქნება თუ გვიან, უნდა დაინგრეს და სულ სხვა საფუძველზე აშენდეს, რომ შემდეგში აღარ განმეორდეს ამის მსგავსი რამ.—მეორე მხრით, ბაქოს ისტორიაში გასაკვირალია მეორე მხარე. რას აკეთებდა ამ საზარელი ამბების დროს ადგილობრივი აღმინისტრაცია, რომელსაც მინდობილი აქვს მცხოვრებთა დაცვა? იმ დროს, როცა მისი დახმარება ყველაზე უფრო საჭირო იყო, იგი განზე გამდგარა და გამხეცებული ხალხი ერთმანეთზე მიუშვია: ხოცეთ და ელიტეთ ერთმანეთი, ეს ჩვენი საქმე არ არისო! ყოფილა შემთხვევა, რომ პოლიციას და ჯარისკაცებს უთქვამთ: „ჩვენ ნაბრძანები არა გვაქვს ამაში ჩავერიოთო“ („Новое Обозрение“ № 26); ყოფილა შემთხვევა, რომ პოლიციის მოხელეებს ფულიც აულიათ შემწეობის აღმოჩენისათვის (იქვე) მაშინ, როცა კანონით ეს სასტიკად აკრძალულია, რადგანაც პოლიცია ამ შემთხვევაში მოვალეა შემწეობა აღმოუჩინოს.

თუ დაუკვირდებით იმას, რაც დღეს ჩვენს ქვეყანაში ხდება, ბაქოში მომხდარ ამბების შემდეგ ყველა აშკარად უნდა მიხვდეს, რომ დღევანდელი საზოგადოებრივი უკმაყოფილება შემთხვევითი და წარმავალი როდია, არამედ—იგი გამოწვეულია იმ დროს იარებით, რომლებიც დღევანდელ საზოგადოებას აჩირქიანებს.

კიდევ ბაქოში მომხდარ ამბების გამო.

კიდევ ერთი სამარცხვინო, კიდევ ერთი საზარელი შემთხვევა! თითქო ჩვენ დაბეჩავებულ, დამდაბლებულ საზოგადოებას კიდევ მეტი შერცხვენა, კიდევ ჰეტი შეურაცყოფა და უბედურება ესაქიროებოდა! თითქო კიშინიოვისა, გომელისა და ჰეტიერბურგში მომხდარ ამბების შემდეგ საქირო იყო კიდევ უფრო ძლიერი, კიდევ უფრო გამაუბედურებელი შემთხვევა, რომ საზოგადოების შეგნებული ნაწილისთვის კიდევ უფრო საგრძნობელი გამხდარიყო არსებული ბიუროკრატიული წესწყობილების სრულიად გამათახსირებელი მოქმედება! და აი, სწორედ ასეთი უბედურება მოგვევლინა ჩვენ ბაქოში მომხდარ ორ მოძმე ერთა წარმომადგენლების მიერ ერთურობის ამოკლეტის, ამოწყვეტის სახით. რა იყო ამ უმაგალითო სისხლის ღვრის, ამ საზარელი და ადამიანის ღირსების შემარცხვენიელი ამბის მიზეზი? ვინ გამოიწვია, ან ვინ უწყობდა ხელს მოძმეთა მიერ ერთურობის ამოკლეტას და განადგურებას? ამას კითხვობს დღეს ყველა, ამის გამოკვლევას და გამოძიებას ელოდება ყველა მოუთმენლად. რომ ეს არ გამოუწვევია სომხებსა და თათრებს შორის არსებულ განხეთქილებას, შურისძიებას და მტრობას, ამაში დღეს ყველა დარწმუნებულია. რომ ხალხის სიბნელით და შეუგნებლობით ისარგებლეს ბოროტმა სულელებმა, რათა ან სრულიად ჩაეჭროთ და ან რამდენიმეთ მაინც შეესუსტებიათ ის ბრწყინვალე მოძრაობა, რომელმაც ასე თავზარი დასცა გაბატონებულ ბიუროკრატის, ეს ყველასათვის აშკარაა. ეს კიდევ უფრო აშკარა შეიქნება, თუ რომ ამ ამბების გამო სასტიკი და ჰირუთენელი გამოძიება მოხდება. მაგრამ ველირსებით კი ასეთ გამოძიებას? როგორც გაზეთებში წაიკითხავდით, მთავრობამ გამოაცხადა, რომ მოვახდენთ სასტიკ და ჰირუთენელ გამოძიებასო და პრესას უფლება ექნება თავისუფლად სწეროს ამ შემთხვევის შესახებ ყოველივე, რაც სიმათლის გამოსარკვევად საჭირო იქნებაო. მაგრამ ეს სიტყვები დაპირებაა და მარტოოდენ დაპირებათ დარჩება ჯერ-ჯერობით მაინც, ვინაიდან, როგორც ვაზ. „ბაქოს უწყ.“-შია გამოცხადებული, ბაქოს ვიცე-გუბერნატორს დასახლებულ გაზეთის რედაქტორისათვის

უცნობებია, რომ სტატიების — „უბედური დღეები“ და „სად არის მიზეზი“ — დაბეჭდვაზე გუბერნატორმა ნება არ დართოვო. იმავე გაზეთში დაბეჭდილია ბაქოს პოლიციის უფროსის წერილი, რომლითაც იგი იცავს ბაქოს პოლიციის მოქმედებას ამ საზარელი დღეების განმავლობაში და იქვე რედაქციის შენიშვნა: მოთავსებული, რომლიდანაც ვტყობილობთ, რომ რედაქციისაგან დამოუკიდებელ მიზეზების გამო იგი მოკლებულია საშუალებას პასუხი გასცეს წერილის ავტორს. გარდა ამისა ვიცე-გუბერნატორს ოფიციალური მიწერილობით მოუთხოვია „ბაქოს უწყებების“ რედაქტორისაგან, რომ ყველა წერილები და შენიშვნები ცენზურაში გაგზავნამდე ბაქოს გუბერნატორს უნდა გაეგზავნოს დაბეჭდვისათვის ნება-დასართველადო. თუ რამდენათ შესაძლებელი იქნება ასეთ პირობებში სიმართლის შეტყობა, ნამდვილი მიზეზის გამოცნობა, ეს თავის თავად აღვილი გასაგებია.

მაგრამ ჩვენ გვწამს მოვალეობა, რამდენიმეთ მაინც ავხადოთ ფარდა ამ ამბავს, რამდენიმეთ მაინც გამოვარკვიოთ, თუ სად არის სათავე ამგვარ შემთხვევებისა. ჯერ ვიკითხოთ — თუ რა ხასიათისაა ბაქოში მომხდარი შეტაკება და სისხლის ღვრა. იგი წააგავს უფრო ძველ და საშუალო საუკუნოების ამბებს, როცა ორი გადამტერებული ხალხი ერთმანეთს ხოცავდა და თვითონაც არ ესმოდათ — რისთვის. მეორე მხრით, ბაქოში მომხდარ ამბავს არაფერი საერთო და მსგავსება არ აქვს იმ შეტაკებასთან და იმ ბრძოლასთან, რომელიც ხდება ორ მოწინააღმდეგე კლასებს შორის — მჩაგვრელთა და დაჩაგრულთა, ბატონებსა და ყმებს, კაპიტალისტებსა და მუშებს შორის. ეს განსხვავება ისეთი საგრძნობელი და დამახასიათებელია, რომ რამდენათ პირველი გვაოცებს და მწუხარებას გვგვრის, იმდენათ მეორე გვაძლიერებს და იმედებს გვაძლევს მომავლისათვის. მაგრამ დავანებოთ ამას თავი და ჩვენი ყურადღება მივაპყროთ იქნას, თუ რა საშუალებას ხმარობდა აღმინისტრაცია, რა ზომებს იღებდა იგი, რომ სისხლის ღვრა შეეჩერებია. სამწუხაროდ უნდა აღვნიშნოთ, რომ როგორც ერთხმად მოწმობენ ყველა ისინი, რომლებსაც შემთხვევა ჰქონდა თავისი თვალით ენახა, რაც ბაქოში და მის მიდამოებში ხდებოდა 6—10 თებერვალს, ბაქოს პოლიცია განზე იდგა და ერთხელაც არ მოუწადინია და არ მიუღია ზომა, რომ ეს სისხლის ღვრა შეეჩერებია. და განა მას არ ჰქონდა საშუალება დაეფარა და სიკვდილს გადაერჩინა უიარაღო ხალხი? ან შეიძლება ეს მის მოვალეობას არ შეადგენდა? თუ სრულიად მშვიდობიანი მუშების გაფიცვის და ქუჩაზე ხალხის

უბრალო პროცესიის გასაფანტავად პოლიციას ურიცხვი კაზაკები, სალ-
დათები, ღვორნიკები, ცხენოსანი გოროდოვები და ჟანდარმები გამოჰ-
ყავს ქუჩებზე, როცა ეს მუშები არც არავის სიცოცხლეს ექადებთან და
არც არავის ქონებას იკლებენ, თუ ასეთ შემთხვევაში პოლიცია მზადაა
ყოველგვარი სასტიკი ზომა მიიღოს და ხშირად თვითონ იწვევს შეტა-
კებას, რა მოხდა, რომ თებერვლის 6—10 რიცხვში ყოველივე ეს მო-
ისპო და ბაქოს უთვალავ ადამიანთა სისხლით შეღებულ ქუჩებში აშკა-
რად, მის თვალწინ ადამიანებს ხოცავდნენ, სახლ-კარს იკლებდნენ და ბუ-
გავდნენ? რათ არ შეებრძოლა იმ გაბოროტებულ ბრბოს, რომელიც ამ
საშინელებას ჩადიოდა რამდენიმე დღის განმავლობაში? რათ არ ჩაერია
და არ მოიწადინა ამ სისხლის ღერის შეჩერება? შეიძლება თავი იმით
იმართლონ, რომ კაც რომ ჩაერეულიყავით, მაინც ცერაფერს გაეხდებო-
დიოთ. მაგრამ ეს არ არის თავის მართლება. ადმინისტრაციას არც კი
უცდია ამ სისხლის ღერის შეჩერება. სანამ საზოგადოების წევრებმა არ
მიიღეს ზომები, იქამდის პოლიცია გულზე ხელდაკრეფილი უყურებდა
ამ საზარელ ამბებს. რომ საზოგადოების წევრების ერთად შეკრება და
მოლაპარაკება შესაძლებელი ყოფილიყო, გაბოროტებული ხალხის დამ-
შვიდება უფრო ადრეც მოხდებოდა, მაგრამ ჩვენში ხომ საზოგადოება
არ არსებობს; საზოგადოება ჩვენში მხოლოდ სიტყვით არის, საქმით,
ნამდვილათ კი საზოგადოების წევრები ერთი მეორესაგან დაშორებულია:
მათ არ შეუძლიანთ ერთად შეიკრიბონ, თავის საქმეების შესახებ მსჯე-
ლობა იქონიონ, მათ არ შეუძლიათ შეკავშირდნენ, მათ არ შეუძლიანთ
თავისუფლად ილაპარაკონ. ყოველივე ეს მომაკვლინებელი ცოდვაა ბი-
უროკრატიის წინაშე და ამის დარღვევისათვის ყოველი წევრი სასტი-
კად ისჯება. მაგრამ მეტი ღონე აღარ იყო, სისხლის ღვრა მწვავდებო-
და, იმავე დროს პოლიცია არავითარ ზომას არ იღებდა სისხლის ღერის
შესაჩერებლად.

და აი, როცა საზოგადოების ზოგიერთი წევრები დარწმუნდნენ, რომ
შველა აღარსაით იყო, თვითონ მოინდომეს თავის შველა, შექმნეს საჩ-
ქაროდ ორგანიზაცია და მხოლოდ მაშინ მიხედა პოლიცია, რომ მისი
უმოქმედობა ძლიერ შორს წასულა, დანაშაულობამდისაც მიღწეულა, და
თვითონაც გაერია საქმეში: მაგრამ ხალხის დამშვიდება მის ხელში აღარ
იყო: მან ფაქტიურად თვითონ აიღო ხელი ამან და საზოგადოებამაც
ფაქტიურად მოჰკიდა ხელი თავის საქმეების მოწესრიგებას. პირველმა გი-
ნაცხადა: ამის შემდეგ მე აღარ ძალმიძს საზოგადოების პატრონობაო;

მეორემ საქმით დაამტკიცა, რომ მას შეუძლია თავისი პატრონობა თვითონ იცისროს. პირველის როლი შესრულდა, იმის მოღვაწეობას მხოლოდ ისტორიული მსჯავრი უნდა დაედევას. რანაირი იქნება ეს მსჯავრი, ეს არავისთვის საიდუმლოება არ უნდა იყოს. მთელი საუკუნის განმავლობაში ჩვენ გვთელავდენ, ადამიანის პიროვნებას ფეხქვეშ სრესდენ, ერთმანეთისაგან გვაკალკევებდენ, ჰაერს გვიზობდენ, ბნელ ოთახში გვაშწყვედენ და ჩვენთან სინათლის შუქს არ უშვებდენ. ამას ეძახდენ მართვა-გამგეობას და ხალხის პატრონობას. საზოგადოებას სდევნიდენ. მასში შურსა და მტრობას თესავდენ, რის შედეგი, სხვათა შორის, ბაქოს ისტორიაა. მაგრამ ბოლოს იძულებული შეიქნენ მიმხედარიყვენ, რომ ძველებურად მოქმედება შეუძლებელია, რომ გავლენას თანდათან კარგავენ. ამიტომ ბნელ საშუალებებისათვის იწყეს მიპართვა. მოინდომეს საზოგადოებრივი მოძრაობის შესუსტება და საზოგადოების ყურადღების სხვა რამეზე მიპართვა. საზოგადოებას მართლაც არ შეეძლო ამისთვის ყურადღება არ მიექცია, მაგრამ „ბნელ საშუალებათა“ მოტრფილეთ ბედმა უმტყუნა, მათ განზრახვას სულ სხვა შედეგი მოჰყვა. საზოგადოება ერთხელ კიდევ უფრო დარწმუნდა ძველ წეს-წყობილებების უფარგისობაში, იგი საქმით მიხვდა, რომ თავის თავს მხოლოდ მან უნდა გაუწიოს პატრონობა. ეყო რაც ამდენ ხანს. ითმენდა, ეყო რაც ამდენ ხანს შეურაცყოფას და დამცირებას იტანდა. ჩვენ არა ვართ იმის მომხრე, რომ რაც უფრო უარესი იქნება, მით უფრო უკეთესი იქნებაო, — მაგრამ რას იზამთ, როცა ცხოვრებაში ასე ხდება. რას იზამთ, როცა საზოგადოების უმრავლესობა მხოლოდ დიდი მუჯლოჯგუნის შემდეგ იღვიძებს. მხოლოდ დიდ უბედურებას და გაკირვებას გამოყავს იგი მოქმედების გზაზე თავისუფლების მოსაპოვებლათ.

მაგრამ ბაქოს ისტორია მხოლოდ ამ მხრით როდია საყურადღებო და საგულისხმეო. იგი ჩვენთვის კიდევ სხვა მხრით არ არის ნაკლებ საინტერესო და საყურადღებო. ყველამ კარგად იცის, თუ რა როლს თამაშობს ბაქო დღევანდელ მრეწველობაში. ბაქო, როგორც უდიდესი სამრეწველო ცენტრი, ცნობილია არა მარტო ჩვენში, არამედ მთელ დედამიწის ზურგზე. მისი აუარებელი სიმდიდრით, რომელიც რამდენიმე ათი ათას მუშას გამოაქვს იქ მიწის გულიდან, სარგებლობენ არა მარტო ადგილობრივი ბურჟუა-კაპიტალისტები, არამედ სხვა ქვეყნისაც. ბაქოში თქვენ იპოვით დღევანდელი უმაღლესი კულტურის წარმომადგენლებს, სამეცნიერო საზოგადოებებს და დაწესებულებებს, მეცნიერების უკანას-

კნელ გამოგონების გამოყენებას უოველ ფეხის ნაბიჯზე. დავანებოთ თავი, რომ აქ შრომის უზომოთ ექსპლოატაცია ხდება; დავანებოთ თავი იმას, რომ აქ მეტად აუტანელ და წარმოუდგენელ პირობებში უხდება კაცს მუშაობა, რომ პირუტყვივით თავი ირჩინოს. ჩვენ შივაქციოთ ყურადღება იმ გარემოებას, რომ აი, აქ დაპირდაპირებია ერთმანეთს ორი კულტურა: ერთი მხრით, უმაღლესი კულტურა თავისი განვითარებული ტექნიკით, ღრთქლის და ელექტრონის ძალის გამოყენებით უოველ ფეხის ნაბიჯზე, მეცნიერებით, ნასწავლებით, ექიმებით, ინჟინრებით, ვექილეებით, — და, მეორე მხრით, თითქმის ძველი, საშუალო საუკუნოების დროინდელი განუვითარებელი კულტურა. ორივე ეს კულტურა ერთად თავსდება, ერთად განაგრძობს თავის არსებობას, თითქოს არც კი ამჩნევენ ერთმანეთს. აქამდის ყველას ეგონა, რომ ამაში არავითარი უხერხულობა არ არის. ერთი მეორესათვის, დღეს კი დამტკიცდა, რომ ასეთი ფიქრი უოველგვარ მოსაზრებას მოკლებულია. საქმე ის არის, რომ ბურჟუაზიამ შესძლო მხოლოდ უზარმაზარი სიმდიდრის შექენა მუშა ხალხის გაყვლეფით, შესძლო უმაღლესი ტექნიკის შექენა მეცნიერების დახმარებით, მაგრამ ვერ შესძლო კულტურის გავრცელება ხალხში. ამიტომ ყალბია ის საფუძველი, რომელზედაც დაყრდნობილია მთელი ბურჟუაზიული წეს-წყობილება და მომავალი მხოლოდ იმ კლასს ეკუთენის, რომელიც დღეს იბრძვის ამ წეს-წყობილების დასანგრეველ და საზოგადოების სულ ახალ საფუძველზე მოსაწყობად.

(ეზრნალი „მოგზაური“ 20 თებერვალი 1905 წ. № 6).

ბუჩიის შიშობა.

იმ დროს, როცა კასპიის ზღვის პირას მდებარე ქალ. ბაქოში მომ-
ხლარ ამბების ხაზარელი სურათი ყველას თვალწინ გვიდგას, სწორედ იმ
დროს ჩვენში ხმა გავარდა, რომ კავკასიის მეორე დასამხარი, სახელ-
დობრ, გურია, ანუ ქუთაისის გუბერნიის ოზურგეთის მაზრა, რაღაც მე-
ტად საშიშ მდგომარეობაში ვარდება და დიდი განსაცდელიც მოეწიოს.
საქმე იმაში იყო, რომ როცა ბაქოში ორი მოქმე ერის გამხეცებული
და გააფთრებული წევრები ერთი-მეორეს მუსრს ავლებდნენ და ადგილობ-
რივი აღმინისტრაცია კი ამის შემყურე განზე გამდგარიყო, იმავე დროს
ოზურგეთის მაზრაში გაგზავნილ იქნა დიდძალი ჯარი გენერალ ალიხან-
ოვ-აეარსკის უპროსობით, რომელსაც ამასთანავე განსაკუთრებული
უფლებები ენიჭებოდა. ყოველივე ეს ყრუთ გაისმოდა ადგილობრივ სა-
ზოგადოებასა და პრესაში და იმათზე, ვისაც ამბების ნამდვილი მნიშვნე-
ლობა ესმოდა, ეს ხმები მეტად სამწუხარო შთაბეჭდილებას ახდენდა.
ჩვენ დარწმუნებული ვართ, რომ ეს ამბავი არა თუ ამ ერთი წლის წი-
ნად, არამედ—ნახევარი წლის წინადაც რომ მომხდარიყო, სრულებით
შეუმჩნევლად ჩაივლიდა, და ჩენი საზოგადოება და პრესა მხოლოდ მა-
შინ გაიგებდა. ამ ამბავს, როდესაც მას უკვე არავითარი მნიშვნელობა
აღარ ექნებოდა. მაგრამ არავისთვის საიდუმლოებას არ შეადგენს ის. ამ-
ბავი, რომ დღეს გარემოება შეიცვალა. თუ რა შედეგი მოყვა ჯერ ჯე-
რობით იმას, რომ მთავრობის განკარგულება ცოტად თუ ბევრად თა-
ვის დროზე იქნა შემჩნეული, ამაზე ჩვენ აქ აღარ შევჩერდებით, რადგა-
ნაც ყოველივე ეს თავის დროზე ჩვენ უკვე აღნიშნული გვქონდა. უწი-
ნარეს ყოვლისა ყურადღების ღირსი აქ აი რა არის. კავკასიის მთავრო-
ბის განკარგულებით ამ უმად ქუთაისის გუბერნიის ოზურგეთის მაზრა
და ბათუმის ოლქის კინტრიშის ნაწილი გამოყოფილია ქუთაისის და
ბათუმის გუბერნიებისაგან და ექვემდებარება სამოქალაქო საქმეებში კავ-
კასიის ოლქის ჯარში მყოფ გენერალ ალიხანოვს, რომელსაც გუბერ-
ნატორის უფლება მიენიჭა. ამასთანავე ვახ: „კავკაზში“ დაბეჭდილ ოფი-
ციალურ ცნობებიდან ჩვენ ვტყობილობთ, თუ რას გამოუწვევია მთავ-

რობის მხრით ზევითაღნიშნული ზომების ხმარება. იქიდან ჩვენ ვტყობილობთ, რომ „ამ უკანასკნელი სამი წლის განმავლობაში გურიასა და მის ახლო-მახლო მდებარე ადგილებში დაიწყო გლეხების აგრარული მოძრაობა მემამულეთა წინააღმდეგ. შემდეგში ეს მოძრაობა მთავრობის საწინააღმდეგო მოქმედებათ გადაიქცა. ამ ნიადაგზე მოხდა მრავალი პოლიტიკური მკვლელობა... კავკასიის უმაღლეს მთავრობის მიერ მიღებულმა ზომებმა მცხოვრებთა დასამშვიდებლათ სისურველი ნაყოფი ვერ გამოიღო: პროპაგანდა მთავრობის წინააღმდეგ თანდათან იზრდებოდა“. ამ ცნობიდან ნათლად სჩანს, თუ რას გამოუწვევია ოზურგეთის მაზრის და კინტრიშის ნაწილის გამოყოფა და იმათგან ცალკე გუბერნიის დაარსება და იქ განსაკუთრებული ჯარის გაგზავნა, ვინაიდან ღღეს პრესის წარმომადგენლებს, თანახმად მთავრობის განცხადებისა, საშუალება ეძლევა თავისუფალი მსჯელობა იქონიოს გურიის დღევანდელ მოძრაობაზე, ამიტომ პრესის ყველა წარმომადგენელი მოვალეა ამის შესახებ თავისი შეხედულება გამოამჟღავნოს და მით საზოგადოებას გაუადვილოს სინამდვილის და ჭეშმარიტების გაგება.

ღღეს ის დრო აღარ არის, რომ სიმართლის დამაღვამ ან გადაფუჩეჩებამ ვისმეს უშველოს, ამის დრო სამუდამოთ გაქრა, ღღეს ყველას სწყურია სიმართლის გაგება, რა გინდ მწვავე და არასასიამოვნო იყოს ეს სიმართლე ზოგიერთებისათვის. სამწუხაროდ, ადგილობრივმა პრესამ ჯერ-ჯერობით ამ მხრით ვერაფერი უნარი გამოიჩინა. მარტო სიტყვა „აგრარულის“ ხმარება საქმის გამორკვევას კიდევ ვერაფერს უშველის. საჭიროა თვით მოძრაობის დახასიათება, მისი თვისების შეტყობა.

რას ვხედავთ მართლა ღღეს გურიაში? უმრავლესობას გაუგია მხოლოდ ის, რომ იქ რაღაც არაჩვეულებრივი მოძრაობა ხდება. რით არის ეს მოძრაობა გამოწვეული? სხვისი, გარეშე პირების მონაბერი და შემთხვევითია იგი, თუ ცხოვრების სანამდვილეზე აღმოცენებული და მომწიფებული? ბეერს ჰგონია და მათ შორის, რა თქმა უნდა, მთავრობის წარმომადგენლებსაც, რომ გურიის ხალხის დღევანდელი მოძრაობა რაღაც შემთხვევითი მოვლენაა, რომელსაც არაფერი საერთო არ აქვს მთელი რუსეთის საზოგადო პირობებთან, რომ გურიის ხალხი მსხვერპლია სახელმწიფოსათვის „მავენ პირების ქადაკებისა“ და სხვ. ამიტომაც გურიის მოძრაობა მონათლულია „ბუნტის“, ამბოხების და ჯანყის სახელით. საჭიროა გამოირკვეს—აქვს ხსენებულ მოძრაობას რაიმე მსგავსება ხალხის აჯანყებასთან ან ამბოხებასთან, თუ არა? თუ რომ გურიის მოძრა-

ობა არსებითად ამბოხება და „ბუნტი“ არ არის, იმ შემთხვევაში თავის თავად იგულისხმება, რომ დღემდის მიღებული ზომები სრულებით შეუფერებელია და ვერასოდეს სასარგებლო ნაყოფს ვერ გამოიღებს.

ვგონებ მეტია დღეს იმის განმეორება, რომ ყოველგვარ საზოგადოებრივ მოძრაობას ხალხის ეკონომიურ პირობებში აქვს საფუძველი. აქ, ამ პირობებში, უნდა ვეძიოთ მისი დასაწყისი, მისი თავიდათავი მიზეზი. თავის თავად იგულისხმება, რომ როცა ჩვენ ვლაპარაკობთ საზოგადოებრივი მოძრაობის გამოწვევებზე ეკონომიურ პირობებზე, ეს იმას ნიშნავს, რომ საზოგადოების უმრავლესობა დაჩაგრულია, როგორც ნივთიერად, ისე პოლიტიკურად უმცირესობის მიერ. ასეთ მდგომარეობას, იმის მიხედვით, თუ საზოგადოების თვითცნობიერება და თავისი თავის შეგნება რამდენათაა განვითარებული, შეუძლია ორგვარი ხასიათის მოძრაობა გამოიწვიოს ხალხში. მრავალ-ტანჯულ ხალხთა ისტორია მოგვითხრობს, რომ ხალხი უზომოდ ყაფილა შევიწროებული და შეწუხებული; ხალხი ჯერ ვერ გრძნობდა თავის შევიწროვებას; შემდეგში იგი ამჩნევს, რომ მისი მდგომარეობა აუტანელია, იგი დაჩაგრული და შეწუხებულია, მაგრამ საუბედუროთ, მას არავითარი წარმოდგენა არა აქვს იმაზე, თუ საიდან მომდინარეობს ეს ტანჯვა, რა არის მისი გაჭირვების და დაჩაგრვის ნამდვილი მიზეზი. მაგრამ ხალხს მაინც სურს თავიდან მოიშოროს გაჭირვება, თავი დააღწიოს სიბეზარს და დაჩაგრვას. იგი უეცრივ ამოვარდნილ ქარიშხლივით ფეხზე დგება და თვითონ არ იცის რისთვის და ვის წინააღმდეგ. აი ასეთ მოძრაობას ჰქვია ამბოხება, ჯანყი ანუ, თუ გნებავთ, „ბუნტი“. ასეთი მოძრაობა სტიქიური მოვლენაა: ხალხის შევიწროება უზომოა, უკიდურეს ხარისხამდე მიღწეული და ამიტომ იგი თავს ვეღარ იკავებს და ჯბნდება. ანაირი ჯანყი, ანუ ამბოხება, ყოველთვის საშუალოდ თავდება ამბოხებული ხალხისათვის; ხალხი, მართალია, ჯანყდება და იბრძვის თავის მდგომარეობის გასაუმჯობესებლად, მაგრამ შეუგნებლობის გამო იგი უფრო თავისი თავის წინააღმდეგ მოქმედებს და ბოლოს თავისი მჩაგვრელების გულს ახარებს. ასეთი იყო, მაგ., საშუალო საუკუნოების დასასრულს გლეხების ომი გერმანიაში და ახალი დროის დასაწყისში მუშების აჯანყება, როცა ისინი, იმის მაგივრად, რომ თავისი მჩაგვრელების კაპიტალისტების და კაპიტალისტური წესწყობილების წინააღმდეგ გაელაშქრათ, სამრეწველო უნობებს და ახლად შემოდებულ მანქანებს ამტკრევედნ და ამსხვრევედნ, რადგანაც მხოლოდ ამებში ხედავდნ თავის დაჩაგრვის და შევიწროების მიზეზებს. ამგვარ

მოდრაობას ყველგან ჯანყის და ამბოხების ხასიათი აქვს, იგი არ არის გათვითცნობიერებული; დაჩაგრულ ხალხს არ ესმის, ვინ არის მისი ნამდვილი მტერი. და რაგვარი მოქმედებაა საჭირო, რომ მის ეკონომიურ და პოლიტიკურ დაჩაგრვას ბოლო მოეღოს. სულ სხვაგვარი მოძრაობაა მუშათა მოძრაობა დღეს როგორც ევროპაში, ისე რუსეთშიაც, სადაც იგი თვითცნობიერების ნაყოფია. იმას არა აქვს არც ჯანყის და არც ამბოხების ხასიათი; იგი წინდაწინ შემუშავებული პროგრამით ხელმძღვანელობს; იგი არ ქადაგებს ძალ-მომხრეობას. იგი უარყოფს კერძო მესაკუთრეთა ქონების აკლებას და განადგურებას, იგი მშვიდობიანი ზომების საშუალებით მიიკაფავს გზას საუკეთესო მომავლისაკენ. ამავე ხასიათისაა დღევანდელი მოძრაობა გურიაშიც. რომ იგი არ არის ამბოხება და ჯანყი ანუ „ბუნტი“, ეს დღეს ყველასათვის აშკარა უნდა იყოს. გურიის ხალხი აღვა მშვიდობიან გზას და თუ მას „ბუნტოვნიკების“ სახელით ნათლავენ, ეს მხოლოდ იმიტომ, რომ ეს გზა ახალია. ამ გზაზე გამოიყვანა გურული ხალხი გაქირვებულმა მდგომარეობამ. მართალია, ეს გაქირვება გუშინდელი ამბავი როდია, მაგრამ გურული ხალხი არც წინად იყო კმაყოფილი თავის მდგომარეობით; განსხვავება მხოლოდ იმაშია, რომ დღეს ეს უკმაყოფილება გათვითცნობიერებული მოქმედებით იხატება. ჩვენ არ შევეუდგებით აქ იმის მოთხრობას, თუ როგორ დაიწყო და როგორ იზრდებოდა ეს უკმაყოფილება, — ეს დღეს თითქმის ყველამ იცის და არავისთვის დაფარული არ არის. მხოლოდ მოკლედ მოვიხსენიებთ ამ გზაზე მსვლელობას.

პირველი ნაბიჯი გლეხების' გაფიცვა იყო მემამულეების წინააღმდეგ. გლეხებმა განაცხადეს: ჩვენ ხელს ალარ გვაძლევს თქვენ მიწებზე ვიმუშაოთ შემდეგშივე იმ პირობებით, რა პირობებითაც აქამდის ვმუშაობდითო, ამიტომ საჭიროა ამ პირობების შეცვლაო. წინააღმდეგ შემთხვევაში ჩვენ ხელს ვიღებთ თქვენ მიწებზეო. ერთი სიტყვით, ამიერიდან თქვენ თქვენთვის და ჩვენ ჩვენთვისო. მემამულეები, რომლებიც მიწის სიმცირის გამო გლეხკაცობაში დაჩვეული იყვნენ დიდ საიჯარო ქირაზე, ამ ამბავმა გააბრაზა და პოლიციას მიმართეს დახმარების აღმოსაჩენად; მაგრამ საქმე რომ იმათ სასარგებლოთ დაბოლავებულიყო, მთავრობას აუწყეს, რომ გლეხები ისე ჩვენ არ გვედავებიან, როგორც მთავრობის წინააღმდეგ მოქმედებენო, ე. ი. ისინი „ბუნტოვნიკებია“, მთავრობის წინააღმდეგ აჯანყებას ახდენენო. მკითხველი თვითონ მიხვდება გლეხების გაფიცვა იყო თუ არა მთავრობის წინააღმდეგ აჯანყება. ეს უფრო

ცილისწამება იყო. სამწუხაროდ, მთავრობა, ე. ი. ადგილობრივი ადმინისტრაცია აყვა მემამულეების ფეხის ხმას, რომლებსაც მხოლოდ საკუთარი ინტერესი ამოქმედებდათ. ადმინისტრაციამ ჯერ გლეხებს ტუქსელაუწყა, როგორ ბედავთ მთავრობისა და მემამულეებისადმი წინააღმდეგობასო. გლეხები კი თავის მხრით უცხადებდნენ, რომ ჩვენ მთავრობის წინააღმდეგ სრულებით არაფერი არ გვაქვსო. ჩვენ არც მემამულეებს ვებრძვივთ, მხოლოდ ჩვენ არ შეგვიძლია იმათი მიწები ავილოთ უანებათ წინანდელი პირობებითო, რადგანაც ჩვენ ეს ხელს არ გვაძლევსო. მაგრამ მთავრობა არა თუ დაკმაყოფილდა ასეთი ახსნით, არამედ კიდევ უფრო სასტიკი ზომებს მიმართა, რის ჩამოთვლა აქ საკირო არ არის. ხალხს კი პირველად ეგონა, მთავრობა მას მიემხრობოდა და მის ინტერესებს დაიცავდა, რადგანაც მთავრობა ხალხით საზრდოობს, ყოველგვარ გადასახადს ხალხი იხდის ხაზინის სასარგებლოდ; მაგრამ იმედი გაუცრუვდა: მთავრობამ იშკარათ მემამულეების მხარე დაიჭირა. ამიტომ ხალხმა მთავრობას სულ უფრო და უფრო უნდობლობის თვლით დაუწყა ყურება. რა თქმა უნდა, ეს უნდობლობა არ გამოიხატება რაიმე ძალმომრეობით მოქმედებაში, ე. ი. აჯანყებაში ან ამბოხებაში მთავრობის წინააღმდეგ. რადგანაც ადგილობრივმა პოლიციამ ხალხის თვალში ყოველგვარი ნდობა დაკარგა, ამიტომ ხალხმა თვითონ მოინდომა თავისი საქმეების მოწესრიგება და პატრონობა. სულ მოკლე ხანში მან განახორციელა თვითმართველობის დედააზრი, იმ თვითმართველობის, რომელსაც ასე შენატრის დღეს საზოგადოების საუკეთესო ნაწილი, როგორც რუსეთში, ისე სხვაგანაც. ხალხი არ ხმარობს არავითარ ძალადობას, იგი წმინდა ზნეობრივ პრინციპზე ამყარებს საზოგადოებრივ ცხოვრებას. აი ეს არის სინამდვილე, რომელსაც ვერაფერს გვერდს ვერ აუვლის. რაც აქ ზვეიდან მონაბერია, გარეშე პირთაგან ზეგავლენით ნამოქმედარი, ყოველივე ის თავის თავად გაქრება და მოისპობა; ხოლო ის, რაც ნამდვილი ცხოვრების ნაყოფია, არაფრით არ ამოიშლება; მის წინააღმდეგ სასტიკი ზომებითაც ვერაფერს ვერ გახდებიან. მაგრამ ერთი ვიკითხოთ: ნუ თუ ხალხის გასასწორებლად, მასში წესიერების დასამყარებლად, მხოლოდ ის საშუალებებია დღეს, რაც ათასის წლის წინად იყო? ნუ თუ უმნიშვნელოდ ჩაიარა კაცობრიობის მთელმა წარსულმა ცხოვრებამ? არა, ჩვენ ეს არ გვეჯერა, ჩვენ დანწუხებული ვართ, რომ ეს ძველი ზომები დღეს აღარ გამოდგება და უკუგდებულ უნდა იქნას. ჩვენ გვეტყვიან: მაშ, რით უნდა იქნას აღდგენილი მთავრობის სახელი და განმავლიობა, თუ არა

მისი ძალის ჩვენებითო? ჩვენ კი გვეგონია, რომ ეს გზა კიდევ უფრო გაუტეხს მას სახელს ხალხის თვალში და ბოლოს გვიანლა იქნება.

ხალხს ესაჭიროება მთაფრობა, მაგრამ ისეთი მთაფრობა, რომელსაც იგი ენდობა, რომელსაც იგი პატივს სცემს. ხოლო ფიზიკური ძალით არ მოიპოვება არც ნდობა და არც პატივისცემა. მიეცით ხალხს თვითმართველობის პრინციპზე დამყარებული მთაფრობა და აბა ნახეთ, თუ როგორი პატივისცემით და ნდობით მოეპყრობა იგი ამგვარ მთაფრობას.

ვიმეორებთ, დღეს ჩვენ ოცნებასთან და ფანტაზიასთან არა გვაქვს საქმე! ჩვენ წინ დგას სინაღდელი და ყველა ვალდებულია მას ანგარიში გაუწიოს. ენახოთ, მომავალი რას გვიქადის!

(ურნალი „მოგზაური“, 27 თებერვალი 1905 წლისა, № 7).

- რ ა გ ა მ ო ო რ კ ვ ა ?

ორი კვირა იქნება, რაც ბ-ნი სულთან-კრიმ-გირეი³ გურიაში გაემგზავრა, გურიის დღევანდელი ვითარების გამოსარკვევად, გურიის ხალხის დღევანდელ საჭიროებათა და მოთხოვნილებათა გამოსაკვლევად. ბ-ნმა კრიმ-გირეიმ უკვე ინახულა გურიის რამდენიმე საზოგადოება. მოიწვია სახალხო ყრილობები თითოეულ საზოგადოებაში და წინადადება მისცა ხალხს გულახდილად და დაწერილებით ეამბნა მისთვის ყველაფერი, რაც ღღეს გურიის ხალხს აწუხებს, გაეგებინებია მისთვის გურიის დღევანდელი მოძრაობის და ხალხის მღელვარების ნამდვილი მიზეზები. ხალხი ყოველგან ნდობით მიეგება ბ-ნ სულთან-კრი-გირეის, იგი პატივისცემით ისმენდა მის მოწოდებას და თავის მხრით ზრდილობიანად და თანაც გულახდილად და გაბედულად თავისი დებუტატების საშუალებით უხსნიდა მას თავისი აუტანელი მდგომარეობის მიზეზებს და უცხადებდა თავის მოთხოვნილებებს. ყველა საზოგადოებებში, ყველა ყრილობებზე ხალხი უცხადებდა ერთ და იმავე მოთხოვნილებებს, ასახელებდა ერთ და იმავე მიზეზებს დღევანდელი აუტანელი მდგომარეობისას. ეს პირველი შემთხვევაა ჩვენში, რომ მთავრობის წარმომადგენელი და ხალხი ერთი მეორეს წარუდგენ, როგორც სრული თანასწორნი და არა როგორც ბატონი და მორჩილი, მბრძანებელი და ყურმოქრილი აღმასრულებელი. რაც უნდა შედეგი მოყვეს ბ. კრიმ-გირეის მოგზაურობას გურიაში, ეს მაგზაურობა მაინც დაუვიწყარი დარჩება შთამომავლობისათვის და ოქროს ასაკებით აღიბეჭდება ჩვენი ხალხის ისტორიაში.

ამიერიდან მთელმა ქვეყანამ გაიგო, თუ რა მოხდა და ან რა ხდება ღღეს გურიაში, თუ რამდენათ მართალი არიან ისინი, რომლებიც გაიძახოდნენ, რომ გურია აჯანყდა და გურულები „ბუნტოვნიკები“ არიანო. იმის შემდეგ, რაც ბ-ნმა სულთან-კრიმ-გირეიმ ნახა და გაიგო, ის, რაც მეტი თუ ნაკლები სინამდვილით ადგილობრივ გაზეთებში იყო აღნიშნული, ამის ძახილი უკვე შეუძლებელია. აშკარად დამტკიცდა, რომ ხალხი მიუყვანიათ. უზომო გაჭირვებამდის, იგი შეუწუხებიათ ყოველი მხრით; მთავრობა მისთვის გადაქცეულა საწიშარ დაწესებულებათ, ჯა-

ლათეზის კრებულად, რომელიც მხოლოდ სასტიკი ზომების ხმარებაზე თუ ფიქრობდა ხალხის წინააღმდეგ, თორემ სხვაზე აღარაფერზე. ხალხის თხოვნას ყურადღებას აღარაფერ აქცევდა, საჩივარისთვის ხომ პირდაპირ სჯიდნენ. ამ ყოფაში ჩავარდნილმა ხალხმა, რომელშიაც ადამიანის გრძობა არ გამქარალიყო, მოიკრიფა ძალა და შეუდგა თავისი თავის შევლას, თავისი თავის პატრონობას. ხალხი არ აჯანყებულა მთავრობის წინააღმდეგ, იგი მხოლოდ ჩამოშორდა მას და თავის საქმეების გაძღოლა თვითონ იკისრა, რადგანაც დარწმუნდა, რომ მთავრობა მას არა თუ აღარ შეელოდა, არამედ—აწუხებდა და სტანჯავდა. აქაც გურულმა ხალხმა, რომელიც, ნუ დაივიწყებთ, ცნობილია როგორც მეტის მეტად გულფიცხი, გამოიჩინა სამაგალითო მოთმინება. ამ უკანასკნელი სამი წლის განმავლობაში გურიის თავმოყვარე ხალხს არ დაჰკლებია არც საჯაროდ ლანძღვა-გინება, არც გამათრახება, არც ნაობახი, არც ციმბირში გაგზავნა, არც ეკზილაციის ჩაყენება, და ვინ მოსთვლის კიდევ რამდენი შეურაცყოფა და დამცირება. მაგრამ მათ ყოველივე ეს აიტანეს და ერთხელაც არ უცდიათ ძალმომრეობაზე ძალმომრეობითვე ეპასუხათ. პირიქით, გურიელი ხალხი თვითონ იღებდა ზომებს, რომ მთავრობისათვის მიზეზი არ მიეცა იარაღი ეხმარა ხალხის წინააღმდეგ. ასეთი შემთხვევა კი მოსალოდნელი იყო გაბორბტებული აღმინისტრაციის მოხელეების მხრით იმ მიზნით, რომ ხალხი გაეთელათ და შეესუსტებიათ, რათა შემდეგში ისევ ძველებურად გაბატონებულიყვნენ ხალხზე, ისევ ძველებურად ეპარპაშათ. საღ მოიპოვა გურულმა ხალხმა ამოდენი მოთმინება, ამოდენი ზნეობრივი ძალა, რომ ერთ დღე იმავე დროს ორკაც უკუღმართობას გაუძლო და მით ფიზიკურად თუ არა ზნეობრივად მაინც დაამარცხა მის წინააღმდეგ მიმართული ბოროტი ძალა ამის ახსნა არ შეიძლება მართლმის გაქირვებაში ვეძიოთ. განა სხვაგან ნაკლები გაქირვება? განა სხვა ადგილას ნაკლებათ იტანჯება ხალხი? რასაკვირველია, არა. მაგრამ განსხვავება იმაშია, რომ გურულმა ხალხმა შეიგნო თავის დაბეჩაუების და გაქირვების მიზეზი, გაიგო, თუ საიდან მომდინარეობს სილატაცე და სიბეჩავე. იგი მიხვდა, რომ ამის თავიდათავი მიზეზი დღევანდელი ბიუროკრატიული წეს-წყობილებაა, რომელიც ხალხზე აბატონებს მთავრობის ყოვლად უფიც მოხელეებს და რომელიც ყველაფერში მდიდრებს ესარჩლება და მომხრეობს: ამ უსამართლობის მოსასპობათ საქირაა ბიუროკრატიული წეს-წყობილების მოსპობა, მაგრამ ამას ვერ შესძლებს მართლმ გურიის ხალხი, ამას უნდა შეებრძოლოს ყველა, სადაც კი გაქირვე-

ბული ხალხი ცხოვრობს. ამისთვის კი საჭიროა, რომ გაქირვებული ხალხი ყველგან გონს მოვიდეს, კარგად შეიგნოს, თუ რისთვის არის იგი გაქირვებული და დაბეჩავებული.

გურული ხალხის ღრმა რწმენა, რომელიც ბ-ნ კრიმ-გირეის მოგზაურობის დროს გამოაშკარადა და რომელიც ვერავითარი ფიზიკური ძალის საშვალეებით ვერ აღმოიფხვრება მისი გულიდან, იმაში იხატება, რომ მისი აზრით სრულებით შეუძლებელია დღევანდელ გაქირვებულ მდგომარეობიდან თავის დაღწევა, თუ არ დამყარდა აღმზიანის პიროვნების სრული ხელუხლებლობა და თუ იმავე დროს არ იქნა აღიარებული აზრის, სიტყვის, წერის, კრების, კავშირის და გაფიცვის სრული თავისუფლება. საიდან უნდა გავიგოთ ხალხის გასაჭირი, მისი ვითარება, თუ ამის შესახებ არ შეიძლება ლაპარაკი, წერა, მსჯელობა. ხალხმა განაცხადა, რომ ჩვენ წერა-კითხვა ვიცით, ვკითხულობთ კიდევ გაზეთებს და წიგნაკებს, სადაც სხვა ქვეყნების ამბები სწერიაო, მაგრამ ჩვენს შესახებ, ჩვენს გაქირვებაზე, იქ არაფერი ამოგვიკითხავს. ამავე დროს ჩვენ ხელში გვივარდება რაღაც ფურცლები, რომლებშიაც სწორედ ჩვენი დაბეჩავებული ცხოვრების შესახებ სწერია და ჩვენ იმას სიამოვნებით ვკითხულობთ, მაგრამ ამისთვის გვდევნიან და ნაობაზშიაც გვაგდებენო! რატომ არის ეს ასე? რატომ ჩვენს გასაჭირზე თავისუფლად არ შეგვიძლია ვსწეროთ, ვილაპარაკოთ? ამიტომ ჩვენ ეთხოულობთ, რომ ჩვენ უფლება გვქონდეს თავისუფლად ვსწეროთ, კრებები მოვახდინოთ და მსჯელობა ვიქონიოთ ჩვენი მდგომარეობის გასაუმჯობესებლად. გურულმა გლეხებმა იმავე დროს განაცხადეს, რომ მართა ჩვენ არ ეთხოულობთ ამას, ამას დღეს თითქმის მთელი რუსეთი თხოულობს, გარდა იმ ვაებატონებისა; რომელსაც რუსის ხალხის უბედურება სწადიაო.

გურული ხალხი თხოულობს აგრეთვე გადასახადების სამართლიან საფუძველზე მოწესრიგებას. როგორც ვიცით, ჩვენში არსებობს გადახდელი წოდება. ხალხი თხოულობს, რომ ამნაირად დაყოფა მოისპოს. ყველა წოდება გათანასწორდეს და საზოგადო ხარჯების დასაფარავათ ყველა უნდა იხდიდეს მხოლოდ იმ განსხვავებით, რომ ვისაც მეტი შემოსავალი აქვს, იმას მეტი გადახდეს, ვისაც ნაკლები, იმან ნაკლები იხადოს და ვისაც მცირე შემოსავალი აქვს და ოჯახის რჩენა უჭირს, მაგ. წელიწადში 400-500 მან. იგი სრულებით უნდა განთავისუფლდეს ყველგვარი გადასახადისგან ხაზინის სასარგებლოდ. გარდა ამისა, უნდა მოისპოს არაპირდაპირი გადასახადი, რომელიც დაწესებულია სხვადა-

სხვაგვარ სახმარ ნივთებზე, როგორც მაგ., ნავთზე, შაქარზე, ჩაიზე, ასანთზე, თუთუნზე, არაყზე და სხვ., რადგანაც ყველა ეს გადასახადი უმეტეს ნაწილად ისევ გაქირვებულ ხალხს აწეება კისერზეო. ხალხი თხოულლობს აგრეთვე სალდათობის მოსპობას, რადგანაც სალდათებს დღეს თვით ხალხის წინააღმდეგ ხმარობენ და ეს დიდი უსამართლობაა, როცა ძმა იძულებულია თავის ძმის წინააღმდეგ იარაღი იხმაროს და მისი სისხლი დაღვაროს. თუ გარეშე მტრებისაგან საქიროა სამშობლოს დაცვა, ამას თვით ხალხი იკისრებს და ქულზე კაცი გამოვა ქვეყნის უზრუნველსაყოფელადო.

მაგრამ უმთავრეს საქირობოროტო კითხვას სოფელში დღეს მიწის საქიროება შეადგენს. ყველამ კარგათ იცის, თუ როგორ უთანასწოროდ არის დღეს მიწა ვანაწილებული: მაშინ, როცა უმცირესობის ხელში დიდძალი მიწებია, უმრავლესობა, ე. ი. მუშა ხალხი, ან სრულებით მოკლებულია მიწა-ადგილს, ან იმდენს ფლობს, რომ იმის საშუალებით თავის რჩენა არ შეუძლია. ამიტომ უმრავლესობა იძულებულია მემამულეებს მიმართოს და იმათგან აიღოს მიწა იჯარით. ამ გაქირვებული მდგომარეობით სარგებლობენ მემამულეები და მიწებზე აღებენ ისეთ გადასახადს, ისეთ საიჯარო ქირას, რომ გლეხები ხარჯსაც ვეღარ ფარავენ იჯარით აღებული მიწების დამუშავებით. ასეთ გარემოებას ყოველგან დიდი უკმაყოფილება გამოუწვევია და გურიიშიაც ეს შეიქნა გლეხებისა და მემამულეების შეტაკების მიზეზად, რამაც თავის მხრით დღევანდელი მოძრაობა გამოიწვია. მაგრამ ეს მხოლოდ ერთი მხარეა დღევანდელი უკმაყოფილებისა. ყველამ იცის, რომ ჩვენში ბატონ-ყმობა არსებობდა, რომელიც ამ ორმოცი წლის წინად გაუქმდა და გლეხები გაანთავისუფლეს. მაგრამ ეს განთავისუფლება სიტყვით იყო, ნამდვილად კი იმავე ნაბატონარის ხელში დატოვეს. საქმე იმაშია, რომ თუმცა გლეხებს მიუზომეს იმ მიწების ნაწილი, რომლებიც ბატონ-ყმობის დროს საკუთრივ იმათ სარგებლობაში იყო, „ნადელების“ სახით, მაგრამ ნამდვილად ეს „ნადელები“ წინანდელ მებატონეთა საკუთრებათ იცნეს, რისთვისაც გლეხებს ყოველ წლივ განსაზღვრული გადასახადი უნდა ეძლიათ ნაბატონარისთვის, ე. ი. მოსავლის მეოთხედი ნაწილი; მხოლოდ თუ მემამულეს ნება ექნებოდა, გლეხს შეეძლო თავის დახსნა, ანუ „ნადელის“ გამოყიდვა მემამულისაგან. ამ ორმოცი წლის განმავლობაში გლეხების ერთმა ნაწილმა მამასისხლად გამოიყიდა მემამულეებისაგან თავისი საკუთარი მიწები; მეორე ნაწილს კი დღესაც დაუხსნელი აქვს მემამულეებისაგან „სა-

ნადელო“ მიწები. ასეთი გარემოება გლეხებს დიდ უსამართლობათ მიიჩნიათ. მიწა არ შეუქმნია ადამიანის ხელს, იგი არ არის შრომის ნაყოფი, მაშასადამე, საიდან მოხდა, რომ ერთს თვალუწვდენელი ადგილები ეკუთვნის და მეორეს კი ფეხის დასადგამი მიწაც არა აქვს? გარდა ამისა, არისტოვის მიაკუთვნეს მებატონეებს ის მიწები, რომლებითაც ბატონ-ყმობის დროსაც კი გლეხები სარგებლობდნენ? ამასთანავე არ უნდა დავივიწყოთ, რომ „უსტავნი გრამოტების“ შედგენის დროს გლეხებს სრულებით ჩამოართვეს ყველა ტყე და საძოვარი ადგილები, რომლებითაც ისინი წინად სარგებლობდნენ და რომელიც შემდეგ თავად-აზნაურობის საკუთრებათ იცნეს. გურული გლეხები ამაში ხელავენ დიდ უსამართლობას და ამიტომ ერთხმად თხოულობენ: გადახდილი ფულის უკან დაბრუნებას და ვინც აქამდის განთავისუფლებული არ არის, იმათ უფასოდ განთავისუფლებას. ამასვე თხოულობენ გლეხები სახელმწიფო გლეხებისთვისაც, რომლების მიწათმფლობელობა არაფრით არ არის განსაზღვრული და რომლების მდგომარეობა ამ მხრით კიდევ უფრო უარესია, რადგანაც ღღეს ხაზინის უკანასკნელი მოხელეც კი მათი ბატონ პატრონია. ყველა ამ კითხვების გამოსარკვევად და მოსაწესრიგებლად გლეხები თხოულობენ საგლეხო კომიტეტების დაწესებას. ეს კომიტეტები თვით გლეხებმა უნდა აირჩიონ და ამ კომიტეტების განკარგულებაში უნდა გადავიდეს ის მიწები, რომლებიც უნდა ჩამოერთვათ ეკლესია-მონასტრებს, მდიდარ მემამულეებს და საუფლისწულო უწყებს. კომიტეტები ეცდებიან ეს მიწები საჭიროების დაგვარად გაუნაწილონ გლეხებს. გურიის გლეხები ჯერ-ჯერობით არ თხოულობენ კერძო მიწათ-მფლობელობის გაუქმებას და მიწის საზოგადო საკუთრებად გამოცხადებას. შრომის ექსპლოატაციას მხოლოდ მიწის კერძო საკუთრების მოსპობა მოუღებს ბოლოს, მაგრამ ეს ჯერ კიდევ შეუძლებელია. ჯერ-ჯერობით გლეხები მხოლოდ იმას თხოულობენ, რომ ბატონ-ყმობის ნაშთები სამუდამოდ გაუქმდეს და მიწის საიჯარო ქირა შემკირდეს.

გურული გლეხების მოთხოვნილებათა დაკმაყოფილება და ხალხის ღღევანდელი გაჭირვებული მდგომარეობიდან გამოყვანა შეუძლია მხოლოდ თვით ხალხის მიერ ამორჩეულ წარმომადგენლებისაგან შემდგარ მთავრობას; მხოლოდ ხალხის მიერ თავისუფლად არჩეულ წარმომადგენლებს შეუძლიათ ხალხის საჭიროებათა ცოდნა და მხოლოდ ისინი შესძლებენ ამ საჭიროებათა დასაკმაყოფილებლად სხვადასხვა ღონისძიების ხმარებას.

ეს არის გურიის ხალხის გულის წადილი, მისი ღრმა რწმენა და შეხედულება. ეს გესმით თქვენ როგორც სახალხო ყრილობებზე, ისე კერძო ლაპარაკში. ამას იმეორებს დღეს იქ მოხუცი და ახალგაზრდა, დიდი და პატარა, ქალი და კაცი. მაგრამ გურული ხალხი მარტო სიტყვით არ აღგია ამ გზას, იგი მზადაა საქმით დაიცვას და გაიყუენოს ცხოვრებაში ის, რასაც სიტყვიერად აცხადებს. როგორც წინადაც ვამბობდით, გურული ხალხი ოცნებით არ არის გატაცებული, იგი დგას სინამდვილეზე. აი, რა გამოირკვა დღეს!

(ჟურნალი „მოგზაური“ 6 მარტი.
1005 წ. № 8)

გლახ-კაცობის მოძრაობა ქართლში.

ამ უკანასკნელ დღეების განმავლობაში საზოგადოების და ჟურნალ-გაზეთების ყურადღება რამდენიმეთ მიპყრობილი იყო ქართლის გლახ-კაცობაზე. გურიის გლახ-კაცობის მოძრაობის შემდეგ ქართლის გლახ-კაცობამაც ააყენა საზოგადოება და ხმა ამოაღებინა ჩვენს დიდი ხნიდან დაყრუებულ მწერლობას. ბევრს ქართლის გლახობის მღელვარება გურიის ამბების გამომხატურება ჰგონია: ფიქრობენ, რომ გურიის მოძრაობამ გავლენა იქონია ქართლის გლახობაზე ისე, როგორც ქვემო და ზემო იმერეთის გლახ-კაცობაზეო. ვთქვათ, რომ ეს მართლა ასეა, მაგრამ ჩვენი შეხედულებით ეს მხოლოდ გარეგანი კავშირია ამ ორ მოვლენას შორის, მიზეზი კი, როგორც ერთის, ისე მეორის უფრო ღრმა არის და იგი არ შეიძლება მარტო ზეგავლენით აიხსნას. ვინ არ იცის, რომ ამ ჩვენ კურთხეულ ქვეყანაში, ერთი მხრით, არსებობენ მემამულეები, მიწათმფლობელები ანუ თავადაზნაურობა და მეორე მხრით, მიწის მუშები, ანუ გლახ-კაცობა. ვინ არ იცის, რომ პირველების ხელში მოგროვილია დიდძალი საუკეთესო სახნავ-სათესი მიწები, საძოვარი მიწ-ღერები, ტყე, წყალი და სხ. მეორეები კი იმავე დროს დიდ გაჭირვებას იტანენ უმიწობის გამო. ვინ არ იცის, რომ უფლების მხრივაც გლახ-კაცობა მოკლებულია ბევრ რამეს, რითაც შეიარაღებულია თავად-აზნაურობა და რაც საშუალებას აძლევს მას გლახ-კაცობა შევიწროვოს და დაჩაგროს. გარდა ამისა, ვინ არ იცის, რომ გადასახადი, თუ ბეგარა, ყველა გლახ-კაცობას აქვს დაკისრებული, მემამულეები კი ყველა ამბებისაგან თავისუფალი არიან. მაშასადამე, იქ, სადაც ასეთი პირობებია, დაბეჩავება და შევიწროება აუცილებელი მოვლენაა და სადაც შევიწროებაა, იქ უკმაყოფილებაც უეჭველად უნდა იყოს. მაგრამ შევიწროება მუდამ ერთ წერტილზე როდია გაჩერებული; ინტერესთა წინააღმდეგობა თანდათან მწვავედება და მასთან ერთად მწვავედება და იზრდება საზოგადოების დაბეჩავებულ და შევიწროებულ ნაწილში უკმაყოფილება, რომელიც ჯერ კერძო არეულობებში და ამბოხებაში იჩენს თავს და შემდეგ კი ამბოხების ალი ეღება მთელ დაბეჩავებულ და გადატყვებულ

წოდებას და იწყება საერთო მოძრაობა არსებული წეს-წყობილების მოსასპობათ. საქართველოში ალბათ იშვიათად მოიპოვება მეორე კუთხე, სადაც გლებ-კაცობა ისე შევიწროვებული იყოს, როგორც ეს ქართლშია. ჯერ კიდევ ბატონ-ყმაბის დროსაც აქაური გლებობა მეტად შეწუხებული იყო მეტატონეებისაგან. ძნელია კაცმა წარმოიდგინოს ის, რასაც აქ ადგილობრივი მეტატონეები გლებებს აყენებდნენ. ბატონ-ყმაბის გადავარდნის შემდეგ მდგომარეობა რამდენიმეთ შეიცვალა: გლების პიროვნება რამდენიმეთ განთავისუფლდა ბატონის აულაგმავი თვითნებობისაგან, მაგრამ ქონებრივად, ნივთიერად გლები ისევ ნაბატონარისაგან დარჩა დამოკიდებული, ასე რომ სიტყვები: გლები და ბატონი ისევ ძველებურად დარჩა ცხოვრებაში. ნაბატონარს ისევ ძველი ბატონის უფლება დაურჩა, გლები კი ისევ ძველ ბატონ-ყმურ მდგომარეობას უნდა შერჩენოდა. მართალია, ცხოვრებაში ახალმა სიომ დაპბერა, ახალმა სხივმა შემოაშუქა კაპიტალისტური წარმოების სახით, მაგრამ მეურნეობაში ჯერ კიდევ ძველი წესი მეფობდა. მეორე მხრით, ფულის საქიროებამ სოფელშიაც იჩინა თავი, რადგანაც კაპიტალისტურმა მრეწველობამ საბოლოოთ მოკლდა შინაური, ოჯახური მრეწველობა; გლებს შერჩა მხოლოდ მეურნეობა, რითაც მას უნდა დაეკმაყოფილებია ყოველგვარი მოთხოვნილება. მაგრამ სასოფლო-მეურნეობისათვის კი საჭიროა მიწა და სწორედ ეს მიწა აკლდა თავიდანვე გლებობას. თუ ეს ასე იყო ბატონ-ყმაბის გადავარდნის დროს, როცა გლებებს მხოლოდ იმ მიწების ნაწილი მიუზომეს, რომლებითაც წინად ისინი სარგებლობდნენ, რალა უნდა მომხდარიყო შემდეგში, როცა გლებ-კაცობა გამრავლდა და იმავე დროს სხვადასხვა გადასახადმა და მოთხოვნილებამ იმატა. მიწის სიმცირე გლებობაში თანდათან უფრო და უფრო საგრძნობელი შეიქნა. იმავე დროს მემამულეების თვალშიაც, რაც დრო გადიოდა, მიწას ფასი სულ უფრო და უფრო ემატებოდა, ვინაიდან შემოსავლის სხვა წყარო იმათთვის თითქმის დაბზული იყო. მიწის შემოსავალს ისინი ორ ნაირად, ორ სახით იღებდნენ: ერთი დროებით ვალდებულ გლებობისაგან სანადელო გადასახადი, მეორე — საიჯარო ქირა იმ მიწების სარგებლობისათვის, რომლებსაც გლებები იღებდნენ ყანებათ. სანადელო გადასახადის რაოდენობა სამუდამოდ გადაწყვეტილი იყო, ე. ი. მოსხვლის მეოთხედი, მაგრამ იგი მატულობდა იმდენად, რამდენადაც გლები აკეთებდა თავის „ნადელს“, ამ ნადელების ისტორია მეტად საგულისხმიერო ამბავია. ავილოთ ასეთი შემთხვევა: ჩვენ ვიცით, რომ ყველა ნაბატონარი გლები დროებით ვალდებული

შეიქნა თავის მებატონისაგან, დროებით ვალდებულ გლეხებს, თუ ნაპატონარის ნება იქნებოდა და ჯიბეში ფული ექნებოდა, შეეძლო ამ უკანასკნელისაგან გამოეყიდა თავის ნადელი; გლეხობის ერთმა ნაწილმა მართლა გამოიყიდა ნადელი პირველ ხანებშივე. ვთქვათ, გლეხებს თავის ნადელის გამოყიდვა, რომელიც 4-5 დესეტინისაგან შესდგებოდა, დაუჯდა 200-300 მანეთი. ჯერ ესეც უსამართლობა იყო, რომ გლეხებს აყიდვინეს ის მიწები, რომლებითაც ისინი სარგებლობდნენ ბატონ-ყმობის დროს. ახლა თქვენ წარმოიდგინეთ ის, რომ უმრავლესობას არა თუ პირველ ხანებში, არამედ დღემდისაც ვერ მოუხერხებია თავის „ნადელების“ გამოყიდვა. და ახლა აი რა გამოდის, — ორმოცი წლის განმავლობაში დროებით ვალდებულმა გლეხებმა აკეთეს თავის სანადელო მიწა, რითაც მისი ფასი თანდათან მალლა იწვედა და იმავე დროს ყოველ წლივ ნაბატონარსაც სულ მეტ გადასახადს აძლევდა. რომ ვიანგარიშოთ ყოველივე; რაც დროებით ვალდებულმა გლეხებმა მისცეს მემამულეებს, გადასახადის სახით, გამოვა, რომ მათ ამ ორმოცი წლის განმავლობაში რამდენიმეჯერ გადაუხდიათ თავის „ნადელების“ ფასი, მაგრამ წარმოიდგინეთ, რომ ისინი დღესაც დროებით ვალდებული არიან, ისინი დღესაც იხდიან მეოთხედს და გამოყიდვა რომ მოინდომონ, მემამულეები დღეს იმათ ორწილ ფასს მოსთხოვენ, ვიდრე ამ ორმოცი წლის წინად; და მემამულეების უმრავლესობა დღეს არც კი ახსნის თავს დროებით ვალდებულ გლეხებს, ვინაიდან იმათთვის ბევრად უფრო ხელსაყრელია აიღონ იმათგან მოსავლის მეოთხედი და იყოლიონ ისინი თავისგან დამოკიდებულად, ვიდრე თავი დაახსნან ერთხელ და სამკდამოთ, აქედან აღვილი გასაგებია, რომ დღეს თავის დახსნა ანუ „ნადელების“ გამოყიდვა დროებით ვალდებულ გლეხებისათვის შეუძლებელ პირობებშია ჩაყენებული და იმავე დროს კი იმათი მდგომარეობა თითქმის დიდათ არაფრით განიჩევა ბატონ-ყმურის მდგომარეობისაგან, რაც შეეხება საიჯარო ქირას, ყველამ იცის, თუ როგორი სისწრაფით მატულობდა იგი ჩვენში ამ უკანასკნელ ხანებში. ქართლი, განსაკუთრებით გორის მაზრა, სადაც დღეს ყველაზე მეტად გამწვავებულია მემამულეებსა და გლეხებს შორის დამოკიდებულება, ამ მხრით მეტად საინტერესოა. ეს დამოკიდებულება გამწვავებულია აქ კიდევ ხიზანთა კითხვით. სამწუხაროდ, ხიზნები უმრავლესობისათვის უცნობი სავანია. ხიზნების მდგომარეობა დღემდისაც არ არის გამორკვეული და განსაზღვრული, მთავრობაც იმათ შესახებ ორკოფ გზას დაადგა, თუმცა ბოლოს, თანახმად მემამულეების სურვილია, ისინი

უბრალო შეიჯარებდათ იცნო იმ მიწებზე, რომლებიც იმათ უხსოვარ დრო-
იდან ქონდათ ნაკეთები და ნათუთურება. შემაპულეებს სრული უფლება
მიანიჭა მთავრობამ ხიზნები გაეძევიათ ამ მიწებ-დან. თუ რომ ეს უკა-
ნასკნელნი იმათ პირობებზე არ დათანხმდებოდნენ. ეს კანონი პირდაპირ
შემამულეების თხოვნით გამოიცა; მთავრობა მარტო, შემამულეების საჩი-
ვარს აქცევდა ყურადღებას და ხიზნების მდგომარეობა კი დაივიწყა, მა-
გრამ ცხოვრებაში ხომ ძნელი, თითქმის შეუძლებელი იქნებოდა ამის
განხორციელება, ეს ყველასათვის იმ თავიდანვე აშკარა უნდა ყოფილი-
ყო. და ეს ასეც მოხდა, მაგრამ ჩვენ აქ ამაზე ვერ შევიტყობით. დღეს
საქმე მეტად სერიოზულ მიმართულებას ღებულობს.

მართალია, ის, რაც დღეს გურიაში ხდება, ძალა-უნებლიეთ ჩვენ
ქართლის ვითარებას გვაგონებს, მით უმეტეს, რომ ნიადაგი ერთი და
იგივე არის, ე. ი. აგრარული განხეთქილება, მაგრამ არ უნდა დაივი-
წყოთ, რომ დღეს გურიის გლებ-კაცობასა და ქართლის გლებ-კაცობას
შორის დიდ განსხვავებაა. მაშინ, როცა გურიის გლებ-კაცობას შეგნებუ-
ლი აქვს თავისი მდგომარეობა და მომზადებულია მომავლისათვის, ქარ-
თლის და საზოგადოთ მთელი ტფილისის გუბერნიის გლებობა ამ მხრით
მეტად სამწუხარო სურათს წარმოადგენს. ბევრს, ვინც საქმის ვითარება
არ იცის, ჰგონია, რომ გურიაშიც ის ხდებოდა, რაც დღეს ქართლში
ხდება. მაგრამ ეს ასე არ არის. გურიაში გლებებს არ მოუხდენიათ არე-
ულობა, არ უხმარიათ ძალა; ისინი მოქმედებდნენ მშვიდობიანის გზით
და დღემდის ერთხელაც არ უღალატიათ საერთო საქმისათვის და მაღ-
წიგს იმას, რომ დღეს მთელი ქვეყნიერება ჰკვირობს იმათ შესახებ.

სულ სხვას ვხედავთ ჩვენ დღეს ქართლში. გლებების მოძრაობას აქ
არ ეტყობა თვითცნობიერების და მომზადების ნიშანი. ეს არის სტიქი-
ური მოვლენა, როგორც წინადაც მრავალჯერ მომხდარა ქართლში; გან-
სხვავება მხოლოდ იმაშია, რომ წინად ეს უფრო კერძო მოვლენას შე-
აჯენდა და დღეს კი იგი მთელ მაზრას ედება და არა თუ მარტო ერთ
მაზრას; სხვა მაზრებშიაც გადადის და საერთო არეულობის ხასიათს ღე-
ბულობს. ახლა იბადება კითხვა: შეიძლება თუ არა ამ მოძრაობის შეჩე-
რება და სასარგებლო იქნება თუ არა ეს შეჩერება? ჩვენის აზრით, მოძ-
რაობის შეჩერება შეუძლებელია; ეს შედეგია დიდი ხნის განმავლობა-
ში მიყენებული შევიწროებისა და დაბნევებისა. იმის მიზეზი არის ღრმა
ეკონომიური განხეთქილება შემამულეებსა და გლებებს შორის. ეს არის
იგივე მუშათა კითხვა, რომელსაც ასე უარსყოფენ ჩვენში დაპოქსებუ-

ლი მწერლები. მაგრამ ამის უარის ყოფა დღეს მხოლოდ სრულებით დაბრმავებულს თუ შეუძლია, თორემ სხვას არავის. საშიში აქ მხოლოდ ის არის, რომ დღევანდელ პოლიტიკურ პირობებში, როცა არ არის სიტყვის, პრესის, ყრილობის, გაფიცვის. კავშირის თავისუფლება, როცა ადამიანის პიროვნება არ არის ხელუხლებელი, მოძრაობისთვის არ არის უზრუნველსაყოფელი ნორმალური მსვლელობა, მხოლოდ ასეთ თავისუფლებას შეუძლია მწარე განსაცდელისაგან დახსნა. ამიტომ ვისაც ხალხისთვის გული ეწვის, იგი ყოველი ღონისძიებით აქ თავისუფლების მოპოვებას უნდა ცდილობდეს. თავზარდაცემული მემამულეები, რომლებიც არაკი გრძნობენ თავიანთ ძველ და ახალ ცოდვებს ხალხის წინაშე. საზოგადოებისაგან და პრესისაგან თხოულობენ დახმარებას და შეველას, თითქო საზოგადოება და პრესა იმათი ყურმოქრილი ყმა იყოს! მაგრამ როდის იყო, რომ ისინი საზოგადოებას და პრესას პატივს სცემდნენ, როდის იყო, რომ იმათ სწამდათ როგორც პირველის, ისე მეორის ძალა და მნიშვნელობა? პირიქით, ისინი მუდამ ფეხქვეშ თელავდნენ როგორც პირველს, ისე მეორეს

და აი ახლა, როცა საზოგადოების ხმა მნიშვნელობას იძენს, როცა პრესა გაუღენიან ძალად ხდება საზოგადოებაში, ხალხის მჩაგვრელები გაშლიან და საზოგადოებისა და პრესის დახმარებას თხოულობენ! ეს დიდი უგნურებაა, რომ მეტი არა ვთქვათ. მაგრამ ეს მიმართვა მეორე მხრით არის საყურადღებო: იგი მოწმობს, რომ თავად-აზნაურობას საკუთარი ძალა შემოკლებია და მთავრობისგანაც დახმარებას დღეს ღღარ მოელის და აღარც მისი იმედი აქვს. იგი ინსტინქტიურად გრძნობს თავის სრულ გაკოტრებას და აღსასრულის მოახლოვებას. მას დღეს ვეღარ უშველის ვეღარც ძველებურათ ჯ ღინი: გლეხები და თავადები ძმები არიან და იმათ უერთმანეთოდ ცხოვრება არას ზებით და არა საშუალებით არ შეუძლიათო. გლეხებმა უკვე კარგად შეიგნეს, თუ რას ნიშნავს თავად-აზნაურობასთან ძმობა და ერთობა, მაგრამ აქ იბადება მეტად სერიოზული კითხვა: რა სწავლია მომავალში გლეხობას, რა იდეალი აქვს მას დასახული მომავლისათვის? ყოველივე კი დამოკიდებულია ამაზე.

კრიმ-გირეის მოგზაურობამ გურიაში რამდენიმეთ გამოარკვია, თუ რა სურთ დღეს გურულ გლეხებს და აგრეთვე ისიც, თუ როგორია იმათი მომავალი იდეალი, ქართლელი გლეხ კაცობის შესახებ კი ჯერ არაფერი არ ითქმის, გარდა იმისა, რომ იგი მეტად ჩამორჩენილია და ეს

გარემოება კი მეტად დაუაღონებელია. მეორე მხრით, ჩვენს კრესას და სახალხო მოღვაწეთ მეტად მოხერხებული და მარჯვე დრო უდგებათ, რომ განათლების და თვითცნობიერების ლამპარი შეიტანონ ქართლს გლეხ-კაცობაშიაყ.

(ჯურნალი „მოგზაური“ 19 მარტი
1905 წ. № 9).



დღევანდელი მდგომარეობა.

დღევანდელ საერთო განკითხვის დროს, როცა ყველა მჭაგვრელი და შემავიწროვებელი იძულებული ხდება პასუხი აგოს ხალხის წინაშე იმისათვის, რაც რამ აქამდის ბოროტება და ცოდვა ჩაუდენია, ყველაზე უფრო დიდ ყურადღებას გლახების მოძრაობა იქცევს. და მართლაც, ამ ათი წლის წინაღ რომ ვისმეს გლახების მოძრაობის შესახებ საუბარი ჩამოვდო, იმას ყველა მასხარად აიგდებდა. იმ დროს ჩვენში ქალაქის მუშების მოძრაობაც არაფრათ მიაჩნდათ და პირდაპირ, აშკარად, უარყოფდნენ ჩვენში მუშათა კიბზას. მაგრამ დღეს ყველა დარწმუნდა, რომ მუშების კითხვა ჩვენში სრულებით უსაქმო პირების გატაცება და ოცნება არ არის, არამედ—მას დრმა ეკონომიური და პოლიტიკური საფუძველი აქვს თანამედროვე საზოგადოებრივ პირობებში. ამავე დროს საზოგადოებას თავზე დაატყდა მეორე არანაკლებ ყურადღების ღირსი საკითხი—საკითხი გლახ-კაცობის მდგომარეობის შესახებ. ეს ყველასათვის მოულოდნელი იყო და უმრავლესობას ეს საკითხი დიდხანს არ სჯეროდა. და მართლაც, ვის ეგონა, რომ სოფლის გლახ-კაცობა ამოდენა ხნის განმავლობაში მარტო სიბეჩავესა და შევიწროებას დაჩვეული და გონება დახშული, თვალებს გაახელდა, ხმის ამოდებას გაბედავდა და თავისი მდგომარეობის გაუმჯობესობას მოითხოვდა? ვინ წარმოიდგენდა, რომ ჩვენი მიყრუებული სოფლები, სადაც ბატონ-ყმობის დროიდან დარჩენილი წესები და პოლიციელთა მათრახი ბატონობდა, სადაც ცოცხალი აზრის ან სიტყვის გაგონება ყოვლად შეუძლებელი იყო, ისე გაბედულად და ენერგიულად მოითხოვდნენ ადამიანურ უფლებებს? და აი, ეს დაუჯერებელი გარემოება დღეს ცხადი შეიქნა, სინამდვილეთ იქცა. გურიის გლახებში დაწყებული მოძრაობა დღეს თითქმის მთელ ამერ-იმერის გლახობას მოედვა. მთელი გლახობა, როგორც ერთი კაცი, ზიზღს უცხადებს ძველ წესწყობილებას, სპობს ყრველგვარ კავშირს მთავრობის ყოველგვარ დაწესებულებასთან და თხოულობს ხალხის წარმომადგენლების მიერ არჩეულ მართვა-გამგეობას. წინადაც ვამბობდით და ახლაც ვიმეორებთ, რომ გლახების დღევანდელი მოძრაობა დაიბადა და გაიზარდა ეკონომიურ

ნიადაგზე, ე. ი. ამ მოძრაობის თავიდათავე მიზეზი უპირველეს ყოვლისა მიწის სიფიწროვე ან სრულიად უმიწობა იყო გლეხებში. მაგრამ დიდი შეცდომა იქნებოდა, რომ გლეხების დღევანდელი მოძრაობა მარტო ეკონომიური შევიწროვებით აეხსნათ. ვინ არ იცის, რომ გლეხებში დღეს ბევრია ისეთები, რომლებსაც მიწა-ადგილი ბევრათ იმაზე მეტი აქვთ, რაც თვითონ სჭირდებათ თავის სარჩენათ და რომლებიც გაქირავებულ გლეხებს იჯარით აძლევენ მიწებს. ესენი შეადგენენ სოფლის ბურჟუაზიას. მეორე მხრით, არიან ან სრულებით უმიწა-წყლოთ დარჩენილი (ბოგანო) ან მცირე მამულის პატრონი გლეხები, რომლებიც იძულებული არიან შევამუღლებიდან აიღონ იჯარით მიწები, რომ სიმშლისაგან არ დაიხოცონ.

ერთი სიტყვით, აქ ჩვენ იმის თქმა გვინდა, რომ მაშინ, როცა გლეხების ერთი ნაწილი, ე. ი. მისი უმრავლესობა, ეკონომიურად შეეწროვებული და დაჩაგრულია, მისი უმცირესი ნაწილი, — სოფლის ბურჟუაზია, ამ მხრით, რასაკვირველია შედარებით, უზრუნველყოფილია. ამნაირად, აშკარაა, რომ გლეხ-კაცობის ამ ორ ჯგუფს შორის ეკონომიური განხეთქილება არსებობს: მაგრამ მიუხედავად ამისა, დღეს გლეხობა, როგორც ერთი კაცი, აშორავებულია და თავის უკმაყოფილებას უცხადებს დღევანდელ მართვა-გამგეობას და წესწყობილებას, ერთხმად თხოულობს ამ წეს-წყობილების ძირიანად შეცვლას. რით აიხსნება ასეთი შეერთებული მოქმედება? უეჭველად უნდა იყოს ისეთი რაჲ, რაც ერთ და იმავე მდგომარეობაში აყენებს როგორც გაღატაკებულ ბოგანო გლეხს, ისე სოფლიან შეძლებულ გლეხობასაც. რაში გამოიხატება ეს მდგომარეობა? დღეს ეს ყველასათვის აშკარა შეიქნა.

გლეხებმა უკვე შეიტყვეს, რომ, მართალია, ამ ორმოცი წლის წინად მოხდა ბატონების და ყმების გათიშვა, ე. ი. ბატონ-ყმურ ურთიერთობის გაუქმება, მაგრამ ეს გაუქმება მარტო სიტყვიერი გამოდგა, საქმით გლეხი თითქმის იმავე ბატონ-ყმურ ურთიერთობაში დარჩა. ეს ბატონ-ყმური დამოკიდებულება მარტო იმაში როდი გამოიხატება, რომ გლეხები მიწა-ადგილების მხრით შეიფიწროვეს და სავსებით ყოფილ მებატონეებისაგან დამოკიდებული გახადეს, არამედ კიდევ უფრო იმაშიაც, რომ გლეხებისთვის შექმნეს განსაკუთრებული კანონი, რომლის ძალით გლეხები გამოყოფილია ყველა დანარჩენ წოდებებიდან და აღიარებულია დაბალ, გადამხდელ, მოხარკე წოდებათ. ამავე კანონის ძალით გლეხ-კაცობას დააკისრეს ყოველგვარი გადასახადი და ბევარი როგორც

მემამულეების, ისე ხაზინის სასარგებლოდ. გარდა მემამულეებისა, ნაბატონარებისა, გლეხობას კიდევ მეორე ბატონი მიუჩინეს. ეს გახლავთ პოლიცია ანუ ადმინისტრაცია. მთავრობის ეს ორგანო, დაწესებულება, ლაშობდა ყველაფრის ჩანთქვას, ყველაფრის თავის ბრკყალეში მომწყვდევას. იგი ერეოდა და ეჩხირებოდა ყველაფერში: ხალხი მის თვალში შეიქნა რაღაც გაუგებარი, გონება დახშული, ყველაფრის ამტანი, უენო მასა, რომელსაც როგორც უნდოდა, ისე ექყოდა. გლეხობას ვითომც უფლებაც მიანიჭეს თავისი საქმეები თვითონ მას ეწარმოებია; მას ჩააგონეს, რომ მთავრობა შენთვის ზრუნავსო. გლეხები მართლაც ირჩედნ მამასახლისებს და სოფლის სხვა მოხელეებს, მაგრამ ეს მათ მიერ არჩეული პირები ნამდვილად პოლიციის სრული მორჩილი იყვენ, მხოლოდ მისი სურვილის აჰსრულებლები იყვენ, ასე რომ, პოლიციას ვინც უნდოდა იმას ირჩედა და აყენებდა მამასახლისად; ამიტომ ეს მამასახლისები ხალხის მტანჯველებად გადაიქცენ. ხალხს დაარსებინეს სკოლები, ვითომც გონების გასანათლებლად, მაგრამ ნამდვილად კი სკოლა— ეს წმინდა ტაძარი—გონების დასაბრმავებელ იარაღად გადააქციეს, სადაც ბავშვს უფრო ამახინჯებენ და რყენიან, ვიდრე ცხოვრებისათვის ამზადებენ. ადმინისტრაციამ ვითომც არც ხალხის ჯანმრთელობა დაივიწყა: გლეხებს გაუპართეს სასოფლო საავადმყოფოები, მაგრამ საქმე მოაწყვეს ისე, რომ ეს წმიდა საქმეც თავის მოხელე ჩინოვნიკებს ჩაუტდეს ხელში, რომლებიც მხოლოდ თავის ჯიბის გასქელებაზე ფიქრობდნ და არა ხალხის ჯანმრთელობაზე. ჩინოვნიკ-ექიმს ფეხებზე ჰკიდია ავადმყოფი გლეხი, ოღონდ მან ფულები აიღოს; ამიტომ ჩინოვნიკ-ექიმების ხელში სასოფლო საავადმყოფოები გადაიქცა ხალხის საყვლეფ იარაღად; და იმავე დროს კი სასოფლო საავადმყოფოები გლეხ-კაცების ფულით ინახება და იქიდან კი გლეხებს კინწის-კვრით ერეკებიან ჩინოვნიკ-ექიმები. სად არის აქ სამართალი? და ამის შემდეგ კი გასაკვირალია, რომ ხალხი ანგრევეს და სწვავეს სკოლებს, გალახვეს და მოკვლას ემუქრება ჩინოვნიკ-ექიმებს?

სასტიკი და მიუტოვებელი ცოდვა იქნება, თუ აქედან იმ დასკვნას გამოვიყვანთ, რომ ხალხს არ სურს სწავლა, რომ იგი არაფრათ ავდებს წამლობას და ექიმობას. ეს არის დღევანდელი წეს-წყობილების შედეგი. აი სადამდის მიიყვანეს და როგორ გააბოროტეს ხალხი!

განსაკუთრებით იტანჯება აქ გლეხ-კაცობა, როგორც წოდება და აი, სწორედ ამიტომ ამობრავდა იგი ამ წეს-წყობილების წინააღმდეგ. ამ

ბობენ, რომ თუ თავად-ახნაურობა დაუმთობს და ზოც შელავათს მია-
ნიჭებს გლეხებს, შეიძლება, ეს უკანასკნელი დაკმაყოფილდენ, დაწყნარ-
დენ და ძველ ცხოვრებას დაუბრუნდნო. ამის თქმა ან გაუგებრობაა და
ან თავისი თავის დატყუილება; გლეხების მოძრაობა მიმართულია დღე-
ვანდელი სახელმწიფო და საზოგადოებრივი წესწყობალების წინააღმდეგ;
გლეხები თხოულობენ ბატონ-ყმური ურაიერათობის ნაშთის სრულიად
გაუქმებას. ეს წეს-წყობილება ხელს უშლიდა და აბრკოლებდა ქვეყნის
ეკონომიურ წარმატებას, საწარმოვო ძალთა სრულ განვითარებას. ხალხი
დაბორკილი იყო. მართალია, პირადი დამოკიდებულება ბატონსა და
კმას შორის მოისპო ამ ორმოცი წლის წინად, მაგრამ ხალხს ერთის მა-
გიერ ორი ბატონი გაუჩნდა: ერთი იყო ძველი ნაბატონარი, რომელსაც
მთავრობამ მიაკუთვნა გლეხების სარჩო-საბადებელი მიწა-წყალი; მეორე
იყო ყოვლის შემძლე ადმინისტრაცია, რომელმაც ხალხი შებოჭა და
შეიპყრო. გლეხები დღეს აშკარად ხედავენ, რომ მართა მემამულე-
ებისაგან თავის დახსნა მათ ვერაფერს უშველის, თუ ახლანდელი მართ-
ვა-გამგეობის წესი შენახული იქნა. დღევანდელი წეს-წყობილების ძირი-
თადი ცვლილება იქნება მხოლოდ პირველი ნაბიჯი და ამ პირველ ნა-
ბიჯს მთელი გლეხ-კაცობა ერთად გადადგამს. ეს ნაბიჯი იქნება ხალ-
ხის პოლიტიკური განთავისუფლება, პოლიტიკური თავისუფლების მო-
პოვება. ამას ისხვა ნაბიჯები მოყვება მხოლოდ იმ განსხვავებით, რომ
სოფლის გაქირებულნი, ბოგანო ხალხი ჩამოშორდება სოფლის ბურჟუ-
აზიას და მთელი ბურჟუაზიის წინააღმდეგ შეუერთდება ქალაქის ზუშა
ხალხს. მაგრამ დღეს კი საერთო მტრის მოშორებაა საჭირო.

დადგა დრო, დრო განკითხვის, როცა ძველი წეს-წყობილება უნდა
საშუღამოთ დაინგრეს. ზოგიერთები ფიქრობენ, ვითომც შეიძლებოდეს
ძველ წეს-წყობილების ხსნა. იმათი შეხედულებით ამისთვის საკმარისია
ზოგი რამ დათმობა, შეკეთებ-შემოკეთება. იყო დრო, როცა დათმობა
მეტად მიაჩნდათ, მაგრამ დღეს ამით აღარაფერ დაკმაყოფილდება. გაიხედ-
გამოიხედეთ გარშემო და თქვენ დაინახავთ, თუ რა ხდება: უკმაყოფი-
ლებას და პროტესტს არსებული წესწყობილების წინააღმდეგ აცხადებენ
არა მარტო ქალაქის მუშები, არამედ—სოფლის გლეხ-კაცობაც; არა თუ
უმალღეს სასწავლებლებში მოსწავლე ახალთაობა, არამედ საშუალო და
დაბალ და თითქმის პირველადწყებითი სკოლების შეგირდებიც, არა
მარტო მამაკაცები, არამედ—დედაკაცებიც, არა მარტო ახალგაზრდობა,
არამედ—მოხუცებულნიც. ერთი სიტყვით, დღევანდელი მოძრაობა არ

არას წუთიერი, იგი არ არის გაპოწვეული კერძო ხასიათის უკმაყოფილებით, იგი მოწმობს, რომ ჩვენი დღევანდელი საზოგადოებრივი და სახელმწიფო წესწყობილება ყოველად უვარგისი და გამოუსადეგარია და სანამ იგი არ შეიცვლება, მშვიდობიანი ცხოვრების დამყარება ყოველად შეუძლებელია. უნდა მოისპოს დღევანდელი პოლიტიური წეს-წყობილება და მის ნაცვლად უნდა დამყარდეს უფლებრივი წეს-წყობილება, სადაც უზრუნველყოფილი უნდა იქნეს ადამიანის პიროვნების ხელშეუხებლობა, აზრის, სინიდიისის, სიტყვის, ბეჭდვის, კრების, კავშირის და გაფიცვის თავისუფლება. უნდა დაარსდეს ხალხური მთავრობა, ამორჩეული თვით ხალხის მიერ. მაშინოდ ამ ძირითად ცვლილებების შექმნა შესაძლებელი იქნება ხალხის კულტურული განვითარება და წარმატება.

(ერთნაღი „მოგზაური“ 20 მარტი,
1905 წ. № 10).

ვის ატყუილებენ?

დღევანდელმა მოძრაობამ არა მარტო ბიუროკრატის დაუფრთხო ძილი და დაღბნია გზა-კვალი და დაეთარი, ასევე მოუვიდა ჩვენი ინტელიგენციის ერთ ნაწილს, რომელიც ნაციონალ-დემოკრატიული დროშის ქვეშ მოქმედებს და რომელიც ხალხის სამსახურის სახელით სულ სხვა რამეებს ასაღებს. დღევანდელი მოძრაობა ამ ვაჟბატონებისთვის სრულუბით მოუღოდნელი იყო. იმათ შრომელი ხალხი უკუნურ და ბრიყვ ბრბოთ მიაჩნდათ, რომელსაც რძსაც ჩასძახებ, იმასვე ამოკძახებსო. იმათ ეგონათ, რომ ხალხში რაიმე სერიოზული მოძრაობა იმათ დაუბზარებლად და უხელმძღვანელოთ თავს ვერ იჩენდა. იმათი აზრით, ყოველივე ეს იმათზე იყო დამოკიდებული, იმათ მიერ შემუშავებულ პროგრამასა და გეგმაზე. მართალია, ისინი აქა-იქ, ქალაქებში, ამჩნევდნ მუშების მოძრაობას, მაგრამ ამას იმათ თვალში მნიშვნელობა არ ქონდა და უფრო კი ეს მოძრაობა, იმათი შეხედულებით, ყოვლად შეუსაბამო და მავნებელი იყო, ვინაიდან იგი ეწინააღმდეგებოდა იმათ მისწრაფებას და იმათ სურვილებს.

მაგრამ თუ ეს მოძრაობა ქალაქის მუშებიდან სოფელშიაც გადავიდოდა და სოფლის გაქირვებულ ხალხშიაც იფეთქებდა, ამას ისინი არასოდეს არ დაიჯერებდნ. უფრო მეორედ მოსვლას იწამებდნ, ვიდრე გლეხკაცობის დღევანდელ მოძრაობას. ასეთი შეხედულება, ერთი მხრით, იქიდან მომდინარეობდა, რომ ეს ვაჟბატონები, რომლებიც თავის თავს ინტელიგენტებათ და ქვეყნის მარილად სთვლიდნ, სრულუბით არ უკვირდებოდნ ცხოვრებას, არ ცდილობდნ იმის გაგებას და დანახვას, თუ თვით ხალხში რა ხდებოდა. მეორე მხრით, ამ გაუგებრობის მიზეზი ის იყო, რომ ზოგიერთები განგებ იბრძავედნ თვალებს, განგებ უარყოფდნ იმას, რაც ხდებოდა თავის ყოვლად შეუსაბამო და შემცდარ შეხედულებათა გასამართლებლად. ამის დასამტკიცებლად შორს წასვლა არ არის საჭირო. საკმარისია გავიხსენოთ, თუ რას სწერდნ ამ ერთი წლის წინად ჩვენს გაზეთებში. განა დიდი ხანია მას შემდეგ, რაც ხსენებული ვაჟბატონები ერთხმად გაიძახოდნ, რომ მუშების მოძრაობა ჩვენში ნა-

ძალადეგია, იმას არა აქვს საფუძველი, რომ მუშათა კითხვა ჩვენში ძალათ შეთხზული და გადმოღებულია უცხოეთიდან, რომ მას ჩვენში ნიადაგი არა აქვს და ვინც ჩვენში ამის შესახებ ლაპარაკობს, ამას ქადაგებს და ამბავს სწერს, ის ჩვენი ქვეყნის, ჩვენი „ერის“ მოღალატე და მტერიაო. ამ ვაჟბატონების მოძღვრება აი რაში გამოიხატება: ქართველ მუშა ხალხს სტანჯავს და ყვლეფს არა ქართველი მემამულე, არა ქართველი კაპიტალისტი, არამედ უცხო მემამულე, უცხო კაპიტალისტი. ქართველი მუშა თუ ვაჟბატონებია, ეს მხოლოდ იმიტომ, რომ ჩვენ არა გვაქვს ქართული სახელმწიფო. ამიტომ ქართველი მუშა ერთი მხრით და ქართველი მემამულე და ბურჟუა-კაპიტალისტები, მეორე მხრით, უნდა შეერთდნენ და ხელი-ხელ ჩაკიდებული უნდა შეებრძოლონ უცხო მემამულეებს და უცხო კაპიტალისტებს და მოიპოვონ ავტონომია, შექნან ქართული სახელმწიფო. ერთი სიტყვით, ქართველმა, ქალაქს მუშა იქნება იგი თუ სოფლელი გლეხი, თავის მდგომარეობა უნდა დაივიწყოს და ხელი შეუწყოს თავის გაყვლეფაში ქართველ მემამულეებს და ქართველ ბურჟუებს. შორს მისგან თვითცნობიერება, შორს მისგან თავისი მდგომარეობის შეგნება! ქართველმა, მუშა იქნება იგი თუ მემამულე, უნდა შეიგნოს მხოლოდ ის, რომ იგი ქართველია, ქართველი ერის წევრი. ამას ჰქვია ეროვნული პრინციპი, რომელიც დალადებს, რომ ჩვენ ყველანი განურჩევლად თავადებისა თუ გლეხებისა, კაპიტალისტებისა თუ მუშებისა, ქართველი ვართ, ყველანი ერთ ტაფაში ვიწვით. ამიტომ ჩვენში, კლასთა შორის ბრძოლაზე ლაპარაკი კი არ არის საჭირო, ეს მაგნებელიც არის, არამედ— ჩვენმა მუშებმა უნდა შეიგნონ, რომ ჩვენთვის, როგორც ერისთვის, საჭიროა გვექონდეს დამოუკიდებელი ეკლესია, რომ ჩვენ გვყავდეს ქართველი უფროსები და იყოს ქართული მართვა-გამგეობა. გარდა ამისა საჭიროა მოვითხოვოთ, რომ ეკლესიებში, სკოლებში და სისამართლოებში ხმარობდნენ ქართულ ენას. აშკარაა, რომ ამის ქადაგებას არაფერი საერთო არა აქვს მშრომელ ხალხის, როგორც ქალაქის, ისე სოფლის ცხოვრებასთან. აშკარაა, რომ ყოველივე ეს არ შეიცავს ხალხის ინტერესების დაცვას; აქ უარყოფილია ხალხის ნამდვილი მოთხოვნილებანი, ის, რაც დღეს მას აწუხებს და აღელვებს. მეორე მხრით, ეროვნული პრინციპის ქადაგებით ხალხს თვალებს უხვევენ, რომ ის ნამდვილად გასაპირებ არ დაფიქრდეს, თავის დაჩაგრულ მდგომარეობას ყურადღება არ მიაქციოს. საბედნიეროდ ამ უკუღმართ მიმართულეზას ასცდა ჩვენი ხალხი; ასეთმა მაგნე შეხედულებამ მასში ვერ მოიკიდა ფეხი.

ხალხმა უფრო ფხიზელი თვალთ შეხედა თავის მდგომარეობას. ეს ასეც უნდა მომხდარიყო, რადგანაც დღევანდელ პირობებში ხალხის დატყუილება ისე ადვილი აღარ არის, როგორც ეს წინა დროს იყო. ხალხმა თავისი მოთხოვნები თვითონ შეიმუშავა, თვითონ გაიკვალა ის გზა და ის მიმართულება, რომელსაც იგი დღეს ადგას; მან თვითონ აღწერა ის კითხვები, რომლებიც სინამდვილემ წამოაყენა.

მაგრამ ამ ბოლო დროს ჩვენმა ნაციონალისტებმა ტაქტიკა შესცვალეს. დღეს, როცა ხალხის მოძრაობამ ასეთი დიდებული სახე მიიღო, ამ ვაჟბატონებმა გაიგეს, რომ ისინი სრულებით გარიყულნი ყოფილან დღევანდელი ცხოვრებისაგან, რომ იმათ ქადაგებას და იმათ პროგრამას ხალხში არავითარი გასაგებელი არა აქვს, რომ თავისი ნაციონალურ-ბურჟუაზიული პროგრამით ისინი სრულებით განცალკევებული დგანან. ეს ადვილი ასატანი როდია, მეტადრე ჩვენი ნაციონალისტებისათვის, რომლებიც ხალხის შეთაურებად სახევენ თავის თავს, და აი, რა მოისაზრეს ამ ვაჟბატონებმა: მოდი ეს ხალხის მოძრაობა ჩვენი პროგრამის განსახორციელებლად გამოვიყენოთ. თქმა და საქმის დაწყება ერთი იყო. მაგრამ რა პირით, რა სინიღისით უნდა მიემართათ ხალხისთვის? პირდაპირ თავის ნამდვილ პროგრამის გამოქვეყნება რომ ვეღარ გაბედეს, აიღეს დიდი ხნიდან შემუშავებული პროგრამა, ჩამოაცალეს ზოგი მუხლები, ზოგიც თავის პროგრამიდან ჩააქერეს და ამის შემდეგ სრულებით დაწმუნებულნი იყვნენ, რომ იმათ ოინბაზობას ვერაინ გაიგებდა. მაგრამ იმათი მეცადინეობა ფუქტთ ჩაიგლის, როგორც წინადაც ჩაუვლია ხოლმე. თუ მართლა მშრომელ ხალხის ინტერესების დაცვა სურთ, თუ მართლა იმის სამსახური სწადიათ, რაღა საჭირო იყო უკვე შემუშავებულად მიღებული პროგრამის თავის სურვილისამებრ შეცვლა და გადამხინჯება? რაღა საჭირო იყო იქ ისეთი მუხლების ჩამატება, რომლებსაც არაფერი საერთო არა აქვს მუშა ხალხთან? მაგრამ მაშინ ისინი ხომ ნაციონალისტები აღარ იქნებოდნენ.

აქ გარემოება ნებას არ გვაძლევს უფრო დაწვრილებით შევეხებოდეთ ჩვენი ნაციონალისტების პროგრამას და იგი ამაღ არც კი ღირს. და თუ დღეს შკითხველის ყურადღება მიექცეით ამას, მხოლოდ იმიტომ, რომ ეს მეტად დამახასიათებელი მოვლენაა. იგი აშკარად მოწმობს, რომ ჩვენს ნაციონალისტებს ხალხის ცხოვრებაში არავითარი გავლენა აღარ აქვთ. წინააღმდეგ შემთხვევაში ისინი თავიანთ მოთხოვნების გვერდით მუშების მოთხოვნებს კი არ მოაქცევდნენ. ზოგიერთმა შეიძლება გვითხრას,

რომ იმათ შეეძლოთ სრულებით არ მოეხსენებიათ მუშების მოთხოვნები. რასაკვირველია, შეეძლოთ, მაგრამ ამ შემთხვევაში ისინი რჩებოდნენ განზე, ხალხის გარეშე; და ეს კი მათთვის სასიამოვნო არ იყო. ამიტომ თავის ნაციონალისტურ პროგრამაში შეიტანეს რამდენიმე მუხლი მშრომელი ხალხის შესახებ მუშების თავისკენ გადასაბირებლად. მუშების ძალაში დღეს ყველა დარწმუნდა და ეს ძალა ესაქიროებათ ჩვენს ნაციონალისტებსაც. ამიტომ დასკირდათ იმათ მუშების გადაბირება. ეს გარემოება მეტად საგულისხმიერო და საყურადღებოა.

დღეს ყველამ წამოყო თავი; წარმოიდგინეთ, ისინიც კი, რომლებსაც წინად ეწინოდათ არა თუ აშკარა პროტესტის განცხადება, არამედ ოთხ კედელს შუა ხმის ამოღებაც არსებული წეს-წყობილების წინააღმდეგ, დღეს ფეხზე წამოდგენ, ბანკეტებს მართავენ, რეზოლიუციებს სწერენ და საჯაროდ პროტესტს უცხადებენ მთავრობას.

როგორ მოხდა ეს? რამ გააბედვინა იმათ ასეთი ნაბიჯის გადადგმა? უშრავლესობა ამას დღევანდელ ომს აწერს, სახელდობრ, რუსის ჯარის დამარცხებას მანჯურიაში. ექვი არ არის, რომ ამ გარემოებამ დიდი გავლენა იქონია დღევანდელ მოძრაობაზე, დააჩქარა ის, რაც, ადრე იქნებოდა თუ გვიან, მაინც უეჭველად უნდა მომხდარიყო. მაგრამ, როგორც წინადაც ვამბობდით, დღევანდელი მოძრაობა არ დაწყებულია გუშინ, იგი დიდი ხანია მზადდებოდა. ვინ არ იცის, რომ მშრომელი ხალხი დიდი ხანია აცხადებდა პროტესტს დღევანდელი ბიუროკრატიული წეს-წყობილების წინააღმდეგ და თავგამოდებული იბრძოდა მის მოსასპობათ; დღევანდელ მოძრაობასაც სათავეში მხოლოდ მუშა ხალხი უდგას. მხოლოდ მისმა მკერდმა შესძლო, რომ დღეს ძირიანად შეირყა არსებული ბიუროკრატიული წეს-წყობილება. და დღეს, როცა ბიუროკრატიის თვითონებობა რამდენიმეთ აილაგმა, როცა ყოვლის შემძლე ბიუროკრატიის ძალა და განმავლობა რამდენიმეთ შესუსტდა, სხვადასხვა ჯურის ლიბერალებმა თავი წამოყვეს და მოწინავე როლს კისრულობენ. ამათ აღარ ახსოვთ ისინი, რომლებიც ამ დიდებულ საქმეს მთელ თავის სიცოცხლეში ემსახურებოდნენ. დღეს ესენი ყვირიან ყველაზე უფრო და მშრომელი ხალხის როლს აფუჩჩებენ. ამიტომ საჭიროა, რომ ამ უკანასკნელებმა გარეშეს არ გადასცენ თავისი ბედი, როცა გადაწყვეტაზე მიდგება საქმე.

სოჯლის და ქალაქის მუშებმა უნდა იცოდნენ, რომ იმათი მოძრაობით უწინარეს ყოვლისა სხვები მოითბობენ ხელს, თუ დიდი სიფრთხილე არ გამოიჩინეს პირველათვე. კარგ გაკვეთილს იძლევიან ამ მხრით ჩვენი

ნაციონალ-დემოკრატები. იმათ იციან, რომ სოციალიზმის განხორციელება
სამერმისო საქმეა და ამიტომ არაფერს არ წააგებენ ხელა, თუ მუშებს
დაპირდებიან, რომ დიდი შოშრე ვართ სოციალიზმის, მხოლოდ თქვენ
გონიერი კაცები ხართ და უნდა იცოდეთ, რომ დღეს-დღეობით იმის
განხორციელება ხომ არ შეიძლება, და ამიტომ ეს მერმისათვის გადავ-
დვით, ახლა კი თქვენ ჩვენ პროგრამაზე დაგეყვიითო. თუ რაში მდგომა-
რეობს ეს პროგრამა, ეს ჩვენ რამდენიმედ უკვე ვიცით, მაგრამ ფუქე და
ამაოა ხსენებული ვაუბატონების იმედნი. დღეს მშრომელი ხალხი იმდენათ
მომზადებული კი არის, რომ ასეთი რამეებით შეიძლებოდეს მისი მო-
ტყუილება. ამიტომ ჩვენ გვგონია, რომ ისინი უფრო თავის თავს ატ-
ყუილებენ.

(ქურნალი „მოგზაური“, 27 მარტი
1905 წ. № 11).

წარმომადგენლობითი მართვა-გამგეობა.

მთელი რუსეთის ეურნალ-გაზეთობა დღეს გამუდმებით ლაპარაკობს და მსჯელობს ხალხის წარმომადგენლების კრებაზე, რომელიც ახლო მომავალში უნდა მოხდეს. იმავე დროს მთელი რუსეთის ხალხი, განურჩევლად წოდებისა თუ სქესისა მოუთმენლად მოელის იმ სანატრელ დღეს, როცა რუსეთის ხალხის მიერ თავისუფლათ ამოარჩეული წარმომადგენლები შეიკრიბებიან და დაფუძნებენ რუსეთში ისეთ წეს-წყობილებას, რომელიც გაანთავისუფლებს ხალხს ბიუროკრატიის და პოლიციის ბატონობისა და მტარვალობისაგან და მიანიჭებს მას სრულ უფლებას თვითონ განაგოს და მოაწყოს თავისი საქმეები. იმ ურიცხვ აღრესების, პეტრიციების, რეზოლიუციების და მოთხოვნების აზრი, რომელსაც დღეს ყოველგან აღგენენ და გაზეთებში აცხადებენ ის არის, რომ მოისპოს ბიუროკრატიის თვითმპყრობელობა და დაფუძნდეს წარმომადგენლობითი მართვა-გამგეობა ისე, როგორც ეს დღეს ყველა განათლებულ ქვეყნებშია. რასაკვირველია, ეს წარმომადგენლობითი მართვა-გამგეობა საზოგადოების ყველა ჯგუფებს, ყველა პარტიებს ერთნაირად როდი ესმით, ანუ უკეთ რომ ვთქვათ: თითოეულ საზოგადოებრივ ჯგუფს ანუ კლასს თავის საკუთარ ინტერესების კვალობაზე სურს წარმომადგენლობითი მართვა-გამგეობის დაფუძნება; შესაძლებელია ისიც მოხდეს, რომ ხალხის წარმომადგენლობა ამ ახლო მომავალში მხოლოდ სიტყვით განხორციელდეს, ნამდვილად კი ხალხის უმრავლესობის, ე. ი. მშრომელი, მუშა. ხალხის, ქალაქის პროლეტარიატის და სოფლის გაჭირვებულ გლეხკაცობის დღევანდელი საჭიროებანი და მოთხოვნილებანი წარმომადგენლობითი მართვა-გამგეობის შემოღების შემდეგაც ისევ დაუკმაყოფილებელი დარჩეს. ყოველივე ეს დამოკიდებულია იმაზე, თუ ვისგან და როგორ იქნებიან არჩეული ხალხის წარმომადგენლები პირველი დამფუძნებელი კრებისათვის და როგორ მოაწყობენ თვით წარმომადგენლობით მართვა-გამგეობას. შემდგარი იქნება ეს ახალი მართვა-გამგეობა ორი, ქვედა ზედა, თუ მხოლოდ ერთი, პალატისაგან? ყოველივე ეს წინდაწინვე უნდა იქნას აწონილ-დაწონილი, გამოარკვეული. მართალია, წარსულ

ცხოვრებაში რუსეთის ხალხს არ აქვს ამის გამოცდილება, თავის წარსულიდან ჩვენ არ შეგვიძლია ყოველივე ამის ცოდნა, მაგრამ სამაგიეროდ ჩვენ შეგვიძლია ვიხელმძღვანელოთ სხვა განათლებული ქვეყნების გამოცდილებით და მაგალითით და ამ თავითვე არ გავიმეოროთ ის შეცდომები, რომლების გასწორება შემდეგში უქველად ხელახალ მსხვერპლს მოითხოვს. მაგრამ ეს კი დიდ მუშაობას და მეცადინეობას ითხოვს ჩვენგან. დღევანდელი წაწი მართა იმით კი არ არის შესანიშნავი, რომ ძველი ბიუროკრატიული წეს-წყობილება ირღვევა, არამედ კიდევ უფრო იმით, რომ დღეს ახალი წეს-წყობილების შენობა უნდა აიგოს, და აი, სწორედ აქ მართებს საზოგადოებას და განსაკუთრებით მშრომელ ხალხს ბრძოლის უნართან ერთად დიდი გამჭრიახობის და შორსმჭვრეტელობის გამოჩენა.

ყოველივე იმისაგან, რაც დღეს ჩვენს გარშემო ხდება, სიტყვით თუ საქმით, ორი დასკვნის გამოყვანა შეიძლება: 1) უნდა აუცილებლად დაწესდეს ხალხის მიერ ამორჩეული მთავრობა, ე. ი. წარმომადგენლობითი მართვა-გამგეობა; და 2) იმის იმედი ტყვილა ნურავის ექნება, რომ ეს განახორციელოს ბიუროკრატია; მხოლოდ თვით საზოგადოებას, თავისი საკუთარი ძალით, შეუძლია ამის განხორციელება. სანამ განვიხილავდეთ იმას, თუ როგორ უნდა მოვეშვალოთ მომავალი ახალი მართვა-გამგეობის განსახორციელებლათ, რაც შეიძლება ფართო დემოკრატიულ საფუძველზე, რამდენიმე სიტყვით განვმარტოთ აქ, თუ რაში გამოიხატება, რას წარმოადგენს საზოგადოთ ის ახალი საზოგადოებრივი წეს-წყობილება, ე. ი. წარმომადგენლობითი მართვა-გამგეობა, რომლის განხორციელებისაკენ ჩვენ მივისწრაფით. ამას ჩვენ აშკარად დაგვანახვებ; დღევანდელი ბიუროკრატიული წეს-წყობილების მოკლედ დახასიათება.

დღეს რუსეთში ბიუროკრატის სრული ბატონობაა. რუსეთის ხალხს მართავს ერთი მუქა მსხვილი, ბობოლა მოხელებისა, ამ მოხელებებს ხალხთან არავითარი კავშირი, გარდა ბრძანებლობისა, არა აქვთ. ისინი განუკითხავად ბრძანებლობენ. ბიუროკრატის კარები მკიდროდ ჩაკეტილი აქვს; იგი არავის ანგარიშს არ აძლევს თავის მოქმედებაში და არავის წინაშე პასუხისმგებელი არ არის. მას რაც სურს, იმას ჩაიდრნს, როგორც ესაჩვენება, ისეთ კანონებს გამოსცემს; მაგრამ ამ კანონებს მისთვის არავითარი მნიშვნელობა არა აქვს; მას შეუძლია ეს კანონები ყოველი ფეხის ნაბიჯზე დაარღვიოს. მისთვის არავითარი სავალდებულო კანონი არ არსებობს, გარდა მისი თვითნებობისა. კანონებს იგი მხოლოდ

ხალხისთვის სცემს. მაგრამ რა არის კანონი? კანონი საზოგადოებრივი ცხოვრების მოთხოვნილებათა გამომხატველი და ამ მოთხოვნილებათა დამაკმაყოფილებელი საშუალებაა. ხალხის მოთხოვნილება, საზოგადოებრივი ცხოვრების საჭიროებანი, ვინ იცის, თუ არ თვით ხალხმა, თვით საზოგადოებამ? ამიტომ კანონების გამოცემა პირდაპირ ხალხს უნდა ეკითხებოდეს, პირდაპირ ხალხზე უნდა იყოს დამოკიდებული. მაგრამ ბიუროკრატია ამას ყურადღებას არ აქცევს. მისთვის ხალხი საშუალებაა და არა მიზანი. კანონები მისთვის საჭიროა თავის ასეთ პოზიციის გასამაგრებლათ, რაც იმავე დროს ხალხის დაჩაგვრას და შევიწროებას მოასწავებს. მაგრამ ბიუროკრატია არა მარტო კანონების გამოცემა ჩაიგდო ხელში, იგი იმავე დროს დაეპატრონა სასამართლოს და მის ორგანოებს. სასამართლო, ეს სიმართლის და ქვეშაირების დამცველი ორგანო, ბიუროკრატია მისთვის მონა-მორჩილად გაიხადა. სასამართლო ბიუროკრატის ხელში სიმართლეს და ქვეშაირებას კი აღარ ემსახურება, არამედ—იმავე ბიუროკრატის სურვილებს ემორჩილება. მაგრამ ეს კიდევ არაფერი: ბიუროკრატია დღეს არა თუ იგონებს და სცემს კანონებს, არამედ თვითონვე კისრულობს ცხოვრებაში ამ კანონების გაყვანას, თვითონ მისივე ხელშია აღმასრულებელი უფლება. ამნაირად, ეს ორი ერთი მეორისაგან დამოუკიდებელი სახელმწიფო ფუნქცია ე. ი. კანონმდებლობითი და აღმასრულებელი უფლება, თვითმპყრობელმა ბიუროკრატიაში მიისაკუთრა. ყოველგან, გარდა, რასაკვირველია, რუსეთისა, სპარსეთისა და ოსმალეთისა, ეს ორი სხვადასხვა ფუნქცია ერთი მეორისაგან განცალკევებულია, ე. ი. კანონმდებლობითი კრება ანუ პარლამენტი ცალკეა და აღმასრულებელი ორგანო, სამინისტრო, ცალკე. ბიუროკრატის ასეთ თვითმპყრობელობას მოყვა ის, რომ რუსეთში გამეფდა სრული თვითნებობა არა მარტო მაღალი, დიდხარისხოვანი და წარჩინებულ მოხელეების, მინისტრების, არამედ სულ უბრალო მოხელისაც—უკანასკნელი პოლიციელის და გაროდგომის. პოლიციას და აღმინისტრაციას ნება აქვს ვინც უნდა გაჩხრიკოს, ვინც უნდა დაიჭიროს, ციხეში ჩასვას, გადაასახლოს, ამისათვის მას არ სჭირია სასამართლოს მიმართოს და ან კანონს დაემორჩილოს. ამნაირად მთელი სახელმწიფოს საქმეებს განაგებს დღეს პოლიციის დეპარტამენტი. ყველაფერი დღეს ამ ორგანოზე ჰკიდია, უიმისოდ ფეხის გადადგმაც შეუძლებელია. ასეთმა სისტემამ შექმნა ის, რომ დღეს მთელი რუსეთის ხალხი თვალუწევდნენ უფსკრულის წინ დგას. ერთი ნაბიჯი კიდევ, ამ სისტემის თანახმად გადადგმული, და მთე-

ლი საზოგადოების დაღუპვა ფუცილებელი იქნებოდა. რუსეთის საზოგადოება თითქო თვალ-ახვეული მიისწრაფოდა ამ უფსკრულისაკენ. მაგრამ ერთბაშად მან თვალი გაახილა და წინ შესაზარი და საშინელი სურათი წარმოუდგა. მან დაინახა თავის დაჩაგრული, დამონავებული მდგომარეობა; მან დაინახა, რომ მას ჯეკნიდენ, ცარცვადენ, ანადგურებდენ, გონებას უხშობდენ და თვალებს უხვევდენ. დაინახა და შედრკა! მაგრამ მან ჩქარა მოიკრიბა ღონე, გადახედა თავის განვლილ ცხოვრებას, დაუკვირდა თავის დღევანდელ მდგომარეობას და გადასწყვიტა, რომ შეიძლება ხსნა, დაღუპვისაგან გადაარჩენა. მაგრამ ეს აღარ შეუძლია დღევანდელი მართვა-გამგეობის მოთავეს—ბიუროკრატის. ეს ძალუძს მხოლოდ თვით ხალხს, მის მიერ არჩეულ მთავრობას. ხალხმა უნდა დაიბრუნოს ის უფლებები, რომლებიც მას ბიუროკრატამ წაართვა. ეს არ არის ადვილი საქმე. ბიუროკრატის დღეს დიდი ძალა აქვს ხელში ხალხს წინააღმდეგობა გაუწიოს და იგი არაფერს დაზოგავს, რომ ხალხი დაამარცხოვს და ისევე ძველებურად განუკითხველ მდგომარეობაში ამყოფოს. ვინ გაიმარჯვებს ამ სამკედრო-სასიცოცხლო ბრძოლაში,—ამას ახლო მომავალში გავიგებთ; მხოლოდ ის კი უნდა ვიცოდეთ, რომ ბიუროკრატის მხრით დათმობას ნურავენ ნუ მოელის. ერთად ერთ დათმობათ შეიძლება ის ჩავთვალოთ, რომ მთავრობა თანახმაა ხალხის წარმომადგენლები მოიწვიოს ზოგიერთ საკანონმდებლო კითხვების შესამუშავებლად. მაგრამ როგორ უნდა მოიწვიონ ხალხის წარმომადგენლები, ან ვინ უნდა აირჩიოს ესენი? რა უფლებები ექნებათ იმათ საკანონმდებლო კითხვების გადაწყვეტაში,—ამის შესახებ არავინ არაფერი არ იცის. შეიძლება, აქ ისეთ წარმომადგენლებზეა ლაპარაკი, რომლების მსგავსნიც არა ერთხელ მოუწვევია სათათბიროდ ბიუროკრატის. მაგრამ განა ასეთი წარმომადგენლები დააკმაყოფილებენ დღეს ხალხის მოთხოვნილებას? განა ასეთ წარმომადგენელთა კრებიდან უნდა მოველოდეთ ჩვენ დღევანდელ წეს წყობილების შეცვლას, ბიუროკრატის ბატონობის მოსპობას და ხალხის თვითმპყრობელობის დაფუძნებას? არა და ათასჯერ არა! არის მხოლოდ ერთად ერთი საშუალება, რომელიც მიანიჭებს ხალხს ყველა იმ უფლებებს, რომლებიც მას წართმეული აქვს. ეს საშუალება ანუ ეს იარაღი არის დამფუძნებელი კრება. ეს კრება უნდა შესდგეს ხალხის წარმომადგენლებისაგან, რომლებსაც ხალხი აირჩევს სრულებით თავისუფლად საყოველთაო, პირდაპირი, საიდუმლო და თანასწორი ხმის უფლებით. ასეთი საარჩევნო უფლება დღეს აღიარებულია საუკეთესოდ;

მართალია, დღეს რუსეთში, სადაც ხალხი გაუნათლებელია და სადაც ამიტომ ხალხს თავის მტერ-მოყვარის გარჩევა გაუძნელდება, შეიძლება ადვილად მოხდეს, რომ ხალხმა თავის ინტერესების დამცველებათ თავისივე მტრები აირჩიოს, მაგრამ მიუხედავად ამისა, ჩვენ ვერ ვუარყოფთ ამ საუკეთესო საარჩევნო უფლებას. ამ საარჩევნო უფლებასთან ერთად ჩვენ ვთხოვლობთ არჩევნების წინ თავისუფალ პროპაგანდას და აგიტაციის, ე. ი. ვთხოვლობთ პიროვნების შეუხებლობას, სიტყვის, ბეჭდვის, კრებების, კავშირების და გაფიცვის თავისუფლებას: მხოლოდ ამ პირობებში უნდა მოხდეს ხალხის წარმომადგენლების არჩევა. ამიტომ საყოველთაო და პირდაპირმა არჩევნებმა ჩვენ არ უნდა შეგვაშინოს, რომ ხალხი ვერ შესძლებს თავის მტერ-მოყვარის გარჩევას. ყველაფერი კი, რაც ამ უფლებას შეზღუდავს, იმავე დროს შეზღუდავს ხალხის უფლებას. ეს შეზღუდვა შეიძლება სხვადასხვა ნაირად, სხვადასხვა გზით მოხდეს; მაგ., როცა ხალხი პირდაპირ არ ირჩევს თავის წარმომადგენლებს საკანონმდებლო კრებაში, არამედ იგი ირჩევს იმ პირებს, რომლებმაც შემდეგ უნდა აირჩიონ წარმომადგენლები. ამ სისტემით ხალხი რამდენიმედ ჰკარგავს თავის გავლენას მართვა-გამგეობაზე. ხალხის უფლების შეზღუდვა შეიძლება კიდევ იმ შემთხვევაში, როცა არჩევის და ამორჩევის უფლება ეძლევა მხოლოდ იმათ, ვისაც განსაზღვრული ნივთიერი ქონება აქვს, ან ვისაც რაიმე განათლება მიუღია. ამ შემთხვევაში ხალხის დიდ უმრავლესობას არჩევნებში მონაწილეობის მიღების უფლება აღარ ექნება და ამიტომ საკანონმდებლო კრებაში თავისი წარმომადგენლები აღარ ეყოლება; და ამიტომაც იმათ საჭიროებაზე იქ ხმას არავენ ამოიღებს. საკანონმდებლო კრება უნდა იყოს ერთი და იქ საბოლოოვით უნდა წყდებოდეს ყოველგვარი კითხვა; იგი უნდა იმუშავებდეს და სცემდეს კანონებს, იგი უნდა არჩევდეს ამა თუ იმ გადასახადის შემოღების თუ გაუქმების საკითხს და მის წინაშე უნდა იყვეს პასუხისმგებელი აღმასრულებელი ორგანო, ანუ სამინისტრო. ხალხის წარმომადგენლობის განსახორციელებლათ ამასთანავე კიდევ ორი უმთავრესი პირობაა საჭირო; ერთი ისა, რომ საკანონმდებლო კრება ანუ, პარლამენტი მოკლე ვადიანი იყოს: ე. ი. მისი წევრები დიდი ხნით არ ირჩეოდნენ, მეორეც ისა, რომ ხალხის წარმომადგენლებს ხაზინისაგან ჯამაგირი უნდა ეძლეოდნენ, წინააღმდეგ შემთხვევაში სხალხთა, ანუ საკანონმდებლო კრებაში მონაწილეობის მიღების საშუალება მხოლოდ

მდიდრებს ექნებათ და ღარიბები კი იძულებული შეიქნებიან იქ მუშაობას თავი დაანებონ.

დასასრულ უნდა შევნიშნოთ, რომ ეს მეტად რთული საგანია და ასეთ წერილში მისი სავსებით გარჩევა ყოველად შეუძლებელია... იმედი ჰქვამს, რომ ამ კითხვას ჩვენ კიდევ ჩქარა დავუბრუნდებით.

ქურონალი „მოგზაური“ 1905 წ.

10 აპრილი, № 13).

მ ქ ა დ ა გ ე ბ ე ლ ი.

ამ ორი ათასი წლის წინად, მთაზე, რომელიც კ. იერუსალიმს დაპყრებს, ებრაელების მაშინდელმა მთავრობამ სიკვდილით დასაჯა, ჯვარზე ჩამოკმით, ერთი მქადაგებელი, რომელიც იმავე მთავრობამ შემდეგი სახელწოდებით მონათლა: „იესო ნაზარეველი, მეუფე ურიათა“. ამ სახელწოდებაში გამოიხატებოდა ის დამცირება და დაცინვა, რომელსაც მთავრობა დასჯილი მქადაგებელის სახელს უტახადებდა. მაგრამ გავიდადრო, მთავრობამ უზომო ზიზღი დაიმსახურა და დასჯილმა, დამცირებულმა და შეურაცყოფილმა მქადაგებელმა კი კაცობრიობის საუკეთესო ნაწილის სიყვარული და პატივისცემა მოიპოვა. ვინ იყო ეს მქადაგებელი? რისთვის დასაჯეს იგი ასე სასტიკად? ვინ იყვნენ ისინი, რომლებმაც იგი სიციცხლეს გამოასალმეს?

ეს მქადაგებელი იყო უბრალო მშრომელი ხალხიდან გამოსული, შვილი იოსებისა და მარიამისა. ისინი კი, რომლებმაც იგი დასაჯეს, იყვნენ მღვდელ-მთავრები, მწიგნობარნი, ხუცეები, ე. ი. მაშინდელი მთავრობა თავისი პოლიტიით და ქანდარებით. ყველა ესენი იცავედნ არსებულ წესწყობილებას, ზნე-ჩვეულებებს და სარწმუნოებას, ვინაიდან ეს იმათთვის სასარგებლო იყო. ხალხი კი უზომოთ იტანჯებოდა, ყოველივე ეს აწვა მას კისერზე, იგი იძულებული იყო ყოველივე ეს ეთმინა, წინააღმდეგ შემთხვევაში მას სასტიკი, უღმობელი სასჯელი მოელოდა მთავრობისაგან. მქადაგებელმა მოიწადინა ხალხის განთავისუფლება, მან გამოუცხადა არსებულ წეს-წყობილებას სამკედრო-სასიცოცხლო ომი. იგი მოველინა ქვეყანას იმიტომ, რომ ყოველივე არსებული დაენგრია და სრულებით ახალი დაეფუძნებია. „მცნებასა ახალსა მოგვცემ თქვენ, რათა იყვარებოდეთ ურთიერთს, ვითარცა მე შეგიყვარე თქვენ, რათა თქვენცა იყვარებოდეთ ურთიერთს“ (სახ. იოან. XIII, 34), ძველმა სჯულმა არ იცოდა სიყვარული, იქ ყველაფერი შურისძიებაზე იყო დამყარებული; თვალი თვალისა წილ და კბილი კბილისა წილ, — აი რაში იხატებოდა მაშინდელი ზნეობა. იესომ თავის ქადაგების დაწყებისთანავე გამოაცხადა, რომ იგი მოველინა ქვეყანას „მახარობელათ გლახაკთა“

(ლუკ. IV, 18). „მოვედით ჩემდა ყოველნი მაშვრალნი და ტვირთმძიმენი და მე განვისვენო თქვენ“ (სახ. მათესი XI, 28). ამიტომ მის გარშემო შეიკრიბა ურიცხვი ხალხი; იგი გადადიოდა ერთი ღვთაობიდან მეორეში და ყოველგან ხალხს უქადაგებდა ძმობას, ერთობას და თანასწორობას. ხალხი მაშინვე მიემხრო იესოს, რადგანაც მასში დაინახა თავისი მხსნელი; სამაგიეროდ მას გადაემტერენ ყველა ძლიერნი ამა ქვეყნისა. პირველად იმათ ასეთ საშუალებას მიმართეს: მოინდომეს ხალხის თვალში მისი დამპყრობა, სახელის გატეხა. ვინ არის იგი, რომ რაიმე კარგის ქმნა შეეძლოს? განა იგი ღარიბ-ღატაკი იოსების შვილი არაა? ეს ის არ არის, რომლის ძემბი აქ სიმშობლით იხოცებიანო? განა მაგას რა უნდა შეეძლოს? ამ ხერხმა რომ ვერ გასჭრა, მაშინ მოინდომეს მისი გამოცდა ცოდნაში, მაგრამ აქაც უმტყუნა მათ ბედმა. იესო ზედმიწევნით მცოდნე გამოდგა და თავისი პასუხით იგი უხერხულ მდგომარეობაში აყენებდა თავის გამომცდელთ. მაშინ იესოს მტრებმა გადასწყვიტეს სრულებით მისი თავიდან მოშორები, ე. ი. მისი სიკვდილი. ამისთვის საჭირო იყო მისი შეპყრობა. მქადაგებელმა კარგად იცოდა, რომ მას მთავრობა არ აპატიებდა ხალხის სასარგებლოდ მოქმედებას. ამიტომ მასაც არ ეძინა. იგი სიფრთხილით იქცეოდა. იესომ იცოდა, რომ მას დიდძალი ხალხი თანაუგრძნობდა და იგი მზად იყო მისთვის თავი დაედვა. ამიტომ იგი დღე არავის არ ერიდებოდა და ყოველგან თამამად ქადაგებდა. მას დამდამობით ეშინოდა დაქერის და შეპყრობის, რადგანაც მთავრობა ასეთ კაცს მხოლოდ ღამე იჭერს და მეორეც ისა, რომ ღამე იგი მარტოდ რჩებოდა. მაგრამ იესომ მიიხსოვოდა, რომ აღრე იქნებოდა თუ გვიან, მას დააქერდნენ და სიცოცხლეს გამოასალმებდნენ. ამიტომ იგი ამზადებდა თავის მოწაფეებს, რომ მისი მოძღვრება გაეფრცვლებიათ, როცა იგი უკვე აღარ იქნებოდა. იგი არ უმალოვდა იმათ, რომ ამისათვის ისინი იქნებიან დევნილი და წამებულნი: „ნუ გეშინინ მათგან, რომელთა მოსწყვიდენ ხორცი, ხოლო სულისა ვერ ხელეწიფების ზოკვლა“ (მატ. X, 28). იესო უწყოდა, რომ ახალი მოძღვრება, რომელსაც იგი ქადაგებდა, ვერ განხორციელდებოდა ძველი წეს-წყობილების ფარგალში: „აჩავენ შთაასხას ღვინო ახალი თხიერთა ძველთა, რათა არა განხეთქნეს ღვინომან ახალმან თხიერნი, და ღვინო დაითხოს და თხიერნი წარწყმდენ. არამედ ღვინო ახალი თხიერთა ახალთა ჯერ არს შთასხმათ“ (ლუკ. V, 37-38). იესოს მოძღვრების განსახორციელებლად საჭირო იყო არსებული წეს-წყობილების დანგრევა და ახლის შექმნა: ეს კი მოითხოვდა

ბრძოლას, რაც კარგათ იცოდა თვით მქადაგებელში. იგი მოელოდა ამას და ასე ასწავლიდა თავის მოწაფეებს: „რა ეამს გესმოდენ. ბრძოლანი და ამბავნი ბრძოლათანი, ნუ შესძრწუნდებით, რამეთუ ჯერ არს ეს ყოფად, რამეთუ აღსდგეს ნათესავი ნათესავსა ზედა, და მეუფება მეუფებასა ზედა. და იყვენ ძვირანი ადგილ-ადგილ, და იყვენ სიყმილნი და შკოთნი. ესე ყოველი დასაბამი საღმობისა არს. ხოლო ეკრძალებით თქვენ თავ თა თქვენთა, რამეთუ მაგცემდენ თქვენ შესაკრებელთა და კრებულთა: შორის გტანჯვიდენ თქვენ და წინაშე მეუფეთა და მთავართა წარსდგეთ. ჩემთვის საწამებლათ მათდა... და იყენთ თქვენ მოძულებულ ყოველ-თაგან სახელისა ჩემისათვის, ხოლო რომელმან დაითმინოს სრულიად, იგი ცხოვრდენ“ (მარკ. XIII, 7-13). ამასობაში მღვდელ-მთავარნი, მწიგნობარნი და მთავარნი ყოველ ღონისძიებას ხმარობდენ, რომ რაიმენაირად იესო შეეპყრათ და მოეკლათ. მაგრამ; რადგანაც: იცოდენ, რომ ხალხს უყვარდა თავისი მოძღვარი, ისინი ამისათვის საიდუმლოთ ემზადებოდენ, ვინაიდან ეშინოდათ ხალხის ამოხზების და შფოთვის. იმათ უნდოდათ იესოს ჩუმად შეეპყრობა. ამ მიზნით იმათ მოიყიდეს იესოს ერთი მოწაფეთაგანი, იუდა, რომელიც ამნაირად შეიქნა თავისივე მოძღვრის მოღალატე და გამცემელი. ერთ საღამოს გეთსიმანის ბაღში, სადაც იესო მარტოდ მარტო მისცემოდა ღრმა ფიქრებს, მასთან მივიდა იუდა ისკარიოტელი, ერთი მისი მოწაფეთაგანი და მასთან პოლიცია და ეანდარმები, წარგზავნილი მღვდელ-მთავართა, მწიგნობართა და მთავართაგან, შეიარაღებული წათებითა და მახვილებითა, „მათ დასხნეს მას ზედა ხეჯნი და შეიპყრეს იგი“. ეს იყო ერთ და იმავე დროს ძალმომრეობაც და სილაჩრეც მთავრობის მხრივ; რაც ვერ მოეხერხებიათ დღე, იგი შესარულეს ღამე. იესო იძულებული იყო დამორჩილებოდა ამ ძალმომრეობას, გარეგან ფიზიკურ ძალას, მაგრამ შეუქლებელი იყო, რომ ამ გარემოებას იგი არ აღეშუოთებია; და მან აღელვებულმა წარმოსთქვა: „ვითარცა ავაზაკსა ზედა გამოხვედით თქვენ მახვილითა და წათებითა შეეპყრობად ჩემდა. დღითი-დღე ვიყავ მე თქვენთანა ტაძარსა მას შინა. და არა განყავთ ხელი ჩემზედა, არამედ ესე არს ეამი თქვენი და ხელწიფება ბნელისა“ (ლუკ. XXII, 52-53); ამნაირად, ასეთი საზიზლარო საქმის ჩადენა შეეძლოთ მხოლოდ ღამე, ბნელაში და ეს დღესაც ასეა.

შეპყრობის შემდეგ იესო წაიყვანეს მღვდელ-მთავრის სახლში. იქ უნდა ეწამებიათ იგი; ეშოვნათ ცრუ მოწამენი და შემდეგ სიკვდილით.

დაესაჯათ. სანამ სიკვდილით დასჯიდნენ, მისთვის არ დაუკლიათ არავითარი დამკვირება და შეურაცყოფა: იმას სცემდნენ, პირში აფურთხებდნენ, აცმევდნენ სხვადასხვა ტანსაცმელს და ბოლოს ეკლის გვირგვინიც დაადგეს თავზე. დასასრულ იგი ჯვარს აცვეს, მაგრამ იესოს შტრებმა დაიმორჩილეს მხოლოდ მისი სხეული, მისი ხორცი. რაც შეეხება მის სულს, მის მოძღვრებას, მათ არ ძალ ედევათ მისი დამორჩილება, მათ განკარგულებაში არ იყო ამის აღმოფხვრა.

საზოგადოთ მიღებულია, რომ ამა ქვეყნის ძლიერთ, გაბატონებულ წოდებათ თუ კლასებს ჩვეულებათ აქვთ თავის საწინააღმდეგო მოძღვრების ჩასაქრობად და მოსასპობად, ამ მოძღვრების მალიარებელნი და მიმდევარნი შეიპყრან და დასაჯონ. მათ ვერ შეუგნიათ იესოს სიტყვები: „ნუ გეშინინ მათგან (ე. ი. მთავრობისაგან), რომელთა მოსწყვიდენ ხორცი, ხოლო სულისა ვერ ხელემწიფების მოკვლად“. იესოს მოძღვრება ვერ მოსპეს მათ. რომ მისი დამფუძნებელი სასტრუქად აწვალეს, დატანჯეს და მოკლეს, თვით მოძღვრებისათვის ეს უფრო სასარგებლო შეიქნა.

იესოს მოძღვრება ქრისტიანობის სახელით ჩქარა გავრცელდა იმთში, ვინც დაჩაგრული, შეწუხებული და დაბნელებული იყო. ქრისტიანობა მალე მოედვა ქვეყნიერებას. იგი შეიქნა განსაკუთრებით ღატაკთა, გლახაკთა, მაშვრალთა და ტვირთშიძიმეთა სარწმუნოებათ მაგრამ გავიდა ხანი და ქრისტიანობამაც იკვალა ფერი; ეს მოხდა მას შემდეგ, რაც ეს სარწმუნოება მიიღეს ძლიერებმა ამა ქვეყნისამ. საუკუნოების განმავლობაში იესოს მოძღვრება სრულებით შესცვალეს და გადაამახინჯეს.

(ეურნალი „მოგზაური“ 1905 წ.
17 აპრილი № 14 „ჩ“-ის ფსევ-
დონიმთ).

დღევანდელი ვითარება.

რუსეთის ხალხის განმათავისუფლებელი მოძრაობის პირველი ხანა უკვე დამთავრდა და დღეს ჩვენ ამ მოძრაობის მეორე ხანაში ვიმყოფებით. ამ ორ ხანას შორის, მიუხედავად იმისა, რომ იმათ სულ მცირე დრო ყოფს, დიდი განსხვავებაა. პირველ ხანაში დღევანდელ მოძრაობას არ ჰქონდა მიღებული გარკვეული სახე. საზოგადოების სხვადასხვა ელემენტების, ჯგუფების თუ კლასების წარმომადგენელთა განცხადებაში თუ მოთხოვნებში იხატებოდა საერთო უკმაყოფილება არსებული ბიუროკრატიული წეს-წყობილების წინააღმდეგ. ყველანი თითქმის ერთხმად გაიძახოდნენ, რომ დღევანდელ პირობებში ცხოვრება აღარ შეიძლება. ეს იყო პირველი, თუმცა მედგარი, მაგრამ ჯერ კიდევ გამოურყვეველი და განუსაზღვრელი პროტესტი.

დიდი ხნიდან დაყრუებული და დამუნჯებულ საზოგადოებას უეცრივ, თითქმის მოულოდნელად მიეცა საშუალება საჯაროდ, აშკარად და დაუფარავად გამოეთქვა თავის გულის წაღილი, თავის ნაღველი და გასაქირი; ხანგრძლივმა მონობამ, ბიუროკრატიის სრულმა და განუკითხავმა ოპეკამ და მისმა სასტიკმა და უღმობელმა ზომებმა ყოველგვარი ცოცხალი აზრის, თავისუფალი სიტყვის და აზროვნების აღმოსაფხვრელად მიმართულმა, საზოგადოება დააშინა, დააბეჩავა და გაათახსირა. და თუ ასეთ საზოგადოებაშია შესაძლებელი შეიქნა მედგარი და ენერგიული პროტესტის გამოცხადება, არსებული წეს-წყობილების დაგმობა, ეს მხოლოდ იმას მოწმობს, რომ საზოგადოება აუტანელ პირობებში იყო ჩაყენებული, რომ იმას გასაქანი აღარ ქონდა: ან უნდა განეგრძო ცხოვრება ძველებურად, რაც მის დაღუპვას მოასწავებდა, ან შეჩერებულიყო და დაეგმო ყოველივე ის, რამაც იგი ამ უფსკრულამდე მიიყვანა.

როგორც ვთქვით, საზოგადოებამ ეს უკანასკნელი გზა აირჩია. ასეთი იყო საზოგადოების გამოფხიზლების პირველი ნაბიჯი, რაც დღევანდელ მოძრაობის პირველ ხანად უნდა ჩითვალოს.

საზოგადოებამ, ანუ უკეთ, რომ ვთქვათ სხვადასხვა საზოგადოებრივმა ჯგუფებმა და კლასებმა ჯერ კიდევ სრულებით არ იცოდნენ, თუ

რა გამოვიდოდა, როცა ისინი უკმაყოფილებას აცხადებდნენ და დღევანდელ წეს-წყობილების ძირიანად შეცვლას თხოულობდნენ. მაგრამ პირველ ციებ-ცხელებას უნდა ჩქარა გაველო. საზოგადოების სხვადასხვა ჯგუფებსა და ელემენტებში სხვაგვარი მუშაობა უნდა დაწყებულიყო და დაიწყო კიდევ. და აი, აქ გამოირკვა, რომ გარდა ბიუროკრატიული რეჟიმისა, რომელიც ყველას სულს უხუთავს, რომელიც ყველასათვის აუტანელად შექმნილა, დღევანდელ საზოგადოებას კიდევ მეორენაირი სატკივარი აწუხებს. ჩვენ ვამბობთ იმ განხეთქილებაზე, იმ წინააღმდეგობაზე, რომელიც არსებობს მშრომელ, მუშა ხალხსა და მუქთახორა ბურჟუაკაპიტალისტებს შორის. მართალია, ეს განხეთქილება აქამდისაც აშკარა იყო, მაგრამ დღეს ეს კიდევ უფრო ნათელი შეიქნა. უკიდურეს კონსერვატიულ ელემენტებს რომ თავი დავანებოთ, რუსეთის ბურჟუაზიის უმდიდრესმა ნაწილმა (შიპოვისტები), ერთი მხრით, და თავდაზნაურობის უმრავლესობამ, მეორე მხრით, უკვე შეიმუშავეს თავისი პოლიტიკური პროგრამა, რომლითაც უარყვეს სახელმწიფო წეს-წყობილებაში ძირითადი ცვლილების მოხდენა და თავის თავი გამოაცხადეს თვითმპყრობელობის მომხრეებად და დამცველებად. რაც შეეხება ინტელიგენტთა ჯგუფებს, როგორც არიან ლიტერატორები, პროფესორები, ექიმები, ინჟინრები და სხვ. ესენი, მართალია, თხოულობენ დემოკრატიული ხასიათის რეფორმების მოხდენას და უწინარეს ყოვლისა დამფუძნებელი კრების მოწვევას, მაგრამ, სამწუხაროდ, ისინი ხალხთან დაშორებული არიან, თუმცა იმავე დროს თავიანთ მოთხოვნებს ხალხის, უფრო ხშირად მშრომელი ხალხის სახელით ასაღებენ. თავის-თავად იგულისხმება, რომ ყველა ესენი უმეტეს ნაწილად ბურჟუაზიის წარმომადგენლები და მათი იდეოლოგები არიან. ამიტომ დღეს თითქმის ყველა კრებებსა და მიტინგებზე პირველ ადგილას წამოაყენებულია პოლიტიკურ თავისუფლების საკითხი და თითქმის სრულებით მიფუჩჩებულია სოციალური ხასიათის კითხვები; მხოლოდ მუშა ხალხის პროგრამაში შედის მ საათის სამუშაო დღის შემოღება და სხვა ამავე ხასიათის მოთხოვნები.

სამწუხაროა აქ ის არის, რომ მუშა ხალხს, რომელმაც წარმოშობა მთელი ეს მოძრაობა, რომელმაც შესაძლებელი გახადა, რომ დღეს რუსეთის დაბა-ქალაქებში და თითქმის სოფლებშიაც იმართება კრებები და მიტინგები, სადაც რუსეთის ბურჟუაზიის წარმომადგენლები და იდეოლოგები იმუშაებენ და აცხადებენ თავიანთ პოლიტიკურ მოთხოვნებს, სრულებით ივიწყებენ და მხოლოდ სიტყვის დასამშვენებლად თუ იხსენიე-

ბენ მის სახელს. იმას არაფერს კითხულობს, თუ ვინ უდგას სათავეში დღევანდელ მოძრაობას, თუ ვინ ასულდგმულებს და მატებს მას ცხოველ-მყოფელ ძალას. ერთად ერთი გასამართლებელი საბუთი ბურჟუაზიის იდეოლოგიებს ისა აქვთ, რომ ხალხს არ ესმის თავის სარგებლობა, პროლეტარიატმა არ იცის, თუ რა არგებს მს.. და აი, ისინი ხალხის სახელით ადგენენ სხვადასხვა გეგმებს და სამოქმედო პროგრამებს. იყო დრო, როცა ხალხის სახელით მოქმედებდნენ არა თუ მარტო ბურჟუა-ლიბერალები, არამედ ქვეყნის დამლუპველ მთაფრობათა წარმომადგენელიც კი. მაგრამ ეს დრო სამუდამოდ წავიდა. ხალხის (ჩვენ ვამბობთ მუშა ხალხზე) დღევანდელი გამოფხიზლება არ არის შემთხვევითი; იგი აღმოცენებული და განვითარებულია დღევანდელი საზოგადოებრივ ცხოვრების ნივთიერ პირობებში.

თავის მდგომარეობის გასაუმჯობესებლად მუშა ხალხი იბრძოდა წინადაც, როგორც მონობის, ისე ბატონ-ყმობის დროსაც. მაგრამ ეს ბრძოლა არ იყო დამყარებული თავის თავის მდგომარეობის შეგნებაზე; იმას არ ჰქონდა მიზნად საზოგადოების სხვადასხვა წოდებებთან და კლასებად დაყოფის მოსპობა: ეს ასე იყო იმიტომ, რომ ამის განსახორციელებლად არ არსებობდა ნივთიერი პირობები. მხოლოდ მას შემდეგ რაც თანამედროვე კაპიტალისტურმა წარმოებამ თანდათან გამოაცალა ხალხის უმრავლესობას წარმოების იარაღები, რომლებშიც მიწას უპირველესი ალავი უჭირავს და წინანდელ დაქსაქსულ და გაფანტულ მუშებს თავი მოუყარა დიდ სამრეწველო და სააღებ-მიცემო ცენტრებში, მხოლოდ მაშინ ჩაიყარა საძირკველი მთელი მუშა ხალხის შეერთებისა და პოლიტიკური და ეკონომიური მონობისაგან განთავისუფლებისა და საერთოდ საზოგადოების კლასებათ დაყოფის მოსპობისა. ხალხის კეთილის მყოფელნი ყოველთვის იყვენ, რომელთაც მართლაც სურდათ ხალხის ხსნა ტანჯვისა და გაჭირვებისაგან, რისთვისაც ისინი თხოულობდნენ სხვადასხვა რეფორმების მოხდენას, მაგრამ ისინი არსებული წეს-წყობილების ფარგლებიდან არ გამოდიოდნენ. ისინი დარწმუნებული იყვნენ, რომ დღევანდელი ბურჟუაზიული წეს-წყობილების შეუცვლელადაც შესაძლებელია მუშა ხალხს მიენიჭოს კეთილდღეობა და დაფარულ იქნას ყოველგვარი დაჩავერისა და შევიწროებისაგან, მაგრამ ასეთი ფიქრი მარტო ოცნება გამოდგა. მუშა ხალხის მდგომარეობა, რაც დრო გადიოდა, სულ უფრო და უფრო მწვედებოდა და უარესდებოდა. მას ვერ შეელოდნენ ვერც რეფორმები და ვერც მისი კეთილის-მყოფელები. მაგ-

რამ ასე ყოფნა, სამუდამოდ ამ მდგომარეობაში დაჩქინა, შეუძლებელი იყო. თუ მართლა ქეშმარიტება და სიმართლე მართო ოცნება არ არის, თუ ოდესმე ეს დიდებული მცნებანი უნდა განხორციელებულიყო დედამიწაზე, იმ შემთხვევაში საზოგადოების უმრავლესობა, მუშა ხალხი, უნდა განთავისუფლებულიყო მუდმივი ტანჯვისა და შევიწროებისაგან. მაგრამ როგორ მოხდებოდა ეს? ნუ თუ მუშა ხალხს დაიხსნიდნენ შევიწროებისაგან ისინი, რომლებიც მისი ოფლით სუქდებიან? ან შეიძლება მუშა ხალხს შეეღა ისე თავის თავად მოეველინებოდა? რასაკვირველია, რომ არც ერთი მოხდებოდა და არც მეორე. მაშ, რა გზით, რა საშუალებით უნდა მომხდარიყო მუშა ხალხის განთავისუფლება? ამის საშუალება თვით მუშა ხალხს ექირა ხელში. ეს იყო თავისი კლასიური მდგომარეობის შეგნება და ამ მიზნით მთელი მშრომელი ხალხის გაერთიანება მთელი დღევანდელი ბურჟუაზიული წესწყობილების დასაპხოდათ. ამაზე დამყარდა მარქსის სოციალისტური მოძღვრება, რომელიც თავის დროშის ქვეშ იკრებს მთელი ქვეყნის მუშა ხალხს, აგრძელებს ძალას, რომ ბოლო მოუღოს დღევანდელ წესწყობილებას, რომელიც დამყარებულია კერძო საკუთრებაზე და დაქირავებულ შრომაზე.

ამნაირად მუშა ხალხის მხსნელი, მისი განმათავისუფლებელი უნდა შეიქნეს თვით მუშათა კლასი, ეს როლი არ შეიძლება მან სხვას დააკისროს. მუშა ხალხის მოძრაობა მხოლოდ ამიტომ არის ძლიერი, ამიტომ არის იგი თავზარ-დამცემი ყველა იმათთვის, ვინც მისი ოფლით, ცხოვრობს, ვინც მისი სისხლით იკვებება.

მაგრამ აშკარაა, რომ რუსეთის მშრომელი ხალხი ერთი დაკვრით დღეს ვერ განთავისუფლდება პოლიტიკურ და სოციალურ მონობისაგან. ჯერ იგი უნდა განთავისუფლდეს პოლიტიკურად. მაგრამ პოლიტიკური თავისუფლება მართო მისთვის როდია დღეს საჭირო, მართო მის მისწრაფებას როდი შეადგენს. პოლიტიკური თავისუფლება საჭიროა აგრეთვე ბურჟუაზიისათვისაც. მაგრამ მაშინ, როცა პროლეტარიატი სისხლსაღვრის ამის მოსაპოვებლად, ბურჟუაზია მხოლოდ შიტინგებს და კრებებს მართავს და კამათობს იმაზე, თუ როგორ ისარგებლონ მომავალ დამფუძნებელ კრებაში საარჩევნო უფლებებით, ან როგორ უნდა იქნენ არჩეული იქ ხალხის წარმომადგენლები. ერთ და იმავე დროს სასაცილოც და სამწუხაროც არის ასეთი გარემოება: მუშა ხალხმა გამოიწვია, შექმნა

დღევანდელი განმთავისუფლებელი მოძრაობა და იმავე დროს ბურჟუაზიის წარმომადგენლები კრებებს მართავენ და თათბირობენ, მივცეთ თუ არა ხალხს უფლება მონაწილეობის ზილებისა დამფუძნებელ კრებაში. აი როგორ უყურებენ ისინი ხალხს!

ქრუნალი „მოგზაური“ 1905 წ.

1 მაისი № 16).

თავის გამართლებაჲ ასეთი უნდა!

(პასუხად თ-დ ილია ჭავჭავაძეს).

I.

წაიკითხე თ-დ ილია ჭავჭავაძის⁴⁾ საპასუხო წერილი, რომელიც გაზ. „ივერიის“⁵⁾ რედაქციას ცალკე გამოცემად დაუსტამბავს თავის სასახელოდ, და სწორედ მოგახსენოთ, გაცუებული დავრჩი. ჩემ გამოზრდაში ბევრი რამ წამიკითხავს, ბევრი სისაძაგლე მინახავს ჩემი თვალით, ბევრი კიდევ სხვისაგან გამიგონია, მაგრამ ჩემს დღეში ამისთანა არც ჩემი თვალით მინახავს და არც სხვებისაგან გამიგონია. წარმოიდგინეთ კაცი, რომელიც მთელი თავისი ძალ-ღონით, მთელი თავისი არსებით მოწადინებულია მეორე პირი ლაფში ამოსეაროს, სახელი გაუტეხოს, დაამციროს, მიწასთან გაასწოროს, რომ თავისი თავი ყოველად პატიოსნად, უმანკო არსებად დასახოს, და ნამდვილად კი მხოლოდ თავისივე თავს ამცირებდეს, მიწასთან ასწორებდეს, თავისივე თავს სამარეს უთხრიდეს. აი ასეთსაქმეს ჩადის საქართველოს სასიკადულო მწერალ-პოეტი თ-დი ილია ჭავჭავაძე! მტერი იმას ვერ უზამდა, რაც მან თავის თავს უქნა. მისი უშეუღლებელი წერილი, თავის გასამართლებლათ დაწერილი, „ივერიის“ გულუხვი გადაჭარბებული სტუმართმოყვარეობის წყალობით აღბეჭდილი, თავის გამართლება კი არაა არამედ, — უსასტიკესი საბრალმდებლო ოქმია თავისივე ხელით შედგენილი და ხელმოწერილი. ეს არის თავისივე ხელით თავის მოკვლა. თ-დი ი. ჭავჭავაძის წერილში არც ერთი წინადადება, არც ერთი სიტყვა არაა, რომელიც მას არათუ ბრალდებიდან ითავისუფლებდეს, არამედ ამ ბრალდებას რამდენიმეთ მაინც ამსუბუქებდეს. ეს მეტად გასაოცარია, მეტად დაუჯერებელი ამბავია! ქათამმა ჩხრიკა, ჩხრიკა და თავის დასაკლავი დანა გამოჩხრიკაო, — სწორედ ამაზე ითქმის. როგორ მოხდა ეს, რასათქვენ თ-დმა ჭავჭავაძემ თავის საპასუხო წერილში? — უნებლიეთ შეგვეკითხება ის, ვისაც ხსენებული წერილი არ აქვს წაკითხული:

საქმე ის არის, რომ თ-დმა ჭავჭავაძემ არა თუ ვერ დაარღვია ის, რასაც მას „მოგზაურის“ კორესპონდენტი აბრალებდა, არამედ თავის

წერილის მეოხებით ეს ბრალდება მან კიდევ უფრო გააძლიერა, მის დასამტკიცებლად უფრო მეტი ფაქტები გამოამჟღავნა, ე. ი. იმაზე მეტი, რაც ჩვენ კორესპონდენტს ჰქონდა დასახელებული; თ-ღმა ქაეჯავაძემ უფრო დაწერილებით გვამცნო, თუ რანაირი განწყობილება არსებობს მასა და გლახებს შორის, თუ მას როგორი წესი შეუფუძვავებია და ცხოვრებაში განუხორციელებია; ერთი სიტყვით, ყოველივე ის, რაც მან თავის გასამართლებლად მოიყვანა, „მოგზაურში“ დაბეჭდილი კორესპონდენტის დამატება და განმარტებაა. ცნობილია, რომ ნაწერთა რამდენიმედ იცნობება თვით დამწერი; თუ ყოველთვის ეს ვერ მართლდება, ეს იმიტომ, რომ, წლიწინდელ საზოგადოებაში ავტორი უფრო ხშირად ნებისით თუ უნებლიეთ მაღავეს თავის ნამდვილ აზრს და შეხედულებას, თავის ნამდვილ სურვილს და გულის წადილს. თ-ღი ილია ქაეჯავაძეს ჩვენ იქამდისაც ვიცნობდით, თუ რა „კაცური კაცია“ ბრძანდება ის, რას ემსახურება, რა შეადგენს მის სულისკვეთების საფანს, მაგრამ არც ერთ თავის ნაწარმოებში მას არ დაუნახვებია საზოგადოებისთვის თავისი შინაგანი „მე“ ისე, როგორც „ივერიის“ № 68-ში დაბეჭდილ წერილში. აქ ჩვენ იმ ქაეჯავაძესთან გვაქვს საქმე, რომელიც სინამდვილეში არსებობს: აქ იგი გველაპარაკება ჩვენ, როგორც კერძო საკუთრების იდეოლოგი, როგორც მემამულე, რომელიც ყოველი ფეხის გადადგმაზე შზად არის იარაღით ხელში დაიცვას თავისი ინტერესები. მართალია, თ-ღი ილია ქაეჯავაძე აქაც შიგა და შიგ ძველ ოინებს ხმარობს, წამდაუწყუმ ზნეობაზე, კაცურ კაცობაზე, სამართლიანობაზე და სხვა ამგვარობაზე გაიძახის, მაგრამ ყველაფერი ეს აქ მეტად უადგილო და უხერხულია. ილია ქაეჯავაძე, როგორც საქართველოს სასიქადულო მწერალი, ავტორი „გლახის ნაამბობის“, „კაცია ადამიანის“, „გლახა კრიაშვილის“, „კაკო ყაჩაღის“ და სხვათა, სრულებით დაუჩრდილავს თ-ღ ილია ქაეჯავაძესვე, როგორც მემამულეს. ამიერიდან ქართველ მკითხველს საქმე ექნება არა ზევით დასახელებულ ნაწარმოებთა ავტორთან, არამედ ქართველ მემამულესთან, რომელსაც მთელი თავისი სიცოცხლე მხოლოდ იმისთვის მოუნდომებია, რომ გლახები ეყვლიფა და ეტყავებია. ჩვენ არა გვგონია, საქართველოს შიწაზე მოიპოვებოდეს მეორე ისეთი სასტიკი მემამულე, რომელსაც ისე უღმერთოდ გაყავდეს ცხოვრებაში გლახების გაყვლიფის სისტემა.

თ-ღი ქაეჯავაძე დიდი რიზით აცხადებს, რომ იგი კერძო საკუთრების მოტრფილა. იმიტომ რა გასაკვირვალაია, რომ ის დიადი მოძრაობა,

რომელიც დღეს ჩვენ თვალწინ ხდება, რომლის მოწამენი დღეს ჩვენა ვართ და რომელიც მიმართულია დღევანდელ უსამართლობის წინააღმდეგ, დღევანდელი ძირითადი სოციალური უკუღმართობის მოსასპობად, მას მეტად აღონებს და ძლიერ აწუხებს. ჩვენი თავადი დიდი გულისწყრომით ამბობს: „კაცმა დიდი მწუხარებით უნდა შეხედოს იმისთანა ამბავს, როცა კაცს სხვა საბუთი არ მიუძღვის იმის გარდა, რომ მე ცოტა მაქვს და შენ ბევრი და ამიტომ შენ უნდა წაგერაჯვას და მე მომერთვინა“. — კერძო საკუთრება სამართლიანად თუ უსამართლოთ—განაგრძობს ჩვენი ბრძენი მწერალი — ჩვენდა საბედნიეროდ (მემამულეების, უეჭველია) თუ საუბედუროდ (აქ ალბათ გლეხები უნდა ყავდეს მხედველობაში ჩვენ მგოსანს!) ჯერ კიდევ დიდხანს იქნება დიდ პატივში და მის სარბიელზე ძალმომრეობა, ერთმანეთზე მისვლა, ვინც გინდ იყო — იაფათ არ დაუჯდებათ *). როგორც ხედავთ, სხელოვანი მგოსანი დიდი მომხრეა კერძო საკუთრების, მაგრამ თავის აზრის დასამტკიცებლად ვერაფერითაა საბუთი ვერ გამოუჩანავს. ნუ თუ კერძო საკუთრების გამართლება იმით შეიძლება, რომ იგი „ჯერ კიდევ დიდხანს იქნება დიდ პატივში?“ შესაძლებელია დავეკითხოთ თ-ღ ქვეყნად: ვისი მხრით იქნება დიდ პატივში კერძო საკუთრება? თუ თქვენისთანა მსხვილი მემამულეების და ბურჟუა-კაპიტალისტების მხრით, რომლების ხელში თანდათან გროვდება წარმოების საშუალებანი და იარაღნი, ეგ კიდევ ვერაფერი საბუთია კერძო საკუთრების გასამართლებლად. ან რისთვის მოუნდა ახლა თ-ღ ქვეყნად კერძო საკუთრების დაცვა და გამოსარჩლება? განა ჩვენთვის საეჭვო იყო, რომ იგი, როგორც მსხვილი მესაკუთრე და მემამულე, კერძო საკუთრების თავგამოდებული მომხრე იქნებოდა? „მოვზაურის“ კორესპონდენტი მას სრულებით არ შეხებია, როგორც კერძო საკუთრების იდეოლოგს. მან გამოაქვეყნა მხოლოდ რამდენიმე გულის ამღვრევი და აღმაშფოთებელი ამბავი, რომლებიც ახასიათებენ თ-ღ ილიას არა როგორც კერძო მესაკუთრეს, არამედ როგორც ადამიანს. ჩვენ სავსებით ვფიქრობთ მისი გაბრაზება დღევანდელი მოძრაობის გამო. მართლაცდა, კაცი მთელ თავის სიცოცხლეში იმას ცდილობდა, რომ თავისი ბატონობა განემტკიცებია, რომ რაც შეიძლება მეტი წილი გლეხის ნაოფლარისა ჩაეგდო ხელში, რისთვისაც იგი გლეხკაცობას ყოველგვარ შევიწროებას აყენებდა, რისთვისაც იგი არაფერს არ ზოგავდა, ოღონდ კი თავისი მი-

*) ხაზს უოველგან ჩვენ ვუსვამთ.

ზანი განებორციელება და ახლა ხედავს, რომ ყოველივე ეს იფუშება. ყოველივე მისი მეცადინეობა იკარგება. განა ასეთი ადამიანი შესაბრა-ლისი არ არის? რა სიმართლე, რა საბუთი აქვს გლახ-კაცს, რომელიც: არც ხიზანია თქვენი, არც ნათესავი, რომ თქვენ მამულზე ხელი გაიწო-დოს, მაშინ, როდესაც კერძო საკუთრება ჯერ კიდევ ქვა-კუთხედით უღევს. არამც მთელ საზოგადოებურ წყობას რუსეთისას, არამედ მთელ ცხოვ-რებას "დაწინაურებულ ქვეყნებისას მთელ დედამიწაზე". დავამშვიდებთ-თ-ღ ი. ჭავჭავაძეს, რომ გლახები ჯერ არ იწვდიან ხელს სხვას მამულზე. ისინი ჯერ-ჯერობით თხოულობენ მხოლოდ იმ უსამართლობის გასწო-რებას, რომელიც მებატონეებმა ჩაიდინეს გლახების ევრეთ წოდებულ განთავისუფლების დროს. მაგრამ განა გლახებს უფრო მეტი სიმართლით არ შეუძლიათ მიმართონ თქვენისთანა შემამულეებს ასეთი სიტყვებით: რა სიმართლე, რა საბუთი გაქვს, რომ თქვენ ჩაგვადიათ ხელში ამოდენა სიმდიდრე, ამოდენა მიწა-აღვლი, როცა ჩვენ ფეხის დასადგამი მიწა არ მოგვეპოვება. ვეკითხებით-ღ ილიას: რომელი მხარე იქნება მაშინ უფრო მართალი? რომელ მხარეს ექნება უფრო მეტი საბუთი? ჩვენ დარწმუნე-ბული ვართ, რომ მისგან ამ კითხვაზე, როგორც სხვებზე, გადაჭრილს. სწორ და ნათელს პასუხს ვერ მივიღებთ: ის ან სამართლიანობის დან-დობას ამოეფარება, ან კაცთა ადამიანურ ცხოვრებას და ამით დაათავებს. საქმეს, ამიტომ უქაჯობესია დავანებოთ. მას თავი, როგორც კერძო სა-კუთრების ვაგლახ იდეოლოგს და გადავიდეთ პრაქტიკულ სფეროში, სადაც იგი ახორციელებს კერძო საკუთრების პრინციპს და სადაც იგი მართლა-რომ თავის ადგილზეა.

ამ სარბიელზე მას იშვიათად ეყოლება ბადალი. მას წარბ-შეუხრე-ლად გაყავს ცხოვრებაში მთელი თავისი სისასტიკით კერძო საკუთრების პრინციპი. მან არ იცის რას ქვიან გაჭირვებული კაცის შებრალება. თუ კერძო საკუთრების პრინციპის დაცვაზე მიდგა საქმე, იგი მზადაა მას ანაცვალოს ყოველივე, დაკარგოს სინიღისი, პატიოსნება და პრინციპს კი არ უღალატებს. თუ გნებავთ ეს ერთნაირი რაინდობაა, მაგრამ რაინ-დობა დაბალ-ხარისხის, რომელსაც მიზნად თავის პირადი სარგებლობა აქვს და სხვისი დაჩაგვრა: რაში იხატება თ-ღ ილია ჭავჭავაძის მოღვაწე-ობა? ამის დასახსიათებლად ჩვენ გავჩერდებით მხოლოდ ორ მაგალითზე. ჩვენის აზრით, ეს ორი მაგალითიც საკმარისია ილია ჭავჭავაძის პრაქტი-კულ მოღვაწეობის დასახსიათებლად, თუ როგორ ექცევა ან რა დამო-კიდებულება აქვს მას გლახებთან. ეს ორი გარემოება ჩვენ კარესპონ-

დენტსაც ჰქონდა აღნიშნული, მაგრამ უნდა შეენიშნოთ, რომ არა ისეთი სისრულით, არა ისეთი სისწორით, როგორც ეს თვითონ ილია ჭავჭავაძემ გაგვაგებია თავის საპასუხო წერილში, ეს ორი მაგალითი ასეთია: ერთი შეეხება იჯარით გაცემულ მიწებიდან ღალის აღებას და მეორე საძოვარ ადგილებზე დაწესებულ გადასახადს. დავიწყით პირველიდან:

აი რას გადმოგვცემს თვით ავტორი:

„იმ ხუთ სოფელში, რომელნიც საგურამოს შეადგენენ, სულ სახელწოდება გლახნი დგანან და იქ ხენენ და თესენ, საცა მამულის პატრონს მოურიგდებიან. ამ სოფელში ღიღი ხნიდან დაწესებულია, რომ ვინც მამულს მოხნავს, მამულის პატრონს მეოთხედი უნდა აძლიოს და თავის მემამულეს კალოზე მიუტანოს.

„ამ მეოთხედის დათვლა-მიტანა, ათეულების ადგილობრივი შეფარდება და სხვა ამისთანა მრავალი მიზეზიანი საქმეა და ხშირად ამ სარბიელზე ჩხუბი და დავიდარაბა მოსდით მოურავს და გლეხს ეთმანეთში. ნუ დაივიწყებთ იმ გარემოებას, რომ ერთსა და იმავე მიწაში, ნამეტნავათ თუ ცოტაოდენათ მოზრდილია, შესაძლოა თავიდან ბოლომდე ერთნაირი ძნა არ იყოს, ხშირად თავში კარგი, პურიანი ძნა და სხვილი, შუა წელში ან ბოლოში ნაკლებია, გამცდარია, პურ-ნაკლებია და ამის გამო ათეულები ხშირად ერთსა და იმავე ფარდისანი არ არიან...

„საკმაოა მარტო ეს გარემოება დავიყენოთ თვალ წინ და მასთან ერთად ისიც, რომ ძნებს ცალ-ცალკე დადგმულ ათეულებათ იყოფენ ერთმანეთთან შეფარდებით, — რომ მიხვდეთ — რამდენი ხიფათი მოსდევს ამ მეოთხედობას, თუ მოურავი ან გლეხკაცი ერთმანეთს გადაეკიდებიან და ერთმანეთის ჯაერის ამოყრას მოიწადინებენ“.

ყველა ამების თავიდან ასაცილებლად თ-დ ი. ჭავჭავაძეს დაუწესებია:

„მოურავმა იქავ; საცა მეოთხედს მიითვლის, ბარათი აძლიოს, ვისგან რა ერგო და თითონაც დაეთარში ჩაიწეროს, იქვე თავის თვალ-წინ ურემზე დაადებინოს, რომ ძნები არ შესცვალონ, და ისე გამოისტუმროს. გლეხკაცი რომ კალოზე მეოთხედს მოიტანს ძნის მიძღებს ხსენებული ბარათი უნდა ჩააბაროს და ამ ბარათით უნდა მიუთვალოს“...

აი ასეთია თ-დ ილია ჭავჭავაძის მიერ შემოღებული წესი, რომელიც თვითონ მან გაგვაცნო. თუ მას დაუჯერებთ, „ღიღი ნაწილს გლეხკაცობას ეს ნებაყოფლობითი (?) წესი მოუწონებია თ-დ ილიასათვის,

და მიუღია“. ასე გვეუბნება ჩვენი ავტორი. მაგრამ შემდეგ იგი ამის საწინააღმდეგო ფაქტებს გადმოგვცემს. „ბევრი ვეცადეო, გვეუბნება იგი, ეს უბრალო და უმანკო (!) წესი არავისათვის დამერღვევინებია, მაგრამ ვერა რას გავხდი. წელიწადი ისე არ გაივლიდა, რომ შიგა და შიგ ხან ერთს გლესს არ შეეშალა, ხან მეორეს. აქ ყურის მოყრუება წესის სრულიად დაფუშვას მოასწავებდაო“, და ამიტომ თ-დ ილიას სასტიკად მოაუვლია საქმისთვის ხელი. ჩვენ ის გვაკვირვებს მხოლოდ, ამ დრაკონისებულ წესს თ-დმა ილია ქავეკავაძემ ნებაყოფლობითი და უმანკო როგორ უწოდა! თუ ეს ნებაყოფლობითი და უმანკო იყო, თუ გლეს-კაცობის უმეტესმა ნაწილმა იგი მოუწონა ჩვენ თავადს, რილასთვის ამბობს იგი, რომ „ბევრი ვეცადე ეს წესი არავისთვის დამერღვევინებინა, მაგრამ ვერას გავხდიო!“ და მართლაც. განა შესაძლებელია თუ არ ძალდატანებით და თუ არ სასტიკი ზომებით იმ წესის შესრულება, რომელიც თ-დ ქავეკავაძეს შემოაუღია? აშკარაა, რომ ამ წესით გლესკაცს მოხენა, დაფარცხვა და მოკა ბევრად უფრო იაფათ დაუჯდება და ბევრად უფრო ადვილად შეასრულებს, ვინემ მთელი იმ პროცედურის შესრულება, რომელიც ილია ქავეკავაძეს შემოაუღია. ჩვენ შეგვიძლია რამდენიმეთ წარმოვიდგინოთ ასეთი სურათი: გლესმა მოსავალი მოიყვანა და მოკა. მას მხოლოდ მეოთხედის ჩაბარება დაარჩენია მემამულესათვის, აი აქედან იწყება მისი ტანჯვა. ჯერ ის უნდა ელოდოს მოურავს; ამას მარტო ერთ და ორ გლესთან ხომ არ უქრავს საქმე, არამედ ოცს, ორმოცს და შეიძლება კიდევ მეტთან. ახლა იგი როდის მოისურვებს ჩვენს გლესთან მოსვლას; მერე ძნების შეფარდებით გაყოფას, ბარათის ჩაბარებას, ურემზე დადებას და მემამულეს კალოზედ გასტუმრებას. მერე პროცედურა გლესს აქ მოელის: ჯერ ბარათის ჩაბარება ძნის მიმღებისათვის, შემდეგ ურმის დაცლა. ეს არის მთელი სისტემა, რომელიც უბრალო რამას გამოაშვება ან დავიწყება ერთ დავიდარაბას და ალიაქოსს იწვევს, რაც დაუსჯელად არავის არ ეპატიება. აქ ჩვენი მგოსანი მეტის-მეტ უღმობელობას და შეუბრალებლობას იჩენს. ბოლოს და ბოლოს უმეტეს შემთხვევაში აქ საქმე იმით თავდება, რომ გლესს მეოთხედის სახით მთელი მოსავალი ხელიდან ეცლება, ან იქვე კალოზე უფუჭდება ან კიდევ, რაც მეოთხედს გადაარჩება, მოურავების ჯიბეში მიდის. აი ამას უწოდებს კაცთმოყვარე მგოსანი უმანკო და უბრალო წესს, რომელიც გლესებზე მომიწონესო! ნუ თუ ჩვენი მგოსანი ისე გულუბრყვილო ბრძანდება, რომ მეტი არ ესმის? არა, მისი გულუბრყვილობა

ძნელი დასაჯერებელია. მაგრამ ეს კიდევ არაფერი. იგი თავის წერილში, სხვათა შორის ამბობს, რომ მხოლოდ ორი შემთხვევა იყო, როცა გლეხებს ეს „უმანკო“ წესი დაურღვევიათ. როგორ მოხდა ეს? თ-ღი ქვეყნად გვეუბნება, რომ ისე წელიწადი არ გაივლიდა, რომ ხან ერთს და ხან მეორეს ეს წესი არ დაერღვია, და იქვე ამბობს, რომ ასეთი შემთხვევა მხოლოდ ორი იყო. დაუუჯეროთ თ-ღ ილია ქვეყნადეს ეს დაუჯერებელი ამბავი. ვთქვათ, რომ მხოლოდ ორი შემთხვევა იყო, როცა მან ურმით მიტანილი ძნა უკან დააბრუნა, ერთი ასეთი შემთხვევა შარშან თუ შარშანწინ მომხდარა, რასაც თ-ღი ქვეყნადე შესაბრალებელი კილოთი მოგვითხრობს და თანაც კითხულობს: მაშ, რა მექნა? როგორ უნდა მოვქცეულიყავ? ამოდენა ხნის ნაღვაწი, წვითა და დაგვით აშენებულნი ინგრეოდა, თუ დადებულ ურემს უკან არ გავატანდი და მეც უკანასკნელ ზომას მივმართე. ასე გეგონებათ, თ-ღ ქვეყნადეს მხოლოდ ის აწუხებდა, რომ წესი არ დარღვეულიყო, კანონი შესრულებულიყო. რა უყოთ, რომ ამის გამო ვიღაც გლეხი მსხვერპლი შეიქნებოდა „*fiat justitia, pereat mundus!*“ — ოღონდ წესი შესრულდეს და თუ გინდ მთელი ქვეყნიერება დაინგრეს! ჰო და, აი შემდეგ თ-ღი ილია ქვეყნადე გამოდის და დაურცხვენელად ადამიანის ხელშეუხლებლობაზე, პიროვნების პატივისცემაზე და სამართლიანობაზე ლაპარაკობს. ის, ვინც ყოველი ფეხის ნაბიჯზე ადამიანის პიროვნებას (შეიძლება თ-ღ ქვეყნადეს გლეხი ადამიანათ არ მიაჩნია) ფეხ-ქვეშ თელავს და ჯიჯგნის, იმის პირიდან ასეთი სიტყვების წარმოთქმა ყველა პატიოსან ადამიანში მხოლოდ ზიზღს იწვევს. ჩვენ ახლა კარგათ გვესმის, თუ ასე ძალზე რისთვის იქაქებოდა თ-ღი ქვეყნადე, როცა საქართველოს ავტონომიის შესახებ სჯა-ბაასი ჰქონდა ქართველ თავად-აზნაურობას. ჩვენ ახლა კარგად ვიცით, თუ რას ნიშნავდა იმის სიტყვები, რომ ყველა კანონებს აქ, ადგილობრივ უნდა ვწერდეთო. კაი თქვენ დაგემართებათ, კარგ კანონებს დაუთესლით თქვენ მუშა ხალხს!

II.

წინა წერილში ჩვენ გავეცანით იმას, თუ რა „უმანკო“ წესი დაუდგენია თ-ღ ქვეყნადეს გლეხებისაგან ლალის ალების საქმეში. მაგრამ ამ წესის დახასიათება სრული არ იქნებოდა, თუ რომ თ-ღ ქვეყნადეს იქვე არ შეეტყობინებია ჩვენთვის საბალახეს საქმეც, რაშიც ჩვენ თავადს არა ნაკლებ „უმანკო“ წესი დაუდგენია. აი რას გვეუბნება იგი ამის შესახებ:

„საგურამოში, რომლის წრეში ხუთი სოფელია, გლეხ-კაცები სხვადასხვა მემამულის ტყესა და მინდორს ხედებიან საქონლის საძოვბლათ, სხვათა შორის, ჩემსა და ჩემის მეუღლის თავისუფალ მამულეებსაც. დიდის ხნის დაწესებულია, რომ ვინც სხვის მამულს მოხედება (რაც ძალიან ადვილია, ვინაიდან გლეხ-კაცს გასაქანი იშვიათად აქვს!) საბალახეთ, მამულის პატრონს უნდა აძლიოს თვეში ერთი შაური თითო სულ საქონელზე, ე. ი. წელიწადში სამი აბაზი, სოფელ წიწამურას გარდა, საცა თითო სულზე თითო მანეთს იხდიან წელიწადში, რადგანაც საძოვრათ უფრო კარგი მამულია და ქალაქზე უფრო ახლოა, მაშინ როდესაც მთიულეები და სხვა შორიდან მორეკილ საქონლის პატრონები, სულ ცოტა რომ ვთქვა ექვს—შეიდ აბაზს და ზოგჯერ ორ მანეთსაც იძლევიან თითო სულზე საბალახეს, ისიც შემოდგომის და ზამთრის ხუთ-ექვს თვეში და არა მთელი წლის განმავლობაში“.

როგორც ხედავთ, საბალახეს საქმეც ჩვენს მწერალ თ-დს მშვენივრად ჰქონია მოწყობილი! მართალია, თ-დი ჰავეჰავაძე აქ დაწერილებით არ შედის საქმის განხილვაში; იგი არაფერს გვეუბნება იმაზე, თუ რა გზით, გლეხების ნება-ყოფლობით თუ მაზე ძალდატანებით გაიყვანა მან ეს წესი ცხოვრებაში. თ-დი ჰავეჰავაძე ხმასაც არ იღებს იმაზე, გაუწიეს ამ ნიადაგზე მის გლეხებმა წინააღმდეგობა და თუ გაუწიეს, რა ღონე იხმარა, რა სასჯელს მიმართა, რომ თავზედი გლეხი მიწასთან გაესწორებია და მთელი თავისი უღმობელოება გამოეჩინა. უამისოთ ხომ მთელი მის მიერ დადგენილი წესი სულ ერთიანად დაინგრეოდა! მაგრამ თ-დ ჰავეჰავაძეს ერთი ჩვენი სამხილებული საბუთი აქვს ხელში, და ამაზე კი დიდი რიხით გაიძახის: მე თვეში ათ შაურს კი არ ვახდევ-ნებ გლეხებს. თითო სულ საქონელზე, არამედ მე თვეში მხოლოდ თითო შაური მაქვს დადგენილი თითო სულ საქონელზეო, ე. ი. წელიწადში სამი აბაზი, გარდა სოფ. წიწამურისა, სადაც თითო სულზე თითო მანეთს იხდიან წელიწადშიო. ხომ ხედავთ, რა გულმოწყალებ და სათნოებიანი ყოფილა თავადი ილია! ადვილი სათქმელია წელიწადში თითო სულ საქონელზე სამი აბაზის და ერთი მანეთის გადახდა მარტო იმისთვის, რომ გლეხ-კაცის საქონელი სხვადასხვა მემამულის ტყეს და მიწას ხედება! მაგრამ საქმე ამით როდი თავდება, როგორც მოგეხსენებათ, თ-დი ჰავეჰავაძე დაწერილებით როდი შეეხო ამ საკითხს, მაშინ როცა ეს საკითხი მეტად რთულია და განსაკუთრებით განმარტებას თხოულობს.

როგორც ცნობილია, გლეხების განთავისუფლების დროს უდიდესი უსამართლობა ამ საქმეში ჩაიდინეს მთავრობამ და სათავად-აზნაურო კომიტეტმა. გლეხებს სრულებით ჩამოაყალღეს როგორც საძოვარი ადგილები, ისე საჩხეი ტყე, რომლითაც ისინი ბატონ-ყმობის დროს სარგებლობდნენ. ყოველივე ეს მებატონეებს მისაკუთრეს: ფლობდეთ და სარგებლობდეთო! ეს კი იმას ნიშნავდა, რომ მებატონეებს გადასახადი უნ. და დედვით, თუ ვინცობაა გლეხის საქონელი მათ მიწაზე მოსძოვდა-უამისობა კი ყოვლად შეუძლებელი იყო, ვინაიდან გლეხებს საძოვარი მიწები ჩამოართვეს. ეს გარემოება ერთი იმ ოინთაგანი იყო, რომლის საშუალებით გლეხები ისევ ძველ მებატონეებს ჩაუგდეს ხელში ვასაყელეფად. თუმცა საგლეხო წესდება აქ ერთნაირ საზღვარს უდებდა მემამულეს, მაგ., მემამულეს უფლება ჰქონდა საბალახე დაეწესებია მხოლოდ ისეთ ადგილებზე, რომლებიც განსაკუთრებით საბალახე ადგილებათ არიან ცნობილი, და არა უმეტეს 25 კაპ. თითო სულ საქონელზე და ისიც თუ გლეხს შეიდ სულზე მეტი საქონელი ეყოლებოდა, მაგრამ ცხოვრებაში მხოლოდ მემამულეს სრული თვითნებობა გამეფდა; აქ ყოველივე მემამულეს სურვილზე, ნებაზე დარჩა დამოკიდებული. მემამულე, როგორც სურდა, ისე ექცეოდა გლეხს. ყოველივე დამოკიდებული იყო მის პირად სურვილზე და მის მოთხოვნილებაზე, რაც, რასაკვირველია, ყოველთვის საკმარისათ ფართო იყო. აქ საძოვარსა და საყანე, ე. ი. სახნავ მიწებს შორის განსხვავება აღარ არსებობდა: თუ კი გლეხის საქონელი „მემამულის მიწას მოხედებოდა“ (ასე გვეუბნება თ-დი ქავკავაძე), სულ ერთია, მემამულეს მიერ დადგენილი გადასახადი უნდა ეხადა. თუ ვინმეა ჩვენში ისეთი, რომელსაც სავსებით განებორციელებიოს ცხოვრებაში ეს თვითნებობა, ერთი ამათგანი უეჭველად თ-დი ილია ქავკავაძე უნდა იყოს, მისი თვითნებობა ჯერ იმაში გამოიხატება, რომ იგი ხუთი შაურის ადგილას სამ აბაზს და ერთ მანეთს ახდევინებს. შემდეგ, როგორც ჩვენი კორესპონდენტი გადმოგვცემს (იხ. „მოგზ.“ № 18), თ-დი ქავკავაძე საბალახეს ისეთ მიწაში ახდევინებს, რომელიც განსაკუთრებით საბალახეთ კი არ ითვლელა, არამედ სახნავ მიწათ, ე. ი. „იმ მიწაში, რომლიდანაც მემამულეს მეოთხედი თავისი ზურგით შინ მიართვეს“, მაგრამ ეს კიდევ არაფერი. „უფრო მეტი სავალალო ის არის, — ამბობს თ-დ ქავკავაძის მიერ ათვალწუნებული კორესპონდენტი, — რომ საგურამოელი მებატონეების მიწები ერთმანეთშია არეული დომხალივით და რამდენიმე დღიური რომ აქ ილია ქავკავაძის არის, რამდენიმე დღიური იმის გვე-

რღზე გივი სტაროსელსკის ეკუთვნის, მეორე ზალიკო გურამიშვილს, ტატო ციციშვილისა და ტუტუზა სტაროსელსკისა... ასე რომ, ხსენებული საბალახე, ერთსა და იმავე დროს ყველა აქ მოხსენებულ მებატონეებს უნდა სათითაოდ აძლიოს. აქედან თქვენ ადვილათ წარმოიდგინეთ, თუ რა უჯდება გლახს მარტო საბალახეს გადახდა ერთ სულ საქონელზე წლის განმავლობაში, და ისიც არა მთელ წელს, არამედ რამდენიმე თვის განმავლობაში, რადგანაც საგურამოში ზამთარი საკმარისად სუსხიანი და ხანგრძლივია, და ამიტომ საქონელი უმეტეს ნაწილად გომურში ჰყავთ შემწყვდეული ხმელ საქმელზე. ეს არის ნამდვილი ცარცვა-გლეჯის სისტემა, რომლის მსხვერპლი გლახია და სხვა არაეინ. თ დ ქავქავაძეს, რა თქმა უნდა, შეუძლია თავი იმით იმართლოს, რომ ეს „ჩემი და ჩემი მეუღლის თავისუფალი მამულია“ და ვის რა უფლება აქვს ამაზე ხმა ამოიღოსო. ჩემს საკუთარ მამულს მე როგორც მსურს ისე მოვიხმარ, ამის დაშლის უფლება არაეის არ უნდა ჰქონდესო. ვთქვათ, რომ თ-დი ქავქავაძე ცამდე მართალია, მაგრამ ერთი იმაზე გვიპასუხოს: საგურამოელ გლეხებს რომ მეტი მიწა-ადგილი ჰქონდეთ, რაც დღეს აქვთ, ე. ი. ისინი რომ ნაკლებათ საკირავებდნ მის „თავისუფალ“ მამულში, იგი ასეთ პირობებში ხომ ველარ მისცემდა გლეხებს მიწებს? ე. ი. სხვა სიტყვებით რომ ვთქვათ, სარგებლობს თუ არა იგი დღეს საგურამოელ გლეხების გაქირავებული მდგომარეობით და უმატებს თუ არა ლალას იმის კვალობაზე, თუ რამდენათ მწვაფდება გლეხების გაქირავება? ჩვენ დავინახეთ, რომ თ დ ილია ქავქავაძის მიერ დადგენილი წესი გლეხების ასეთ გაქირავებულ მდგომარეობაზეა დაყრდნობილი. რომ ამ წესს სამართლიანობა და კაც-მოყვარეობა არ უდევს საფუძვლათ, ეს თავის-თავათ იშკარაა. მაშ, რაღას გვიკეთინებს თავადი ქავქავაძე! „მოგზაურის“ კორესპონდენტმაც ხომ მხოლოდ ეს ფაქტი აღნიშნა:

თუ ეს ასეა, მაშ რაღა საბუთი ჰქონდა თ-დი ილია ქავქავაძის ასეთი უშვერი ლანძღვა-გინებით დაეჯილდოებია ჯერ კორესპონდენტი და მერე ის ორგანო, რომელმაც პირველმა გამოაქვეყნა ჩვენი მწერალ-მემამულეს „საქმენი საგმირონი“? ჩვენ დიდი ხანი ვიცოდით, რომ საქართველოს სასიკაღდლო მწერალს; ან საგურამოს ცნობილ გმირს, ლანძღვა-გინებაში, სხვისი პიროვნების გაბიბრუებაში. ბადალი არ ჰყავდა, მაგრამ რაც მის ამ მხრით წინათ ჩაუდენია, ის მონაგონიც არ არის იმასთან, რასაც იგი ახლა ჩადის. წარმოიდგინეთ, თ დი ქავქავაძე, როგორც კორესპონდენციის ავტორს, ისე „მოგზაურის“ რედაქციას ბეზლო-

ბას წაშობს, ჯაშუშობას გვაბრალებს, არც მეტი არც ნაკლები! მაგრამ რაში იხატება ეს ჯაშუშობა? ორში ერთი: ან კორესპონდენციამში მოთხრობილი ამბები ტყუილია, განზრახ გამოგონილი, ან მართალი, მაგრამ იმათი გამოკვეყნება საჭირო არ იყო, რადგანაც ეს თ-დ ქავეკავადეს, საქართველოს დიდებულ მწერალს, ეხებოდა. რომ ყველა ის ამბები, და კიდევ მრავალი სხვა, მართალია და არა განზრახ გამოგონილი, ეს დღეს, ვგონებ. არავეისთვის საეკვო აღარ არის. მაშ, დაგერჩა გადასაწყვეტათ მხოლოდ ერთი საკითხი: საჭირო იყო თუ არა იმ ამბების გამოკვეყნება? თუ თ-დ ქავეკავადეს დავეკითხეთ, ის, რასაკვირველია, გადაქრით გვეტყვის, რომ ეს საჭირო სრულებით არ იყო. „ეთქვათ, რომ ყოველივე ეს შესაძლოა და კისრადაც მიღვია, — გვეუბნება იგი სხვათა შორის ძნის ისტორიის შესახებ, — მაგრამ ნუ თუ ეს ამბავი, თუნდაც გლეხის მიერ ნაამბობი, ისეთი რამ არის, რომ კაცმა კაცი გასაბიძარებლათ გაიმეტოს?“ რასაკვირველია, აქაც, როგორც სხვა რამეებშია, ჩვენნი და თ-დ ილია ქავეკავადის შეთანხმება ყოვლად შეუძლებელია და მართლაც, განა შესაძლებელია, რომ ის, ვინც მთელი 25 წლის განმავლობაში პრესის დანიშნულებას იმაში ხედავდა, რომ სიმათლისათვის გზა აეჭკია, ქეშ-მარტება დაეფარა, ჩვენ გვეთანხმებოდეს პრესის დანიშნულებაში? განა შესაძლებელია, რომ ის, ვინც ხალხს „ნულები“ უწოდა, ისე უყურებდეს პრესას, როგორც ჩვენ? მაგრამ საქმე ის არის, რომ თ-დ ქავეკავადეს თავის თავი საქართველოს „ბურჯათ“ მიიჩნია და ამიტომაც მოჩვენებია, რომ მას აღვიღათ ვერავინ შეეხებოდა. თ-დ ქავეკავადის ნაწერებში ხშირად შეხვდებით მაღალ-ფარდოვან ლიტყევებს ადამიანურ ღირსებაზე და კაცობაზე, მაგრამ მისი საქციელიდან გამოდის, რომ ყოველივე ეს მხოლოდ მისთანა თავადების მონოპოლია უნდა იყოს და სხვა არავეისი. თუ ეს ასე არის, მაშ, რისთვის ეჭირება, რისთვის აწვება მას ბოლშე, როცა გლეხკაცს ესარჩლებიან გაუმიძღარ მემამულეების წინააღმდეგ? ან შესაძლებელია, მას, როგორც მემამულეს, როგორც მესაკუთრეს, გლეხ-კაცობისათვის შევიწროება არ მიუყენებია? თ-დ ქავეკავადეს ამის უარყოფა ხომ ამიერიდან აღარ შეუძლია?

ახლა მკითხველს მივმართავთ: ნუ თუ ბეზლობა და ჯაშუშობაა ყოველივე ის, რაც ჩვენ ილია ქავეკავადის შესახებ გამოვაქვეყნეთ? ნუ თუ სანტიმენტალური მოთხრობების დაწერა საკმარისია, რომ მის დამწერს ყოველივე სისაძაგლე ეპატიოს და ამის შესახებ პრესამ ხმა არ ამოიღოს? თუ დიდს ვერ მოვთხოვთ ზნეობას, პატარას როგორღა უნდა

მოეახოვოთ? ან შეიძლება უსამართლობის გამოქვდავენებას მხოლოდ მაშინ აქვს მნიშვნელობა, თუ მას უბრალო მომაკვდავი ჩადის და არა ილიასებური „დიდბუნებოვანი“ გვამი? ახლა გადავიდეთ ფაქტებზე.

როგორც ზევით ვამბობდით, თ-ლი ქავქავაძე „მოგზაურის“ რედაქციას და მის კორესპონდენტს ცილისწამებას, ბეზლობას და ჯაშუშობას აბრალებს. ამიტომ საჭიროა ნათლად დავანახოთ მკითხველს, თუ ვინ აღვას სისტემატიურად ბეზლობის, ცილისწამების და ჯაშუშობის გზას. „მოგზაურის“ კორესპონდენტი, სხვათა შორის, თ-ლ ქავქავაძეს იმას აბრალებდა, რომ მან (ე. ი. ქავქავაძემ) გლეხების მოძრაობის ჩასაქრობათ და თავის სახლ-კარის დასაცავათ მთავრობას ჯარი თხოვაო. თ-ლი ქავქავაძე ამაზე უარს ამბობს: მე ჯარის გამოწვევა არავისთვის არ მითხოვნიდა და თუ ეს მართალია, კორესპონდენტს შეუძლია მთავრობის რომელიმე კანცელარიაში შეამოწმოს, თუ იქ სადმე ჩემ თხოვნას იპოვნის ანის თაობაზეო. გულუბრყვილო მკითხველი ასეთ განცხადებას ნამდვილ სიმართლეთ მიიღებს და ჩვენ კორესპონდენტს გაამტყუნებს. მაგრამ, ჩვენდა საუბედუროთ, იგივე ქავქავაძე რამდენიმე სტრიქონის ქვევით მოგვითხრობს, რომ რადგანაც მის აუარებელ ქონებას და სახლ-კარს გლეხების მხრით აკლება და განადგურება მოელოდა, მან დეპეშით მაზრის უფროსს მიპართა, რომელსაც შეეღას და დახმარებას თხოვდა გლეხების წინააღმდეგ. თ დ ქავქავაძის შიში უსაფუძლო გამოდგა, რადგანაც გლეხებს ფიქრშიაც არ მოსვლიათ თ-ლ ქავქავაძის სახლ-კარის აკლება, მაგარი ეს კი არ არის, არამედ ის, რომ თ-ლ ქავქავაძემ გლეხები დააბეზლა, ჯაშუშობა გასწია თავისი ნივთიერი ინტერესების გულისათვის. საკვირველი ის არის, თუ რა ოინბაზობით მართლულობს თავს ჩენი თავადი: მე მაზრის უფროსისათვის ჯარის გამოგზავნა არ მითხოვნიდაო. საქმე ის არის, რომ მან მაზრის უფროსს აცნობა, გლეხები აკლებას მიპარებენ და რამე მიშველეთო. მაზრის უფროსს შეეძლო სრულყოფით არავითარი დახმარება არ გაეწია თ-ლ ქავქავაძისთვის, ამით მაინც არსებითად მისი ბეზლობა არ ირღვევა. მაგრამ ნუ კი იფიქრებთ, რომ ჩვენს სახელოვან მგოსანს ბეზლობა და ჯარის მიწვევა სამარცხვინო ხელობათ შიანდეს. „ამას იმიტომ კი არ ვამბობ, გვეუბნება ჩენი თ-ლი, რომ ჯარის მოწვევა ძალ-მომრეობის და ერთმანეთზე მარცვის დასაწყნარებლათ, რაკი სხვა გზა არ არის, სამარცხვინო რათმე მიმაჩნდეს, პირიქით“... და თუ საზოგადოთ ერიდება ამ ღონისძიებას ჩენი სახელოვანი მწერალი, ეს მხოლოდ იმ მოსახრებით, რომ გლეხობისაგან მას

დიდი შემოსავალი აქვს, გლახობა მისთვის კარგი სათალი ღუშაა. მაგრამ ილია ქავეკავადის ღვაწლი ჯაშუშობის ასპარეზზე მარტო ამით არ თავდება. სამწუხაროდ ჯაშუშობის როლი მას ზედმიწევნით აქვს შესწავლილი და შესისხლხორცებული. ან რასა სწერს მართლაც რომ მამბებლარა თავადი: „არც მითხოვნია და არც მოვითხოვ (ჯარზეა ლაპარაკი), თუ ჩვენის ავტორის (კორნსპონდენტის) და „მოგზაურის“ წყალობით, ზედ მოსევა ჩემზე გლახობა არ მოხერხდა და ან ერთმა და ან მეორემ საქმე ისე არ გამიხადეს, რომ მათ მიერ მოსიუღლს და ახისინებულ გლახობას მტრულად არ დაუხვედო“. ამაზე მეტი ბეზლობა, ჯაშუშობა და ცილისწამება შეუძლებელია! ჩვენ არა გვეგონია, რომ ამაზე მეტი ბეზლობა ოდესმე ჩაედინოს ბეზლობაში და ჯაშუშობაში განთქმულ გრინგმუტს, მეშჩერსკის, კომაროვს და გინდ პალმს! ჩვენ აქ მკითხველს აღარ შევაჩერებთ იმაზე, თუ ვისი დაბეზლებით დაატუსაღეს ამ ხუთი წლის წინათ ვაზ. „ივერიის“ ასოთ-ამწყობები. ამას ჩვენი მკითხველი უფრო დაწვრილებით შეიტყობდა „მოგზაურში“ დასტამბულ წერილიდან, (იხილე „მოგზაური“ № 18). და თუ ყველა ამის შემდეგ თ-ღ ილია ქავეკავადის კიდევ მოუცლია პრესისადმი პატივისცემაზე, ზნეობაზე, პიროვნების ხელუხლებლობაზე, ადამიანურ ღირსებაზე, საკუთრად სამართალზე, კაცურ-კაცობაზე და სხვა ასეთებზე ისე ილაპარაკოს, იმას კიდევ-ღა შეუძლია თავის ნაწერებში გლახობებს გამოესაჩლოს, დაბეჩავებულ ცხოვრებაზე კრემლები ღვაროს, თავისუფლებაზე იმღეროს? განა ეს არ არის დაცინვა? განა ეს არ არის თავისი თავის სასაცილოთ აგდება? გეკითხებით თ-ღო ილია: ამის შემდეგ ვისზე უფრო ითქმის: „წმინდა სახელი და დანიშნულება პრესისა მტრათ უქცევია, ადამიანობა და ადამიანი ბეზლობის და ცილის-წამების საგნათ გაუხდია და დიდი მოძღვრება ადამიანის ხელუხლებლობისა მარტო თავის სახეიროდ, თავის საფარველათ გარდაუქნია“? ჩვენზე თუ თქვენზე?

ამით ვათავებთ დღეს-დღეობით საუბარს ილია ქავეკავადის შესახებ. შეგვეძლო კიდევ ბევრი გვეთქვა მის შესახებ, მაგრამ ფიქრობთ, რომ ამითაც მოვამბერეთ მკითხველებს თავი იმ დროს, როცა სხვა უფრო საინტერესო კითხვები თხოულობენ განსჯა-განმარტებას. მხოლოდ აქ კიდევ ერთი სამწუხარო გარემოება უნდა აღვნიშნო: როგორც მოგეხსენებათ „დემოკრატიზმით“ განთქმულმა „ივერიამ“ ძლიერ ექვის თვალთ შებედა „მოგზაურში“ დაბეჭდილ კორესპონდენტის ილია ქავეკავადის შესახებ და თითქმის წინდაწინვე უაჩყო მისი საუბრისა და

თვით ილიას მიმართა თხოვნით: დაამტკიცე იმის უსაფუძვლობაო. გავიდა ხანი და ილიამაც შეუსრულა თხოვნა განახლებულ „ივერიას“, მაგრამ მოლოდინი არ გაუმართლა; თითქო ძმარი ჩაუსხა ცეცხლში: ბრალდება არა თუ ვერ დაარღვია, არამედ—კიდევ უფრო გაადიდა და ზედმეტი ფაქტები გადმოგვიყაჭა „ივერიისვე“ ფურცლებზე. ახლა რაღას ფიქრობს ნეტა დინჯი და წინ-დახედული „ივერია“. ეტყობა ძველი კერპების თაყვანისცემას ჯერ იქ მაგრად აქვს ფესვები გამდგარი.

(ჟურ. „მოგზაური“ 1905—15 და 22 მაისი

№ № 18 და 19).

ბიუროკრატია და რეფორმები.

არც ერთ დროს რუსეთის ხალხს არ განუცდია ისეთი საშინელი უბედურება, რომელიც დღეს მას თავს დაატყდა. მხოლოდ გამოცდილი მხატვრის კალამს შეუძლია იმ საზარელ და აღმაშფოთებელ გარემოებათა აღწერა, რომლებშიაც დღეს ჩვენ გვიხდება ცხოვრება. ომი შინ, ომი გარეთ. სრული დამარცხება-განადგურება ჩვენი ქებული მხედრობისა, როგორც ხმელეთზე, ისე ზღვაზე. სამშობლოს ჯანსაღ შეილღების ამოყლევტა, ასი და ათასი მილიონების, იმ მილიონების, რომლებიც მშრომელი ხალხის ოფლით მონაგარია, გაფლანგვა და ტყუილა-უბრალო ჩაღუპვა. სახლში ბიუროკრატული წესწობილების წარმომადგენლებსა და ხალხს შორის ატეხილი ბრძოლა; სრული ძალმომრეობა და თვითნებობა ხალხის განმათავისუფლებელი მოძრაობის ჩასაქრობად და ჩასანაწყაუათ; მუშების გაფიცვები, გლეხების არეულობები, რომელთაც შიმშილი, უკიდურესი სიღატაკე იწვევს; უმაღლეს სასწავლებლების დაკეტვა, ზოგიერთ საშუალო და თითქმის დაბალ სასწავლებელში სწავლის შეწყვეტა; ყველა ამასთან „შავი რაზმის“, ხულიგანების, საზოგადოების ნაძირალთა ბნელი ელემენტების გამოსვლა საზოგადოების ბრწყინვალე, ნათელ და ცხოველმყოფელ ელემენტებთან საბრძოლველათ. ურიების და სომხების ასეთი შავი რაზმების საშუალებით აწიოვება და გაყლევტა. იმავე დროს საზოგადოების ძალების დაქსაქსვა და დღევანდელი ბრძოლისათვის მოუშნადებლობა. ამაში გამოიხატება დღევანდელი კრიზისი, დღევანდელი გამოურკვეველი მდგომარეობა. არავინ არ არის უზრუნველყოფილი, რომ ყოველ წუთში მაზე არ იქნება ნახპარი ძალმომრეობა, არ შეიქმნება მსხვერპლი თვითნებობისა.

როდემდის გაგრძელდება ასეთი საერთო მოუსვენარი, გამოურკვეველი და საშიში მდგომარეობა? მოელის ამას დასასრული, თუ ჩვენ ვერ ველირსებით დამშვიდებით ცხოვრებას, ადამიანის პიროვნების უზრუნველყოფილ მდგომარეობას?

აი კითხვები, რომლებიც ყველა ჩვენგანს ძალაუნებურად ებადება თავში და პასუხს თხოულობს. სად არის ის ძალა, რომლის საშუალებით

ბით საზოგადოება უნდა განთავისუფლდეს იმ საშინელი განსაცდელისაგან, რომელიც მას კარზე ადგას? ერთად ერთი საშუალება დაუყოვნებლივ დამფუძნებელი კრების მოწვევა, ე. ი. ხალხის წარმომადგენლების, მის მიერ თავისუფლად არჩეულ დეპუტატების შეკრება. და მართლაც, ვინ უნდა ამოიღოს ხმა ხალხის გასაჭირზე, ვინ უნდა იხსნას იგი განსაცდელისაგან, თუ არა თვით ხალხმა მის მიერ ამორჩეულ წარმომადგენლების საშუალებით. მაგრამ ვინ უნდა მოიწვიოს დამფუძნებელი კრება? როგორ, რა გზით უნდა მოხდეს ხალხის წარმომადგენლების შეკრება ახალი საზოგადოებრივი და სახელმწიფო წეს-წყობილების დასაფუძნებლათ? უმრავლესობა იმ აზრისაა, რომ ამას მოახდენს თვით ბიუროკრატია, ე. ი. იმ პირთა კრებული, რომლებმაც შექმნეს და გამოიწვიეს დღევანდელი საშინელი კრიზისი. ასეთი იმედი დაბადა და განამტკიცა 12 დეკემბრის მანიფესტმა და 18 თებერვლის რესკრიპტმა. 18 თებერვლის რესკრიპტის ძალით შინაგან საქმეთა მინისტრს ბულიგინს ებრძანა სათათბირო კამისიის შედგენა მისი თავმჯდომარეობით იმ წესების შესამუშავებლად, რომლების საფუძველზე უნდა მოწვეული იქნას ხალხის წარმომადგენლები ზოგიერთ საკანონმდებლო განზრახვათა შემუშავების დროს. იმავე რესკრიპტის ძალით, როგორც კერძო საზოგადოებათ, ისე ცალკე პირებს ნება ეძლევათ შეკრებილიყვნენ და გამოეთქვათ თავის მოსაზრებანი სახელმწიფო წესწყობილების გაუმჯობესობის შესახებ. მაგრამ ამის შემდეგ გავიდა სამ თვეზე მეტი და ბულიგინის კომისიის შესახებ საზოგადოებამ და პრესამ არაფერი სარწმუნო არა იცის რა. რაც შეეხება კერძო საზოგადოებათა კრებებს, ეს მინისტრის განკარგულებით ისეთ პირობებში ჩააყენეს, რომ ის მხოლოდ მარტოდენ ქალაქებზე დარჩა. ამავე დროს ყველა აშკარად ხედავს, რომ ბიუროკრატია ფეხიდან ყოველგვარი ნიადაგი ეცლება, რომ მან დაკარგა ყოველივე ნდობა საზოგადოების თვალში. მაგრამ თუ ყურადღებას მიაქცევთ იმას, რაც დღეს ბიუროკრატის მალალ სფერებში ხდება, მეტად გაოცებული დარჩებით. თითქო აქ არც კი ამჩნევენ, თუ საზოგადოებაში რა მოძრაობა მწიფდება, რა ძალა იღვიძებს მის შესამუსრავათ. პირიქით, იქ თქვენ ხედავთ, რომ დღე ისეთი არ გაივლის, რომ რაიმე ახალი კომისია ან რჩევა არ დაარსონ რომელიმე მსხვილი ბიუროკრატის თავმჯდომარეობით ყველა იმ კითხვების გამოსარკვევათ და გადასაწყვეტათ, რომლებიც დღეს საზოგადოებას აღელვებენ და რომლების გადაწყვეტა დღეს მხოლოდ ხალხისაგან ამორჩეულ მთავრობას შეუძლია და სხვას არავის.

ასეთია, მაგ., აგრარული საკითხი, მუშების საქმე, ბეჭდვითი სიტყვა, გაძლიერებული დაცვის წესდების გადასინჯვა, გადასახლების საკითხი და სხვა. თუ კი ყველა ამ კითხვების გადაჭრა შეუძლია ბიუროკრატიულ მთაფრობას, მაშინ რაღა საჭიროა ხალხის წარმომადგენლების მოწვევა, მაშინ რაღა აზრი აქვს დამუშდნებელ კრებას? ყველა ამ კომისიების დაარსება და აგრეთვე ის, რომ ბულიგინის კომისიას დღემდე არაფერი არ გამოურკვევია, აშკარათ მოწმობს იმას, რომ ბიუროკრატია არა გზით არა სურს ხალხის წარმომადგენლების მოწვევა, ვინაიდან ეს მისთვის სიკვდილი იქნებოდა, და თავისი თავის მოკვლა ხომ ერთნაირი გმირობაა და მასთან სერიოზული დათმობა, რასაც არასოდეს არ ჩაიდენს ჩვენი ბიუროკრატია. მაშ, სად უნდა ვეძიოთ გამოსავალი? მაშ, როგორ. რა გზით უნდა განხორციელდეს ხალხის წარმომადგენლების შეკრება სახელმწიფოს ძირითად კანონების გამოსაცემად? არის მხოლოდ ერთად ერთი გზა, ერთად ერთი საშუალება,—ეს თვით ხალხის ინიციატივაა, მისი თაოსნობა და არავის სხვისა.

(ეურნალი „მოგზაური“ 1905 წ.

22 მაისი № 19).

ალექსანდრე წულუკიძის ხსოვნას.

დღეს დაბა ხონში მიაბარებენ სამარეს უდროვოთ დაკარგულს, ჯერ სულ ახალგაზრდა საზოგადო მოღვაწეს, ალექსანდრე წულუკიძეს. განსვენებული ეს რამოდენიმე წელიწადია შეპყრობილი იყო საშიშარი სენით, მისი ჯანმრთელობა თხოულობდა, რომ იგი სრულებით მოშორებოდა აბობოქრებულ ცხოვრებას და სადმე დამშვიდებით და წყნარად ეცხოვრა, რამდენიმე ხანს მაინც. ასე იქცევა საზოგადოების უმრავლესი ნაწილი და ამაში იხატება მისი ვითომდა გონიერება. ალექსანდრე წულუკიძე კი მოკლებული იყო ასეთ „გონიერებას“.

იმ დროს, როცა საზოგადოებრივი ცხოვრება მისგან სამსახურს თხოულობდა, მას არ შეეძლო თავის პირად ინტერესებზე ეზრუნა. როცა მისი ფიზიკური ჯანმრთელობა დასვენებას და ექიმობას თხოულობდა, იგი უზომო შრომაში ატარებდა დროს. იგი ებრძოდა დღევანდელი საზოგადოებრივი ცხოვრების დუბჰირ მავნე პირობებს; იგი მოქმედებდა საუკეთესო პირობების მოპოვებისათვის, როცა ადგილი აღარ ექნება ადამიანის დაჩაგვრას და შევიწროებას. და აი, ამ სარბიელზე მეტად ნაყოფიერი შეიქნა მისი მოღვაწეობა. თუმცა ხანმოკლე იყო ეს მოღვაწეობა, მაგრამ იგი წაუშლელი დარჩება ჩვენი საზოგადოებრივი ცხოვრების განახლების ისტორიაში.

ჩვენი ოფიციალური საზოგადოება და მწერლობა მას მეტად ნაკლებათ იცნობს; სამაგიეროთ მისი მოქმედება აღბეჭდილია ჩვენი მშრომელი ხალხის გულში.

ალექსანდრე წულუკიძის დაკარგვა ჩვენთვის მეტად საგრძნობელია. დღეს, როცა გარშემო საერთო გათახსირებაა და დაცემაა, როცა პირადმა ანგარიშებმა ჩაგრულთა მოსარჩლეების წრეშიაც იჩინა თავი, მეტად მძიმე და მეტად სამწუხაროა ალექსანდრე წულუკიძის დაკარგვა, რომელიც მუდამ მაღლი იდგა, რომლის ზნეობის სიფაქიზეში თვით მტრებიც-კი ვერ შეიტანდნენ ეჭვს. მოვა დრო და, ვგონებთ, იგი შორს აღარ არის, როცა ალექსანდრე წულუკიძის მოღვაწეობას ფარდა აეხდებოდა, და საზოგადოება აშკარათ დინახავს, თუ რა სასარგებლო მოღვაწე, რა

ძლიერი ენერჯის, მტკიცე ხასიათის და ზნეობრივი სისპეტაკის მქონე-
ბელი ადამიანი დაჰკარგა მან ალექსანდრე წულუკიძეში. ახლა კი მშვი-
დობით, უდროვოთ დაკარგულო, ძვირფასო ამხანაგო და მეგობარო, სა-
შა! შენ არ მომკვდარხარ იმათთვის, ვინც შენ გიცნობდა, ვინც შენთან
ერთად ემსახურებოდა და ემსახურება სახალხო საქმეს. ვაი იმათ, რომ-
ლებიც საზოგადოებას უკუღმართ გზაზე აყენებენ, რომლებიც ბნელ ძი-
ლებს იწვევენ! შენი სახე კი მუდამ ბრწყინვალე იქნება და შენი ხსოვ-
ნა შარავანდედით შეიმოსება! საუკუნოთ ტკბილი მოსაგონებელი გახდე-
ბა შენი გახსენება ყველა ტვირთმძიმეთა და მაშვრალთათვის!

(ქურნალი „მოგზაური“ 1905 წ.
12 ივნისი № 22).

ა. გ. ბულიჯინის პროექტი

გაზეთებში უკვე დაიბეჭდა ცნობები ბულიჯინის⁶⁾ პროექტის შესახებ, რომლის თანახმად უნდა მოხდეს ამ ახლო მომავალში ხალხის წარმომადგენლების მოწვევა. გამოქვეყნებული ცნობები სრული არ არის, და არც ის ვიციტ დანამდვილებით, თუ რამდენათ მართალია ისინი, ვინაიდან იმათი გამოქვეყნება არ მომხდარა ოფიციალურად. ჩვენ, რა თქმა უნდა, დიდ მნიშვნელობას არასდღეს არ ვაძლევდით ხსენებულ პროექტს, მაგრამ ასეა თუ ისე, მაინც ვალდებულაით ვრაცხთ თავს მას ანგარიში გაუწიოთ. ვალდებული ვართ განვუმარტოთ მკითხველებს, თუ რა საფუძველზე და რა პირობებში ფიქრობს ბიუროკრატიული მთავრობა ხალხის წარმომადგენლების მოწვევას.

ყველამ უწყის, რომ ხალხის წარმომადგენლების მოწვევა სახელმწიფო საქმეების მართვა-გამგეობაში მონაწილეობის მისაღებათ ჩვენს ბიუროკრატის არასოდეს არ მოსვლია თავში. პირიქით, იგი ყოველთვის სასტიკათ ეწინააღმდეგებოდა და დღესაც ეწინააღმდეგება წარმომადგენლობითი მართვა-გამგეობის შემოღებას რუსეთში. და თუ დღეს იგი ხალხის წარმომადგენლების მოწვევაზე პროექტს ადგენს, ეს მხოლოდ იმით აიხსნება, რომ იგი იძულებულია ასე მოიქცეს, ვინაიდან სხვა გზა მას დღეს აღარ აქვს. რქვდან ადვილად შეგვიძლია წარმოვიდგინოთ, თუ რანაირი უნდა იყოს ბიუროკრატის მიერ შემუშავებული პროექტი ხალხის წარმომადგენლების მოწვევის შესახებ.

ბიუროკრატია დაუძინებელი მტერია იმის, რომ ხალხმა თვითონ განაგოს თავის წარმომადგენლების საშუალებით თავისი საქმეები, რომ თვით ხალხი იყოს კანონმდებელი და მასვე ჰქონდეს უფლება პასუხი მოსთხოვოს ყველა იმათ, ვისაც იგი ამა თუ იმ თანამდებობის შესრულებას ავალებს. ამიტომ თუმცა ბიუროკრატია, როგორც ვთქვით, იძულებული შეიქნა ხალხის წარმომადგენლების მოწვევის შესახებ პროექტი შეედგინა, მაგრამ მას არ შეეძლო შერიგებოდა ხალხის დღევანდელ მოძრაობას, არ შეეძლო საფსებით ეცნო საზოგადოებრივი ცხოვრების მიერ წამოყენებული მოთხოვნები. თუმცა ხალხის წარმომადგენლების მოწვე-

ვის საქმე სულ ვერ უკუაუღდეს, მას აშკარათ და გამოსაჩენათ ველარ უწოდეს. უაზრო და თავზელი მოსაზრება, პირიქით, ხალხის წარმომადგენლების მოწვევა დღეს საქირათ მიაჩნიათ იმათაც, რომლებიც ამ ერთი წლის წინათ ამაზე ლაპარაკს დანაშაულად თვლიდნენ, მაგრამ წარმომადგენლებიც არის და წარმომადგენლებიც. ხალხი თხოულობს დამფუძნებელი კრების მოწვევას, რომელშიაც შეეღენ ხალხის წარმომადგენლები, არჩეულნი საყოველთაო, პირდაპირი, თანასწორი და საიდუმლო ხმის უფლებით, რომელიც შეიმუშავენს სრულებით ახალ ძირითად კანონებს. მთავრობა კი იმის ნაცვლად გვირდება „სახელმწიფო საბჭოს“, (Государственная дума), რომლის წევრები ხალხის წარმომადგენლებათ იქნებიან წოდებული. სახელმწიფო საბჭოს წევრებს, ბულიგინის პროექტით, ირჩევს ხალხი, მაგრამ არა საყოველთაო, პირდაპირი, თანასწორი და საიდუმლო ხმის მიცემით, როგორც ამას დღეს საზოგადოება თხოულობს; ასეთი არჩევანი უარს ყოფს ყოველგვარ ცენზს, როგორც კონებრივს, ისე სწავლის მხრით. ხსენებული პროექტით კი ხალხის წარმომადგენლების არჩევნები უნდა მოხდეს 1864 წლის საერო მღებულების საფუძველზე, ე. ი. ამომრჩეველბათ იქნებიან მხოლოდ მიწათმფლობელნი, სოფლის საზოგადოებათა წარმომადგენლები (და არა თვით საზოგადოებანი) და ქალაქის მესაკუთრეები. ამნაირათ, აქ უარყოფილია საყოველთაო, პირდაპირი და თანასწორი ხმის უფლება. აშკარაა, რომ თუ მართლამ ამ წესით მოხდა ხალხის წარმომადგენლების არჩევა, ეს უკანასკნელები მხოლოდ სიტყვით იქნებიან ხალხის წარმომადგენლები, ნამდვილათ კი ისინი მიწათმფლობელების და ქალაქის ბურჟუაზიის წარმომადგენლები იქნებიან. გლებ-კაცობის უმეტესი ნაწილი და ქალაქის მუშა ხალხი, პროლეტარიატი, საარჩევნო უფლებას სრულებით მოკლებული დარჩება, ე. ი. არც სოფლის გაქირებულ გლებობას და არც ქალაქის მუშა ხალხს სახელმწიფო საბჭოში თავისი წარმომადგენელი არ ეყოლება. თუ ხსენებული პროექტი ცხოვრებაში განხორციელდა, ადვილი წარმოსადგენია, რა შედეგი უნდა მოჰყვეს ამას.

მეორე მხრით, რა ძალა და მნიშვნელობა უნდა დაუტრჩეს პროექტის ძალით რუსეთის სახელმწიფო საბჭოს? როგორც ვიცით, სახელმწიფო საბჭო არსებობს დღესაც მხოლოდ იმ განსხვავებით, რომ დღევანდელი საბჭოს წევრებს ნიშნავს თვით მეფე. ბულიგინის პროექტით ეს საბჭო რჩება ახალი საბჭოს გვერდით; მაგრამ არსებულ საბჭოს უპირატესობა ექნება იმ საბჭოსთან, რომელშიაც ხალხის წარმომადგენლები

შველენ. დღეს სახელმწიფო საბჭოს რუსეთში არავითარი მნიშვნელობა და ძალა არა აქვს, რადგანაც ყოველივე მეფის სურვილზე ჰკიდია ანდა აღმინისტრაციის თვითნებობაზე, და ეს ასეც უნდა იყოს, ვინაიდან საბჭოს წევრებს თვით მეფე ნიშნავს და არა ხალხი ირჩევს. თუ ბულივინის პროექტი განხორციელდა, დღევანდელ სახელმწიფო საბჭოს ზედა პალატის როლი მიენიჭება, მაშასადამე, ქვედა პალატის როლს ახლათ განზრახული საბჭო შეასრულებს.

რამი უნდა გამოიხატოს ეს როლი, რა უფლება და ძალა უნდა დაუბრუნდეს ამ ქვედა პალატას საქვეყნო საქმეების მართვა-გამგეობაში, ახალი კანონების გამოცემაში და ძველი, დრო გადასული კანონების გაუქმებაში, ესეც აღვილი წარმოსადგენია. ჯერ ერთი ისა, რომ სახელმწიფო საბჭო, ქვედა პალატის სახით, სათათბირო ორგანოა, რომელსაც ნება ექნება განიხილოს ესა თუ ის საკანონმდებლო აქტი, სახელმწიფო ხარჯთაღრიცხვა, შეეკითხოს მინისტრებს ამა თუ იმ ზომების შესახებ, აღძრას კითხვა ამა თუ იმ კანონის გამოცემის ან გაუქმების შესახებ—მორჩა და გათავდა: მას არაფერში გადაწყვეტი ხმა არ ექნება. ითათბირებს და შემდეგ, როგორც ენებება ზედა პალატას, ე. ი. მეფის მიერ დანიშნული წევრებისაგან შემდგარ სახელმწიფო საბჭოს, საქმე ისე გადაწყდება.

ამნიართ ახლათ განზრახული სახელმწიფო საბჭო არ არის კანონმდებელი, იგი ვერ განახორციელებს ჩვენში წარმომადგენლობითი მართვა-გამგეობას: მის წინაშე არავინ არ იქნება პასუხისმგებელი. აშკარაა, რომ ამ სახით ხალხის წარმომადგენლების არჩევას, თუნდაც რომ აქ მარტო მიწათმფლობელები და ქალაქის ბურჟუაზია ვიგულისხმოთ, არავითარი მნიშვნელობა არა აქვს. რაღა საკიროა იმდენი დავიდარება, ამოდენი ყოყმანი! ან ხალხის წარმომადგენლებს მიენიჭოს ის უფლებები, რომლებიც მათ ცხოვრებამ არგუნა, ან ისინი სრულებით არ უნდა იქნენ მოწყველი. მაგრამ ხალხის წარმომადგენლების მოწვევა და იმათი კრება ეს აუცილებელი საქმეა.

ასე იქნება თუ ისე, ახლო მომავალში რუსეთის ხალხის წარმომადგენლები უთუოდ შეიკრიბებიან. აქედან კი თავის თავად იგულღისხმება, თუ რა უფლებით უნდა იქნას აღჭურვილი ხალხის წარმომადგენელთა კრება. ეს კრება აუცილებლათ უნდა გადაიქცეს დამფუძნებელ კრებათ. სხვა გზა მას არ აქვს. /

უკანასკნელი ამბების გამო.

ადამიანი სულ ბრმა უნდა იყოს, რომ ვერ შეამჩნიოს ის, რაც ღღეს ზეენს გარშემო ხდება. ძველმა საზოგადოებრივმა ცხოვრებამ უკვე მოკვამა თავისი დრო, მაგრამ იგი ვერ შერიგებია იმ უბრალო და მარტივ აზრს, რომ რაც დროს გადასულია და სინამდვილეს აღარ შეესაბამება, იგი სამუდამოთ უნდა მოისპოს და პირისაგან ქვეყნისა აღიგაოს.

აშკარაა, რომ ეს გარემოება იწვევს მეტად სასტიკ და მეტად საშიშარ ბრძოლას. ასეთი ბრძოლა წუთიერი მოვლენა როდია, იგი ხშირად გრძელდება არა თუ წლობით, არამედ—საუკუნოებითაც. მისი ისტორია ნოწმობს, რომ ხან სუსტდება და ხან ძლიერდება და საშიშარი ხდება. ეს არის მაშინ, როცა უკანასკნელი, გადამწყვეტი შეტაკების დრო ღდება. ასეთი დრო მეტად საშიშარი და თავზარდამცემია, ეს არის შინაური, სამოქალაქო ომის დრო, როცა საზოგადოების ერთი ნაწილი, ანუ დაჩაგრული კლასი, ებრძვის თავის მდგომარეობის გასაუმჯობესებლათ, ადამიანურ უფლებების მოსაპოვებლათ, საზოგადოების მეორე ნაწილს, ანუ გაბატონებულ კლასებს.

ვიმეორებთ, რომ ასეთი შინაური ბრძოლა შედარებით დიდი ხნის განმავლობაში გრძელდება, მხოლოდ, როცა გამწვავდება, როცა არსებულ წეს-წყობილების პირობები ყოვლად აუტანელი ხდება საზოგადოების უდიდესი ნაწილისათვის, მაშინ იწყება აშკარა შეტაკება, რაც დრო გადასული წესწყობილების სრული დამარცხებით თავდება. ამას რევოლიუცია ჰქვია. ეს არ ხდება უმსხვერპლოთ, სისხლის დაუღვრელათ, უტანჯველათ; რას იზამთ, ღღემდის ასე მიმდინარეობს. კაცობრიობის ისტორიული და საზოგადოებრივი ცხოვრება.

მაგრამ რამდენათ საშიშარი და საზარელია რევოლიუციის ხანა, იმდენათ: იგი დიდებული და აღმაფართოვანებელია. თუ, ერთი მხრით, ამ დიდებულ და სანატრელ დროს ჩვენ ვხედავთ ფლიდობის და სიმდაბლის ყოვლად საზოგადო მავალითებს, მეორე მხრით, ჩვენ თვალწინ გვიღება უმაღლესი გმირების სათაყვანებელი მავალითები. მხოლოდ ასეთ დროს იჩენს საზოგადოება, თუ რაოდენი ცხოველმყოფელი და ბრწყინვალე ძა-

ლები ინახება მასში რევოლუციონურ დროს. მეორე უმთავრეს დამახასიათებელ თვისებას შეადგენს ის გარემოება, რომ მაშინ თითქმის ყოველ ფეხის ნაბიჯზე ჩვენ ვხედავთ არსებული კანონების ფაქტიურ გაუქმებას და ხალხის გახშირებულ აჯანყებას მთავრობის წინააღმდეგ. ამას ზედერთვის საერთო მოუსვენრობა, შფოთი და აღელვება; ყოველივე ეს მეტად აჩქარებით და შეუჩერებლათ ხდება, სანამ არსებული წეს-წყობილება ძირიან-ფესვიანათ არ დაინგრევა და მის ადგილს ახალი არ დაიკვრს.

ასეთ პირობებში ვცხოვრობთ დღეს ჩვენ. ცხოვრება დღით-დღე, საათობით და წამობით, მწვავედება და აუტანელი ხდება. ერთ უბედურებას მეორე უბედურება მოსდევს და ამას დასასტუელი არ უჩანს. საზოგადოებას ჰგონია, რომ ახლათ მოვლენილი უბედურება უკანასკნელია, რომ ახალ უბედურებას იგი ვეღარ გაუქლებს, მაგრამ სჩანს, რომ ხალხის გაქირვების ფიალა ჯერ კიდევ არ გავსებულია, სჩანს, რომ მას ჯერ კიდევ შეძლება გაქირვების და ტანჯვის ატანა. და მართლაც, რას ვხედავთ ჩვენ ამ უკანასკნელ დროს? გაქირვებას გაქირვება ემატება, განსაცდელს განსაცდელი. გაძლიერებული დაცვა იცვლება. საშხედრო წესების შემოღებით, თითქო პირველი საქმარისი არ იყოს თავისი სიმკაცრით და სისასტიკით. მაგრამ გაქრა ის დრო, როცა ასეთი ზომებით შესაძლებელი იყო ხალხის დაშვილება. დღეს კი მთელი ჯოჯოხეთის ძალებსაც კი აღარ ძალუძთ მოძრაობის ჩაქრობა და ხალხის დამშვილება.

მიმოიხედეთ გარშემო, გადაავლეთ თვალი რუსეთის უზარმაზარ სიჭრტეს: ჩრდილოეთიდან სამხრეთამდე, დასავლეთიდან აღმოსავლეთამდე — ყოველგან მოძრაობა, ყოველგან მღელვარება, შეტაკება, სისხლის ღვრა!

მთელი რუსეთის მწრომელი ხალხის საუკუნოების განმავლობაში მონობის რკინის ჯაქვით შებოროტილი, ტარჯული და გვემული, გაყვლეფილი და გაძარცული, ქალაქის და სოფლის პროლეტარიატი, დაიძრა და თავის მტარჯველებს და მძარცველებს აშკარათ, იარაღით ხელში, პასუხს სთხოვს. განა შეიძლება მილიონ ხალხის გაჩუმება, მისი მოძრაობის შეჩერება? აშკარაა, რომ ეს შეუძლებელია. აშკარაა, რომ ჩვენშიაც უნდა მოხდეს ის, რაც სხვა ქვეყნებში მოხდა. და ად. დადგა წამი; როცა ეს დიდებული საქმე უნდა შესრულდეს, როცა სამტუდამოთ უნდა მოისპოს ჩვენში ბატონ-ყბური მონობის უკანასკნელი ნაშთი, დამყარდეს სრული თავისუფლება. ნუ გგონიათ, რომ სრული დემოკრატიული თავისუფლების მოსარჩლე ჩვენში იყოს სხვა ვინმე, გარდა პროლეტარია:

ტასა. მხოლოდ იგი იბრძვის ნამდვილი თავისუფლების განსახორციელებლათ. ის ნახევრათ ლიბერალურ-დემოკრატიულ-ბურჟუაზიული ჯგუფები, რომლებიც დღეს ხალხის სახელით პოლიტიკურ რეფორმებს და ხალხის წარმომადგენლობის მოწვევას თხოულობენ, ბოლოს და ბოლოს უფრო ლალატობენ ხალხის თავისუფლების საქმეს, ვიდრე მას ემსახურებიან. ისინი ყოველ წამს მზათ არიან ზავი შეჰქრან მშრომელი ხალხის მტერთან, ოღონდ კი მათი კერძო ინტერესები დაკმაყოფილებული იქნეს. როდის იყო, რომ ისინი ხალხს ქომავობდენ, როდის იყო, რომ ისინი მუშა ხალხის ინტერესებს იცავდენ, რომ დღეს ქეშმარიტებათ მივიღოთ მათი მალალ-ფარდოვანი სიტყვები. საქმე სიტყვებში კი არ არის, არამედ — მოქმედებაში.

ჩვენ ვიცით, როგორ მოქმედებენ ბურჟუა-ლიბერალები. დიდი ხანი არ არის, რაც აშკარათ დაუმტკიცეს ქვეყნიერებას, რომ იმათ დემოკრატიულ მოთხოვნებში ნამდვილ დემოკრატიზმს ადგილი არა აქვს!

მხოლოდ მუშათა პარტია იბრძვის ნამდვილი დემოკრატიულ რეფორმების განსახორციელებლათ და შესძლებს კიდევაც იმათ განხორციელებას. იგი იბრძვის ქეშმარიტების და სამართლიანობის დასამყარებლათ, და ამიტომ ამაოა მის წინააღმდეგ ზომების მიღება. ადრე იქნება თუ გვიან, იგი უეჭველათ დასძლევს ბნელ ძალებს და გამოვა გამარჯვებული. ამიტომ მას არ აღონებს, სასოწარკვეთილებაში არ ავდებს მის წინააღმდეგ მიმართული ბნელი, სასტიკი და ველური ძალები...

(ქურნალი „მოგზაური“ 1908 წ.

3 ივლისი № 24).

ალ. წულუკიძის საფლავთან.

14 ივლისს შესრულდება ორმოცი დღე ალ. წულუკიძის გარდაცვალების შემდეგ. უკვე ორმოცი დღე გადის მას შემდეგ, რაც სიცოცხლეს გამოესალმა დაუღალავი და თავგანწირული მებრძოლი ხალხის თავისუფლებისათვის. სიკვდილმა გამოგველიჯა ხელიდან ეს საუკეთესო ამხანაგი იმ დროს, როცა მისი გავლენიანი და ნიჭიერი სიტყვა და მოქმედება მეტად საჭირო იყო. ნუ დაივიწყებთ, რომ ალექსანდრეს უღმობელმა სიკვდილმა მოუსწრო იმ დროს, როცა იგი თავის მოღვაწეობას იწყებდა, მას არ დასცალდა სანახევროდ განებორციელებია ცხოვრებაში ის, რის იმედს მისი ძლიერი ნიჭი და ფართო განვითარება გვაძლევდა!

მაგრამ მიუხედავად იმისა, რომ ალ. წულუკიძის მოღვაწეობა უღრვოთ შეწყდა, მიუხედავად იმისა, რომ ამ მოკლე ხნის განმავლობაშიაც მას მრავალი დაბრკოლება ელოდებოდა წინ, როგორც, მაგ., დღევანდელი ცხოვრების დუხჭირი და აუტანელი პირობები და მძიმე ავადმყოფობა, რომელსაც რამდენიმე წლის განმავლობაში ებრძოდა განსვენებული, მიუხედავად ყველა ამისა, ალ. წულუკიძემ მაინც შესამჩნევი კვალი დატოვა ჩვენს საზოგადოებრივ ცხოვრებაში. ვერც გარეგანმა დაბრკოლებამ, ვერც სასტიკმა დევნამ და ძლიერთა მუქარამ და ვერც დაუნდობელმა სენმა მას იარაღი ვერ გააგდებინეს ხელიდან. იგი უკანასკნელ ამოსუნთქვამდე შეუტყვევლად ებრძოდა გაბატონებულ კლასებს, როგორც მუშა ხალხის ერთი საუკეთესო ბელადთაგანი; მან პატიოსნად და პირნათლად შეასრულა თავისი მოვალეობა და ნამდვილი ქვეშაირი მოქალაქის ვალი. მისი გასვენება, მისი ცხედარის გარშემო კავკასიის თითქმის ყველაკუთხიდან შეკრებული აუარებელი მუშა ხალხი, რამდენიმე ენაზე წარმოთქმული სიტყვები, ყოველივე ეს აშკარად მოწმობს, თუ ვინ იყო, რას აკეთებდა და ვის ემსახურებოდა ალ. წულუკიძე.

მან უარყო ბრწყინვალე წოდება, უარყო ფუფუნებაში ცხოვრება და შეუერთდა დამცირებულს, მიწასთან გასწორებულ დაბალ წოდებას, — სოფლის და ქალაქის პროლეტარიატს, შეიქნა მისი მოსარჩლე, მისი

თვითცნობიერების გამამტკიცებელი. მან მოგვცა საუკეთესო მაგალითი თავგანწირული მუშაობისა მშრომელი ხალხის სასარგებლოთ.

დღე, მისი მაგალითი გახდეს მისაბაძი ყველა იმათთვის, ვინც მასთან ერთად ემსახურებოდა ღიდებულ საქმეს; დღე, მისი წმიდა საფლავი იყოს იმის ნიშანი, რომ ხალხისთვის თავდადებული და თავგანწირული მოღვაწის სახელი არასოდეს არ მოკვდება!

(ეურნალი „მოგზაური“ 1905 წ.
11 ივლისი, № 25).

აგრარული კითხვის გეგმა.

ჩვენ არა ერთხელ გეითქვამს, რომ აგრარული საკითხი იმგვარი საკითხთაგანია, რომელიც დღეს ყველაზე უფრო გამწვავებულია. ჩენი გლეხ-კაცობა დიდი ხანია იტანდა ათასგვარ გაჭირვებას და შევიწროებას, დიდი ხანია იგი მოკლებული იყო ადამიანურ ცხოვრებას. არ იყო არავითარი კანონი, რომელსაც გლეხ-კაცის პიროვნების დაცვა შესძლებოდა; არ იყო არც ერთი დაწესებულება, რომელსაც მისი კეთილდღეობისათვის ზრუნვა ჰქონოდა დედალებული. გლეხობის დროებით დაბეჩავებას იმ გარემოებამაც შეუწყო ხელი, რომ თანამედროვე ცხოვრების პირობებმა პირველი ალაგი ქალაქს არგუნა და სოფელი კი შედარებით დაქვეითდა. როგორც მრეწველობის და აღებ-მიცემობის, ისე გონებრივი განვითარების ცენტრი ქალაქი შეიქნა. მაშინ, როცა ქალაქი თანდათან იზრდებოდა, როგორც ქონებრივად, ისე გონებრივად, სოფელი ისევ ძველ პირობებში რჩებოდა: იქ ისევ ძალაში იყო ბატონ-ყმობის დროიდან დარჩენილი წესები. რასაკვირველია, სოფლის მყუდრო ცხოვრება ირღვეოდა, თუმცა ძლიერ იშვიათად, რაიმე კერძო ამბოხებით, ე. ი. ერთი ან რამდენიმე გლეხის მემამულესთან შეტაკებით, მაგრამ ჩქარა ცხოვრება ისევ ძველ კალაპოტში ვარდებოდა. ამავე დროს გლეხ-კაცობის უმეტესი ნაწილის ნივთიერი მდგომარეობა სულ უფრო და უფრო უარესდებოდა და ეცემოდა. რაც დრო გადიოდა, გლეხობის უმრავლესობა სულ უფრო და უფრო ხდებოდა დამოკიდებული მემამულეებისაგან. სახნავ-სათესი მიწა, საბალახე, ტყე, წყალი, ურომლისოდ გლეხ-კაცს სიცოცხლე არ შეუძლია, მისთვის სულ უფრო და უფრო ძნელი მისაწვდომი ხდებოდა, ვინაიდან მემამულეები თანდათან უმატებდნენ და მალე სწევდნენ ლაღას, იჯარას და ყველა სხვა გადასახადსა და ბეგარას. ასე გვეგონებოდათ, რომ ამ მომატებას საზღვარი აღარ აქვს. სიმართლე მოითხოვს ვთქვათ, რომ ასეთი შევიწროება, ასეთი აღვირ-ახსნილი ექსპლოატაცია ყოველგან ერთნაირი როდი ყოფილა: ზოგან გლეხ-კაცობა უფრო მეტ გაჭირვებას იტანდა და ზოგან ნაკლებს, იმის მიხედვით, თუ როგორი იყო მისი გასაქირი; რამდენათაც მეტ საჭიროებას

გრძნობდა გლეხ-კაცობა კერძო მემამულეების მიწა-ადგილში, იმდენათ უჯრო სამძიმო ხდებოდა მისთვის მემამულეებთან საქმის დაქერა.

როგორც ზევით ვამბობდით, გლეხების მდგომარეობა მწვაედებოდა და ხსნა კი არსაიდან ჩანდა. დიდხანს იყო ეს ასე, ე. ი. მანამდის, სანამ ქალაქის მუშების ბრძოლამ კაპიტალისტების და მთელი თანამედროვე ბურჟუაზიული წესწყობილების წინააღმდეგ სოფელშიაც არ შეაშუქა, სანამ მუშების ღიდებული მოძრაობა გლეხებშიაც არ გადავიდა და ისინიც არ გამოაღვიძა. და აი, მიყრუებულ სოფლებში დაბეჩაებულ და გაჩანაგებულ გლეხებში დაიწყო მოძრაობა ყველა იმათ წინააღმდეგ, ვინც ღლემდის გლეხებს ავიწროებდა და ჩაგრავდა. დაწყებული ერთ კუთხეში ეს მოძრაობა, ჩქარა მოედვა მთელ მხარეს ამას არაეინ არ მოელოდა და ამიტომ რა გასაკვირველია, რომ ყველა გაბატონებული კლასებისათვის და იმათთვისაც, ვინც იმათ ინტერესებს იცავს, ეს მეტად საშიშარი შეიქნა. აშკარა იყო, რომ გლეხების წინააღმდეგ უსასტიკეს ზომებს მიიღებდნენ და არაფერს არ დაზოგავდნენ, ოღონდ კი მოძრაობა ჩაექროთ. და აი, გლეხებს გამოუცხადეს ომი, იმათ წინააღმდეგ. იხმარეს ყველა ზომები, რომლებიც დაცდილი ქონდათ, ე. ი. დატუქსვა, გამათრახება, დატყვევება, ციხე; ციმბირი და ბოლოს ეგზეკუცია. მაგრამ ყოველივე ეს ამაო შეიქნა, ამიტომ ეხლა სხვა ზომებს მიმართეს: იწყეს გლეხების დამშვიდება სხვადასხვაგვარი შეღავათის დაპირებით. დაუწყეს იმათ ლაპარაკი იმაზე, რომ მართალია ისინი გაკირებული არიან, მაგრამ ამისათვის მთავრობა მუდამ ზრუნავდა და ახლაც ზრუნავს, რომ საკურობა მხოლოდ იმათი დამშვიდება, რომ მან უფრო გულმოდგინეთ და უფრო ენერგიულათ მოკიდოს ხელი იმათი მდგომარეობის გაუმჯობესების საქმეს. მაგრამ გლეხებმა აღარც ეს დაიჯერეს. იმათი აზრით ღლეს მარტო სიტყვები აღარ კმარა, საკურობა საქმით გვაჩვენოთ, ნამდვილათ დაგვანახოთ, რაც ჩვენთვის გწადიათ, გვეყო რაც ამდენ ხანს ვითმინეთ, კმარა, რაც გამოგვივლიაო.

და მართლაც, გლეხების მოძრაობა არა თუ ცხრება, გლეხები არა თუ არ მშვიდდებიან, არამედ იმათი მოძრაობა უფრო ფართოვდება და იზრდება. მართალია, გლეხების ღლევანდელი მოძრაობა როდია წმინდა პროლეტარული ხასიათის მოძრაობა. გლეხების მოთხოვნების უმეტესი ნაწილი იმ ხასიათისაა, რომ ისინი პირდაპირ ეწინააღმდეგებიან პროლეტარიატის მისწრაფებას და იღვალს, ე. ი. კერძო საკუთრების მოსპობას; მხოლოდ კერძო საკუთრების მოსპობა შრომის ყოველგვარ ია-

რალზე, როგორც არის, მაგ., მიწა, ბოლოს მოუღებს შრომის ექსპლოატაციას, ე. ი. ადამიანის მიერ ადამიანის გაყვლივას, მაგრამ გლეხ-კაცობა საერთოდ ვერ დაადგება ამ გზას მანამ, სანამ დღევანდელი საზოგადოებრივ-ეკონომიური პირობები არსებობენ. საჭიროა ამ პირობების სრული გაუქმება, რომ გლეხებში დაიწყოს უფრო შეგნებული, წმინდაკლასობრივი ხასიათის მოძრაობა. გლეხ-კაცობა ფაქტიურად დღესაც სხვადასხვა ელემენტებისაგან შესდგება, რომლების ნივთიერი ინტერესები ერთმეორეს ეწინააღმდეგებიან, აშკარაა, რომ გლეხების უმრავლესობის საკითხი მთელი მშრომელი ხალხის საკითხია, და თუ დღეს იგი გამოკალკვებულია, ეს მხოლოდ იმიტომ, რომ გლეხები განსაკუთრებულ პირობებში ცხოვრობენ. ეს პირობები კი ისეთია, რომ ისინი ხელს უშლიან წმინდაპროლეტარულ მოძრაობის განვითარებას გლეხ-კაცობაში. გლეხ-კაცობა საუკუნოების განმავლობაში მიკრული იყო მიწას, იგი დიდი ხნის განვლილ მიწის კერძო საკუთრების პრინციპზე იყო და არის აღზრდილი, თუმცა იმათ უმრავლესობას წილათ ხვდა მხოლოდ ამ საკუთრების აზრდილი.

გლეხებში უნდა თანდათან გავრცელდეს ის აზრი, რომ სანამ მიწის კერძო საკუთრება იქნება, მანამ ვაჭირვებას და დაზავებას ბოლო არ მოეღება. რას უშველის დღეს გლეხს მიწის შეღავათიანი პირობებით აღება, რასაც მას პირდებიან, თუნდაც რომ მართლა შეუსრულონ ეს დაპირება? რას უშველის გლეხს დღევანდელი მისი მიწის მცირე საკუთრების გადიდება, როცა ყველაფრისათვის ფულია საჭირო, როცა მიწის სარგებლობა მხოლოდ იმას შეუძლია, ვისაც შეძლება ანუ ფული აქვს? აშკარაა, რომ ეს მხოლოდ მოტყუილებაა. შეიძლება გლეხ-კაცობის უმცირესმა ნაწილმა მართლა იქონიოს ასეთი იმედი. ეს იქნება მისი სრული შეუგნებლობის ნაყოფი და იგი ჩქარა დარწმუნდება, რომ სასტიკათ მოსტყუვდა.

გლეხებმა ამიერიდან აღარაფრის იმედი არ უნდა იქონიონ. იმათი ხსნა მხოლოდ იმათ მოქმედებაზეა დამოკიდებული; მუშების განთავისუფლება. დიდებული პეცნიერის სიტყვით, თვით მუშებისვე საქმეა და სხვისი არაფრისი. გლეხებიც ხომ იგივე მუშები არიან და ამიტომ იმათი განთავისუფლება მხოლოდ იმათი საქმეა და სხვისი არაფრისი.

რუსეთი.

რუსეთის დღევანდელი აზვირთებული ცხოვრება ორ მთავარ მოქმედებად დაიშლება: ბრძოლის ნაყოფია. ჩაგრული, უფლება ახლილი დიდი უმრავლესობა ებრძვის მჩაგვრელსა და ბრძოლის საშვალეებით აღკურვილ უმცირესობას. რუსეთის ხალხი და „ჩინოვნიკი რუსეთი“ ანუ რუსეთის ბიუროკრატია, აი ორი მოპირდაპირე. ბრძოლა ამ ორ ბანაკს შორის დღეს როდი დაწყებულა. ის კარგა ხანია ღვიოდა ხალხის გულში; დღეს კი მან ფრთა გაშალა, საოცრათ გაიზარდა და გაძლიერდა. რასაც წინა ხანებში წლები სჭიროდა, დღეს საათობით დრო აღარ უნდება და განმთავისუფლებელი მოძრაობაც მღვეის ნაბიჯით მიისწრაფის უკანასკნელი მიზნისაკენ.

თამამათ შეიძლება ითქვას, რომ თანამედროვე ხანა მოძრაობისა არის გადამწყვეტი ხანა. ყველასათვის თვალსაჩინოა, რომ რუსეთის ცხოვრების ძველ კალაპოტში ჩაყენება შეუძლებელია. ასეთი აზრი მხოლოდ უგუნური აღამიანის ოცნებაში თუ დაიბადება. ხალხმა აიღო თავისუფლების აღლო, გაითვალისწინა თავისი უნუგეშო მდგომარეობა, გაიგონამდვილი მიზეზი იმ აუტანელი გასაჭირის, რომელსაც წინათ „ღვთის რისხვას“ აწერდა, იცნო მტერ-მოყვარე და შეინძრა, გაიწია თავისუფლებისაკენ. და განა შეუძლია რაიმე ძალას ამ გოლიათის უკან დაწევა. ძველ კალაპოტში ჩაყენება?

როცნებონ ამ იმედით იმ გონება დაბნელებულებმა, რომელთათვისაც ცხოვრების უკან სწლა ხელსაყრელია, ჩვენ კი გადავვილიათ თვალი რუსეთის დღევანდელ ამბებს.

რასაკვირველია, უწინარეს ყოვლისა თქვენ ყურადღებას ამ მოძრაობის მოწინავე რაზმი, რუსეთის პროლეტარიატი, მიჰყარობს. რუსეთის მუშა—ეს დაუძინებელი და მასთან შეგნებული მტერი დღევანდელი ბიუროკრატის, ყოველგვარი საშვალეებით ებრძვის ექსპლოატატორების ძლიერებას, ებრძვის თავგამოდებით, გაბედულათ. განა არის საღმე ისეთი ქალაქი, სადაც მუშათა გფიცვა არ მომხდარიყოს, სადაც პოლიციასა და პროლეტარიატს შეტაკება არ მოსვლოდეს? განა არის რუსეთში ისეთი

სამრეწველო დაბა-ქალაქი, რომლის ქუჩებზედაც არეულობა არ მომხდარიყოს? გაფიცვა და ქუჩის დემონსტრაცია ჩვეულებრივი მოვლენა შეიქნა რუსეთის ცხოვრებაში და თავისი სიდიადით მთელი ქვეყნის ყურადღებას იპყრობს. გაიხსენეთ პეტერბურგის ქუჩები ცხრა იანვარს, ივანოვო-ვოზნენსკი, მოიგონეთ ლოდის და ვარშავის პროლეტარიატის მამაცი იერიში, იმათი ბარიკადები. გაიხსენეთ აგრეთვე შავისა და ბალტიის ზღვის მეზღვაურთა აჯანყება, ჯავშნიანი გემი „პოტიომკინი“ და „გიორგი“, დრავუნთა ესკადრონის ავსტრიაში გადასვლა და იქ იარაღის დაყრა.

ყველა ამგვარი ფაქტიდან ცხადათ სჩანს, რომ მეტბრძოლთა ერთი ბანაკი ინგრევა და ერთის დანგრევა ხომ მეორის გაძლიერებას ნიშნავს.

არც გარდამავალი ბიუროკრატიული სისტემა არის გულ-ხელ დაკრეფილი; ისიც უკანასკნელ ღონისძიებას ხმარობს, გონიერება კი სულ სხვაგვარ მოქმედებას მოითხოვდა. „ჩათრევას ჩაყოლა, სჯობიაო“ ნათქვამო და აქაც ხომ საქმე ჩათრევით გათავლებია; ვინ ვის ჩაითრევს, არავისთვის საიდუმლო აღარ არის.

გაძლიერებული დაცვის წესები თითქმის ყველა ქალაქებში და დაბებში შემოიღეს, ახლა კი მთელი მხარეები და ქალაქები სამხედრო წართვის წესზე არიან გამოცხადებულნი. ცენზურის სისასტიკეს საზღვარი აღარა აქვს. ცოტათ თუ ბევრათ გაბედული ვაზეთები ერთი მეორეზე იზურებიან. უთვალავი ეიხენ-საპყრობილეები დამნაშავეებით გაივსო, პოლიცია აურაცხელ იარაღს და ასაფერქებელ მასალას იკერს; პოულობენ მთელს ლაზორატორიებს, რომელშიაც ბოკბებსა და სხვა ასაფეთქებელ ყუმბარებს ამზადებენ. ფარულმა ლიტერატურამ თითქმის ნება დართულს გადააქარბა. სულ მოკლე ხანში რამდენიმე ნება დაურთველი სტამბა აღმოაჩინეს რუსეთის სხვადასხვა კუთხეებში.

პოლიცია დაიბნა და თუ კიდევ ახერხებენ ფარული საწყობების დაქერას—ეს იმიტომ, რომ უკანასკნელთა რიცხვი აღბათ ძალზე გამრავლდა. ყველა ზემო აღნიშნული ფაქტები ამტკიცებს, რომ მოძრაობამ შორს, ღრმათ გაიდგა ფესვები.

საშინლათ იმატა პოლიციელთა და ყაზახთა ქლეტამ. ტელეგრამები საესეა ამგვარი ამბებით და ჩვენი თვლითაც ხშირად ვხედავთ.

გლეხთა მოძრაობაც ღლითი-ღლე ძლიერდება: მაზრიდან მაზრაში გადადის, გუბერნიიდან გუბერნიაში. მსხვილ მემამულეთა აკლება-აწიოკება ხშირ მოვლენათ გადაიქცა. ზოგიერთ ალაგებში გლეხ-კაცობა სრულიად ჩამოშორდა ბიუროკრატის, ზურგი შეაქცია მის ყოველგვარ და-

წესებულებას და თავისი სახალხო საშუალებით გამოდის. გლეხთა მოძრაობის გაძლიერება იქიდანაც შეგვიძლია დავასკვნათ, რომ მან ყაზახთა უბნებშიაც იჩინა თავი. გაზეთებიდან ვტყობილობთ, რომ ყუბანისა და დონის ყაზახებში მოძრაობა დაწყებულია; ყაზახ რუსობა კი ყველაზე უფრო კონსერვატიული ნაწილია რუსეთის გლეხ-კაცობისა, ვინაიდან მატერიალურად სხვებზე უფრო უზრუნველყოფილია.

საქმის ნორმალური მიმდინარეობა თითქმის ყველა უწყებაში დარღვეულია. უმაღლესი, საშუალო და ზოგან დაბალი სასწავლებლები დახურულია, სასამართლოებს ხალხი შორდება. მიმოსვლა და საქონლის გადატან-გადმოტანა გაძნელდა. ქარხნები და ფაბრიკები იხურებიან და მრავალი მუშა ხელი უსაქმოდ რჩება. უკიდურესი სიღარიბის მიუხედავად გადასახადთა რაოდენობა მატულობს და კიდევ მეტს უკმაყოფილებას იწვევს.

აი, ასეთია დაახლოვებით რუსეთის დღევანდელი მდგომარეობა. ყოველივე ეს რომ ჩინეთში ან სხვაგან სადმე ხდებოდეს, ჩვენი გაზეთები სავსე იქნებოდა „ჩინეთის რევოლუციის“ ამბებით.

(ქურნალი „მოგზაური“ 1905 წ.

17 ივლისი № 26).

ზ ა ვ ი ს რ ა მ ო გ ლ ე ბ ა .

ამ დღეებში მიღებულმა დებეშებმა გვამცნო, რომ ქ. პორტსმუტში (ამერიკაშია) იაპონიის და რუსეთის რწმუნებულთ მორიგებაზე ხელი მოეწერათ. ჯერ დაწვრილებით არავინ იცის, თუ რა პირობებში მოხდა ეს მორიგება. ცოტა ხნის შემდეგ, ეკვი არ არის, ყოველივე ეს ისტორიის საგანი გახდება. დღეს კი ჩვენთვის საყურადღებო ის არის, რომ აშვირიდან მანჯურიის მიდამოებში შესწყდება უდანაშაულო ადამიანთა შეუწყნარებელი სისხლის ღვრა, რაც წელიწად-ნახევარზე მეტია, გრძელდება. რა თქმა უნდა, ეს ამბავი გასახარებელია: რამდენი ადამიანი დახსნილ იქნა სიკვდილისა და ავადმყოფობისაგან! რამდენ დედ-მამას გადაურჩა შვილი, რამდენი ცოლ-შვილი უდროვოთ არ დაქვრივდა და არ დაობლდა! რამდენი სიმდიდრე, მუშა ხალხის მიერ შექმნილი, გადარჩა დაუღუპავი და გაუფლანგავი! ვინ მოთელის რამდენი უბედურება, რამდენი ტანჯვა და მწუხარება აცილებულ იქნა ოთხი რწმუნებულის მიერ ზღლის მოწერიით.

და ნუ თუ ეს გასახარელი არ არის? მაგრამ წარმოიდგინეთ, რომ დღევანდელ სიხარულს რაღაცა აკლია; თუ დავუფიქრდებით, ადვილათ გავიგებთ, რა არის ამის მიზეზი. მართალია, ბევრი უბედურება და მწუხარება იქნა თავიდან აცილებული, ბევრი უდანაშაულო ადამიანი დახსნილ იქნა სიკვდილისაგან, მაგრამ რაც მოხდა, იმას რაღა ეშველება, ვინც სიცოცხლეს გამოესალმა და მანჯურიის მიდამოებში და შორეულ ზღვის უფსკლურში ჩატია თავისი ძვლები, ვინც დაობლდა და დაქვრივდა, ვინც ხელიდან მარჩენალი და იმედი გამოგლიჯეს, იმით ვინღა უშველის, იმით ვინღა ანუგეშებს? და აი, ჩვენ ვეკითხებით თავის თავს: თუ მოლაპარაკებით შეეძლოთ ყველა ამ უბედურების თავიდან აცდენა, სად იყვნენ აქამდის? წელიწად ნახევარი გრძელდებოდა იაპონიისა და რუსეთის შორის მოლაპარაკება, სანამ ომი დაიწყებოდა, მაგრამ საქმე მაინც სისხლის ღვრადის მიიყვანეს! შემდეგ წელიწადი და შვიდი თვის განმავლობაში სისხლის ღვრა არ შეწყვეტილა და ყოველ წუთში შესაძლებელი იყო მორიგების ჩამოგდება, მაგრამ იმაზე ყველა უარს ამბობდა. თით-

ეული დამარცხების შემდეგ რუსეთის თვითმპყრობელი ბიუროკრატია ახალი სისხლის ღვრისათვის ემზადებოდა ძლიერი და შეუპოვარი მტრის შურის საძიებლათ.

და აი, ჩვენ კიდევ ვეკითხებით თავს: სად იყვენ აქამდის? რატომ აქამდის არ ჩამოაგდეს მშვიდობიანობა? ნუ თუ ეს მშვიდობიანობა უნდა გვეყიდა ჩვენ ათი ათასობით და ასი ათასობით გაწყვეტილი და ჯანსაღი და იმდენივე დასახიჩრებული და ავადმყოფი მამულისშვილებით? ნუ თუ ამდენ ხანს იმითომ იცადეს, რომ სრულებით უნდოდათ ფლოტის განადგურება და ჯარის სახელის გატება? და აი, დღეს შეკრულია ზავი მაგრამ ვეკითხოთ: რა ფასით? და დაუჯდა რუსეთის ხალხს ეს ზავი? რუსეთმა დაკარგა რამდენიმე ასი ათასი საუკეთესო მამულისშვილი, — დალუპა ძლიერი ფლოტი და აუარებელი სიმიდირე! და ნაცვლად ამისა დაიმსახურა გაუნათლებელი, ველური და ბარბაროსული ქვეყნის სახელი. აი რა უღირს რუსეთს ეს ზავი? და განა ამისთვის ღირდა იმის დაწყება და იმის წაყვანა? მართლაც რომ არ ღირდა, მაგრამ ვის ენაღვლებოდა სხვისი სიცოცხლე ან სიკვდილი, სხვისი გასაქირი, სხვისი უბედურება? ყველაფერში განუკითხავი ბიუროკრატია მოქმედებდა თავისი სურვილით. მან დაატება რუსეთის ხალხს ენით გამოუთქმელი უბედურება.

დღეს იმი შეწყვეტილია, მანჯურიის მიდამოებში ჯერ კიდევ კარგა ხანს ხარბახნები აღარ დაიქეებენ, მაგრამ რაც გატყდა, იმის გამართლება ყოვლად შეუძლებელია. ზავის შეკვრით საქმე ჯერ არ არის გათავებული. რუსეთის ხალხმა დაუყოვნებლივ უნდა მოითხოვოს იმის გამოძიება, თუ ვისი წყალობით და რა მიზეზით დაატყდა მას თავზე ეს ამოდენა უბედურება.

ქურონალი „მოგზაური“ 1905 წ.
21 აგვისტო, № 31).

სახელმწიფო სათათბირო.

(6 აგვისტოს კანონი)

დიდი ხნის ლოდინის შემდეგ, 6 აგვისტოს, გამოაქვეყნეს დებულება სახელმწიფო სათათბიროს შესახებ. ამ ახალი კანონის გამოცემით რუსეთის სახელმწიფოს უმაღლეს მართვა-გამგეობას ემატება ერთი ახალი დაწესებულება, რომელიც ხალხის წარმომადგენლებისაგან იქნება შემდგარი. ხსენებული კანონის გამოაქვეყნებას თითქმის მთელი რუსეთი მოუთმენლად ელოდებოდა. საზოგადოება და სხვადასხვა პოლიტიკური პარტიები მასზე დიდ იმედებს ამყარებდნენ. თუ რეაქციონურ პრესას და გრინგმუნტების, მეჩერსკების და შარაპოვების მსგავს პატრიოტებს* არ მივიღებთ მხედველობაში, საზოგადოთ უნდა ვთქვათ, რომ მოწინავე პრესა და საზოგადოებრივი ჯგუფები ლიბერალური ბანაკისა ერთი ამბით ელოდებოდნენ ამ დებულების გამოაქვეყნებას. მეორე მხრით, მთელი რეაქციონური პრესა წყევა-კრულავით იხსენიებდა იმათ, ვისაც პირველათ აზრათ მოუვიდა რუსეთში ხალხის წარმომადგენლების მოწვევა სახელმწიფო კანონების შედგენაში მონაწილეობის მისაღებად. თუ როგორ გამართლდა ან გაცრუვდა ერთის ან მეორეს მოლოდინი და იმედები, ამას ჩვენ ქვევით დავინახავთ, ჯერ კი ცოტათი შევჩერდეთ იმაზე, თუ საზოგადოთ როგორ უნდა ვუყურებდეთ რაიმე ახალი კანონის გამოცემას და ან რას წარმომადგენს თვით კანონი. კანონი არსებულ საზოგადოებრივ ურთიერთობათა გამოხატულებაა. კანონის გამოცემა ან გაუქმება ყოვლად შეუძლებელია ვისიმე სურვილზე იყოს დამოკიდებული. კანონის საფუძველი წარმოების ნივთიერ პირობებში უნდა ვეძიოთ.

რასაკვირველია, ჩვენ აქ ვლახაკობთ ისეთ კანონებზე, რომელიც მხოლოდ ქალაქებში იქნება დაწერილი. ქალაქებში შეიძლება ბევრი რამე დაიწეროს, მაგრამ თუ საზოგადოებრივი ცხოვრების პირობებში მის საფუძველი არა აქვს, იგი მხოლოდ ქალაქებში დარჩება სამუდამოთ. ავიღოთ მაგალითი: ვთქვათ აღმოჩნდა ისეთი კეთილი და ბრძენი კანონმდებელი, რომელიც ბატონ-ყმობის დროს აკანონებს პოლიტიკურ თავისუფლებას, ე. ი. პიროვნების ხელუხლებლობას, ბეჭდვის, სიტყვის,

კრების, კავშირის და გაფიცვის თავისუფლებას. ასეთი კანონი ბატონ-ყმურ საზოგადოებაში, სადაც პატრიარქალურ-ნატურალური წარმოებაა გამეფებული, მხოლოდ ქალაქებში დარჩება. მეორე მხრით, წარმოედგინათ, რომ სადმე ცხოვრობს ისეთი უგუნური და უმეცარი კანონმდებელი, რომელიც კაპიტალისტურ საზოგადოებაში, სადაც, ერთის მხრით, არიან მდიდრები, ბურჟუა-კაპიტალისტები, წარმოების იარაღთა მესაკუთრენი, და, მეორე მხრით, გაყვლილები, ე. ი. მუშები, რომლებიც ქირაზე ყიდნიან თავიანთ სამუშაო ძალას, რომელიც, ვიმეორებ, ასეთ საზოგადოებაში სასტიკათ კრძალავს მუშების გაფიცვას, კრებებს და კავშირებს! დარწმუნებული უნდა იყოთ, რომ ეს კანონიც მარტო ქალაქებში დარჩება და ცხოვრებაში კი იქნება მუშების გაფიცვა, კრებებიც და კავშირებიც.

აქედან აშკარათ სჩანს კანონის მატერიალური საფუძველი. მაგრამ მატერიალური პირობები, ე. ი. წარმოების პირობები მულამ იცვლება, მაშასადამე, უნდა შეიცვალოს თვით კანონიც. ეს მართლაც ასე ხდება. მაგრამ ცხოვრებაში ეს იწვევს დიდ შეტაკებას, სისხლის ღვრას და ტანჯვას. ამა თუ იმ კანონის არსებობასთან მჭიდროთ შეკავშირებულია მთელი საზოგადოებრივი ჯგუფის, ხშირად მთელი კლასების ნივთიერი ინტერესები, რომლების დათმობა სისხლის დაუღვრელათ შეუძლებელია. ამიტომ ხშირად ხდება, რომ ამა თუ იმ კანონს მატერიალური საფუძველი თითქმის სრულებით გამოეცალა და საზოგადოებრივი ცხოვრების განვითარებამ სულ სხვა კანონს მოუშადა ნიადაგი. მაგრამ მიუხედავად ამისა ძველი კანონი მიინც განაგრძობს თავის არსებობას, მიუხედავად იმისა, რომ ცხოვრებაში მან დაკარგა ყოველგვარი მნიშვნელობა. აი ამაზე ამბობენ: le mort saisit le vif — მკვდარი იმორჩილებს ცოცხალს.

ძველ კანონს, ანუ უკეთ რომ ვთქვათ ძველ საზოგადოებრივ წესწყობილებას გამოეცალა შინაარსი, დარჩა მხოლოდ მისი გარეგანი მხარე, ფორმა; საწარმოო ძალთა განვითარებამ უკვე წარმოშვა და განავითარა ახალი შინაარსი, მოუშადა ნიადაგი და ჩაუყარა საფუძველი ახალ კანონს, ახალ საზოგადოებრივ წესწყობილებას; ძველი კანონი, რომელიც ერთ დროს საზოგადოებრივი ცხოვრების განვითარებით იყო გამოწვეული, ახლა აბრკოლებს და აფერხებს საზოგადოებრივი ცხოვრების თავისუფალ განვითარებას. ამიტომ აუცილებელი ხდება მისი სრულიად გაუქმება და თავიდან მოშორება.

როგორც ვთქვით, ეს აღვილი საქმე როდია. შეიძლება ზოგან ეს მშვიდობიანათ მოხდეს, მაგრამ უმეტეს შემთხვევაში ეს იწვევს სასტიკ ბრძოლას ძველი წეს-წყობილების დამცველთა და ახლის მოტრფილეთა შორის. რამდენათაც ძლიერი და საგრძნობელი იყო ძველი წეს-წყობილების არსებობა, რამდენათაც მას მაგრათ ჰქონდა ფესვები გადგმული ხალხის ცხოვრებაში; რამდენათაც ხანგრძლივი იყო მისი არსებობა, იმდენათ უფრო დიდი ბრძოლა და მეტი მსხვერპლია საჭირო მის აღმოსაფხვრელათ. ნ აგვისტოს კანონის განხილვის დროს ჩვენ არ უნდა გვავიწყლებოდეს ზევით ნათქვამი.

რაც უნდა თქვან რუსეთის ხალხის და საზოგადოთ სლავიანთა მთელი მოდემის ტომობრივ თვისებაზე, რომლებიც განსაკუთრებითი ხასიათისაა, თვითმპყრობელობის განვითარებისათვის მაინც აუცილებლათ საჭირო იყო განსაზღვრული ნივთიერი პირობები, ანუ საწარმოვო ძალთა განსაზღვრული მდგომარეობა, ე. ი. პატრიარქალურ—ნატურალური წარმოება. მართალია, თვითმპყრობელობის პრინციპი მაგრდებოდა იმ ხანებშიაც, როცა ნატურალურ წარმოებაში დარღვევის პროცესი დაიწყო და მის ალაგს თანდათან იქერდა კაპიტალისტური წარმოება, მაგრამ ეს აიხსნება, ერთი მხრით, იმით, რომ ნატურალური წარმოება მეტად ნელი ნაბიჯით ირღვეოდა და, მეორე მხრით, ასეთივე ნელი ნაბიჯით ეკიდებდა ფეხს კაპიტალისტური წარმოებაც.

თვითმპყრობელობის ხანა გამოვლილი აქვს თითქმის ევროპის ყველა სახელმწიფოებს, ვინაიდან იქაც წარმოიშვა ისეთი ნივთიერი პირობები, რომლებიც ხელს უწყობდენ მის განვითარებას. ეს იყო დრო შინაური კარჩაეტილობის, სოფლის ბატონობის, თავად-აზნაურების პარპაშობის და ძალმომრეობის, საწარმოვო ძალთა განუვითარებლობის, როცა ქალაქი საზოგადოებრივ ცხოვრებაში თითქმის არავითარ შესაშინვე როლს არა თამაშობდა, როცა მშრომელი ხალხის—გლეხ-კაცობის ქონებრივ სიღატაკესთან და დაბეჩავებასთან ერთად გამეფებული იყო სრული გონებრივი სიბნელე. მაგრამ, როგორ ზევითაც ვამბობდით, საზოგადოებრივი ცხოვრება არ იყინება, ნივთიერი წარმოების პირობები მუდამ იცვლებიან და მასთან ერთად იცვლება, რასაკვირველია, ყოველივე ის, რაც მისი შედეგია.

ჯერ კიდევ ნატურალური წარმოების დროს ფული თანდათან მეტ მნიშვნელობას იძენს. ფულის შეძენის საჭიროება იზრდება, ეს გარემოება იწვევს აღებ-მიცემობის ზრდას, და აი, ჩნდება ნიადაგი კაპიტალის-

ტური წარმოებისათვის. რუსეთის განვითარება საზოგადოთ ნელი ნაბიჯით მიდიოდა წინ. ის, რაც სხვაგან შედარებით ძლიერ მოკლე ხანში ხდებოდა, აქ იმისთვის საუკუნოები იყო საჭირო.

მეცხრამეტე საუკუნის დასაწყისიდან რუსეთის ბურჟუაზია თანდათან იკრებს ძალას და ისხამს ფრთებს. აქედან დაწყებული, რუსეთის აღებ-მიცემობა და მრეწველობა ნელ-ნელა და თანდათან არღვევს წინანდელ კარჩაკეტილობას, სამარეს უთხრის ბატონ-ყმურ ურთიერთობას, სპობს სოფლის იდილიურ ცხოვრებას და გულუბრყვილობას, თანდათან უკარგავს მნიშვნელობას და გამაველობას თავად-აზნაურობას, ძირს უთხრის ძველ წოდებას და სამოქმედო ასპარეზზე გამოდის, ერთი მხრით, ბურჟუაზია და, მეორე მხრით, ქლაქის პროლეტარიატი.

ამაირათ საზოგადოებრივი ცხოვრების შინაარსი, საზოგადოებრივი ურთიერთობა, ძირიან-ფესვიანათ იცვლება; მაგრამ ამავე დროს ძველი იურიდიული ნორმები, ბატონ-ყმობის დროიდან დარჩენილი და ნატურალური წარმოების ნიადაგზე აღმოცენებული, თვითმპყრობელობის სახელით, ისევ ძალაში რჩება. დღითი-დღე აშკარადება შინაარსის და გარეგანი კანის, იურიდიული ნორმების ყოველად შეუსაბამობა. ცხოვრება სულ უფრო და უფრო მეტის სიმკაცრით უპირდაპირებს ერთმანეთს ბურჟუაზიას და პროლეტარიატს, როგორც ერთი მეორეს მოწინააღმდეგე საზოგადოებრივ-კლასებს; ამ ნიადაგზე ხდება პროლეტარიატის გათვით-ცნობიერება, ე. ი. იმის შეგნება, რომ ბურჟუაზიის კეთილდღეობა, მდიდრების ბატონობა და გამაველობა მუშა ხალხის დაჩაგვრასა და დაბეჩავებაზე არის აშენებული. ამ ნიადაგზე ატეხილი აშკარა ბრძოლა აუცილებლად თხოულობს წინანდელ იურიდიულ ნორმების გაუქმებას, იმ ნორმების, რომლებიც შემუშავდა და განმტკიცდა იმ დროს, როცა ბატონ-ყმობა არსებობდა, როცა სრული კარჩაკეტილობა და ნატურალურ-ბატონობა წარმოება იყო.

პროლეტარიატს, რომელსაც ისტორიულმა განვითარებამ არგუნადღევანდელი ბურჟუაზიული წეს-წყობილების დამხობა და სოციალიზმის განხორციელება, არ ძალუქს შეასრულოს ეს დიდი დანიშნულება თუ მან თავდაპირველად არ დაარღვია ის იურიდიული ნორმები, რომლებიც სხვა ისტორიულ ხანას შეეფერებოდა და დღეს კი გზაზე ელობება საზოგადოებრივი ცხოვრების თავისუფალ განვითარებას.

მაშასადამე, აქედან- აშკარაა, რომ უწინარეს ყოვლისა ამ დროს გადასული იურიდიული ნორმების მოსპობა და სამუდამოთ გაუქმება აუცი-

ლებელ საქიროებას შეადგენს. ამასთანავე არავისთვის საიდუმლო აღარ არის, რომ ცხოვრებაში ეს ნორმები უკვე გაუქმებულია, რომ ის, რასაც ამ 20-30 წლის წინათ კიდევ სიცოცხლის ნიშან-წყალი შეჩვენებდა, დღეს უკვე მკვდარია; ე. ი. არსებული იურიდიული ნორმები, მთელი ჩვენი ძირითადი კანონმდებლობა სრულიად აღარ შეესაბამება ჩვენს დღევანდელ საზოგადოებრივ ცხოვრებას. ცხოვრებამ უკვე შეიმუშავა შესაფერი იურიდიული ნორმები, საქიროა მხოლოდ მისი საყოველთაოდ აღიარება. მაგრამ, როგორც ზევეთაც ვამბობდით, ეს ადვილი საქმე როდია. ისტორიული გამოცდილება გვეუბნება, რომ ეს ყოველთვის რევოლუციით თავდებოდა.

რაც უნდა განვითარებული იყოს საზოგადოებრივი ცხოვრება, საზოგადოებაში მაინც მოინახებიან ისეთი ჯგუფები, რომლებსათვის ძველი წეს-წყობილების არსებობა და მისი დაცვა მეტად ხელსაყრელი და გამოსადეგია. ეს ჯგუფები, რა თქმა უნდა, ყოველთვის გაბატონებული კლასების წარმომადგენლები არიან. ესენი თავგამოდებით იცავენ ძველ წეს-წყობილებას, ყოველგვარ საშვალებას ხმარობენ მისი არსებობის დასაცავად; მაგრამ საზოგადოებრივი ცხოვრების განვითარებაც ფიზიკური კანონების უღმრთელობით ხდება. ძველი წეს-წყობილების წარმომადგენელთ ანუ მის დამცველთ შეუძლიათ მხოლოდ სხვადასხვა გვარი დათმობით დროებით შეაჩერონ ეს ბუნებრივი პროცესი.

აი, ამ დათმობის ხასიათი აქვს აგვისტოს გამოცხადებულ კანონს ხალხის წარმომადგენლების სახელმწიფო სათათბიროში მოწვევის თაობაზე. ეს კანონი უცვლელად სტოვებს რუსეთის იმპერიის ძირითად კანონს თვითმპყრობელობის შესახებ, მაგრამ მიუხედავად ამისა იგი მიუწოდებს ხალხის წარმომადგენლებს სათათბიროდ კანონის შესამუშავებლად. ხალხის წარმომადგენლების არჩევა აგვისტოს კანონით არ ხდება საყოველთაო, თანასწორი და პირდაპირი ხმის უფლებით, როგორც ეს სხვადასხვა მოთხოვნებიდან იყო გამოცხადებული, არამედ იგი სწარმოებს ორ-კეცი და სამ-კეცი (ზოგიერთ, შემთხვევაში თითქმის ოთხ-კეცი) არჩევნებით და გარდა ამისა, უფლება ეძლევა მხოლოდ ქალაქის და სოფლის შეძლებულ ხალხს. მშრომელი ხალხი, განსაკუთრებით კი ქალაქის პროლეტარიატი არჩევნებში ვერავითარ მონაწილეობას ვერ მიიღებს. მხოლოდ გლეხკაცობისათვის არ არის ქონებრივი ცენზი დაწესებული, მაგრამ იმთ წარმომადგენლების არჩევნება (სამ-კეცი და ოთხ-კეცი) ისეთ პირობებშია ჩაყენებული, რომ ეს ცენზზე უარესია. თუ ამასთანავე მხედველო-

ბაში მივიღებთ იმ გარემოებას, რომ ამ წესით არჩეულ პირებსაც მხოლოდ რჩევის მიცემა შეუძლიათ, რომ მათი აზრი არავისთვის სავალდებულო არ არის, რომ მინისტრები და მთავარ გამგებელნი, როგორც სურთ, ისეთ მიმართულებას მისცემენ საქმეს, რომ ეს პირები ხალხის მიერ არჩეულ დეპუტატების წინაშე არავითარ პასუხს არ აგებენ, — მაშინ ჩვენ ადვილად წარმოვიდგენთ, თუ რა ხასიათისაა ეს ახალი კანონი.

გარდა ამისა აღნიშვნის ღირსია ის გარემოებაც, რომ პიროვნების ხელუხლებლობა, ბეკდვის, სიტყვის, კრების და კავშირების თავისუფლება ამ ახალი კანონის გამოკვეყნების შემდეგაც იმავე პირობებში დარჩა, როგორც აქამდის იყო. ცხოვრებამ კი, როგორც ვიცით, დიდი ხანია უარყო ყოველივე ეს და უწინარეს ყოვლისა ყველა ამ თავისუფლებათა განხორციელება იქნა დასახული.

აქედან ჩვენ ის დასკვნა უნდა გამოვიყვანოთ, რომ ნ აგვისტოს კანონი დღევანდელს საზოგადოებრივ ურთიერთობათა სინამდვილეს სავსებით ვერ ხატავს და მოითხოვს შეცვლას და განვითარებას, როგორც კანონივე აცხადებს.

ერთად ერთი მნიშვნელობა, ნ აგვისტოს კანონისა აი რაში გამოიხატება: მარტო ის ამბაეი, რომ ხალხის წარმომადგენლები შეიკრიბებიან სახელმწიფო საქმეებზე სჯა-ბაასისათვის იმას მოასწაეებს, რომ ბილროკრატია სამუდამოთ გატყდა, რომ მას სიკვდილისაგან ვერავითარი ძალა ვეღარ დაიხსნის, რომ, რაც დროს გაივლის, ეს გატეხა სულ უფრო და უფრო საგრძნობელი შეიქნება.

ამაში ვხედავთ ჩვენ ნ აგვისტოს კანონის მნიშვნელობას და არა იმაში, რომ იმის გამოცემით ხალხს, განსაკუთრებით მშრომელ ხალხს, რაიმე ენიჭებოდეს.

ისტორიული მასტრაპეუსები.

ერთ დროს დაუბოლოვებელი კამათი იყო გამართული იმის გამოსარკვევად, თუ რა როლს თამაშობდა, ან რა გავლენას ახდენდა პიროვნება ისტორიაში. ამ კითხვასთან შეკავშირებული იყო გმირის და ბრბოს ურთიერთშორის დამოკიდებულება.

ამტკიცებდნენ, რომ ყველაფერი დამოკიდებულია კერძო პიროვნების მოქმედებაზე: რომ არიან ისეთი დიდბუნებოვანი ადამიანები, რომლებიც, საითაც უნდათ; იქითკენ მიმართავენ ბრბოს, რაც იმათ სურთ, იმას გააკეთებინებენ მას. ამიტომ ყველაფერი, თვით კაცობრიობის პროგრესი, წინსვლა, დამოკიდებულია ასეთ პირების ნებაყოფლობაზე და სურვილზე. იყვენ ისეთი სოციოლოგ-ისტორიკოსები, რომლებიც ამტკიცებდნენ, რომ მთელი ისტორია, კაცობრიობის მთელი წარსული ცხოვრება, აიხსნება მხოლოდ ამ დიდბუნებოვან ადამიანების მოქმედებით, მათი იდეალებით. ასეთი წარმოდგენა ქონდათ ისტორიაზე მაშინ, როცა კაცობრიობის ისტორია ჯერ კიდევ ყველასთვის უცნობი ქვეყანა იყო, როცა ისტორიას ილოვანისკის მსგავს სახელმძღვანელოებიდან სწავლობდნენ, ამგვარ სახელმძღვანელოების წყალობით ხალხის ისტორია, ეს მხოლოდ მეფეების, სარდლების და ომების ისტორია იყო. და აი, აქ თქვენ წინ წარმოგიდგებოდნენ ქსერქსები, კიროსები, კეისრები, კარლოსები, ნაპოლეონები, ირაკლიები და tutti quanti. თქვენ ხედავთ, რომ ესენი წყვეტდნენ და განაგებდნენ ხალხის ბედს, იმათგან გამოდიოდა კანონი, იმათ ნებაზე იყო ხალხის ამოქლეტა, იმათ ხელში იყო უთვალავი ხალხის სიკვდილ-სიცოცხლე, იმათგან იყო დამოკიდებული ხალხის აწმყო და მომავალი ცხოვრება. აი ასეთი წარმოდგენა იყო გავრცელებული ხალხის წარსულ ცხოვრებაზე. თანახმად ასეთი შეხედულებისა, ყველა ეს ქსერქსები, ნაპოლეონები თუ კრომველები, თუმც მეტად სასტიკი და შეუბრალებილი იყვენ, მაგრამ ისინი მაინც უბრალო მომაკვდავზე მალა იდგნენ, იმათ თითქმის პატარა ღმერთებად თვლიდნენ. ერთი სიტყვით, ისინი ხალხის თვალში ნამდვილი კერპები იყვენ.

დიდი ხანი არაა მას აქეთ, რაც ასეთი შეხედულება ბატონობდა. მაგრამ ისტორიული ცხოვრების ღრმა შესწავლამ უარყო ასეთი შემცდარი შეხედულება ისტორიაზე, ყველა კერპები ძირს დაანარცხა. ისტორია არ არის ერთი და ორი პირის ნამოქმედარი, თუნდაც ეს პირები დიდბუნებოვანიც იყვენ. კაცობრიობის ისტორია ექვემდებარება თავის საკუთარ კანონებს. კერძო პირები, რაც უნდა დიდბუნებოვანი იყვენ, ისინი ვერასოდეს ვერ შეცვლიან ამ კანონების მოქმედებას. პირიქით, თვით ეს პირები ისტორიული განვითარების მიერ არიან წარმოშობილი და იმათ თვით საზოგადოებრივი პირობები უმზადებენ ნიადაგს მოქმედებისათვის. და აი, როცა ნიადაგი მომზადებულია, როცა საზოგადოებრივი პირობები იმდენათ მომწიფებულია, რომ მაშინ საჭიროა ხდება ამა თუ იმ მოთხოვნის დაკმაყოფილება, ამა თუ იმ კანონის გამოცემა, ამა თუ იმ ზომის მიღება, მაშინ საზოგადო ასპარეზზე ჩნდება ესა თუ ის პირი, როგორც საზოგადოების, ანუ ხალხის სურვილის, მისი საჭიროების აღმასრულებელი, ანუ გამომხატველი. ასეთი პირი აუცილებლად უნდა გამოჩნდეს, სულ ერთია პეტრე ერქვა მას თუ ივანე, ნაპოლეონი თუ კეისარი. მაგრამ გარეგნობით ეს სულ სხვა სახესღებულობს. ჯერ ერთი ისა, რომ თვით ხალხი მეტად გამოუთქმელი მოწიწებით და მორიდებით ექცევა ასეთ პირებს და მეორეც ისა, რომ ამ პირებს, სხვანაირი წარმოდგენა ებადება თავის თავზე. იმათი აზრით ისინი უბრალო მომავლადეები კი არ არიან, იმათ წინაშე ყველა მუხლს უნდა იდრეკდეს; იმათთან შედარებით ყველა დაბალი და უღირსია. ხალხში ვრცელდება ისეთი აზრი, რომ იმათ ბრძანებას წინ ვერაფერს გადაუდგება; რომ იმათ სიკვდილ-სიცოცხლის უფლება უპყრიათ ხელში. ამნაირად ისინი ხლებიან პატარა მიწიერ ღმერთებად, ახუ კერპებათ და ჩემულობენ ისეთ როლს, აწერენ თავის თავს ისეთ თვისებებს, რომლებიც მათ არა აქვთ.

ასეთი წარმოდგენა დიდხანს იყო გავრცელებული საზოგადოებაში და შემდეგ იგი ლიტერატურაშიაც ბატონობდა. მაგრამ როგორც ზევით შევნიშნეთ, ასეთი შეხედულება სამუდამოთ შეირყა. დღემდის პატარა ღმერთებად მიჩნეული პირების, ე. ი. კეისრების, კარლოსების, ნაპოლეონების და სხვების ცხოვრება ვერაფერს ნათელს ვერ მოჰფენს. კაცობრიობის ისტორიას, მაგრამ, პირიქით, თვით კაცობრიობის ისტორიის შესწავლა კი ნათელს ფენს ამათ მოქმედებას. და აი, აქ ჩვენ წინ გადაგვეშლება ისტორიულ მატრაკეცათა მოქმედება. ისინი, ვინც მართლა ქმნიდა ისტორიას, ე. ი. ხალხი, უკან დგანან, ხმას არ იღებენ და ისინი

ნი კი, ვინც მხოლოდ ხალხის სურვილს ასრულებდა, მას ასე თუ ისე აკმაყოფილებდა, პირველ წყებაზე არიან გამოქვიშული და სხვის ნამოქმედარს თვითონ ითვისებენ. მაგრამ ასეთი მატრაკვეცები დღესაც მრავალია.

საზოგადოების რა სფეროშიაც არ გაიხედავთ, ყოველგან შეხედვებით მატრაკვეცებს. მართალია, კეისრებს, კრომველებს და ნაპოლეონებს აქ თქვენ ვერ აღმოაჩენთ, რადგანაც ამათი დრო უკვე სამულდამოთ წავიდა; ახლანდელ მატრაკვეცებს ისეთი ფართო ასპარეზი როდი აქვთ სამოქმედოთ, როგორც წინა დროების მატრაკვეცებს; გარდა ამისა, იმათი დიდ-ბუნევენებაც აღარავის სწამს. სამაგიეროთ მატრაკვეცების რიცხვი დღეს შედარებით ძლიერ დიდია. სადაც გამავლობა არ აქვთ, იქ ისინი ძალით მოქმედებენ, სადაც ძალა არ შეწყვეთ, იქ კი სხვანაირ საშვალელებას ხმარობენ. ყველა მატრაკვეცას მიზანი ის არის, რომ თავის სისარგებლოთ ხალხზე გავლენა მოიპოვოს, და აი ამისათვის იგი უპირველესად ყოვლისა იძენს ისეთ იარაღს ანუ პოულობს ისეთ საშვალელებას, რომელსაც ხალხის თვალში ყველაზე უფრო დიდი ფასი აქვს. ასეთ საშვალელებათ ანუ იარაღათ ჩვენს დროში უეჭველად სწავლის მიღება ითვლება, და, უეჭველია, როცა დიპლომი გაქვს მიღებული კიდევ უფრო დიდი ფასი ემატება თუ იგი საზღვარგარეთ გაქვს მიღებული. მოგახსენებთ, საზღვარგარეთს როგორი პატივი აქვს ჩვენი ხალხის თვალში. თუ იქაური დიპლომიც გაქვს, მაშინ შენ სწავლასაც მეტი ფასი აქვს, მაშინ შენც მეტ პატივს დაიმსახურებ. მე არ ვამბობ იმ ბედნიერ შემთხვევაზე, როცა შენ რაიმე სამეცნიერო ხარისხი, თუნდ, მაგ. დოქტორობის ხარისხი გაქვს მიღებული რომელიმე საკითხზე დისერტაციის დაწერისათვის, მაშინ ხომ შენ გზა ხსნილი გაქვს, მაშინ შენთვის ყოველგან კარი დიაა, იმას ვინ კითხულობს, თუ რა ჰყარია შენს თავში, ან რა ღირსებისაა შენი სწავლა. შენ მხოლოდ ისლა გესმის, რომ ყოველივე მხრიდან სალამს გაძლევენ და გიწოდებენ.

მაგრამ თანამედროვე მატრაკვეცებისათვის აუცილებლათ საქირაო კიდევ ერთი რამ, სახელდობრ ის, რომ იგი გარეგნობით მაინც აღიარებდეს დემოკრატიულ მიმართულებას, იგი თავის თავს უნდა სახავდეს ტვირთმძიმეთა და მაშვრალთა მოსარჩლეთ. და აი, თანამედროვე მატრაკვეცი, ყველა ამით შეიარაღებული, გამოდის საზოგადო ასპარეზზე სამოქმედოთ. იგი ერევა საზოგადო საქმეებში საკუთარი ხელის მოსათბობათ, იგი მიდის ხალხში არა შეგნების შესატანად, არამედ ამ შეგნების გასაქრობათ. იგი ხმამაღლა გაიძახის შრომელი ხალხის, მუშების კე-

თილ-დღეობაზე, მაგრამ მას თვინიერ საკუთარი კეთილ-დღეობისა, თვინიერ თავისი კერძო ინტერესებისა, სხვა არა სწამს რა. იგი გამოდის საშწერლო ასპარეზზე; აქაც იგი, რასაკვირველი, პირველ ალაგს იჭერს, თითქო შწერლობის, პრესის სულის ჩამდგმელი, მისთვის თავდადებული ხდება. მაგრამ ეს მხოლოდ თვალთმაქცობაა: მისთვის მწერლობა უბრალო იარაღია სამატრაკვეცო მიზნით.

განსაკუთრებით გამრავლდენ დღეს ჩვენში მატრაკვეციები ლიტერატურულ ასპარეზზე. აქ იმათ ერთი განგაში გააქეთ. სადაც არ გინდათ, ყოველგან ისინი მეცნიერების პირით ღალადებენ; ისე სიტყვას არ იტყვიან, რომ მეცნიერების უკანასკნელი დასკვნა არ იმოწმონ. და შერე გავგებათ კი რამ მეცნიერების, რომლის სახელით ასე ბოროტმოქმედებენ? ყველაფერი გვიჩვენებს, რომ მათ მხოლოდ ფორმისათვის შეუძენიათ სწავლა და მეცნიერებასთან კი შორს არიან, მეცნიერება უარყოფს მატრაკვეცობას, მისთვის მხოლოდ ქეშმარიტება არსებობს, ან კი რა საჭიროა მატრაკვეცისთვის მეცნიერება, როცა მას უიმისოდაც იოლათ შეუძლია წაიღეს. მისთვის საჭიროა მხოლოდ ის, რომ საზოგადოება დარწმუნებული იყოს, რომ მას სწავლა შეუძენია; მეცნიერება შეუსწავლია.

როგორც ლიტერატორი და საზოგადო მოღვაწე, ჩვენი მატრაკვეცი მტკიცეთ როდი ადგას რომელიმე განსაზღვრულ მიმართულებას. მან წინდაწინ არ იცის სად უფრო დიდი გავლენა ექნება, ან სად უფრო დიდ სახელს მოიხვეჭს და ამიტომ იგი დღეს ერთს მიადგება და ხვალ მეორეს, თითქო სინჯაღს,—სად უფრო ხელსაყრელი იქნება ჩემი მოკალათებაო. არა იშვიათია ისეთი შემთხვევა, როცა ჩვენი მატრაკვეცი მოისოციალისტებს კიდევ, ოღონდ კი მუშებიც მოიმაღლიეროს, რადგანაც იცის, რომ ათასში ერთხელ იმათ ბანაკშიაც კარგია ყოფნა. მაგრამ მეორე დღეს ხელავეთ, ჩვენდ „სოციალისტი“ მუშების მოწინააღმდეგე ბანაკში გადამხტარა და იქ ცდილობს დაბინავებას. ეს ალბათ იმიტომ, რომ იქ ყოფნა მისთვის უფრო სასარგებლოა და ამავე დროს იგი, რასაკვირველია, არ ივიწყებს საერთო მოქმედებას, სოლიდარობას, თავისუფლებას და ძმობას. ის ყოველთვის მაღალ იდეებით ახსნის თავის გადასვლა-გადმოსვლას, ასკიკილოის თამაშს. თავის სივავლაზეში აბა ვინ გამოტყდება. მაგრამ მოვა დრო, როცა მატრაკვეციებს სამუდამოთ ბოლო მოეღებათ.

თუ საზოგადოებრივი ცხოვრების განვითარებამ შემუსრა და დაამსხვრია წინანდელი კერპები, მიწას დაანარცხა წარსული ცხოვრების უდიდესი მატრაკვეცები, იგივე ცხოვრების განვითარება განა ვერ მოსპობს ჩვენი დროის დაგლახაკებულ მატრაკვეცებს? ასეთი ბედი მათ არ აცდებათ. ეს მათ კარგათ უნდა ახსოვდეთ.

(ღერძალი „მოგზაური“ 1905 წ.
18 სექტემბერი, № 31)

საქუთარი სახის დანახვა.

ძველი რომაელები ამბობდნენ: როცა ღმერთები კაცის გაუბეჯურებას მოინდომებენ, პირველად მას კკუას დაუქარგავენო. სწორედ ეს გამახსენდა, როცა გაზ. „ივერიის“ № 168-ში მეთაური წერილი წავიკითხე. ღინჯზე უღინჯეს, ზომიერზე უზომიერეს და დარბაისელზე უდარბაისლეს „ივერიას“ ყოველივე ეს თვისებები დაუქარგავს და ბრაზმორეული პირიდან დორბლებსა ჰყრის. გაზეთს დაუვიწყია და თავისივე ფეხით გაუთელავეს ის, რასაც იგი ამ რამდენიმე დღის წინად ქადაგებდა. დაუვიწყია თავისი საქუთარი სიტყვები, რომლებიც დასტამბული იყო „ივერიის“ № 158-ში, სახელდობრ: „საქიროა, რომ ყოველი პარტიის კაცი თავის იდეურ მოწინააღმდეგეში პატივს სცემდეს ადამიანს და მორიდებით ეპყრობოდეს მის ადამიანურ ღირსებას“-ო. ყოველივე ეს ქებული რედაქციის ქებულმა ხელმძღვანელმა დაივიწყა, ფეხქვეშ გათელა და ყველას აშკარათ დაანახვა, თუ მართლა თავის იდეურ მოწინააღმდეგეს როგორ უყურებს იგი ან როგორ ეპყრობა მის ადამიანურ ღირსებას.

შეგვაძეკო რა მეთაურის ავტორმა ყოველგვარი უწმაწური ლანძღვაგინებით, ბოლოს მან სულით ავადმყოფი ანუ უფრო გარკვევით რომ ვთქვათ, გიყი გვიწოდა და კრათ-ებინგის საავადმყოფოში გაგვგზანა. სააქიმოდ. აი როგორი მოპყრობა სკოდნია განახლებული რედაქციის ხელმძღვანელს, რედაქტორს ფილ. გოგინაიშვილს⁷⁾. აი თურმე თავის იდეურ მოწინააღმდეგეში როგორა სცემს იგი პატივს ადამიანს და როგორ მორიდებით ეპყრობა მის ადამიანურ ღირსებას! აი თურმე რას ჰქვებიან „ივერიის“, დღევანდელი ხელმძღვანელის აზრით, ადამიანის პატივისცემა და ადამიანური ღირსების მაღლა დაყენება.

როგორც ვიცით, „ივერიის“ წინანდელი ცნობილი ხელმძღვანელიც, თ-ღი ი. ქაგვივაძეც, სწორედ ასე იქცეოდა. იგიც ადამიანის მაღალ ღირსებაზე, პიროვნების ხელუხლებლობაზე, კაცურ კაცობაზე და სხვა ამგვარებზე გაიძახოდა სიტყვით და იმავე დროს კი საქმით ყოველი ფეხის ნაბიჯზე, როგორც მწერლობაში, ისე სხვა სფეროშიაც, სხვის პიროვ-

ნებას, სხვის ადამიანურ ღირსებას ქელავდა და ჯეკნიდა. განახლებულ „ივერიის“, როგორც ეტყობა, კარგათ შეუთვისებია ძველი „ივერიის“ ზნე-ხასიათი. მაგრამ ეს ჩვენთვის ახალი ამბავი არ არის და არც ისე რიგათ საინტერესოა. ამ ეპოქით ჩვენთვის საყურადღებო სულ სხვა გარემოებაა, სახელდობრ ის, თუ რა იყო იმის მიზეზი, რომ პატივცემულმა რედაქციამ ყოველგვარი მორიდება და ადამიანის ღირსების პატივის ცემა დაკარგა. თურმე ნუ იტყვით ყველა ამის მიზეზი ყოფილა ჩემი წერილი— „ისტორიული მატრაკვეციები“ ყოველივე ის, რასაც ჩვენ თანამედროვე მატრაკვეციებზე ვწერდით, „ივერიის“ ხელმძღვანელს თავის თავზე მიუღია და აშკარათ, ყველას გასაგონათ გაიძახის, რომ მახარაძეს აქ მე და ჩემი ამხანაგები ჰყავს გამოყვანილიო. მოგეყავს აქ სიტყვა-სიტყვით „ივერიის“ მეთაურის ის ადგილი, სადაც ეს გასაშტერებელი ამბავია მოთხრობილი, ვინაიდან ეს საყურადღებოა არა მარტო დღევანდელი თაობის ერთი ნაწილის დასახასიათებლად, არამედ იგი საინტერესო იქნება მომავალი თაობისთვისაც. აი ეს ადგილიც:

„პირველათ ახლანდელ „ივერიის“ ახირებულ ბაგაჟის პატრონმა— ხელმძღვანელმა უღალატა ხალხს: დაბრუნდა საზღვარგარეთიდან და ბნ მახარაძეს არ მიეგზრო. ამავე ხალხის დამლუპველ გზას დაადგა ფრეიბურგში მოსწავლე რამიშვილი⁶⁾), რომელიც, ბნ მახარაძის სიტყვით, ხალხს უპატიოსნოთ ღალატობს. იმავე გზას მიყვა კიდევ ერთი ქართველი, თუ არ ვცდებით, ამ ეპოქით გერმანიაში მოსწავლე. დასასრულ ასეთივე გზა აირჩია ბნმა ელ. დარჩიაშვილმა⁷⁾), რომელმაც, ერთ თავის საგაზეთო წერილში, გაბედა და სიყვარულის გრძნობით მოიხსენია თავისი სამშობლო. და, მოგესხენებათ, ბნ მახარაძეს ისე არა აღელვებს რა, როგორც სამშობლოს ხსენება, „ვინაიდან პროლეტარიატს“ და მასადამე, მის იდეოლოგიასაც, „სამშობლო არა აქვს“-ო.

აი თურმე ვინ ყოფილან ისინი, ვინც ჩვენ მატრაკვეციების სახელით მოგნათლეთ! სახელი და დიდება გაზ. „ივერიის“ მეთაურის ავტორს ასეთი მიხვედრისათვის! მართალია ჩვენ ვწერდით ჩვენი დროის მატრაკვეციებზე და რამდენადაც ჩვენი სუსტი ძალ-ლონე შეგვწევდა, იმათი დახასიათება გვინდოდა, მაგრამ იმას ვერასოდეს ვერ წარმოვიდგენდი, რომ ჩვენი ცდა ისეთი გამოდგებოდა, რომ იმაში ნათლად დაინახვდენ თავიანთ თავს ზოგიერთი ჩვენი ლიტერატორები, მაგრამ ჩვენი მოლოდინი არ გამართლდა და გაზ. „ივერიის“ მეთაური წერილის ავტორმა ჩვენ სუსტ დახასიათებაში ნათლად ამოიკითხა ოთხი პირის დახასიათება: ბნ

ფ. გოგიჩაიშვილის, ივ. რამიშვილის, ვლ. დარჩიაშვილის და კიდევ ერთი უცნობის, რომელიც თურმე ამ ჟამად გერმანიაში სწავლობს *). სწორედ გასაშტერებელი ამბაუია! ჩვენ ვცდილობდით რამდენიმეთ დაგვეხასიათებია ჩვენი დროის მატრაკვეცები, საზოგადოებისათვის გვეჩვენებია მათი მოქმედების ყალბი საფუძველი, დაგვენახვებია მათი მეტიჩარობა, ორგულობა, მლიქვნელობა, გაიძვერობა, პირფერობა და სხვ. ვერაფერ ვერ უარყოფს, რომ ასეთი „მოღვაწეები“ მრავალთაგან უმრავლესია, როგორც სხვაგან, ისე ჩვენშიაც. მაგრამ „ივერიის“ მეთაურის ავტორს ვადაუწყვეტია, რომ, ჩვენ ვითომც მხოლოდ „ივერიის“ ბურჯები გვყოლოდეს მხედველობაში, როცა თანამედროვე მატრაკვეცებზე ვწერდით. ვისაც ჩვენი წერილი წაკითხული აქვს, იმას უეჭველათ ეხსოვება, რომ ჩვენ იქ ვახასიათებდით მატრაკვეცას საზოგადოთ, ცხოვრების ყველა სფეროში და მხოლოდ განსაკუთრებით ყურადღებას ვაქცევდით ლიტერატურულ მატრაკვეცებს. ვაზ. „ივერიას“ კი მოჩვენებია, რომ ჩვენ მხოლოდ „ივერიის“ დღევანდელ ხელმძღვანელზე, ე. ი. გოგიჩაიშვილზე, ივ. რამიშვილზე, ვლ. დარჩიაშვილზე და კიდევ ერთ უცნობ ახალგაზრდაზე ვწერდით. საიდან გამოიყვანა მან ასეთი დასკვნა, რა მოსაზრების ძალით ამტკიცებს ამას ჩვენი ავტორი, ეს ჩვენ არ ვიცით. მართალია, ჩვენ ლიტერატურულ მატრაკვეცებზე ვწერდით, მაგრამ ლიტერატურა ხომ მარტო ამ ოთხი კაცის მონოპოლიას არ შეადგენს. ან შეიძლება მან იმ მოსაზრებით იხელმძღვანელა, რომ ვითომც ჩვენ მხოლოდ საზღვარგარეთ სწავლა მიღებული ლიტერატორები გვყვანდა მხედველობაში, მაგრამ ეს მოსაზრებაც ყოვლად უსაფუძვლოა, ვინაიდან საზღვარგარეთ სწავლა მიღებული ლიტერატორები ჩვენში გარდა იმ ოთხი პირისა სხვებიც არიან. შეიძლება კიდევ ხსენებული წერილის ავტორს ეგონა, რომ ჩვენ მხოლოდ განსაკუთრებით „ივერიის“ თანამშრომლები გვყავდა მხედველობაში, მაგრამ ვინ არ იცის, რომ გარდა დასახელებული პირებისა, „ივერიას“ სხვა თანამშრომლებიცა ჰყავს, და რატომ პატივცემულმა ავტორმა ისინიც არ დაასახელა, რატომ ჩვენ წერილში მან მხოლოდ ოთხი კაცის დახასიათება ამოიკითხა?

რას უნდა მივაწეროთ ეს გარემოება? ერთი ქართული ანდაზა ამბობს: მელას რაც აგონდებოდა, ის ესისმრებოდაო. სწორედ ასე მოსდის

*) პატივცემული რედაქცია კანის იხამდა ბარემ ამ უცნობის ვინაობა ვამოყვარავებია, ვინაიდან საზოგადოებისათვის მეტად საკეროა იცოდეს, თუ ვინ ეშადაება სამატრაკვეცო ასპარეზზე სამოქმედოთ.

„ივერიის“ ხელმძღვანელს. მახინჯს ყოველთვის ეზარება თავისი სახის დანახვა, ისე, როგორც კეშმარიტების მღვეწელს კეშმარიტების გაგონება. თუ მართლა, „ივერიის“ მეთაურის ავტორი ჩამოთვლილ პირებში მატრაკვეცებს არ ხედავდა, რათ გამოაცხადა საქვეყნოთ, რომ მახარაძე მხოლოდ ამათ უწოდებს მატრაკვეცებსო. მაგრამ რადგანაც „ივერიის“ რედაქცია ასე მოიქცა, ალბათ რაიმე გასამართლებელი საბუთი ქონდა. ეს საბუთი კი იმაში მდგომარეობს, რომ მის მიერ დასახელებულ პირებს აშკარათ ემჩნევათ ყველა ის თვისებები, რომლებიც ჩვენ წერილში იყო ჩამოთვლილი მატრაკვეცების დასახასიათებლად. ჩვენ დამნაშავე არა ვართ იმაში, რომ ჩვენ დახასიათებაში ზოგიერთმა ვაქებატონებმა თავისი საკუთარი სახე დაინახეს, მაგრამ ჩვენ რა შუაში ვართ, თუ რომ ეს სახე მახინჯია! სარკე ხომ იმას აჩვენებს, რაც ნამდვილად არის, ამიტომ ჩვენ კარგად გვესმის „ივერიის“ განრისხება და სიბრაზე. სიყალბის მჩაბნავს მხოლოდ სიმართლის ვშინია. ჩვენი ნათქვამი რომ სიმართლეს მოკლებული ყოფილიყო, ბ.ბ. გოგიჩაიშვილები ასე რიგად როდი განრისხდებოდნენ და ასეთ სიბრაზეს კი არ გამოიჩინდნენ.

თვის წერილში ჩვენ არავის პირადათ არ ვეხებოდით, — ჩვენ მხოლოდ საზოგადოთ ვწერდით მატრაკვეცებზე. მაგრამ რადგანაც „ივერიის“ რედაქციამ ქართულ საზოგადოებას იმდენი სამსახური გაუწია, რომ ოთხი მატრაკვეცა პირადათ დაისახელა, ამიტომ მეტი არ იქნება, რომ იმათ სამატრაკვეცო მოღვაწეობას რამდენიმეთ მაინც ფარდა აეხადოს. ჩვენ აქ არაფერს ვიტყვით ბ-ნ ელ. დარჩიაშვილის შესახებ, ვინაიდან ჯერჯერობით მისი ფიზიონომია ჩვენ კიდევ გამოურკვეველად მიგვაჩნია, ვინაიდან ჯერ კიდევ იგი რაღაც რყევაშია და თვითონაც კარგად არ ესმის, ვის ან რას მიემხროს. არაფერს ვიტყვით აგრეთვე არც ბ-ნ ივ. რამიშვილის შესახებ, ვინაიდან მისი „მოღვაწეობა“ ჯერ კიდევ მეტად უმნიშვნელოა, ანუ როგორც ფრანგები ამბობენ, იგი ჯერ *quantité négligéable* წარმოადგენს. მით უმეტეს ეს უცნობი ახალგაზრდის შესახებ უნდა ითქვას, რომლის ვინაობას, არ ვიცით, რა მოსაზრებით, მალაეს „ივერიის“ რედაქცია. დავვრჩა მაშ ბ-ნი ფ. გოგიჩაიშვილი, და მის შესახებ სწორედ ღირს ლაპარაკი. სამწუხაროდ, აქ ჩვენ მას დაწვრილებით ვერ შევვხვებით; მაგ., სრულებით ვერ შევვხვებით მის მოღვაწეობას ლიტერატურულ ასპარეზზე, სანამ იგი განახლებულ „ივერიის“ ხელმძღვანელი არ შეიქნებოდა. მაგრამ მისი მოღვაწეობის მოკლე განხილვაც კი საკმარისი იქნება ჩვენი მიზნისთვის.

დავიწყეთ „ივერიის“ პირველ ნომრიდან. აქ მას, ერთი მხრით, თავისი თავი და თავისი ორგანო მუშა ხალხის ქომავად და დამცველად გამოყავდა. მაგრამ, მეორე მხრით, იმავე სარედაქციო წერილში მუშა ხალხის ინტერესებს ლალატობდა და აშკარად ჩვენი ქართველი ბურჟუა-კაპიტალისტების ინტერესებს ესარჩლებოდა და მფარველობას უწევდა. აი რას სწერდა იგი: „ქართველი გლეხი, მაგ., ღარიბია არა მარტო იმ მიზეზით, რომ იგი მემამულეს დიდ-ღალას აძლევს და ბევრ სხვადასხვა გვარ გადასახადს იხდის, არაზედ იმიტომაც, რომ იგი გაუნათლებელია. მისი წარმოების ტექნიკა ძველებურია და შრომა მცირე ნაყოფის მიმცემია. ქართველი მუშა მცირე ქირას იღებს.*) არა მარტო იმ მიზეზით, რომ მასში კლასობრივი თვითცნობიერება და ორგანიზაციის საქიროების შეგნება ჯერ კიდევ სუსტია, არამედ იმიტომაც, რომ ადგილობრივი მრეწველი (ქართველი, რა თქმა უნდა. ფ. გ.) კაპიტალისტურ მოუშაადებლობის გამო, თანამედროვე გაუმჯობესებულ იარაღებით ვერ სარგებლობს და წარმოებას, ნაწარმოებთა რაოდენობისა და მოგების მხრივ, ვერ აბარაქიანებს. თუ ჩვენ, ერთის მხრივ, მომხრე ვართ კლასიურ ბრძოლისა მშრომელის ეკონომიური მდგომარეობის გასაუმჯობესებლად, მეორე მხრივ მომხრე ვართ ყველა იმ გვარ ღონისძიება-საშუალებათა, რომელნიც ხელს შეუწყობენ საერთოდ მთელ საზოგადოებაში სწავლა-ცოდნის გაჭრკელებას, ერის საწარმოვო ძალის განვითარებას. ესა და სხვა მსგავსი მუშაობა არის ისეთი საქმე, რომლის საგანს უფრო ზოგადი კულტურული ხასიათი აქვს და რომელიც ჩვენ, კლასობრივ ბრძოლასთან ერთად ფრიად საქიროდ და სასარგებლოდ მიგვაჩნია“. ანუ მოკლედ: „ერთგნული თვითცნობიერება და ერთობა, როცა საქმე ეროვნულ არსებობასა და ისტორიული კულტურის დაცვას შეეხება, კლასობრივი თვითცნობიერება და საეკონომიო ბრძოლა, როცა საკითხი შინაურ საზოგადოებრივ ურთიერთობათა განკარგულებასა და მშრომელი ხალხის ეკონომიურ ინტერესების დაცვას შეეხება,—აი გზა, რომელიც ჩვენ სწორად და ნაყოფიერად მიგვიყვანს“.

აქედან მკითხველი აშკარად ხედავს, თუ რა გზა აურჩევია ბ. ნ. ფ. გოგინაიშვილს საზოგადოებრივ ასპარეზზე მოღვაწეობისათვის. მისი პროგრამა ისეთია, რომელიც შეუერთდება ყველა ქვეყნის ნაციონალ ლიბერ-

1) ხაზს ყველგან ჩვენ ვუსვამთ.

რალს, ე. ი. ბურჟუაზიის იდეოლოგს. იგი აშკარად გამოდის, რა თქმა უნდა, მუშა ხალხის წინააღმდეგ. იგი არ ებრძვის არც მუშების ორგანიზაციებს და არც მათში თვითცნობიერების განვითარების საქმეს, თუ ყოველსავე ამას მასსიურ ეკონომიურ მდგომარეობის გაუმჯობესება აქვს მხედველობაში და მიმართული არ არის ქართველი მემამულეების და ქართველ მრეწველების წინააღმდეგ. ე. ი. ბ-ნ ფ. გოგიჩაიშვილს სწამს კლასობრივი ბრძოლა, თუ რომ ეს უკანასკნელი ეროვნული თვითცნობიერების განვითარებას ხელს არ უშლის, ეროვნული თვითცნობიერება— ეს იგივე ბურჟუაზიის იდეოლოგიაა, ვინაიდან იგი ჩვენ გვასწავლის: თუ ქართველი მუშა მცირე ქირას ღებულობს, ეს იმიტომ, რომ ქართველ კაპიტალისტს მცირე შემოსავალი აქვს, აქედან ერთად ერთი დასკვნა ასეთია: ხელი შევუწყობ ქართველ კაპიტალისტების გამდიდრებას და მაშინ ისინი მუშის ხელფასს მაღლა ასწევენ. გარდა ამისა, ნუ დაივიწყებთ, რომ ქართველი გლეხი, ჩვენი ავტორის აზრით, ღარიბია არა იმ მიზეზით, რომ იგი დიდ ღალას აძლევს მემამულეს და სხვადასხვა გვარ გადასახადს იხდის, არამედ იმიტომ, რომ იგი გაუნათლებელია, ტეხნიკის არა გაგება რა, სწავლა-ცოდნა მას არა აქვს და სხვა.

როგორც ხედავთ, ასეთი აზრების გავრცელება, ბ-ნ გოგიჩაიშვილის აზრით, იგივე კლასობრივი შეგნების გავრცელებაა. თქვე დალოცვილო, ამას ხომ ნეტარ-ხსენებული ი. ჭავჭავაძის დროინდელი „ივერიაც“ არ ყოფდა უარს; სწორედ მაშინაც ასე მსჯელობდნენ დღეს თქვენ მიერ განახლებული „ივერიის“ ფურცლებზე. განსხვავება აქ მხოლოდ იმაშია, რომ თქვენ ეს აზრი უფრო ბუნდოვანად გაგყავთ. იცოდეთ, რომ კლასობრივი ბრძოლის ერთი მხრით და ეროვნული თვითცნობიერების და ერთობის იდეის მეორე მხრით. შერიგება ყოველად შეუძლებელია. და ის, ვინც ამას ქადაგებს, არა თუ ბურჟუაზიის კომპოზიციას და ესარჩლება, არამედ იგი მუშა ხალხში შეგნების განვითარებას აბრკოლებს, რასაკვირველია, ეს ხდება იმდენად, რამდენადაც ასეთ პირს გაუღენა აქვს მუშა ხალხში. და აი, ბ-ნი ფ. გოგიჩაიშვილი. სისტემატიურად ადვას მის მიერ არჩეულ ზვას: იგი ვითომც მუშა ხალხის მოსარჩლე გამოდის; ვითომც კლასობრივ ბრძოლას აღიარებს და ნამდვილად კი ამ ბრძოლას აბნელებს, ბურჟუაზიული თვალთახედვის წერტილიდან უნდა შეხედოს მას. იგი გვიქადაგებს, რომ დღეს, როცა საზოგადოება დაყოფილია მოწინააღმდეგე კლასებად, შეიძლება, რომ ერთი და იმავე დროს ყველა ამ კლასების ინტერესებს ემსახურო ერთნაირად. ასეთი

სამსახური რომ ბურჟუაზიის საშახურია, რომ ეს ბურჟუაზიის მოსარჩლეობას ნიშნავს და მაშასადამე, მუშა ხალხის ლალატს, ეს მას როდი სჯერა. როცა მას ამის შეურყეველ დასამტკიცებელ საბუთზე მიუთითებთ, იგი თამამად გაიძახის, რომ ეს სასაცილოა, სიცილის ღირსია და მგტი არაფერიო. მეორე შემთხვევაში იგი „კავკასიის კალენდარს“ იმოწმებს და ამ ყოველად გამოუდგვარ წყაროს ცნობებს „ადგილობრივ ცხოვრებაზე დაკვირვებას“ უწოდებს (იხ. „ივერია“ № 140).

ვისთვისაც მეცნიერება და მეცნიერული გამოკვლევა ასე ადვილად ხელწამოსაკრავი არ არის, ვინც ცოტაოდნით მაინც სცემს პატივს მეცნიერებას, იმას უეჭველად გააოცებს ეს გარემოება: როგორ მოხდა, რომ პოლიტიკური ეკონომიის დოქტორი ასეთი ნდობით ექცევა „კავკასიის კალენდარის“ ცნობებს და თავის დასკვნებს იმაზე ამყარებს? თავისი მასწავლებლის მაინც როგორ არ რცხვენია, რომ პოლიტიკის მოხელეების მიერ შეთხზულ ცნობებს იგი „ადგილობრივ ცხოვრებაზე დაკვირვებას“ უწოდებს? მაგრამ ნუ გგონიოთ, რომ ბ.ნი ფ. გოგჩიიშვილი მართლაც ისეთი უვიცი იყოს, რომ მას არ გაეგებოდეს „კავკასიის კალენდარის“ სტატისტიკური ცნობების ფასი. საქმეც ის არის, რომ ეს მას კარგათ გაეგება, მაგრამ მიუხედავად ამისა იგი მაინც ამ ცნობებს იმოწმებს თავის მოწინააღმდეგეთა დასამარცხებლად. იგი არაფერს არ ზოგავს, ოღონდ კი ქართულ მემამულეების, ქართულ კაპიტალისტების და ქართველ მოხელეების გული მოიგოს. გაიხსენეთ მისი წერილები: „ერთი გამწესების გამო („ივერია“ № 9), „ყალბი დასკვნა“ (№ 151) კახეთის მევენახეების საზოგადოებას იცავს მუშების წინააღმდეგ და თქვენ დარწმუნდებით, თუ ვის ემსახურება იგი და ვისი მონა-მორჩილია და იმავე დროს კი ბ.ნი გოგჩიიშვილი გაიძახის, რომ იგი მშრომელი ხალხის, მუშების ინტერესების დამცველია, რომ იგი მუდამ იმათ ექმნაგება და ესარჩლება. აქედან აშკარა უნდა იყოს, თუ რათ მიუღია თავის თავზე ბ.ნი გოგჩიიშვილს ყოველივე ის, რასაც ჩვენ მატრაკვეცებზე ვწერდით. Не моя тут вина...

თუ ბ.ნი ფ. გოგჩიიშვილი ამ განმარტებით არ დაკმაყოფილდება, იმ შემთხვევაში ჩვენ იძულებული შევიქნებით მის „მოღვაწეობას“ უფრო დაწვრილებით შევხვით.

გურიკა განსაცდელშია!

სულ გულცივი უნდა იყოს ადამიანი, რომ დამშვიდებით ისმინოს ის, რასაც ღღეს გურიის შესახებ ამბობენ და გაზეთებში სწერენ. მეტად ამალღვლებელი ცნობები მოდის ჩვენი ქვეყნის ამ პატარა, მაგრამ მეტის მეტად შესანიშნავი კუთხიდან. თუ ამ ცნობებს დაუჯერეთ, გურიაში საერთო აჯანყება უნდა იყოს, რომ გურულებს ვითომც შეიარაღებული თავდასხმაც უნდა მოეხდინოთ და ვითომც ადგილობრივი ჯარი და მთავრობა დაეტყვეებინოთ.

რამდენათ მართალია ეს, ამის განსჯაში ჩვენ აქ ვერ შევალთ, ვინაიდან ნამდვილი და სწორი ცნობები ხელში არა გვაქვს. შეგვიძლია ვთქვათ მხოლოდ ის, რომ გურიას დიდი განსაცდელი მოეღის, რომ შესაძლებელია დიდი სისხლის ღვრა მოხდეს. საქმე ის არის, რომ კავკასიის მთავრობას უკვე განკარგულება მოუხდენია გურია ჯარებით და თოფზარბაზნებით. აავსოს. უკვე ყოველი მხრიდან იგზავნება იქ ჯარი. ყოველივე ეს საიდუმლოთ ხდება, ვითომც აქ არაფერიაო. რათ არ აცხადებენ საჯაროთ, რა სწადიათ; რა მიზანი აქვთ? ვის წინააღმდეგ გზავნიან ამოდენა ჯარებს გურიაში? ვის რა დაუშავეს გურულებმა?

მაგრამ რას ვამბობ? განა გურულებს დანაშაული არ მიუძღვით? ჰაი ჰაი, რომ მიუძღვით და მერე როგორი! გურულების დანაშაული ის არის, რომ ისინი მთელი რუსეთის ღღევანდელი, განმათავისუფლებელი მოძრაობის სათავეში იდგნენ, იმათი დანაშაული ის არის, რომ იმათ ძლიერ მაღლა უჭირავთ თავისუფლების დროშა! რუსეთის თვითმპყრობელ მთავრობისათვის ეს ხომ ისეთი მიუტრეყებელი შეცდომაა, რომელსაც იგი არავის დაუსჯელად არ შეარჩენდა. და მართლაც, უკვე რამდენიმე წელიწადია, რაც მთავრობა თავგამოდებით იბრძოდა გურიაში რევოლიუციონური ნაპერწკალის ჩასაქრობათ; იგი არავითარ საშუალებას არ ზოგავდა, ოღონდ კი როგორმე ეს ნაპერწკალი ჩაექრო. ეს საშუალებები ჩვენ კარგათ ვიცით. ბ-ნ კრიმ-გირეის¹¹) მოგზაურობამ გურიაში ეს ყველას აშეარათ დაინახვა. მაგრამ რას მიაღწია მთავრობამ? იმას, რომ პატარა ნაპერწკალი დიდ ცეცხლად გადაიქცა, რომელიც მზათაა

შთანთქას არსებული წესწყობილება. ტყუილად ნურავინ იფიქრებს, რომ გურულები ისე მსუბუქი კკუის პატრონი იყვნენ, რომ მთელი რუსეთის დღევანდელი წესწყობილების დასაცემათ იმათი აზრით მარტო იმათი აჯანყება იქნება საკმარისი. პირიქით, გურულები დიდი ყურადღებით აღევნებდნენ თვალყურს რუსეთის მოძრაობას; ისინი გაფაცოცებით კითხულობდნენ გაზეთებს, რომ სკოდნოდათ თუ რა ხდებოდა რუსეთში. ისინი პირველად არასოდეს აჯანყებას არ ასტეხდნენ. ან კი ვის წინააღმდეგ უნდა აჯანყებულიყვენ ისინი? ამ უკანასკნელ დროს გურულებმა ისე მოაწყვეს საქმე, რომ თავის საქმეებს თვითონვე განაგებენ და ხელმძღვანელობენ. იმათ უკვე ჰქონდათ თავისი სასამართლო და თავისი პოლიცია. მთავრობის დაწესებულებებთან იმათ უკვე ყოველგვარი კავშირი გაწყვეტილი აქვთ. ხალხი არავითარ ძალადობას აღარ ხმარობდა, იგი უკვე მშვიდობიან შრომას ეწეოდა. რასაკვირველია, გურულებმა კარგად იცოდნენ, რომ თუ რუსეთში არსებული წეს-წყობილება ძირიანად არ შეიცვლებოდა, იმათ ასეთ თავისუფლად ცხოვრების ნებას არ მისცემდნენ და ამიტომ ემზადებოდნენ. ემზადებოდნენ იმის დასაცვლათ და შესანარჩუნებლათ, რაც იმათ წვითა და დაგვიტ და გაქირვება-ვაეებით მოიპოვეს.

თავის მხრით არც ადმინისტრაციას ეძინა: იგიც, რა თქმა უნდა, იმაზე ფიქრობდა, რომ მოხერხებული დრო ხელში ეგდო და გურიის ხალხი საბრძოლველად გამოეწვია მანამ, სანამ იგი შეიარაღდებოდა. ასეთ შემთხვევაში მთავრობისათვის ცოტა რამ არის საჭირო, რომ უიარაღო ხალხს ჯარი მიუხიოს და ამოწყვიტოს და იმავე დროს გამოაცხადოს, რომ იგი ამას ჩადის თვით ამოწყვეტილი ხალხის კეთილ-დღეობისათვის. ასეთი შემთხვევა ჰქონდა მთავრობას გურიის ხალხის ამოსაყლევით ამ 6—7 თვის წინეთ, როცა იქ გენ. ალიხანოვი¹²⁾ იქნა გაგზავნილი რამდენიმე ათასი ჯარის კაცით, ზარბაზნებით, ტყვიის მტყარცნელებით და ლაზარეთით. ეს იყო ნამდვილი ომის გამოცხადება. როგორც ოფიციალურად იყო გამოცხადებული, ასეთი სასტიკი ზომები იმიტომ იყო ხმარებული, რომ გურია რევოლიუციონურ პროპაგანდის ბუფეთ გადაიქცაო; რომ ეს პროპაგანდა იქ თანდათან ძლიერდება და ამიტომ საჭიროა სახელმწიფოს კეთილდღეობისათვის მისი ძირიან-ფესვიანათ მოსპობა. და აი, გენ. ალიხანოვს ჯარის და არტილერიის საშუალებით უნდა შეესრულებია ეს მისია. უბრალო შემთხვევამ და უფრო კი თვით გურულების გონიერებამ გადაარჩინა მაშინ გურია ამ ხიფათს. მას შემ-

დღე რევოლუციონური მოძრაობა რუსეთში კიდევ უფრო გაიზარდა, თავისუფლება, რომლისთვისაც გურულები ასე თავგამოდებით იბრძოდნენ, თითქმის მოპოებული იქნა. და აი, ამ დროს ჩვენ ვხედავთ, რომ გურიაში ათასობით და ათიათასობით ჯარების გაგზავნას აპირებენ. რამ გამოიწვია ეს, რით აიხსნება ასეთი ამბავი? ჩვენ გვწამს, რომ გურიაში, როგორც ყოველგან დღეს, მოსალოდნელი იყო კერძო შეტაკება კახაკებსა და ხალხს შორის. სად არ ხდება დღეს ასეთი შეტაკება? მაგრამ განა ეს საქმარისია იმისთვის, რომ მთელ გურულ ხალხს ომი გამოეცხადოს? მაგრამ გურიას სხვანაირად უყურებენ: მთავრობას იგი მოსვენებას არ აძლევს; გურული ხალხი მისთვის კბილის მატლია, რადგანაც იგი რევოლუციონურ მოძრაობას სათავეში უდგას, რადგანაც იქაური გლეხკაცობა მთელი რუსეთის გლეხკაცობის მოწინავე რაზმით ითვლება, და ამიტომ მთავრობა, როგორც ვამბობდით, ყოველგვარ შემთხვევით ისარგებლებს, რომ გურიაში აჯანყება გამოიწვიოს, მაგრამ ეს უგუნური ფიქრია. გურულების ამოქრეტა თვით მთავრობას ჩააყენებს განსაცდელში. მთელმა ქვეყანამ იცის, თუ რას ემსახურება დღეს გურული ხალხი. წავიდა ის დრო, როცა განუკითხავათ შეიძლებოდა ხალხის ქლევამოხოცვა. ის, ვისაც გონიერება აქვს და ვინც სახელმწიფო ინტერესებს მართლა მალა აყენებს, ასეთ საქმეს ვერ ჩაიდენს. ყოველ შემთხვევაში, ყველა აქტიურ საზოგადოებრივ ელემენტების მოვალეობაა, ის განსაუდელი, რაც დღეს გურიას ადგას, თავიდან აშორებულ იქნას. ამიტომ ჩვენ, თავისუფლების სახელით, წაუწოდებთ იმათ საქიროების დროს ყოველგვარი დახმარების აღმოსაჩენათ.

დაყოვნება და სხვისი ლოდინი არ შეიძლება. დღეს მოქმედებს დროა და ვინც ამ მოქმედების გაუარბის, იგი საზოგადო საქმის მოღალატე ჩითვლება. საქიროა მოქმედება და არა ლოდინი.

რუსეთის რევოლუცია და 17 ოქტომბრის მანიფესტი.

იმ დროს, როცა რუსეთის მთავრობასა და რუსეთის ხალხს შორის აშკარა და დაუზოგველი ბრძოლა იყო გამართული, იმ დროს, როცა თითქმის მთელი რუსეთი სამხედრო ბანაკად იყო გადაქცეული და მთავრობის ყველა ჯურის და ყველა ხარისხის აგენტები, უკანასკნელი გოროდოვოიდან დაწყებული ვიდრე უპირველეს მინისტრამდე, ყოველ ფუნქციის ნაბიჯზე სასტიკად დევნიდნენ და ახრობდნენ თავისუფალ აზრს, თავისუფალ სიტყვას, როცა პოლიცია და ენდარმერია სრულიად უმიზეზოდ და განუკითხავათ ატყუებდნენ, აპატიმრებდნენ, აციმბირებდნენ და სახრობელაზე აგზავნიდა საზოგადოების საუკეთესო წევრთ, როგორც პოლიტიკურ დამნაშავეთ, იმ დროს, როცა პოლიციელები, სალდათები და კაზაკები სრულიად უმიზეზოდ არა თუ შეურაცყოფას აყენებდნენ სრულიად უდანაშაულო ხალხს, არამედ პირდაპირ სიცოცხლეს უსპობდნენ მას, იმ დროს, როცა ცენზორის ნებადაურთველად სასტიკათ აკრძალული იყო უბრალო განცხადების დასტამბევაც კი, სწორედ აი იმ დროს პეტერბურგიდან ელვასავით მოედდა მთელს რუსეთს ის ამბავი, რომ ნიკოლოზ მეორის მანიფესტის ძალით რუსეთის ხალხს ენიჭება „თავისუფლება სინიდიისის, სიტყვის, კრების და კავშირის“, რომ ამიერიდან ხელშეუხებელი იქნება ადამიანის პიროვნება! რას ნიშნავს ეს? ნუ თუ ეს სინამდვილეა? გარშემო ომიანობის დროის წესები, გაძლიერებული დაცვა, შეიარაღებული ჯარი, პოლიციელები, კაზაკები, რომლებიც ყოველ წამს მზათ არიან ააოხრონ და გაანადგურონ ყოველივე და ნაგაიკების, ხიშტების და ტყვიის საშუალებით გაფანტონ შეკრებილი ხალხი და იმავე დროს კი მანიფესტი აცხადებს, რომ ამიერიდან „ხალხს უნდა მიენიჭოს მოქალაქობრივი თავისუფლების შეურყვეველი საფუძველნი, რომ ქვეშაობრივად ხელუხლებელი იყოს ადამიანის პიროვნება, თავისუფლება სინიდიისისა, სიტყვისა, კრებისა და კავშირისა“. ან შეიძლება ეს დაცინვა იყოს, მწარე დაცინვა! არა და ათასჯერ არა! მაშ, რა არის ეს?

მაშ, რას მოასწავებს ერთ და იმავე დროს თავისუფლების გამოცხადება და ამავე თავისუფლების საჯაროთ დარღვევა და შელახვა? ერთი მხრით, ადამიანის პიროვნების ხელშეუხებლობა და, მეორე მხრით, სწორეთ ადამიანის პიროვნებისვე შეურაცყოფა, დამცირება და გათელვა. აშკარა წინააღმდეგობა არაა, ვანა? მაგრამ მოითმინეთ, თუ საქმეს ცოტა უფრო ღრმად ჩაუკვირდებით, აქ არავითარი წინააღმდეგობა არ არის, პირიქით, აქ არის ნამდვილი ლოდიკური თანდათანობა.

ნებითა და წყალობითა ღეთისათა რუსეთის თვითმპყრობელი მთავრობა დიდი ხნის განმავლობაში განაგებდა რუსეთის ხალხის ბედს. მთავრობას, რასაკვირველია, მარტოთ მარტო როდი შეეძლო მთელი ხალხის დაბეჩაეება და მასზე გაბატონება. ამ საქმეში მას შეულოდენ და მხარს უჭერდენ მაღალი წოდებები და კლასები, როგორც მაგ., თავად-ახნაურობა, სამღვდლოება და სხვ. მთავრობის და გაბატონებულ წოდებათა ინტერესი ხალხის მართვა-გამგეობაში, ე. ი. ყველფა-ძარცვაში, ერთი და იგივე იყო. ეს იყო ბატონ-ყმობის დრო, როცა სოფელი, ქალაქთან შედარებით, უპირველეს როლს თამაშობდა საზოგადოებრივ ცხოვრებაში, როცა ნატურალური წარმოება შეადგენდა ეკონომიური ცხოვრების დედა-ძარღვს. მაგრამ დროთა განმავლობაში ეს როლი თანდათან შეიცვალა: სოფლის ადგილი ქალაქს დაიკირა, ნატურალურ წარმოების გვერდით თანდათან აღორძინდა თანამედროვე აღებ-მიცემობა და კაპიტალისტური მრეწველობა და მასთან ერთად ახალი საზოგადოებრივი კლასი ბურჟუა-კაპიტალისტებისა. თვით მთავრობაც დაინტერესებული შეიქნა აღებ-მიცემობის და მრეწველობის განვითარებაში, ვინაიდან მისთვის საკირო შეიქნა ფული და ფულის შოვნის ერთად ერთ პირობას კი მრეწველობის და აღებ-მიცემობის ზრდა-განვითარება შეადგენდა. ამავე დროს ყმების მდგომარეობა მეტად აუტანელი გახდა, ასე რომ, თითქმის ყოველ დღე აჯანყება და არეულობა ხდებოდა კერძო მემამულეთა წინააღმდეგ. ადვილი შესაძლებელი იყო, რომ ამ კერძო აჯანყებათ და არეულობათ საყოველთაო ხასიათი მიეღო და თვით თვითმპყრობელი მეფის წინააღმდეგ მიმართულიყო.

ამნაირათ, თუ რომ მთავრობა, — მაღლიდან არ, მოახდენდა ცვლილებას ბატონ-ყმურ ურთი-ერთობაში, მას ორი მხრიდან მოელოდა განსაცდელი: ერთი მხრით, ფინანსიური გაკოტრება და, მეორე მხრით, გლეხებმაც საერთო აჯანყება. ორივე შემთხვევაში კი თვითმპყრობელობა ვარდებოდა განსაცდელში და უეჭველად უნდა დამარცხებულიყო. მაგ.

რამ მთავრობამ დროზე დაუთმო ხალხს; ბატონ-ყმური ურაიერთობა იურიდიულათ გააუქმა თავისი „უქაზით“ მალილიდან. და მით თვით-მპყრობელობა დასხნილი იქნა განსაცდელიდან. ამით დასრულდა თავად-აზნაურობის, როგორც მებატონეთა წოდების, განუკითხავი ბატონობა და იგი ჩაება ბურჟუაზიული წეს-წყობილების ფერხულში.

როგორც ხედავთ, ეგრედ წოდებული გლეხების განთავისუფლება ბატონ-ყმური მონობისაგან, ე. ი. მესამოცე წლების „დიდებული საგლეხო რეფორმა“, ხალხის გამარჯვება კი არ იყო, არამედ მისი დამარცხება და მთავრობის გამარჯვება. და მართლაც, მთავრობამ შესანიშნავათ ისარგებლა ამ გარემოებით და ქვეყნის ამცნო, რომ იგი ხალხის ერთგული და კეთილის-მყოფელია, რომ მან თავად-აზნაურობაც კი არ დაინდო და მისი ინტერესები ხალხის ინტერესებს ანაცვალა, ოღონდ ხალხი არ იტანჯებოდესო. აღვილი მისახედრია, თუ რა გვარი იყო ეს „კაცთმოყვარება“ და ან ვის ინტერესებს იცავდა ამით მთავრობა, მაგრამ ამაზე ლაპარაკი აქ შორს წაგვიყვანს. ამიტომ დაეუბრუნდეთ ისევ მთავარ საგანს.

უკანასკნელი ორმოცი წელიწადი იყო რუსეთის ბურჟუაზიის შეუჩერებელი ზრდა-განვითარების ხანა. თვითმპყრობელობა, როგორც ვიცით, გამარჯვებული გამოვიდა განსაცდელიდან და ხალხის თვალში სახელიც მოიპოვა. ბურჟუაზია მიეკედლა მას და კიდევაც მოიპოვა მისი მფარველობა. თუ სხვა ქვეყნებში ბურჟუაზია მოიპოვებდა თუ არა ძალას, ანგრევდა თვითმპყრობელ მთავრობათა კედლებს, ახდენდა რევოლუციებს პოლიტიკური უფლების მოსაპოვებლათ, რუსეთის ბურჟუაზია, პირიქით, ცდილობდა ამ კედლების გამაგრებას: იგი უარს აცხადებდა პოლიტიკურ თავისუფლებაზე, ოღონდ მისი ჯიბე სავსე ყოფილიყო ოქროებით, ოღონდ მთავრობას დახმარება აღმოეჩინა მუშებთან, პროლეტარიატთან საბრძოლველათ. რუსეთის ბურჟუაზიამ დასავლეთ ევროპის მაგალითებიდან იცოდა, რომ თვითმპყრობელობის გაუქმება და პოლიტიკური უფლებების მოპოება ისეთი მხვეილი იყო, რომელიც ორივე მხრიდან სჭრიდა. ამიტომ მთავრობამ და ბურჟუაზიამ ჩამოაგდეს ერთმანეთს შორის ზავი, შეკრეს, „წმინდა კავშირი“; რუსეთის მთელი შრომელი ხალხის წინააღმდეგ; მთავრობის პოლიტიკა ბურჟუაზიის საკეთილდღეოდ იქნა მიმართული; ყველა კანონები იმას უწყვედა მოსარჩლეობას და მფარველობას გაყვლეფილი. პროლეტარიატის და გაღატაკებული გლეხკაცობის წინააღმდეგ. იმავე დროს ყოველგვარი გადასახა-

დი და ბაეები (პირდაპირი თუ არა პირდაპირი) განსაკუთრებით მშრომელ ხალხს დაადევს კისერზე.

ბურჟუაზია დღესასწაულობდა თავის გამარჯვებას ყოველ ფეხის ნაბიჯზე, თვითმპყრობელობაც კმაყოფილი იყო, ვინაიდან, რაც დრო გადიოდა, მით უფრო მეტ სახსარს შოულობდა თავისი ჯარების გასამრავლებლათ და გარეგანი ძლიერების განსამტკიცებლათ. მართალია, მთავრობას ცუდ გუნებაზე აყენებდა და მოსვენებას არ აძლევდა რევოლუციონური ჯგუფების მოქმედება, მაგრამ იგი ხედავდა, რომ ხალხში ამ ჯგუფებს ჯერ კიდევ არ ქონდათ მოპოებული ნიადაგი, ჯერ კიდევ ხალხში არ იყო თავისი საკუთარი ინტერესების შეგნება: მთავრობა არაფერს არ ზოგავდა ამ ერთ მუქა ხალხთან ბრძოლაში, იმ ხალხთან, რომელიც ძლიერი იყო მხოლოდ თავისი საოცარი გაბედულებით და ღრმად რწმენით—რომ ერთხელაც არის, ჩვენს ქუჩაზედაც გამოიღარებსო. უეჭველია, მაშინდელ რევოლუციონერებს არა ერთხელ გაუხსენებიათ პომერის სიტყვები:

„И будет некогда день и погибнет священная Троя,
С ней погибнет Приам и народ оруженосца Приама“.

მართალია, მაშინდელ რევოლუციონერებს ძველ ბერძნებივით არ სწამდათ ბედის წერა, მაგრამ ისინი ამაოდ ხედავდნენ რევოლუციონურ ძალას მაშინდელ გლეხ-კაცობაში. რომ ეს ძალა თვით თანამედროვე ბურჟუაზიული წესწყობილების, ე. ი. კაპიტალისტური წარმოების ნიადაგზე უნდა აღორძინებულიყო, ეს ამათთვის შეუძნეველი დარჩა. მაგრამ დრო მიდიოდა, ერთი რევოლუციონური ჯგუფის ადგილს მეორე იკებდა. იმავე დროს კი თვით ხალხში შესაძინევი ცვლილება ხდებოდა. ძველი ნატურალური წარმოება თანდათან ქრებოდა ინდუსტრიის, კაპიტალისტური მრეწველობის ზეგავლენით; გარდა ამისა, გლეხობის ერთ ნაწილს თანდათან ეკლებოდა ხელიდან მისი მარჩენალი მიწა. ამის გამო სოფლის ხალხი, გლეხ-კაცობა, დაიძრა და თავი ქალაქს შეაფარა. მუშა ხელი ზედმეტი შეიქნა. ამან გამოიწვია ხელფასის, მუშის დღიური ქირის დაწევა. ბურჟუაზიისთვის ეს ხელსაყრელი იყო და აი, რუსეთის მრეწველობის ისტორიაში დგება აყვავების ხანა. ბურჟუაზია ჯიბეებს ივსებდა და სუქდებოდა და იმავე დროს რუსეთის პროლეტარიატს სიმშინლისაგან კუჭი ეწოდა და ცოლშვილი ეხოცებოდა. მაგრამ თანამედროვე მუშა-ხალხი, პროლეტარიატი, როგორც ყველაზე უფრო შევიწროებული და დაჩაგრული კლასი, სხვა დროის მუშა ხალხს არა ჰგავს. მასში

ჩნდება და ვითარდება კლასობრივი განხეთქილების და კლასობრივი ბრძოლის შეგნება. ეს საუბრეობათ ედება პროლეტარიატის სოციალისტურ შეგნებას.

პროლეტარიატი ყველასაგან დაჩაგრული კლასია, დაჩაგრულს მჩაგრელის იმედი წყ ექნება; პროლეტარიატმა თვითონ უნდა გაინთავისუფლოს თავისი თავი. მაგრამ პროლეტარიატის განთავისუფლება ნიშნავს მთელი თანამედროვე ბურჟუაზიული წეს-წყობილების დამხობას და მის ალაგას სოციალისტური წეს-წყობილების დამყარებას. ეს არ მოხდება ერთი დაკრით, ეს არ მოხდება მანამ, სანამ მთელი ქვეყნის პროლეტარიატის დიდ ნაწილს შეგნებული არა აქვს თავისი კლასობრივი მდგომარეობა.

და აი; კაპიტალისტური მრეწველობის განვითარება ხელს უწყობს და აჩქარებს პროლეტარიატში ამ შეგნებას, პროლეტარიატს აქ დიდი გზა აქვს გასავლელი, გზა ეკლიანი. თითოეული მისი ფუნის ნაბიჯი სისხლით არის მორწყული. მაგრამ იგი არ დრკება, მას ვერ აშინებს ვერავითარი სისასტიკე. მან იცის, რომ საბოლოო გამარჯვება მხოლოდ მას უნდა ხედეს წილად. ჩვენმა უფროსმა თანამოძემემ, დასავლეთ ევროპის პროლეტარიატმა, უკვე დიდი მანძილი გაიარა ამ დიდებულ ბრძოლაში. მაგრამ იმავე დროს არც რუსეთის პროლეტარიატი იჯდა გულზე ხელდაკრეფილი. თავისი გაბედული და შეუღრკეკელი ბრძოლით მან საპატიო ალაგი დაიჭირა საერთაშორისო პროლეტარიატის დიდებულ კლასობრივ ბრძოლაში. მისი ზნეობრივი ძალა და ენერჯია მით უფრო გასაოცარია, რომ მას ერთ და იმავე დროს ორ გამაგრებულ მტერთან უხდებოდა და დღესაც უხდება ბრძოლა.

რუსეთის პროლეტარიატის ბრძოლა დღემდე მოკლეთ ასეთია. პირველ ხანებში ბრძოლა დაიბადა წმინდა ეკონომიურ ნიადაგზე: მუშები თხოულობდენ სამუშაო პირობების გაუმჯობესებას, ქირის მომატებას, სამუშაო დროს შემცირებას და სხ. კაპიტალისტები, რა თქმა უნდა, არ აკმაყოფილებდენ ასეთ მოთხოვნებებს. რა უნდა ეპასუხნათ ამაზე მუშებს? რითი უნდა დაენახებიათ კაპიტალისტებისათვის თავისი ძალა? ერთადერთი საშუალება გაფიცვა, მუშაობაზე ხელის აღება იყო, ეს ერთი საუკეთესო მშვიდობიანი იარაღია შრომასა და კაპიტალს შორის ატეხილ ბრძოლაში, იარაღი, რომელიც უკვე დიდი ხნიდან ნაცადი იყო დასავლეთ ევროპის პროლეტარიატის ბრძოლაში ბურჟუაზიის წინააღმდეგ.

მაგრამ შესაძლებელი იყო რუსეთის იმპერიაში გაფიცვის მოხდენა? გაფიცვა ხომ კაპიტალისტების წინააღმდეგ იყო მიმართული და აბა ამას უყურადღებოთ როგორ გაუმეგბდა მთავრობა. თვითმპყრობელ სახელმწიფოში საზოგადოთ ყველაფერი აკრძალულია, აქ არ შეიძლება მთავრობის ნებადაურთველათ თავის მოყრა და მოლაპარაკება თავის საკუთარ საქმეებზე. ყველაფერი ეს აქ „ბუნტის“, აჯანყების სახით არის მონათლული, და როგორც ასეთი, სასტიკათ იღვენება. მუშების გაფიცვაც კაპიტალისტ-მრეწველების წინააღმდეგ „ბუნტათ“ გამოაცხადეს და მუშებს დაუწყეს სასტიკი ღვენა. პოლიციელების, ჟანდარმების და ჯაშუშების მეოხებით რომ ვერას გალიოდენ, ხაშტიან სალდათებს და კაზაკებს უსევდენ დასარბევათ და ასაწიოკებლათ მშვიდობიან მშრომელ ხალხს, რომელსაც არავითარი დანიშნული არ მიუძღოდა, გარდა იმისა, რომ მისი შრომით სხვები სარგებლობდენ.

ამ გარემოებას არ შეეძლო არ ჩაეფიქრებია მუშა ხალხი თავის მდგომარეობაზე. რისთვის ეხმარება მთავრობა კაპიტალისტებს? რისთვის უსევენ მშვიდობიან ხალხს სისხლის მსმელ კაზაკებს და ჟანდარმებს? რისთვის გაუბამთ ჯაშუშების ქსელი მუშების სათვალთვრებლათ, რომ მათთან გარეშე არავინ მივიდეს, წიგნაკი ან გაზეთი არ გადასცეს და სხვ. ამას შემდეგ მუშა ხალხი უკვე შეგნების სწორ გზაზე დადვა, მაშინ უკვე სოციალ-დემოკრატიული მოძრაობის პროპაგანდა დაიწყო. რადგანაც რუსეთის პროლეტარიატს, მის მოწინავე მებრძოლ რაზმს, სოციალ-დემოკრატიულ პარტიას, განსაკუთრებულ პოლიტიკურ პირობებში უხდება მოქმედება, ე. ი. ისეთ პირობებში, რომელნიც აძნელებენ და აფერხებენ მუშათა მოძრაობას, რომელიც თანამედროვე ბურჟუაზიული წეს-წყობილების დამხობით უნდა ვათავდეს, ამიტომ თავის თავად იგულისხმება, რომ უწინარეს ყოვლისა წამოაყენებულ იქნა პოლიტიკური თავისუფლების მოპოება.

ამნაირათ, რუსეთის პროლეტარიატმა ეკონომიურ მოთხოვნების გარდა პოლიტიკური მოთხოვნებიც შეიტანა თავის პროგრამაში (პროგრამა-მინიმუმი).

მუშების მოძრაობა რუსეთში სოციალ-დემოკრატიული პარტიის ხელმძღვანელობით ბმ უკანასკნელი ათი წლის განმავლობაში გასაოცარი სისწრაფით გაძლიერდა და გაიზარდა. ეს გამოიხატა მუშების კერძო და საყოველთაო გაფიცვებში და მანიფესტაციებში ყოველგან, სადაც კი მუშა

ხალხი ცხოვრობს. სულ უკანასკნელ დროს სოციალ-დემოკრატიულ პროპაგანდამ საფლის გაქრეხვებულ გლეხ-კაცობაშიაც მოიკიდა ფეხი.

მუშების მოძრაობას არ შეეძლო არ მიექცია საზოგადოების ყურადღება. იმათ თავგანწირულმა და გმირულმა ამბებმა, იმათ შეუდრეკელობამ და საოცარმა გამძალობამ, რაც იმათ არა ერთხელ დამტკიცეს სალდათებთან და ყაზახებთან შეტაკების დროს ქუჩებსა და მოედნებზე, საზოგადოების რადიკალური ელემენტების თანაგრძნობა დაიშახურა.

მუშათა მოძრაობამ განსაკუთრებით მოსწავლე ახალგაზრდობის, სტუდენტების, ყურადღება მიიქცია. რუსეთის სტუდენტობა დიდი ხანია დღლავდა თავისი საკუთარი აკადემიური თავისუფლების მოსაპოვლათ. სტუდენტობა განკერძოვებულათ მეცადინეობდა თავისი კერძო მიზნის განსახორციელებლათ. მისი მოძრაობა უნივერსიტეტების კედლებს არ შორდებოდა მაშინ, როცა მუშების მოძრაობა მარტო მუშებს კი არ ეხებოდა, არამედ იგი შეიცავდა მთელი რუსეთის ხალხის უმრავლესობის ინტერესებს. ამიტომ, რადგანაც მთავრობა თანდათან უძლური ხდებოდა მუშების წინააღმდეგ ბრძოლაში, იმდენათ იგი აღვილად უმკლავდებოდა სტუდენტობის მოძრაობას. სტუდენტობის უფრო ფხიზელმა და შეგნებულმა ნაწილმა ეს აღრე შეამჩნია და ამიტომაც იგი შეუფერადა მუშების მოძრაობას.



მხოლოდ მუშათა კლასის ძალუძს როგორც მთელი ხალხის, ისე კერძოთ სასაწავლებლების განთავისუფლება მთავრობის გამათახსირებელი გაელენისაგანო, — გამოაცხადა რუსეთის მოსწავლე ახალგაზრდობის სალკეთესო ნაწილმა. მოსწავლე ახალგაზრდობას ბანი მისცა სხვადასხვა ლიბერალური პროფესიის ხალხმა, როგორც, მაგ., პროფესორებმა, ექიმებმა, ვეკილებმა და სხ. პოლიტიკური თავისუფლების მოპოვება, რასაკვირველია, ბურჟუაზიის ლიბერალების ნაწილსაც დიდი ხანია სწყურია. მასაც მობებრდა თვითმპყრობელი მთავრობის თავგასულობა და თვითნებობა, იგი კარგა ხანია მოწყურებულა ეგრეთ წოდებულ უფლებრივი წესწყობილებას, ე. ი. წარმომადგენლობითი მართვა-გამგეობის შემოღებას რუსეთში, როცა აღგილი აღარ ექნება მთავრობის მოხელეების განუკითხვე მოქმედებას, პოლიციელების და ყაზახ-რუსების მისევას მშვიდობიან და უდნაშაულო ხალხზე დასარბევათ და ამოსაქლევათ და სხვ. მაგრამ ყველასათვის აშკარაა, რომ ამის განხორციელება ლიბერალურ ბურჟუაზიას არ შეუძლია და ამიტომ მას არ შეუძლია არ თანაუგრძნოს რაპდენიმეთ მანც მუშათა მოძრაობას.

ანაირათ, რაც დრო მიდიოდა, რუსეთის მუშა ხალხის მოძრაობა ძლიერდებოდა და საზოგადოების თანაგრძნობაც მატულობდა. მაგრამ მთავრობა არა თუ არაფერს უთმობდა ხალხს, არამედ — სულ უფრო და უფრო მეტ სისასტიკეს და შეუბრალებლობას იჩენდა რევოლუციონერ ცეცხლის ჩასაქრობათ. მთელი მოძრაობა, მისი აზრით, რამდენიმე დამანაშავე პირების ბრალია, რომლებიც რუსეთის ხალხის შტრები არიან და ამიტომ საჭიროა მათი თავიდან მოშორება, — ამით ამართლებდა ის ხალხის წინაშე იმ სასტიკ ზომებს, რომლებსაც იგი ხვარობდა მოძრაობის ჩასაქრობათ მეთაურების წინააღმდეგ. მაგრამ მთავრობის საუბედუროთ მოძრაობა არა თუ არ ჰქრებოდა, არამედ სულ უფრო და უფრო იზრდებოდა და სულ უფრო და უფრო საზოგადოების მეტ ნაწილს ეღებოდა. ამ დროს მთავრობამ სხვა ღონეს მიმართა; თავის ავანტიურისტული პოლიტიკით მან მოინდომა საზოგადოების ყურადღების დამონება და ამ ყურადღების საგარეო პოლიტიკაზე მიქცევა. იქ, შორეულ აღმოსავლეთში, მან ომი აუტეხა პატარა იაპონიას. მისი გულის წაღილი ადვილი წარმოსადგენია: პატარა იაპონიას შეეგმუსრავ, მანჯურიას და კორეას ხელში ჩავიგდებ, ჩინეთზე სხვებზე მეტ გავლენას მოვიპოვებ და ამით ერთ და იმავე დროს, ანდაზის არ იყოს, ორ კურდღელს დავიქერ: ახალ ბაზრების გაჩენით რუსეთის ბურჟუაზიის გულსაც მოვიგებ და საზოგადოებასაც ჩემს სიძლიერეს დავანახებო.

ჩვენ უკვე ვიცით, როგორ გაუტრუვედა მთავრობას ეს იმედები. რუსეთის მთავრობა სასტიკად დამარცხდა და იაპონიამ მას სამარცხენო პირობებზე მოაწერინა ხელი. დამარცხებასთან ერთად საზოგადოების უკმაყოფილება იზრდებოდა. ის, რაც რუსეთის ხალხს ათასის წლის მონობის გამო გულში ჩახვეული ჰქონდა, ყველა ახლა მოადგა ყელზე და იქიდან ერთბაშათ იფეთქა.

მთელ რუსეთის საბრძანებელში საზოგადოებრივი ცხოვრება თითქო შეჩერდა, ქარხნები და ფაბრიკები ზოგი მუშათა გაფიცვების გამო დაიკეტა და ზოგიც — კრიზისის გამო. სასწავლებლები დაიხურა და მოსწავლე ახალგაზრდობა და მასწავლებლები ქუჩაში დარჩენ. იმავე დროს გაძლიერდა პროტესტი მთავრობის წინააღმდეგ საზოგადოების ისეთ წრეებში, რომლებიც წინეთ მთავრობის ერთგული მომხრეები იყვნენ. ჩვენ ვამბობთ რუსეთის მსხვილ ბურჟუაზიაზე, რომლის თვალში რუსეთის დღევანდელმა მთავრობამ იაპონიასთან ომის წაგების შემდეგ სამუდამოთ დაკარგა ყოველგვარი ნდობა.

მიტინგები და კრებები მთავრობის წინააღმდეგ აშკარათ, ყველას დასანახავათ იმართებოდა თითქმის ყველა ქალაქებში და დაბა-სოფლებში. მაგრამ მთავრობა მაინც არ გატყდა. მას კიდევ იმედი ჰქონდა ძველი დროის დაბრუნების, ისტორიის ჩარხის უკუღმა შეტრიალების. მან კიდევ ერთხელ გადალიერა თავის დასაცავი საშუალებანი. თითქმის ყოველგან, სადაც მოძრაობა უფრო ძლიერი იყო, საომარი დროის წესები შეზოილო, ამოძრავა ყველა ბნელი და შავი ძალები და მცხოვრებლების ერთი ნაწილი მეორე ნაწილს მიუსია ამოსაელეტათ, რომ აპით ზის წინააღმდეგ მიმართული მოძრაობა შეესუსტებია (ებრაელების აკლება, თათრებისა და სომხების შორის სისხლის ღვრა). მაგრამ ილარც ეს საშუალება გამოდგა. მაშინ მთავრობა დაადგა დათმობის გზას. მან სახელმწიფო სათათბიროს სახით რალაც წაუჩქმიტა საზოგადოებას, მაგრამ სახელმწიფოს ძირითადი კანონი თვითმპყრობელობის შესახებ ისევ შეურყვევლათ დატოვა. მაგრამ წავიდა ის დრო, როცა ასეთი ხერხით ხალხის მიმხრობა შეიძლებოდა. გარდა ამისა, ეს „ძირითადი კანონი“ ცხოვრებაში უკვე დიდი ხანია შეურყვეველი იყო, როგორც ამას დღეს აშკარათ აღიარებს ბ-ნი ვიტტე¹³⁾ თავის მოხსენებაში 17 ოქტომბრის თარიღით. საქმეს არ უშველა არც უმაღლეს სასწავლებელში აკადემიური თავსუფლების შემოღებამ, ვინაიდან თავისუფალი სასწავლებელი შეუძლებელია იმ ქვეყანაში, სადაც მთელი ხალხი მონობაშია. უნივერსიტეტის კედლებში აღიარებულ იქნა პიროვნების ხელშეუხებლობა, სიტყვის, კრების და კავშირის თავისუფლება, როცა კედლებს გარეთ ყოველივე ეს სასტიკათ აკრძალულია! დამშვიდების მაგივრათ ამან კიდევ უფრო მეტი მღელვარება გამოიწვია, რაც მრავალ ადგილას შეტაკებით და სისხლის ღვრით თავდებოდა.

ასეთი იყო მდგომარეობა მაშინ, როცა მთელი რუსეთის მუშების საყოველთაო გაფიცვა დაიწყო, ისეთი გაფიცვა, რომლის მსგავსი ჯერ არც ერთ ქვეყანაში არ მომხდარა. ამ საისტორიო გაფიცვას ტონი მოსკოვის მუშებმა მისცეს. გაიფიცენ პირველათ რკინის გზების მუშები და შემდეგ ფაბრიკა-ქარხნების, სხვადასხვა სახელოსნოების, სტამბების; შემდეგ გაიფიცენ მეღუქნეები და ზოგ ადგილას ქალაქებში სრულებით შეწყდა ყოველგვარი მოძრაობა, დაიკეტა არა თუ კერძო, არამედ მთავრობის დაწესებულებებიც შეჩერდა მოძრაობა. რკინის გზაზე, შეჩერდა ფოსტა, ტელეგრაფი. დაიკეტა ფაბრიკა-ქარხნები, შეწყდა გაზეთების გამოსვლა და ვაჭრობა—აღებ-შიცემა. მდგომარეობა მეტად საშიში შეი-

ქნა: ხალხი სადღაც მიიშალა, თითქო ძალას იკრეფს და საომრად ემზადება. მთავრობაც შედრკა, ალბათ, იგი ამას არ მოელოდა. უკანასკნელი განკითხვის დღე ახლოვდებოდა, იმას წინ მოელანდა შეიარაღებული აჯანყების აჩრდილი და ამ აჩრდილმა იგი შეაწუხა.

მაგრამ მთავრობას კიდევ მეორე მხრიდან ქონდა მომდგარი განსაცდელი. საქმე ის არის, რომ მთავრობას ფული შემოაკლდა მიმდინარე ხარჯების დასაფარავად. ამას წინათ გამოშვებული შინაური სესხიდან 50 მილ. მანეთი დაუფარავი დარჩა. საზღვარგარეთელი კაპიტალისტები კი დღევანდელ პირობებში რუსეთის მთავრობას ნდობას აღარ უცხადებენ. მაშ საიდან, რომელი წყაროდან უნდა იშოვნოს მთავრობამ ფული? შემოსავლის წყარომ იკლო (მარტო ბაქოს ამბების გამო ხაზინას რამდენიმე ასი მილიონი მანეთი დააკლდა), ხარჯები კი თანდათან მეტი სჭირდება. ასეთ კრიტიკულ მომენტში ნიკოლოზ მეორემ მოუწოდა რჩევისათვის გრაფ ვიტტეს, რასაც 17 ოქტომბრის მანიფესტი მრაცა.

რომ მთავრობა სრულებით არ ფიქრობდა პოლიტიკური და მოქალაქობრივი თავისუფლების შინიჭებას, ეს ყველასათვის აშკარა უნდა იყოს ეს თავისუფლება მხოლოდ თავდადებული და შეუწყვეტელი ბრძოლის შედეგია. მაგრამ ნუ დაივიწყებთ, რომ ძველი მთავრობა ჯერ კიდევ სრულ თავის ძალაშია. ამიტომ ჩვენ არ უნდა გვაკვირვებდეს ის ვარემოება, რომ ხსენებულ მანიფესტში აღსარებული თავისუფლება ჯერ მხოლოდ ქაღალდზეა. როგორც მის მოპოებისათვის ძალა იყო საჭირო, ისე მის შენარჩუნებისათვის და ცხოვრებაში გამოსაყენებლათ საჭიროა მხოლოდ ძალა და კიდევ ძალა. ყოველგვარი უფლება მხოლოდ ფიქციია, თუ მის დასაცველათ შესაფერი ძალა ხელში არა გაქვთ. ამისათვის არ კმარა მარტო ზნეობრივი ძალა, მაგრამ არის შემთხვევა, როცა ზნეობრივ ძალასაც დიდი გავლენა აქვს.

მთავრობა დღეს ყველა ბნელ ძალებს უწოდებს მოპოებული თავისუფლების წისარტყლათ, მაგრამ ჩვენ დარწმუნებული ვართ, რომ ასეთი შრომა ბოლოს და ბოლოს არაა სასურველი თვით მთავრობისათვის, ვინაიდან ბნელი ძალების მოხმარა კიდევ უფრო ააშფოთებს საზოგადოებას და დაარწმუნებს მას, რომ ხსნა მხოლოდ ძალაშია.

ერთი იმ საშუალებათაგანი, რომელიც უზრუნველყოფს პიროვნების ხელშეუხებლობას და ყოველგვარ თავისუფლებას, არის ახლავე, და უკონებლივ დამუფუნებელი კრების მოწვევა საყოველთაო, თანასწორი, პირდაპირი და საიდუმლო ზმის უფლებით. მხოლოდ ასეთ კრებას შეუძ-

ღია ძირითადი ცვლილება მოახდინოს მთელ დღევანდელ სახელმწიფო წესწყობილებაში. მხოლოდ მაშინ მოელება ბოლო იმ საზოგადო მოქმედებას, რომელსაც იჩენს პირველი დღიდანვე მთაერობის რეაქცია და დასრულდება რუსეთის რევოლუციის პირველი აქტი.

მაშ, გაუმარჯოს დამფუძნებელ კრებას და ძირს ყველა რეაქციონური ბნელი ძალები!

(ეურნალი „მოგზაური“, 1905 წ.
30 ოქტომბერი, № 38).

განსაცდელის ახდენა.

გურიას დღეს აცდა განსაცდელი! მთელი სამხედრო რაზმი, რამდენიმე ათასი ჯარისკაცისაგან შემდგარი, ზარბაზნები, ტყვიის მტყორცნელი მთელი როტათ და ყოველგვარი საომარი წესის იარაღებით შეჭურვილი, რომლის ლეონოსს, გენ. ალიხანოვს, მინიჭებული ჰქონდა ყოველგვარი განსაკუთრებული უფლებები დახვეტ-ჩამოხრჩობამდის, რომელსაც ნაბრძანები ჰქონდა გურიაში ყოველივე მოესპო და გაენადგურებია და რომელიც უკვე სიჩქარით მიეშურებოდა დანიშნულს ადგილისაკენ, აი ეს რაზმი მთავრობისავე ბრძანებით ისევ უკან უნდა დაბრუნდეს! რა მოხდა? რამ გამოიწვია ან პირველი ბრძანება, ან მისი უკან წაღება?

გურიაში აღარ უნდა ჩაიყვანონ ჯარი, იგი აღარ უნდა გახადონ ცეცხლისა და მახვილის მსხვერპლათ. ქუთაისის გუბერნიაში უნდა მოიხსნას საომარი დროის წესები, ქართლიდან უნდა გამოიყვანონ ეგზეკუტია! ნუ თუ ადმინისტრაციას გული აუჩუყდა უდანაშაულო ხალხის სისხლის დანთხევის გამო, მათში სიბრალულის გრძნობა დაიბადა! ან შეიძლება ადმინისტრაცია დარწმუნდა, რომ თავხედი გურია დამშვიდდა, რომ იქ ჩაქრა რევოლუციის ცეცხლი, რომ გურული ხალხი შეურიგდა მეფის მთავრობას? არა და არა! ვანა გულჩვილი და ნაზი გრძნობის ძღამიანი უიარაღო ხალხს, ბავშვებს და დედაკაცებს ომს გამოუცხადებდა? სად ზარბაზნები და ტყვიები, სად სახრჩობელა და ხვეტა და სად სიბრალული! ან შეიძლება გურია მართლა დამშვიდდა და იქ რევოლუციის ცეცხლი მართლაც ჩაქრა და მთავრობაც შეურიგდა, გურია „კეთილსამედო“ კუთხეთ იცნო? არა და არა! არც ერთი და არც მეორე. მაშ, რა მოხდა? ასეთი მზადებით, ასეთი ბაქი-ბუქით გაგზავნილი ჯარი რა მოსაზრებით, რა მიზეზით გამოიხმეს ისევ უკან? მთავრობამ კარგათ იცის, რომ გურიაში რევოლუციის ცეცხლი არ ჩამქრალა, რომ ჯარის უკან გამოწვევით, ეს ცეცხლი კიდევ უფრო გაძლიერდება, და თუ იგი „ოფიციალურათ“ აცხადებს, რომ ჯარს უკან ვაბრუნებთ, ვინაიდან გურია უკვე დამშვიდდა და დღეს იარაღის ხმარება მის წინააღმდეგ საჭირო აღარ არისო, ეს ისევ სიტყვის მასალაა და მეტი არაფერი.

ჯარის დაბრუნება გამოიწვია ხალხის აღშფოთებამ. ჩვენ გასული კვირის ნომერში ვწერდით, რომ დღეს ხალხის ქოლგა-ამოხოცვა ისე აღარ მოხდება, როგორც წინათ ხდებოდა. გურიის განსაცდელმა ფეხზე დააყენა თითქმის მთელი კავკასიის მშრომელი ხალხი, განსაკუთრებით კი მისი მოწინავე რაზმი—რევოლიუციონური პროლეტარიატი. ყოველ კუთხეში ელვასავით გაისმა ხმა, რომ გურიის, იმ გურიის, რომელმაც გაბედულათ აღმართა ძმობის, თანასწორობის და თავისუფლების დროშა, ამოქოლგის, მოსპობას და განადგურებას უქადიანო! ამ ამბის გამო ყველა ქალაქებში, ყველა დაბა-სოფლებში სახალხო მიტინგები და კრებები გაიმართა და ყოველგან თითქმის ერთნაირ გადაწყვეტილებას აღგებოდნენ, ე. ი. გურიას დაეხმარონ. გურიის წინააღმდეგ ომის გამოცხადება, ეს მთელი კავკასიის რევოლიუციონური მოძრაობის წინააღმდეგ ომის გამოცხადებას ნიშნავს. და თუ მთავრობა ამ გზას დაადგება, ხალხს სხვა აღარა დაურჩება რა, გარდა იმისა, რომ თვითონაც იმავე გზას დაადგეს.

ყველაფერი ეს, რა თქმა უნდა, მიღებულ იქნა მხედველობაში. მთავრობა არ მოელოდა, რომ გურიის ამბავი რევოლიუციის საერთო საქმეთი იქნებოდა მიღებული. მას კიდევ ძველი დრო ეგონა, ძველი წესით უნდოდა საქმის გაკეთება. ჯერ თავის განზრახვას შეასრულებდა, ხალხს ამოხოცავდა და განადგურებდა და მერე უქვეშევრდომედს მოხსენებას დასწერდა, რომ აჯანყებული ხალხი დავამშვიდვე და ამისათვის ჯილდო მერგებოა, მაგრამ მას მოლოდინი გაუცრუვედა, სანამ იგი თავის განზრახვის სისრულეში მოყვანას შეუღებოდა.

ამნაირად გურიის საქმე მთელი მოძრაობის საქმედ გადაიქცა და ამას რამდენიმეთ თვით მთავრობამ შეუწყო ხელი თავისი ძველი ზომების წყალობით. მთავრობა დარწმუნდა, რომ იგი დაადგა მეტად სახიფათო გზას, მან დაინახა, რომ გურიაში ჯაჭრების გაგზავნით მან ფეხზე დააყენა მთელი მშრომელი ხალხი, და ეს მის სასარგებლოდ აღარ გათავდებოდა.

ამნაირად, როგორც ხედავთ, გურიას დღეს განსაცდელი ასცდა, მაგრამ ეს იმას კი არ ნიშნავს, რომ რევოლიუციონურ მოძრაობასა და მთავრობას შორის რაიმე მორიგება მომხდარიყოს და ერთს ან მეორეს იარაღი დაეყაროს. პირიქით, ეს მხოლოდ დროებითი ზავია.

პროლეტარიატის დანიშნულება.

1889 წელს, პარიზში საერთაშორისო სოციალისტურ კონგრესზე, სოციალ-დემოკრატიის გამოჩენილმა მოღვაწემ, გ. პლენხანოვმა¹⁴⁾ სხვათა შორის სთქვა: „რუსეთის განმათავისუფლებელი მოძრაობა გაიმარჯვებს, როგორც მუშათა მოძრაობა, ან იგი სრულებით ვერ გაიმარჯვებსო“. მას შემდეგ გავიდა 15 წელიწადი და ყველა აშკარათ ხედავს, თუ რამდენათ მართალი იყო ეს სიტყვები. რუსეთის ხალხის განთავისუფლება, თვითმპყრობელობის საფუძვლის დანგრევა, შექმლო მხოლოდ რუსეთის პროლეტარიატს.

რამდენიმე წლის განმავლობაში რუსეთის თვითმპყრობელი მთავრობა და რუსეთის პროლეტარიატი სსსტიკათ და დაუზოგველათ ებრძოდნენ ერთმანეთს. სიტყვა „მუშა“ მეფის მთავრობისათვის საზარელ სიტყვათ გადაიქცა. იმის ხმარება აკრძალული იყო, იმას ვერ ახსენებდით პრესაში. მეფის მთავრობამ შეიარაღა ყველა თავისი ძალები მუშის წინააღმდეგ: მთელი ამოდენა ჯარი, უთვალავი პოლიციელები, ჯაშუშები, ჟანდარმები და კაზაკები ყველა ესენი მთავრობამ მუშებს მიუსია: სცემეთ, ამათრახეთ, ქლიტეთ, რაც გინდოდეთ ის უყავით, ოღონდ იმას ნუ აღაპარაკებთ, ოღონდ იმას თავისუფლად გავლის ნებას ნუ მისცემთო! მერე ვინ იყო ეს მუშა? რით იყო იგი ასეთი ძლიერი, საშიშარი და თავზარდამცემი შეიარაღებული მთავრობისათვის? მუშა—ეს ყველაზე პატარა კაცი, ყველასაგან განთელილი, უსიტყუო და უიარაღო.—აი ვინ გვრიდა შიშის ზარს უძლიერეს მთავრობას, აი ვინ უფრთხობდა ძილს ყველა იმათ, ვინც განცხრომასა და ფუფუნებაში იყო.

და ამაში მთავრობა არ ცდებოდა, მისი შიში და ძრწოლა ტყუილი არ იყო. მუშის მარჯვენაზე ჰკიდია მთელი ამოდენა სახელმწიფო: ყველა მისი შრომის ნაყოფით საზრდოობს. დღევანდელი სახელმწიფო და საზოგადოებრივი წესწყობილება აშენებულია იმაზე, რომ საზოგადოების უმცირესობა, მუქთა-ხორა ბურჟუა-კაპიტალისტები, მიწათმფლობელები და მთავრობის მაღალი მოხელეები, ისაკუთრებენ ხალხის უმრავლესობის ნაოფლარს. მუშა ხალხი შეადგენს უმრავლესობას, მას შეუძ-

ლია ბოლო მოუღოს ამ გაყვლეფას, ამ უსამართლობას. მას წინ ვერ აღუდგება ე. ი. წინააღმდეგობას ვერ გაუწევს დღევანდელი მთავრობა, რაც უნდა იგი შეიარაღებული იყოს. მაგრამ ამას შესძლებს მუშა ხალხი მხოლოდ მაშინ, როცა იგი შეგნებული და შეკავშირებულია. სანამ ამ მუშების ჯგუფი დაქსაქსული და განმარტოებულია, სანამ მუშა ხალხში არ არის სოლიდარობის და ერთობის იდეა განმტკიცებული, ერთი სიტყვით, სანამ მუშა ხალხს გათვალისწინებული არა აქვს თავისი კლასობრივი მდგომარეობა, იგი უძლურია, მას აღვილად ყვლეფს და ავიწროებს საზოგადოების მუქთა-ხორა ნაწილი. ამიტომაც მთავრობა და ყველა მისი დამქაშები ყოველგვარ ღონისძიებას ხმარობდნენ, რათა მუშების ბნელ და ნესტიან სარდაფებში არ შექრილიყო სინათლის შუქი, რათა მუშებს არ შეეგნოთ თავისი ნამდვილი მდგომარეობა და მიზეზი თავისი გაჭირვებისა და დაჩაგვისა.

მაგრამ ამაო იყო მთავრობის მეცადინეობა: მათრახებით, ხიშტებით და თოფ-ზარბაზნებით შეიძლებოდა აღამიანების ამოხოცვა და ამოკლეთა, მაგრამ შეუძლებელი იყო ჭეშმარიტების და სამართლიანობის აღმოფხვრა, შეუძლებელი იყო მუშებში შეგნების შეჩერება და მით უმეტეს ამ შეგნების სრულიად აღმოფხვრა. სულ მცირე ხნის განმავლობაში მუშების მოძრაობამ შეანძრია და ბოლოს თავდაღმა დაამხო რუსეთის თვითმპყრობელობის საძირკველი. პროლეტარიატმა პირველად დაანახვა საზოგადოებას, რომ მთელი საზოგადოების ბედ-იღბალი მუშა ხალხზე ჰქილია, რომ თუ იგი გაჩერდა და თუ მან შესწყვიტა მუშაობა, საზოგადოებრივი ცხოვრების მაჯის ცემა უნდა შეწყდეს, მთელი ცხოვრება უნდა შეჩერდეს. პროლეტარიატის ბრძოლის ტაქტიკა და საშუალება: გაფიცვები, მიტინგები, დემონსტრაციები თითქმის ყველა რადიკალურ და ლიბერალურ ელემენტების ტაქტიკათ გადაიქცა და უკანასკნელ დროს ყველა ესენი პროლეტარიატის დროშის ქვეშ გამოვიდნენ თვითმპყრობელი მთავრობის წინააღმდეგ. ყველა უძლური იქით მიდის, საითაც ძალას ზედავს. ყველა ეს ელემენტები პროლეტარიატის სიძლიერეში რომ დარწმუნებული არ იყვნენ, არც ერთი იმათგან თვითმპყრობელობის წინააღმდეგ ბრძოლაში პროლეტარიატის დროშას არ ამოეფარებოდა. უკანასკნელ დრომდის, სანამ თვითმპყრობელობის საძირკველი არ შეიჩუა, არც ერთ რადიკალურ და ლიბერალურ ბურჟუაზიის ჯგუფს არავითარი ორგანიზაცია და გარკვეული სამოქმედო პროგრამა არ ჰქონებიათ შემუშავებული. იყო მხოლოდ ერთათ ერთი პარტია—რუსეთის სოციალ-

დემოკრ. მუშათა პარტია, რომელიც უკვე მოწყობილი იყო ორგანიზაციულად და რომელსაც ჰქონდა შემუშავებული გარკვეული სამოქმედო პროგრამა. სწორედ ბურჟუაზიული კლასების სრული მოუმზადებლობით აიხსნება ის გარემოება, რომ იმათი წარმომადგენლები თვითმპყრობელობის წინააღმდეგ ატეხილ ბრძოლაში პროლეტარიატის წითელ დროშის ქვეშ მოექცნენ.

თვითმპყრობელობა დღეს ყველასათვის, საზოგადოების ყველა კლასებისათვის მეტ ბარგად გადაიქცა. იმის დაშობა და მის აღვივება წარმომადგენლობითი მთავრობის დაფუძნება, ყველასათვის აუცილებელ საჭიროებათ გადაიქცა. მაგრამ ამაში უძლეული იყვენ ყველა ბურჟუაზიული პარტიები. ეს მხოლოდ პროლეტარიატს შეეძლო. და აი, კიდევაც პირველი იერიშის დროს თვითმპყრობელობის წინააღმდეგ ლიბერალური და რადიკალური ბურჟუაზიის წარმომადგენლები პროლეტარიატს შეურიგდნენ. და აი თვითმპყრობელობა ძლეულ იქნა, გამოცხადდა რალაც კონსტიტუციის მსგავსი. რა თქმა უნდა, რომ ეს არ დააკმაყოფილებდა მებრძოლ პროლეტარიატს და მან იარაღის დაყრის მაგიერ კიდევ უფრო გააძლიერა ბრძოლა. აი აქ კი შეკრთენ ბურჟუა-ლიბერალები. მაგრამ პირველ დღეებში კიდევ ვერ ბედავდნენ წინააღმდეგ ამხედრებას. ისინი კიდევ პროლეტარიატის თავგანწირული და დიადი ბრძოლის გავლენის ქვეშ იმყოფებოდნენ. ისინი ვერ ახერხებდნენ მთავრობისაკენ მიმხრობას, თუმცა არ მალავდნენ, რომ თუ მთავრობა გაამართლებს თავის დაპირებას, ისინი მზათ არიან მას გვერდში ამოუდგენო. ესენი იყვენ, ეგრეთ წოდებული, კონსტიტუციონალურ-დემოკრატიულ პარტიის, რადიკალური ბურჟუაზიის წარმომადგენლები. თუ ასე მოიქცენ რადიკალური ბურჟუაზიის წარმომადგენლები, ადვილი წარმოსადგენია, როგორ მოიქცეოდნენ ლიბერალური და ნახევრად ლიბერალური პარტიები. იმათ პირველი ნაბიჯი არც კი ქონდათ გადადგმული წინ, რომ უკან დაიხიეს და თავისი თავი „წესიერების პარტიათ“ გამოაცხადეს.

და აი, დღეს ჩვენ ვხედავთ, რომ ბურჟუაზიულ კლასების სხვადასხვა პარტიებო დგებიან, ორგანიზაციებს აწყობენ, მუშების წინააღმდეგ კავშირებს აარსებენ, რომ პროლეტარიატის ბრძოლა შეზღუდონ, შეაჩერონ. იმათ კარგათ იციან, რომ დღევანდელი თავისუფლება პროლეტარიატს ვერ დააკმაყოფილებს, რომ პროლეტარიატის მოძრაობა მთელი დღევანდელი ბურჟუაზიული წესწყობილების წინააღმდეგ არის მიმართული.

აშკარაა, რომ პროლეტარიტი ახლო მომავალში სრულებით გან-
შარტოებული დარჩება, მას არ ეყოლება მოკავშირე იმ დიად ბრძოლა-
ში, რომლის მიზანი სოციალიზმის განხორციელებაა, როცა ბოლო
უნდა მოეღოს ადამიანის ყოველგვარ დაჩაგვრას და შევიწროებას. მაგრამ
პროლეტარიტი ისარგებლებს და შესანიშნავად გამოიყენებს იმ თავის-
უფლებას, რომელიც მან დღეს მოიპოვა და რომლისთვის მან ამოდენი
სისხლი დაღვარა. დღევანდელი თავისუფლება ის ძლიერი საშუალებაა,
რომელიც გაუადვილებს მუშა ხალხს ორგანიზაციულად შეკავშირებას
და გაერთიანებას.

მუშათა მოძრაობის საბოლოო მიზანი სოციალიზმის დამყარებაა;
პოლიტიკურ თავისუფლების მოპოება დიდი ნაბიჯის წინ გადადგმა ამ
მიზნის განხორციელებისაკენ. რაც შეიძლება ფართო პროპაგანდის გა-
მართვა ყოველგვან, სადაც კი მუშა ხალხი ცხოვრობს და რაც შეიძლება
მეტი მუშების მტკიცე კავშირით გაერთიანება,—იი რა შეადგენს დღეს
სოც.-დემოკრ. მუშათა პარტიის უპირველეს დანიშნულებას.

რუსეთის პროლეტარიტი შესძლებს დღევანდელ პატარა თავისუფ-
ლების გამოყენებას თავის დიდებული მიზნის განსახორციელებლათ.

(ქურნალი „მოგზაური“ 1905 წ.
13 ნომბერი, № 40).

პარტიის ცხოვრებდან.

სექტემბრის პირველ რიცხვებში მოხდა საპარტიო-თავმჯდომარის კონფერენცია რუსეთის სოციალ-დემოკრატიული ორგანიზაციებისა. კონფერენციას უნდა შეეშუშავებინა საერთო ტაქტიკა სახელმწიფო სათათბიროს შესახებ.

კონფერენციაზე მოწვეული იყვნენ შემდეგი პარტიების ცენტრალურ დაწესებულებათა წარმომადგენლები: სომეხთა სოციალ-დემოკრატიული მუშათა ორგანიზაციისა, ებრაელთა საყოველთაო მუშათა კავშირისა ლიტვაში, პოლონეთში და რუსეთში (ბუნდი), ლათინთა სოციალ-დემოკრატიული მუშათა პარტიისა, უკრაინის (მალოროსია) რევოლუციონური პარტიისა, რუსეთის სოციალ-დემოკრატიული მუშათა პარტიისა (ორგანიზაციური კომისია, ე. ი. „უმცირესობა“), რუსეთის სოციალ-დემოკრატიული მუშათა პარტიისა (ცენტრალური კომიტეტი, ე. ი. „უმრავლესობა“) და პოლონეთის და ლიტვის სოციალ-დემოკრატიისა.

კონფერენციას დაესწრენ ყველა მოწვეულ ორგანიზაციების წარმომადგენლები, გარდა სომეხთა სოციალ-დემოკრატიული მუშათა ორგანიზაციის, რომელმაც აცნობა კონფერენციას, რომ მან ვერ მოასწრო დელეგატის გაზაენა, რადგან დროზე ვერ გაიგო, თუ რა დღეს უნდა მომხდარიყო კონფერენცია *).

ორგანიზაციული კომისიის წევრმა („უმცირესობა“) განაცხადა, რომ იგი შეთხვევით გამოცხადდა კონფერენციაზე დელეგატის მაგიერ, რომელიც დროზე ვერ მოვიდა, და არა აქვს თავის კოლეგიისაგან მონღობილობა კონფერენციაზე წარმომადგენლობისა, რომ მას უფლება აქვს მიიღოს მონაწილეობა კონფერენციაზე „მხოლოდ იმ შემთხვევაში, თუ გადაწყვეტილებანი სავალდებულო არ იქნებიან იმ ორგანიზაციისათვის, რომელსაც იგი ეკუთვნის და თუ განსაკუთრებული ადგილი, რომელიც

*) კონფერენციის შემდეგ სომეხთა სოც.-დემ. მუშათა ორგანიზაცია, გაეცნო რა კონფერენციის მუშაობას, სრული თანხმობა განაცხადა და საესებით მიიღო მასზე მიღებული რეზოლუციები.

მას უკირავს, აქ ხელს არ შეუშლის მის მიერ კონფერენციაზე მონაწილეობის მიღებას, „ერთაშორის სრულყოფილებიანი წვერის“.

კონფერენციამ დაადგინა, რომ

1. ყველა რეზოლიუციები, რომლებიც მიღებული იქნება უბრალო ხმის უმეტესობით (ხმებს თითოეული ორგანიზაცია ცალკე ითვლის), სავალდებულოა იმ ორგანიზაციებისთვის, რომელთა წარმომადგენლებიც კონფერენციაზე მიიღებენ ამ რეზოლიუციებს;

2. მიღებულ რეზოლიუციების გამოქვეყნება სავალდებულოა იმ ორგანიზაციებისთვისაც, რომელთა წარმომადგენლები წინააღმდეგნი იყვნენ, — თანახმად ორგანიზაციული კომისიის წვერის განცხადებისა. მიღებულ იქნა შემდეგი დადგენილება:

კითხვების გადაჭრის დროს მიღებული ხმების საბოლოოთ დათვლა მოხდეს ორგანიზაციული კომისიისაგან პასუხის მიღების შემდეგ მისი დელეგატის ხმის დამტკიცების (რატოფიცაციის) შესახებ, პასუხი კი უნდა იქნეს მოცემული (ამა და ამ ვადაზე).

იმ შემთხვევაში, თუ განსაზღვრულ დროზე პასუხი არ მოვიდა საერთოდ ხმების დათვლის დროს, ორგანიზაციული კომისიის წვერის ხმა სათათბირო ხმათ იქნება მიჩნეული *).

რომ რაც შეიძლება მალე ესარგებლა კონფერენციის რეზოლიუციებით, კრებამ დაადგინა:

ნამდვილ ხმის უმეტესობით მიღებული რეზოლიუციები სახელმძღვანელოდ ითვლება იმ ორგანიზაციებისათვის, რომლებმაც მიიღეს ეს რეზოლიუციები, მანამდისაც კი, სანამ საბოლოოთ იქნება ხმები დათვლილი და სანამ რეზოლიუციები გამოქვეყნებული იქნება.

კონფერენციაზე დამსწრე ორგანიზაციების აზრის გამოარკვევის შემდეგ სახელმწიფო სათათბიროს შესახებ და შემდეგ ხანგრძლივი კამათისა, მიღებულ იქნა შემდეგი რეზოლიუცია:

რეზოლიუცია სახელმწიფო სათათბიროს შესახებ.

ჩვენ, შემდეგ პარტიების ცენტრალურ დაწესებულებათა წარმომადგენლები: ებრაელთა საყოველთაო მუშათა კავშირისა ლიტვაში, პოლონეთში და რუსეთში (ბუნდი), ლატიშთა სოციალ-დემოკრატიული მუშათა პარტიისა, უკრაინის (მალოროსია), რევოლუციონური პარტიის, რუსეთის სოციალ-დემოკრატიული მუშათა პარტიისა (ცენტრალური კო-

*) ორგანიზაციულმა კომისიამ უარი განაცხადა რეზოლიუციების მიღებაზე.

მიტეტი, (ე. ი. „უმრავლესობა“) და პოლონეთის და ლიტვის სოციალ-დემოკრატია, განვიხილეთ რა კონფერენციაზე საკითხი სახელმწიფო სა-თათბიროს შესახებ, შემდეგი დასკვნა გამოვიტანეთ:

სახელმწიფო სათათბირო, რომელსაც მეფის მთავრობა იწვევს, ხალხის წარმომადგენლობის საზიზღარი დამახინჯებაა; მისი მიზანია განამტკიცოს რევოლიუციონური მოძრაობისაგან შერყეული თვითმპყრობელობა და იარაღი მისცეს მთავრობასა და ბურჟუაზიულ პარტიებს პროლეტარიატისა და გლეხკაცობის დასამონავებლათ.

ამგვარი თვალთმაქცობით თვითმპყრობელობას უნდა პოლიტიკურათ დაუხლოვდეს მოძრაობისაგან დამფრთხალ ბურჟუაზიას, მიიმხროს ის და შემდეგ მასთან ერთად იერიში მიიტანოს პროლეტარიატისა და გლეხკაცობის რევოლიუციონურ მოძრაობაზე.

და რომ სახელმწიფო სათათბიროს სწორეთ ასეთი მიზანი აქვს, რომ ის მხოლოდ მეფის მთავრობის ორგანოა, — ამას თვალსაჩინოთ მოწმობს ექვსი აგვისტოს კანონი:

1. საარჩევნო სისტემა, რომელიც მაღალ ქონებრივ ცენზზეა დამყარებული, ხმას ართმევს მთელ პროლეტარიატს, ყველა ქალებს, 9/10 გლეხობას, მშრომელ ინტელიგენციას და ქალაქის წვრილი ბურჟუაზიის მეტ ნაწილს; ხოლო რაც შეეხება იმ ზოგიერთებს, ვისაც საარჩევნო ხმა ეძლევა, მათი ხმა ყოველივე ძალასა კარგავს, რადგანაც არჩევნები „ეტაჟიანებია“ და არა პირდაპირი.

2. სახელმწიფო სათათბიროს მხოლოდ სათათბიროს ხმა ეძლევა და არა გადამქრელი, რის გამოც ის იძულებული იქნება ბიუროკრატული მექანიზმის უბრალო მაჩანჩალათ გადაიქცეს.

3. ხალხს არ ეძლევა უბრალო მოქალაქობრივი უფლებანი სიტყვის, ბეჭდვის, ყრილობის და კავშირის თავისუფლება, ბინის და პიროვნების ხელშეუხებლობა, — ამავე დროს პატულობს რეპრესიები, შემოდის სახედრო დებულება, გაისმის თოფების გრიალი, შენდება სახრჩობელები, მრავლდება „შავი რაზმები“, მთავრობისაგან ერთი ერის მეორეზე ამხედრება და ყველა ეს თვალსაჩინოთ მოწმობს, რომ სათათბიროში არჩევნები — საზიზღარი კომედიაა, რომელიც მხოლოდ მეფის მთავრობას მოუტანს სარგებლობას.

ამიტომ კონფერენციამ სცნო:

1. ტყუილი იმედია, რომ ვითომ სახელმწიფო სათათბიროს შექმნას ხალხის ეკონომიური და უფლებრივი მდგომარეობის გაუმჯობესე-

ბა; ყველა ამგვარი ცრუ იმედები, რომლებსაც ასე გულმოდგინეთ ავრცელებს ხალხში მთავრობა და ბურჟუაზიის ერთი ნაწილი, მხოლოდ თვითმპყრობელობას მოუტანს სარგებლობას ზეშინ, როდესაც ესევე ცრუ იმედები ძირს დასწევს და დაანელებს პროლეტარიატისა და გლეხ-კაცობის რევოლუციონურ ენერჯის.

2. სახელმწიფო სათათბიროს დებულებამ, გაამართლა რა ჩვენი ტაქტიკური ლოზუნგი, რომ მხოლოდ ხალხის ძლევა-მოსილ აჯანყებას შეუძლიან ძირს დასცეს პროლეტარიატის წინამძღოლობის; დღევანდელი წესები და მის ნანგრევებზე ააშენოს კლასიური ბრძოლის უკეთესი პირობები—დემოკრატიული რესპუბლიკა,—ერთხელ კიდევ წამოაყენა რუსეთის სოციალ-დემოკრატიის წინაშე მისი მიუცილებელი მიზანი,—ხალხის შეიარაღებული აჯანყების მომზადება.

ამიტომ კონფერენციამ დაადგინა:

1. ვისარგებლოთ მომავალი საარჩევნო კრებებით ჩვენი აგიტაციის გასაფართოვებლად:

გაუმართოთ მიტინგები, შევიქრათ ყველა საარჩევნო კრებებზე, გამოვაქვეყნოთ იქ სათათბიროს ნამდვილი დანიშნულება, დავამტკიცოთ, რომ ჩვენთვის სათათბირო კი არა, სახალხო დამფუძნებელი კრებაა საკირო, მოწვეული რევოლუციონური გზით საყოველთაო, პირდაპირი, თანასწორი და დახურული კენჭის ყრით;

მოეუწოდოთ ყველა ნამდვილ დემოკრატიულ ელემენტებს, რომ აქტიური ბოიკოტი გამოუცხადონ სახელმწიფო სათათბიროს და სამარცხეინო ბოძზე მიაკრან ყველა ისინი, ვინც სათათბიროში მონაწილეობას მიიღებენ, როგორც ხალხის მოღალატენი.

მივიღოთ ყველა აშნაირ კრებებზე შესაფერისი რეზოლიუციები შესახებ სახელმწიფო სათათბიროსა.

2. სათათბიროს წინააღმდეგ პროტესტის გამოსაცხადებლად და იმისთვის, რომ გავლენა ვიქონიოთ ამომრჩეველებზე, უნდა მოვაწყოთ პროლეტარულ მასის რევოლუციონური გამოსვლა.

3. სათათბიროში არჩევნების უკანასკნელი დღისთვის უნდა მოვაწყოთ საყოველთაო პოლიტიკური გაფიცვები, მანიფესტაციები, დემონსტრაციები, ყოველი ზომა უნდა ვიხმაროთ, რომ არჩევნები ჩაიშალოს, და თუ საკირო დარჩება, ძალასაც უნდა მივმართოთ არჩევნების ჩასაშლელათ.

რევოლიუციის მიღების შემდეგ კონფერენციამ გადაწყვიტა—მოწვეულ იქნეს ახლო მომავალში მეორე კონფერენცია, რის შესრულება მიენდო ბუნდის და ჩვენი პარტიის ცენტრალურ კომიტეტებს.

ცენტრალურ დაწესებულებათა წარმომადგენლები:

1. ებრაელ მუშათა საყოველთაო კავშირისა ლიტვაში, პოლონეთში და რუსეთში (ბუნდი).
2. ლატიშ მუშათა სოციალ-დემოკრატიული პარტიისა.
3. უკრაინის რევოლიუციონური პარტიისა.
4. რუსეთის სოც.-დემ. მუშათა პარტიისა (ცენტრალური კომიტეტი).
5. სოციალ-დემოკრატიისა პოლონეთში და რუსეთში.

— პოლონეთის და ლიტვის სოციალ-დემოკრატიის ვარშავის კომიტეტის დადგენილება; მთავრობის განცხადება, ამართლებს რა ხამხედრო დროის წესების შემოღებას და კონსტიტუციის წართმევას იმით, რომ პოლონეთის მოძრაობას სეპარატიული ხასიათი აქვს; არის საზიზღარი ზომა მთავრობის ნაციონალური ტაქტიკისა—გამოყოს პოლონეთის რევოლიუცია რუსეთის რევოლიუციისაგან. ვიმოწმებთ იმ ფაქტს, რომ მთავრობამ, მას შემდეგ, რაც მან ძალ-მომხრება იხმარა ჩვენი რევოლიუციონური მანიფესტაციების გასაფანტავათ და ჩვენი ამხანაგების სისხლი დაღვარა, სრული თავისუფლება მისცა პოლონეთის ნაციონალურ მანიფესტაციებს თეთრი არწივით და პოლონეთის პატრიოტული სიმღერებით, რომ ამ მანიფესტანტებზე სენკევიჩი და სხვა ორატორები გაფიცულებს უჩრევდენ მუშაობას შედგომოდენ და დამშვიდებულებს. მთავრობას ამ მანიფესტაციის იმედი ქონდა, რადგან პოლონეთის რევოლიუციონური პროლეტარიატი არ ერწმუნა არც მთავრობას და არც პოლონეთის ნაციონალურ მანიფესტაციებს და საყოველთაო გაფიცვა არ შესწყვიტა, მთავრობამ უღალატა პოლონეთის ნაციონალისტებს, თავის მოკავშირეთ კონტრ-რევოლიუციის საქმეში, დაამყარა რა თეთრი ტერორი იმავე ნაციონალისტური ლოზუნგებით, რომლების საშუალებით იგი წინეთ იმედოვნებდა პროლეტარიატის დამშვიდებას. ვიმოწმებთ კიდევ იმ ფაქტს, რომ პოლონეთის ნაციონალისტურ მოძრაობას მიზნათ აქვს არა გამოყოფა პოლონეთის რუსეთისაგან, არამედ კონტრ-რევოლიუციის მოხდენა, რომ პოლონეთის რევოლიუციონური პროლეტარიატი მთელი რუსეთის რევოლიუციონურ პროლეტარიატთან ერთად მიისწრაფვის საერთო თავისუფლებისაკენ და არა სეპარაციისაკენ.

— 31 ოქტომბერს, დილის 11 საათიდან ვიდრე საღამომდე, პეტერბურგში მოხდა შეერთებული სააგიტაციო კოლექტივის კრება. შეიკრიბნენ ორივე ფრაქციის წარმომადგენელი („უმრავლესობის“ და „მცირესობის“). დაესწრა 50-ზე მეტი პროფესიონალური ორატორი. განსახილველი იყო კითხვა ორივე ფრაქციის ორატორების მოქმედებათა შეთანხმების თაობაზე. გადაწყვიტეს აღმასრულებელ ბიუროს არჩევა. ერთხმად მიღებულ იქნა შემდეგი რეზოლიუცია: ბიურო არის შეერთებული სააგიტატორი კოლექტივის აღმასრულებელი ორგანო. სააგიტატორი კოლექტივი ანაწილებს ორატორებს და აგიტაციებს ახდენს შეთანხმებით. მიღებულ იქნა აგრეთვე, 31 ხმით ხუთი ხმის წინააღმდეგ დამატება, რომელიც ამბობს, რომ ორივე ფრაქციების ორგანიზაციებს შეუძლიათ ბიუროს საშუალებით მოუწოდონ ორატორებს, თუ ვინც ცოცხალია სადმე იმათი რიცხვი საკმარისი არ არის. შემდეგ მსჯელობა ქონდათ 8 საათის სამუშაო დღეზე და მიღებულ იქნა აგიტაციის განსაზღვრული სქემა 8 საათის სამუშაო დღის რევოლუციონური გზით გასაცხანათ.

— რ. სოც.-დემ. მუშათა პარტიის მოსკოვის კომიტეტმა და ჯგუფმა შემდეგი პროკლამაცია გამოუშვეს: ამხანაგებო! რუსეთის დიდი რევოლუცია უკვე თავდება. ახლო მომავალში მოხდება გადამწყვეტი შეტაკება, რაც ითხოვს პროლეტარიატის მკიდროთ შეკავშირებას და მისი მოქმედების ერთიანობას. რევოლუციის შედეგი დამოკიდებულია იმაზე, თუ პროლეტარიატი რამდენათ შეგნებულია და თავისი მოქმედებით და ორგანიზაციით გაერთიანებულია. რევოლუციის სრული გამარჯვება შესაძლებელია მაშინ და, მარტოო მაშინ, როცა მას სათავეში უდგას პროლეტარიატი, რომელიც შესძლებს გლახობა და ქალაქის წვრილი ბურჟუაზია ბოლომდის გამოიყოლიოს დემოკრატიული რესპუბლიკის მოსაპოვებლათ. მუშა ხალხში კავშირის და ორგანიზაციის განსამტკიცებლათ, და, მაშასადამე, რევოლუციის სრულ გასამარჯვებლათ. რუს. სოც.-დემოკრ. პარტიის მოსკოვის კომიტეტმა და მოსკოვის ჯგუფმა გადაწყვიტეს, მიუხედავად არსებულ ტაქტიკურ და ორგანიზაციულ განსხვავებათა, შეადგინონ ფედერატიული, გაერთიანებული საბჭო მოსკოვის პროლეტარიატის პოლიტიკური მოქმედების შეთანხმებით ხელმძღვანელობისათვის.

ამ ფედერატიული საბჭოს დანიშნულებას შეადგენს გაერთიანება და წინდაწინვე შედგენილ გეგმით მოწყობა სიტყვიერი და ლიტერატურული

აგიტაციისა და პროლეტარიატის ყოველგვარ საჯარო მოქმედებისა და აგრეთვე ყველა დანაზღვრულ ორგანიზაციებთან ურთიერთობა (ვ. პ.).

— ამნაირათ, როგორც სჩანს, თვით ცხოვრებამ წამოაყენა ორი ფრაქციის „უმრავლესობის“ შეერთება, მათი მოქმედების შეთანხმება და არსებულ სამწუხარო განხეთქილების მოსპობა. ყველამ იცის, თუ რამდენად შეუშალა ხელი ამ განხეთქილებამ პარტიულ მუშაობას და როგორ შეასუსტა მან პარტია. დღეს, როცა ბურჟუაზიული პარტიები ეწყობიან და პროლეტარიატის წინააღმდეგ საბრძოლველათ ემზადებიან, თვით პარტიაში განხეთქილება პირდაპირ ხელსაყრელი იქნება პროლეტარიატის მტრებისათვის. ამიტომ საჭიროა, აუცილებლად საჭიროა, რომ პარტიულ განხეთქილებას ბოლო მოეღოს. სამწუხაროთ უნდა აღვნიშნოთ, რომ თბილისში ორივე ფრაქციის ადგილობრივ ორგანიზაციების პირველმა კლამ ამ მიზნით უნაყოფოთ ჩაიარა. „უმრავლესობის“ წარმომადგენლებმა დააყენეს კითხვა პროლეტარიატის მოქმედების გაერთიანებაზე თბილისში, რისთვისაც ორივე ფრაქციის ადგილობრივ ორგანიზაციებს უნდა შეედგინათ, მსგავსათ მოსკოვისა და პეტერბურგისა, გამაერთიანებელი ცენტრი. „უმცირესობის“ წარმომადგენლებმა კი უარყვეს კითხვის ასე დაყენება და პირდაპირ ორივე ფრაქციის შეერთება სცნეს შესაძლებლათ, ე. ი. ადგილობრივ „უმრავლესობის“ მათ ორგანიზაციაში შესვლა. კითხვის ასე დაყენების გამო შეთანხმება ჯერ-ჯერობით შეუძლებელი შეიქნა და კრებაც დაიშალა.

(ტურნალი „მოგზაური“ 1905 წ.
13 ნომბერი, № 10).

ჩვენს მკითხველებს.

ამხანაგებო! „მოგზაურის“ დღევანდელი ნომერი (№ 41) არის უკანასკნელი, რომელიც ჩვენი რედაქციით გამოდის. დღეს ჩვენ ვეთხოვებით ჩვენს მკითხველებს, მუშა-პროლეტარებს, რათა ახლო მომავალში, უფრო ფართო ნიადაგზე და უფრო მომზადებული განვავრჭოთ ჩვენი მოღვაწეობა—ჩვენ ამხანაგ-მუშებთან ერთად ვარკვიოთ პროლეტარიატის როლი და დანიშნულება იმ დიად მოძრაობაში, რომელსაც დღეს განიცადის მთელი რუსეთის ხალხი.

ამ ათიოდე თვის წინათ, როცა ჩვენ მეფის მთავრობის მიერ დახურულ „კვალის“ ნაცვლად საკუთარი ორგანოს გამოცემა ვიკისრეთ, მეტათ სამწუხარო იყო ჩვენი მდგომარეობა. ყველა ჩვენი ძალები ამავე მთავრობის აულაგმავი თვითნებობის წყალობით დაქსაქსული და მიფანტულ-მოფანტული, ჩვენი პარტიის დაუზოგველი და შეუბრალებელი დევნა, ახალ-ახალი სასტიკი რეაქციონური ზომები რევოლიუციონური პროლეტარიატის ძლიერ-მოსილი მოძრაობის ჩასაქრობათ მიღებული განსაკუთრებით პეტერბურგში. მ იანვარს მომხდარ ამბების შემდეგ, მთავრობის ცენზურის რკინის დარჯაკი, რომელშიაც უნდა გამოეცვლო თითველ ჩვენს სიტყვას, და ამავე დროს ნივთიერი უსახსრობაც და მრავალი სხვა დამაბრკოლებელი გარამოებანი ჩვენ წინ გველოებოდნენ, მაგრამ ყოველივე ეს, ჩვენდა მოულოდნელათ, ძლიერ იქნა იმდენად ჩვენი საკუთარი ღონით არა, რამდენათაც ჩვენი მუდმივი მკითხველების, მუშა ხალხის ნამდვილი თანაგრძნობით და დახმარებით. პირველი ნომრის გამოსვლისთანავე ჩვენ დაგრწმუნდით, თუ რა საჭიროებას და მოთხოვნებს შეადგენდა ჩვენში სოციალ-დემოკრატიული მიმართულების ორგანოს არსებობა იმ დამახინჯებულ სახითაც კი, როგორითაც ეს შესაძლებელი იყო თვითმპყრობელ სახელმწიფოში.

რა თქმა უნდა, უმთავრესი დაბრკოლება ჩვენთვის მთავრობის ცენზურა იყო *). აქ იღვენებოდა ყოველგვარი ცოტათ თუ ბევრათ ცოცხალი აზრი, იღვენებოდა არა მარტო აზრი, არამედ უბრალო სიტყვაც

*) განსაკუთრებით მას შემდეგ, რაც რომ ბ. გოთემ 12) ცენზორობას თავი დაანება.

კი. ხშირათ ჩვენ თვითონ ვხედდებით ჩვენი აზრის, ჩვენივე ცოცხალი სიტყვის ჯალათი, მაგრამ მიუხედავთ ამისა, მიუხედავთ ჩვენი შეხედულებისა „კონტრბანდათ“ გატარებისა, ხშირი იყო ისეთა შემთხვევა, როცა არა თუ ცალკე წერილები და სტატიები, არამედ მთელი ნომრის მასალა, დასაბეჭდათ გამზადებული, საცენზურო კომიტეტში რჩებოდა და პასუხად ცენზორების კბილების ღრქენა და მათი უკმეხი მუქარა იყო. უბედური იყო ეს დრო! სამუდამო ზიზლი ყველა იმათ, ვინც ამ უბედურებას ხელს უწყობდა, ვინც მისი წყალობით ხელს ითბობდა?

რუსეთის მუშა ხალხმა, მებრძოლმა პროლეტარიატმა, სოციალ-დემოკრატიის დროშის ქვეშ შეერთებულმა, სამუდამოთ დასცა და დაამხო ის წესწყობილება, რომელსაც მეფის თვითმპყრობელობა ერქვა და რომელიც ყველას კრიქვას უკრავდა და თავისუფლათ ამოსუნთქვის ნებას არ აძლევდა. რუსეთის პროლეტარიატმა თავგანწირული ბრძოლით მოგვიპოვა ჩვენ სიტყვის და წერის თავისუფლება. თავისუფალი სიტყვა — ეს უძღვევლი და უძლიერესი იარაღი პროლეტარიატის მიზნის განსახორციელებლად, დღეს ჩვენ ხელთ გვიპყრია. არავითარ ძალას არ შეუძლია ჩვენ იგი ხელიდან გამოგვგლიჯოს.

დღეს ჩვენი პარდაპირი მოვალეობაა ეს იარაღი ღირსეულად გამოვიყენოთ. დღევანდელ პირობებს აღარ შეფერის კვირეული გამოცემა: დღეს მუშაობა გაფართოვდა და ამიტომ ყოველკვირეულ ორგანოს მაგიერ ყოველდღიური ორგანი- შეიქმნა აუცილებელი საჭირო. კავკასიის პროლეტარიატი განცალკევებული არ არის, იგი მჭიდროთ შეკავშირებულია არა თუ რუსეთის პროლეტარიატთან, არამედ ყველა ქვეყნის საერთაშორისო პროლეტარიატის საბოლოო მიზანი და ამ მიზნის მისაღწევი გზა და საშუალება ერთი და იგივეა. კავკასიის პროლეტარიატი საერთაშორისო პროლეტარიატის უმცროსი ძემა, მაგრამ მიუხედავთ ამისა, მას ძლიერ მადლა უქირავს საერთაშორისო პროლეტარიატის წითელი დროშა, — დიდებული დროშა სოციალიზმისა!

ჩვენი უმახლობელესი მიზანი და დანიშნულება კავკასიის მუშა ხალხის გამოთხოვნილებაა, მასში შეგნების შეტანა და მისი მტკიცე კავშირით შეერთება სოციალ-დემოკრატიული წითელი დროშის ქვეშ.

გაუმარჯოს ამ დროშას! გაუმარჯოს ამ დროშის ქვეშ მებრძოლ რუსეთის სოციალ-დემოკრატიულ მუშათა პარტიას.

(ქურნალი „მოგზაური“ 1905 წ.

25 ნოემბერი, № 41).

რ. სოც.-დემ. მ. პარტიის მომავალ ყრილობის (სიეზდის) გამო.

ქვევით ჩვენ ვბეჭდავთ რუსეთის სოც.-დემოკრ. მუშათა პარტიის ცენტ. კომიტეტის (უმრავლესობა) განცხადებას, რომლითაც იგი იწვევს რ. ს.-დ. პარტიის მეოთხე ყრილობას (სიეზდს) და ვბეჭდავთ აგრეთვე ამხანაგ ლენინის წერილს ამავე საგნის შესახებ. როგორც ც. კ.-ს განცხადება, ისე ლენინის წერილი ნათელყოფს პარტიაში არსებულ უთანხმოების მოსპობას და ორ ფრაქციით გაყოფილ პარტიის მიუცილებელ გაერთიანებას.

„პარტიის მეოთხე ყრილობას—ვკითხულობთ ჩვენ ც. კ. განცხადებაში—ვიწვევთ მომწიფებული პოლიტიკური კითხვების გადასაწყვეტათ და უპირველეს ყოვლისა, პარტიის გაერთიანების მოსახდენათ“.

ამნაირად ახლო მომავალში უნდა განხორციელდეს ყველა გულწრფელ და თავდადებულ მუშაკების ნატერა—შინაური განხეთქილების მოსპობა და ორი ფრაქციის გაერთიანება. ეს ნატერა დღეს აღარ არის განუყენებელი ოცნების ნაყოფი. გაერთიანებას ჩვენ გვიკარნახებს თვით სინამდვილე, ამას თხოულობს დღევანდელი პოლიტიკური ვითარება. რუსეთის პროლეტარიატი რუსეთის რევოლიუციის მოწინავე რაზმია. დღემდის ყველა რევოლიუციონური ჯგუფები თუ კლასები პროლეტარიატს უკან მისდევდნენ და ასე იყო თუ ისე, ბრძოლის დროს ზურგს უმაგრებდნენ, მაგრამ პროლეტარიატის და დანარჩენ საზოგადოებრივ კლასების მიზანი ერთი და იგივე ხომ არ არის, ლიბერალური და რადიკალური ბურჟუაზია მხოლოდ რევოლიუციის განსაზღვრულ საფეხურამდე მიყვებოდნენ პროლეტარიატს: პროლეტარიატისთვის კი დღევანდელი რევოლიუცია მხოლოდ მაშინ დამთავრდება, როცა რუსეთში დაფუძნდება დემოკრატიული მართვა-გამგეობა. პროლეტარიატის ძლევა-მოსილმა მოძრაობამ და მისმა პოლიტიკურმა გავლენამ საზოგადოების ჩამორჩენილი ელემენტები—ბურჟუაზიული პარტიები ძალზე დააფრთხო და შეაშფოთა და ისინი კავშირებს და ორგანიზაციებს აწყობენ რევოლიუციონური პროლეტარიატის მოძრაობის შესაჩერებლად. ამიტომ ისინი, აქამდის რე-

ვოლიუციის მოკავშირენი, დღეს უკვე რეაქციონური მთავრობის ბანაკში გადადიან და კონტრ-რევოლუციის მოხდენას შევლიან.

რალა თქმა უნდა, ასეთ დროს საქიროა რუსეთის მეტროპოლიტიკური პარტიის გაერთიანებული ძალა და ენერჯია სულ მთლად ამ რეაქციონურ ელემენტებს, ყველა ბურჟუაზიულ პარტიებს დაუპირდაპირდეს, როგორც ერთი განუყოფელი პარტია. ამას გრძნობენ დღეს პარტიის ორივე ფრაქციის წარმომადგენელები, პარტიის ყველა წევრები. გარდა ამისა, გაერთიანების საქმე დღეს დიდად გაადვილებულია. ორგანიზაციული კითხვები, რომლებიც ამ შინაურ უთანხმოებაში საკმარისათ დიდ როლს თამაშობენ, დღეს თითქმის აღარ არსებობს.

პარტია უნდა მოეწყოს საარჩევნო სისტემის წესზე, ტაქტიკური ხასიათის კითხვებშიაც ისეთი განსხვავება აღარ არის, როგორც წინათ იყო. ერთი სიტყვით, ის დაშორება, რომელიც დღემდის არსებობდა პარტიის ორ ფრაქციას შორის, დღეს თითქმის აღარ არსებობს. ორივე ფრაქციის ადგილობრივი ორგანიზაციები უკვე ახდენენ დროებით შეთანხმებას, სანამ პარტიის ცენტრალური დაწესებულებები მოახდენდნ საბოლოო გაერთიანებას ორ ფრაქციას შორის. ეს ფაქტი საბუთს გვაძლევს ვიწინასწარმეტყველოთ, რომ ეს გაერთიანება უეჭველად მოხდება, და მოხდება ახლო მომავალში. საქიროა მხოლოდ, რომ ორივე ფრაქციის წარმომადგენლებმა უარყონ ზედმეტი ფორმალიზმი და ფრაქციული თავმოყვარეობა. ყველაზე წინ დღეს უნდა დაყენებულ იქნას მთელი პარტიის ინტერესი. ამაში უნდა ვხედავდეთ პარტიის ერთ უმთავრეს ტაქტიკას დღევანდელ პოლიტიკურ პირობებში.

შეერთების საკითხი გადაწყდება, რასაკვირველია, ორი ფრაქციის წარმომადგენლების შეერთებულ კრებაზე. ამ კრებაზე პარტიის ყველა ორგანიზაციების მხრით ფართო მონაწილეობის მიღება უზრუნველყოფილია, ასე რომ, მისი გადაწყვეტილება, ეს პარტიის უმრავლესობის სურვილის გამოხატვა იქნება და როგორც ასეთი, მისი დადგენილებანი პარტიის ყველა ორგანიზაციებისათვის და ყველა წევრისათვის სავალდებულო უნდა შეიქნას.

პირდაპირობა და ორქოფობა.

წერილი პირველი.

ხშირად გამიგონია ასეთი საყვედური: ცხოვრებამ ბევრათ გაუსწრო მწერლობასო. ეს სრული ქეშმარიტებაა. ჩვენი მწერლობა ჩამორჩა ცხოვრებას, შან ვერ შესძლო ნამდვილ ცხოვრების გამოხატვა, იგი ვერ შეიქნა ამ ცხოვრების ნამდვილი სარკე. ჩვენ ვერ შევუდგებით იმის მიზნების გამოაკვევას, თუ რათ მოხდა ეს ასე. ალბათ იყო ისეთი პირობები, რომლებიც ხელს უწყობდენ ცხოვრების წინსვლას, მის განვითარებას და იმავე დროს აფერხებდენ, ჩაგვრიდენ მწერლობას, პრესას.

და აი, ამ დროს, როცა პრაქტიკულმა მოღვაწეებმა შეუწყვეტელი და ენერგიული მეცადინეობით გაიკაფეს და გაიწაღდეს ვაზა, არ შეუშინდენ არავითარ დაბრკოლებას, უარყვეს ყოველგვარი კომპრომისები მოწინააღმდეგე პარტიებთან და პირდაპირ და მტკიცედ მიდიან ერთხელ დასახულ მიზნისაკენ, იმავე დროს კი მწერლობაში ხშირად შეხედებით ისეთ პირებს, რომლებიც ისე დაწვრილმანებულან, რომ პირდაპირ მოქმედებას ვერ ახერხებენ, კომპრომისები ვერ უარუყვით და ორქოფ მიმართულებას ადგანან, ასეთი პირები დღეს მრავალია პროლეტარიატის პარტიაში.

პროლეტარიატი ყველაზე მოწინავე კლასია, რომელსაც მალლა უქირავეს თავისუფლების დროშა, და რა გასაკვირალია, რომ იგი ძალაუნებურათ იზიდავს თავისკენ ისეთ პირებს, რომლებიც სრულებით პროლეტარული აზროვნებით არ არიან გაჯღენდილი. რა თქმა უნდა, ასეთი პირების მიზნობა და პარტიაში შემოსვლა, პარტიისათვის უფრო მავნებელია, ვიდრე სასარგებლო. პროლეტარიატის პარტია, ე. ი. სოც-დემოკრ. მუშათა პარტია, ყველა არსებულ პარტიების მოწინააღმდეგეა გარდა სოც. დემოკრატიისა ყველა პარტიები, ნებისთ თუ უნებლიეთ, გაბატონებულ კლასებს იცავენ. ამიტომ სოც. დემოკრატიას, როგორც პროლეტარიატის ინტერესების გამომხატველს, არაფერი საერთო არა აქვს დანარჩენ პარტიებთან, მას არ შეუძლია იმათთან რაიმე კომპრო-

მისები მოახდინოს, მისი გზა სულ სხვაა და იგი პირდაპირ და შეუწყველათ მიდის ამ გზით თავის მიზნისაკენ.

მართალია, ბურჟუაზიული პარტიები ძლიერ ხშირად გაიძახიან, რომ მუშა ხალხს და ბურჟუაზიას აერთებს რაღაც საერთო ინტერესები, რომ იმათ შეუძლიათ ერთათ მოქმედება, ერთი გზით სიარული, მაგრამ ეს სიტყუა და დღეს ეს არც ერთს ცოტათ თუ ბევრათ შეგნებულ მუშას აღარ სჯერა. პროლეტარიატი, როგორც ნამდვილი და ერთად ერთი რევოლუციონური კლასი, ვერ დაადგება ორქოვ მიმართულებას, მას არა სწამს კომპრომისები. ამიტომ პროლეტარიატის პარტიაში ვერ უნდა შევიდეს ისეთი პირი, რომელიც სიტყვით თავის თავს პროლეტარიატის მომხრეთ სახავს და საქმით კი ბურჟუაზიას ქომაგობს, ბურჟუაზიულ ორგანოებში იღებს მონაწილეობას. ასეთი პირები ყოველგან არიან; არიან, რა თქმა უნდა, ჩვენშიაც. ერთი იმათგანი ბ-ნი ვლ. დარჩიაშვილია ¹⁶⁾, გაზ. „ივერიის“ მუდმივი თინამშრომელი.

არავისთვის საიდუმლოება აღარ არის, რომ დღეს ჩვენში სოციალ-დემოკრატიული მუშათა პარტია თვალსაჩინოთ გამოყოფილია ყველა დანარჩენ პარტიებისაგან. არც მოძღვრებით, არც პროგრამით და არც ტაქტიკით ჩვენი პარტია ოდნავათაც არ უახლოვდება არც ერთ დანარჩენ პარტიას. სოციალ-დემოკრატი, მაშასადამე, ვერ მიეკედლება ვერც ერთ პარტიას გარდა სოც.-დემოკრატიული მუშათა პარტიისა. ეს იქნებოდა თავისივე რწმენის ღალატი, თავისივე პროგრამაზე ხელის აღება. ბ-ნი ვლ. დარჩიაშვილი თავის თავს პროლეტარიატის მომხრეს უწოდებს, მას ვითომც მარქსის და ენგელსის მოძღვრებაც სწამს და იმავე დროს კი გაზ. „ივერიის“ მუდმივი თინამშრომელი და სულის ჩამბერაფი შეიქნა, იმ „ივერიის“, რომელიც ვიწრო ნაციონალიზმის გზას ადგას, რომელიც ქართველ ბურჟუაზიას და ქართველ მემამულეებს ესაჩრლებს, რომელიც ეროვნულ-ტერიტორიალურ ავტონომიასთან ერთად საქართველოს ეკლესიის ავტოკეფალიასაც თხოულობს. რა არის ეს? როგორ თავსდება ერთად „ივერია“, თუნდაც „განახლებული“, და სოციალ-დემოკრატიული მოძღვრება? როგორ მოხდა, რომ იმ ორგანოში, რომელიც პირდაპირ წინააღმდეგია სოციალ-დემოკრატიული მოძღვრების, რომელიც ლანძღვა-გინებით იხსენიებს სოციალ-დემოკრატიას, თავშესაფარი იშოვა ისეთმა პირმა, რომელიც თავის თავს მუშათა პარტიის წევრათ თვლის? თავის თავად იგულისხმება, რომ ამის შემდეგ ასეთი პირის სოციალ-დემოკრატიული მიმართულება ძლიერ საეჭვო უნდა ყოფილიყო.

და მართლაც, საკმარისი იყო ცოტა ჩაეკვირებოდით ბ-ნი ვლ. დარჩიაშვილის წერილების შინაარსს, რომ მაშინვე დავრწმუნებულყავით იმაში, რომ მის ნაწერებსა და მარქსისა და ენგელსის მოძღვრებას შუა დიდი მანძილია, რომ ბ-ნი დარჩიაშვილი ტყუილად ცდილობს თავისი შეხედულება და აზრები სოციალ-დემოკრატიის სახელით გაასაღოს.

იმის დასაფასებლათ, თუ რა „მიმართულებას“ ემსახურება ბ-ნი ვლ. დარჩიაშვილი, საჭირო არ არის ყველა იმ წერილების განხილვა, რომლებიც მისი ხელმოწერით „ივერიაში“ ისტამბება, მით უმეტეს, რომ უმეტეს ნაწილათ ეს წერილები ავტორის ალტყინებული ფანტაზიის და „პოეტური“ ნიჭის ნაყოფია*) და იმ კითხვასთან, რომელიც ჩვენ აქ გვინტერესებს, საერთო არაფერი აქვთ. ამისთვის სრულებით საკმარისია ბ-ნ დარჩიაშვილის რამდენიმე წერილის განხილვა. ჩვენც ასე მოვიქცევით.

უწინარეს ყოვლისა ავიღოთ ბ-ნ ვლ. დარჩიაშვილის პირველი გამოხსენება ვაზ. „ივერიაში“ (იხ. „ივერია“ № 147), სტატია: გუშინ და დღეს. ჩვენ აქ თავი უნდა დავანებოთ ავტორის მოთქმა-გოდებას: „ჰოი, სამშობლოვ, მარად ტანჯულო!“ ვინაიდან ქავკაეაძეების, ორბელიანების და სხვების წყალობით ყოველივე ეს ჩვენ დიდი ხანია მობეზრებული გვაქვს. დავანებოთ თავი იმასაც, თუ რას მიედ-მოედება აქ ავტორი ჩვენი გლეხობის შესახებ და განვიხილოთ მხოლოდ ის, რასაც ბ-ნი ვლ. დარჩიაშვილი ქართველ თავად-აზნაურობაზე გველაპარაკება. ნუ დაივიწყებთ მხოლოდ, რომ ავტორი ადარებს ძველსა და ახალს დროს და, როგორც მოსალოდნელი იყო, დიდ ცვლილებასაც ჰპოებს. თუ, ჩვენი ავტორის აზრით, წინეთ საქართველოს თავად-აზნაურობა „ღვინოსა, სიმღერებში და ქალების ტრფიალში ატარებდა დროს“, დღეს სულ სხვა-სა ვხედავთ. „დღეს ჩვენი თავად-აზნაურობაც ბჭობს, თათბირობს საქვეყნო საქმეებზეო... მაგრამ ეტყობა ავტორს თვითონვე შეშინებია თავისივე სიტყვების და შემდეგ განმარტავს: „მართალია ჩვენ თავად-აზნა-

*) მაგალითისთვის დავასახელებ აქ ბ-ნ ვლ. დარჩიაშვილის წერილს „მიტინგების“ შესახებ, სადაც სხვათა შორის ავტორი აღფრთოვანებით სწერს. „სულის ამაღლებელი, საიდუმლოებით (!) ცისკენ ამართული ბუმბერაზი ჩვენი მთები, საამურთა ზიდულ მინდორ-ველები, ამფიტეატრულათ დაქნილი სერები, ბორცვები და ზემოდანაც საეტაკი ლაფარდოვანი ცისა კამარა, ბრწყინვალე სივთა უხვათ მფენელი დიდი ლამპარი, ეს დიდებული ბელთ უქნეული დარბაზი არის სახალხო მიტინგებისათვის!“ ყოველივე ეს თურმე ხელს უწყობს მიტინგების გამართვას ჩვენში. სხვა ქვეყნები კი ამ ბედნიერებას მოკლებული ყოფილან! მაგრამ სად ვიყავით აქამდის, ბ-ნო დარ—ლო?

ურობას ჯერ კიდევ ვერ დაუხწყევია თავი ძველი გათახსირებული წოდებრივ აზროვნებისათვის; მართალია იმათ კრებებზე, იმათ თათბირებზე გვემის სამარცხვინო თავის მჭრელი მსჯელობა, გულ-გონების აღმაშფოთებელი სიტყვები*), მაგრამ ისიც მართალია, რომ ამ თავად-აზნაურობის ერთ ნაწილს—უმცირესობას, გამოუფიქრია“ და სხ. ახლა ვიკითხოთ: რისთვის დალატობს ბ-ნი ვლ. დარჩიაშვილი ან ლოლიკას, ან ფაქტებს? რისთვის ამხინჯებს იგი სინამდვილეს, რისთვის შემდგარა ასეთ ყალბ გზაზე? ყველა ამ კითხვებზე პასუხს იძლევა წერილის უკანასკნელი სიტყვები.

როგორც მოგეხსენებათ ამერიკის თავად-აზნაურობამ ამ წლის გაზაფხულზე „უქვეშევრდომილესი აღრესებით“ ქართველი ერის სახელით ითხოვა საქართველოს ავტონომია. და აი, მას შემდეგ, რაც სოციალ-დემოკრატიულმა ორგანიზაციებმა საერთოდ და ერთბაშით დაგმეს ქართველი ბურჟუაზიის წარმომადგენლების ოინბაზობა, მათი გაიძვერობა და ორგულობა, ბ-ნი ვლ. დარჩიაშვილი, ეს მუშა ხალხის ვითომდა დამცველი, გამოდის და ხმაძალა გაიძახის: „აი, ასე მსჯელობენ და მოქმედებენ (იგულისხმეთ, ავტონომიის შესახებ შუამდგომლობის აღძვრა!) ჩვენი თავად-აზნაურობის გონებრივით ქეშმარიტი „თავადნი“, ზნეობრივით ქეშმარიტი „აზნაურებიო!“**) მაგრამ დღეს მარტო ეს აღარ კმაროდა. გლეხკაცობამ კარგათ იცის, თუ რას ნიშნავს თავად-აზნაურობის „ქეშმარიტი“ ზნეობა და „ქეშმარიტი“ გონება. იმან კარგათ იცის, თუ როგორ ზრუნავენ და მოქმედებენ ცხოვრებაში ეს „გონებრივით ქეშმარიტი თავადები და ზნეობრივით ქეშმარიტი აზნაურები“. ამიტომ ბ-ნი დარჩიაშვილისთვის აუცილებლათ საჭირო იყო თავისებური მჭერმეტყველობით და ლოლიკით დაემტკიცებია გლეხებისთვის, რომ თავად-აზნაურობა, ე. ი. მემამულეები, სრულებით გლეხ-კაცობის მტერი არ არის, პირიქით, ის გლენობის ძმა და ამხანაგია, მისებრ გაქირვებული, მისებრ დაჩაგრული და შეწუხებული. როცა ამას შეასრულებდა, მაშინ ჩვენს ბელადს უნდა დაესახელებია და მიეთითებია იმაზე, თუ ვინ სჩაგრავს და აწუხებს გლენობას და თავად-აზნაურობას, თუ ვინ არის მათი მტერი. ამნაირათ ბ-ნი დარჩიაშვილის მიზანი მიღწეული იქნებოდა. ის მართლაც ასე მოიქცა.

*) ხაზს ყველგან ჩვენ ვუსვებთ.

**) ყველაზე უფრო საუცხოო აქ „გონებრივით ქეშმარიტი თავადნი და ზნეობრივით ქეშმარიტი აზნაურებიო!“.

ჩვენ ვიცით, რომ საუკუნოების განმავლობაში წელში მოხრილი, დაბეჩავებული და მიწასთან გასწორებული გლეხკაცობა დღეს პირველათ მოვიდა გონს; მან გაახილა თვალები და თავის მჩაგვრელებს პირდაპირ შეხედა თვალებში და ამოყვით შესძახა: კმარა! შეჩერდით! ამიერიდან ჩვენ ნებას აღარ მოგცემთ ჩვენს ზურგზე იარაოთ. ჩვენ, დაჩაგრულები და მაშვირალნი, ერთად ვართო! თავად-აზნაურობისათვის ეს თავზარდამცემი იყო; ვინ მოელოდა ყველასაგან დაბეჩავებულ და მიწასთან გასწორებულ ფუხარა გლეხებიდან გაბედულათ ლაპარაკს, ასეთ ერთ პირიანობას და ერთსულოვნობას. თავზარდამცემული მუქთა-ყლაპია თავად-აზნაურობა იქით ეცა, აქეთ ეცა და როცა დარწმუნდა, რომ ძალით ვერას გახდებოდა, ძველებური ტაქტიკა შესცვალა; მოდი, ისევ ქედი მოვიხაროთ, თავი მოვიკატუნოთ, გლეხები ჩვენ ძქვბათ გამოვაცხადოთ, ჩვენი გაპირვება შევსჩივლოთ და იქნება, ამ ხერხმა გასკრას, ე. ი. შეიძლება ამით გლეხები დავამშვიდოთ და ძველებურათ ვსწვადოთ სულიო! ბუნდარჩიაშვილსაც სწორეთ ასეთი ტაქტიკა შეუთვისებია, იგი შემემწერალა თავად-აზნაურობის გულში; იქ ამოუკითხავს ამ თავად-აზნაურობის ნამდვილი გულის წადილი და გლეხებს ასეთი სიტყვებით მიმართავს: „დღეს ჩვენ თავად-აზნაურობაშიაც ვხედავთ კაცებს, რომელნიც ნამდვილ მამულიშვილურ გრძნობებით გამსჭვალულნი მიმართავენ გლეხობას: თქვენსა და ჩვენ შორის დიდი სიძულვილი და შურისძიება დათესა საუკუნოებმა, ბევრი შავი დღე, ბევრი უსამართლობა გინახავთ ჩვენგან წარსულში, ბევრ უსამართლობას და სიღუპიერეს ხედავთ დღესაც.—მაგრამ ნუ თუ გგონიათ ამ უსამართლობის აღმოფხვრით, ჩვენ შორის დავას გადაწყვეტთ ცეცხლითა და მახვილით?... ნუ თუ გგონიათ, რომ ერდმანეთის ელეტა და განადგურება შეფერით იმბათ, ვისაც წყურიან სიკოცხლე, ცხოვრება, განვითარება? თქვენსა და ჩვენს შორის სამიწათმფლობელო და წოდებრივი საქმეებია გადასაწყვეტი, ეს არის მიზეზი მთელი დავიდარაბისა, მთელი უბედურებისა, მაგრამ ნუ თუ გგონიათ, რომ ამაში ბრალი ედებათ ან ამის გადაწყვეტა შეუძლია რევანსს, ან ვახტანგს? არა და არა. ეს საზოგადო, სახელმწიფო საქმეებია. ამ საქმეების გადაწყვეტა შეიძლება მხოლოდ საზოგადოებრივ, სახელმწიფოებრივ გზით, ე. ი. კანონით, და განა მართო თქვენსა და ჩვენ შორის არსებობს სამიწათმფლობელო დავა? სამიწათმფლობელო საქმეები თვითონ ჩვენ თავადებსა და სხვა თავისუფალ მესაკუთრეთა შორისაც

ჯერ კიდევ აწეწილ-დაწეწილია; ჯერ ჩვენც ვერ მოვრიგებულვართ და ვერ გავვიგია, რომელი მამული ვის ეკუთვნის“ და სხვა.

ასეთია ბ-ნ დარჩიაშვილის მქვერმეტყველობა; ეტყობა, იგი ძლიერ გაუტაცნია თავად-აზნაურობის ვეკილობის როლს და ამ გატაცებაში ბევრი რამ დაუვიწყნია. დაუვიწყნია ჩვენს ავტორს ჯერ ის, თუ რა ღროდან გახდენ ჩვენი თავად-აზნაურები ასეთი „ნამდვილი მამულიშვილური გრძნობებით გამსჭვალულნი?“ როდის აქეთ არის, რომ ისინი გლახებს ეუბნებიან: დიახ, „ბევრი შავი ღღე, ბევრი უსამართლობა გინახავთ ჩვენგან წარსულში, ბევრ უსამართლობას და სიღუბეჭირეს ხედავთ ღღესაცო?“ როგორც ვიცით, ღღეს თვითმპყრობელობა დაადგა დათმობის გზას; მაგრამ რამ გამოიწვია ეს,—გულწრფელია ეს დათმობა, თუ ხალხის მოსატყუებლათ არის იგი ნახმარი? ბ-ნი დარჩიაშვილი შემდეგ ივიწყებს, ან განზრახ ამახინჯებს და სიცრუეს ამბობს, როცა გვეუბნება, რომ ვითომც გლახები ამხედრებულებიყვენ კერძო პირების, ვახტანგების და რევაზების წინააღმდეგ, და არა თვით ღღევანდელი სახელმწიფო წესწყობილებების წინააღმდეგ, რომ ვითომც გლახები ქადაგებდენ ძარცვა-გლახას და კერძო პირების ელექტას და განადგურებას. ეს შეიძლება პირდაპირ ცილისწამებათ ჩავთვალოთ, ვინაიდან ეს საიდუმლოება არ უნდა ყოფილიყო იმისთვის, ვინც კი ღღევანდელ მოძრაობას თვალს აღევნებდა *).

გარდა ამისა, როგორ უნდა გავიგათ ბ-ნ დარჩიაშვილის სიტყვები, რომ „საადგილმამულო კითხვების გადაწყვეტა შეიძლება მხოლოდ საზოგადოებრივ, სახელმწიფოებრივ გზით, ე. ი. კანონითო“ **) ნუ თუ ბ-ნ დარჩიაშვილს ამით იმის თქმა უნდოდა, რომ ღღე გლახები დაწყნარდენ, დამშვიდდენ, მემამულეებთან ბრძოლა შესწყვიტონ და იმათ დაეას სახელმწიფოებრივი გზით, ე. ი. კანონით გადაწყვეტენო? როგორც სჩანს, ბ-ნი დარჩიაშვილი კანონიერების ნიადაგზე სდგას, და აბა ახლა ჰკითხეთ მას, თუ აქამდის სწორეთ ამ კანონების ძალით არ ახრჩობდენ და სულს არ ხდიდენ გლახებს? ბ-ნი დარჩიაშვილის სიტყვების აზრი ასეთია: გლახები უნდა დამშვიდდენ, მემამულეებს უნდა შეურიგ-

*) თავის თავად იფულისხმება, რომ ჩვენ აქ მთელ მოძრაობაზე ვლაპარაკობთ და არა კერძო შემთხვევებზე.

**) ამას წინათ ბ-ნმა დარჩიაშვილმა თითქმის ჯვარს აცვა ამის მსგავსი აზრის გამოქვეყნებისათვის გაზ. „ვოზროდენიე“. ერთობ საკვირველია ბ-ნ დარჩიაშვილის რაინდული გამბედაობა.

დენ და თუ რამე საღაო იქნება, ამას „სახელმწიფოებრივი გზით, კანონით“ გადაწყვეტენ, მაგრამ ამის თქმა მთელი მოძრაობის ლალატია, ეს ყელის გამოჭრაა. ყველა ბურჟუა-იდეოლოგი, ყველა ფილისტერი, ყველა რეაქციონერი ამას გაიძახის: მუშები ძალმომრეობას ხმარობენ, ისინი კანონს არ ემორჩილებიან, საკუთრებას პატივს არ სკემენო. მაგრამ ჩვენ ვიცით, თუ ვინ ხმარობს ძალმომრეობას კანონის სახელით, თუ ვინ ართმევს ძალით ე. ი. კანონით, სხვას საკუთრებას თავისი საკუთრების გასადიდებლათ. და როცა ჩვენ ასეთი კანონის, ასეთი ძალმომრეობის წინააღმდეგ უნდა გავილაშქროთ, ჩვენთან მოდიან დარჩიაშვილები და გვეუბნებიან: დაიცადეთ, ყველაფერი იქნება, ყოველივე გადაწყდება სახელმწიფოებრივი გზით, ე. ი. კანონითო“. ამას გვეუბნება ჩვენ ის კაცი, რომელმაც ყურები გამოგვიყრუა თავისუფლებაზე ლაპარაკით, რომელიც სოციალიზმს გვიქადაგებს! ეს კიდევ არაფერი. ბ-ნი დარჩიაშვილის სიტყვით ის განხეთქილება, რომელიც არსებობს მიწათმფლობელებსა და მიწის მუშებს შორის, ე. ი. მთელი აგრარული საკითხი იგივეა, რაც თვით თავადებსა და სხვა თავისუფალ მემამულეებში დავაა ატეხილი მიწათმფლობელობის ნიადაგზე“. განა მართო თქვენსა და ჩვენს შორის არსებობს სამიწათმფლობელო დავაო?—კითხულობს ბ-ნი დარჩიაშვილი. ამაზე მეტი სიყალბე წარმოუდგენელია.

მაგრამ ბ-ნი დარჩიაშვილი ამით როდი ათაეებს თავის „რეჩს“ გლეხების მიმართ. შემდეგ იგი თითქმის სიტყვა-სიტყვით იმეორებს იმას, რასაც ამას წინათ სწერდა იმავე „ივერიაში“ კერძო საკუთრების თავგამოდებული დამცველი; ქართველი სხვილი მემამულე და ტკბილი ლექსების მწერალი, ა-დი ილია ჭავჭავაძე. „თქვენ, განაგრძნობს ბ-ნი დარჩიაშვილი—ზოგიერთი, ვითომდა სოციალისტები გავონებენ, რომ კერძო მესაკუთრების აღიღო მამული, დღესვე, დაუყოვნებლივ უნდა გადაეცეს ხალხს, ამათ უნდა ამუშაონ ყოველივე ერთობით, ძმურათო და სხვ. მაგრამ ეს არ შეიძლება. „ქეშმარიტი სოციალისტი ამას ვერ გეტყოდათ თქვენ“, და კერძო მესაკუთრების გულის დასამშვიდებლათ ბ-ნი დარჩიაშვილი განმარტავს, რომ „საგანი და მიზანი დღევანდელ მოძრაობისა დღესვე სოციალიზმის განხორციელება არ არისო. „ძმობა, ერთობა, თინასწორობა დიდი რამეა, დიდებული საქმეა და ამის განხორციელებასაც დიდი არზი უნდა, დიდი გული და დიდი გონება. ნუ თუ დღეს ჩვენ ამეების შნო. და უნარი გვაქვს, ნუ თუ დღეს ამის ძალღონე გავაჩნია“. ბ-ნი დარჩიაშვილს ამით იმის თქმა უნდოდა, რაც

კერძო საკუთრების ცნობილმა დამცველმა თავის კლასიკურ ფრაზაში მოკლეთ გამოხატა, ე. ი. „კერძო საკუთრება ჯერ კიდევ კარგა ხანს იქნება დიდ პატივში“. ერთი სიტყვით, ბ-ნი დარჩიაშვილი უარყოფს გლენებსა და მემამულეებში ყოველგვარ განხეთქილებას. გლენების გაქირვებას იგი იმით ხსნის, რომ „ჯერ თურმე ჩვენ შრომაც არ ვიცით, შრომა აზრიანი, შრომა შესაფერი ახალისა. ის, რაც ჩვენ არსა და ოთხ დესტინაზედაც ვერ მოგვჯავს, უცხო განათლებულ ქვეყნებში ერთსა და ორ დღიურზე მოყავთო“. ამნაირათ, ჩვენი ავტორის აზრით, ჩვენი გლენ-კაცობის უბედურების მიზეზი ის არის, რომ მას სწავლა-ცოდნა არა აქვს, რომ მან „აზრიანი შრომა“ არ იცის, მაგრამ იმას კი არ გვეუბნება ჩვენი ქართველი ავტორი, თუ როგორ არის საქმე ამ მხრით იმ „უცხო განათლებულ ქვეყნებში“, რომლების მაგალითზე იგი ჩვენ გვითითებს? შეიძლება იქ აღარ არსებობს სოციალური საკითხი, შეიძლება განათლებამ და სწავლა-ცოდნამ იქ უკვე ბოლო მოუღო სოციალურ უსწორ-მასწორობას, ადამიანის ადამიანის მიერ გაყვლეფას, რომ იქ აღარ არის კლასობრივი ბრძოლა? ყველა ამეგების შესახებ ბ-ნი დარჩიაშვილი ჩვენ არაფერს გვეუბნება და ან კი რა უნდა ეთქვა! სამაგიეროთ იგი გამოსულა და ურცხვათ გაიძახის: „მართალია, ვითომ—ჩვენ თავად-აზნაურობას ქვაცა აქვს და კაკალიც, ცხოვრებაც და სიკეთეც? ხალხნო, აბა დაუფიქრდით, აბა მოიგონეთ, განა თავად-აზნაურებში ვერა ხედავთ ისეთებს, ვისაც კუჭი უხმება? უსაქმლობისაგან, ხორცი ეწვევა ჩაუტყელობისაგან?... და რატომ არ უნდა იშმოთ და იმოყვროთ ისინი, ვინც თქვენსავე გაჭირვებაში არიან, თქვენსავე ტაფაში იხრაკებიან? რატომ ისინიც თქვენთან არ უნდა იყვენ ქირსა და ლხინში? В открытую дверь ломается— რომ იტყვიან, სწორეთ ეს არის! ვისზე ლაპარაკობს აქ ბ-ნი დარჩიაშვილი? ან შეიძლება მას ჩვენი გლენ-კაცობა ნადირებათ და მხეცებათ ჰყავს წარმოდგენილი? როდის იყო, რომ მან არ იძო და არ იმოყვრა ის, ვინც მასავით გაჭირვებულთა, ვინც მასავით ერთ ტაფაში იხრაკება? მაგრამ თქვენ გგონიათ, რომ ბ-ნი დარჩიაშვილი ღარიბ თავად-აზნაურობას ესარჩლება და იმას იცავს გლენების თვალში? სრულებითაც არა. აი რას გვეუბნება ჩვენი უებრო ავტორი: „ვთქვათ, ღარიბ-თავად-აზნაურთა რიცხვი პატარა უმცირესობაა, ვთქვათ დიდ უმრავლესობას კი მართლა დიდი მამულ-დედული აქვს. ერთი მითხარით, რა თავში ვიხლი მამულ-დედულს (თავში კი არა და ჯიბეში ადვილათ! ფ. მ.), თუ ის ოხრათ, გამოუსადეგრათ ეგდება, ან არ შემე-

ძლება ის ამოვალდებინო, რის მოცემაც მას შეუძლია. რა თავში ეიხლი ვამუღოს, თუ არ მექნება ახალი გაუმჯობესებული სამუშაო იარაღი, მაშინები და სხვა“.

როგორც ხედავთ, ბ-ნ დარჩიაშვილის სიტყვით, დიდ მემამულეებსაც აღარ ეცხოვრებათ, თურმე იმათ, მისი აზრით, გამოუსადეგრათ უგდიათ მამულ-დედული! მაგრამ ბ-ნი დარჩიაშვილი აქ არ გამოდგება მოწმეთ: მას მემამულეების ვეჭილობა უკისრია და ამიტომ ჩვენ მეორე მოწინააღმდეგე მხარეს უნდა შევეყიფხოთ, თვით ცხოვრება, სინამდვილე უნდა ვიმოწმოთ. „მაშინ ჩვენ ვავიგებთ, თუ როგორ ოხრათ და გამოუსადეგრათ უგდიათ ჩვენს მემამულეებს მიწები; მაშინ ჩვენ შევიტყობთ, თუ რა ღალატებს და სხვადასხვა გადასახადებს იღებენ ისინი გაღატაკებული და მშვიერ-მწყურვალნი გლეხებისაგან.“

მაგრამ საკვირველი ის არის, თუ რომელი ლოდიკის ძალით ჩაჩხირა ბ-ნმა დარჩიაშვილმა აქ გაუმჯობესებული სამეურნეო იარაღები, მაშინები, ბაეები, სამიმოსელო გზები, ვაჭრობა-აღებშიცემობის დაცემა, კრიზისები და ბოლოს „საერთო სიბნელე“, რომელშიაც ჩვენ ყველანი, მისი სიტყვით, განურჩევლათ წოდებისა და სქესისა, ვიმყოფებით. აღბათ იმიტომ, რომ ვინმე დამნაშავე დაენახა და მიაგნო კიდევ ამ დამნაშავეს. „ესენი ბრძანდებიან ის ბატონები, ის ნამდვილი ბატონები, ვინც ბიუროკრატსა და კანცელიარის კრესლოებში ჩასვენებულნი (ჩვენთვის?) ზრუნავენ, ჩვენა გვპატრონებენო“... „ამ ბატონების სახელია ჩინოვნიკობა, ბიუროკრატია... აი, ამათ ბატონობასა და ყმობაში ვართ ჩვენ ყველანი, როგორც თავად-აზნაურობა, ისე გლეხ-კაცობა და მთელი ქვეყანა“.

აი ასე მარტივად აქვს წარმოდგენილი ბ-ნ ვლ. დარჩიაშვილს თანამედროვე საზოგადოება, რომელიც კლასობრივ წინააღმდეგობაზე დაყრდნობილი! იგი, ერთი მხრით, ხედავს ხალხს, რომელშიაც არავითარი წინააღმდეგობა, არავითარი კლასობრივი განხეთქილება არ არსებობს და, მეორე მხრით, ჩინოვნიკობას, რომელიც ყველას ბრძანებლობს, ყველას აწუხებს, ყველას სტანჯავს. სხვის ვეჭილობამ ჩვენი ავტორი ასეთ აბსურდამდე მიიყვანა. ავტონომიამ ხომ მას სულ მთლად დაუბნია დავთარი. შემდეგ წერილში ჩვენ დავანახვებთ მკითხველებს, თუ ბ-ნ დარჩიაშვილს როგორი მაღაყების გადასვლა შესძლებია, რასაც იგი ბოვითონ სხვებს უსაყვედურებს.

წერილი მეორე და უკანასკნელი.

ამნაირათ ჩვენ დავინახეთ, რომ ბ-ნი ვლ. დარჩიაშვილი თავის პირველ წერილში თავად-აზნაურობის და გლეხ-კაცობის ურთიერთშორის უარყოფს განხეთქილებას, ინტერესთა წინააღმდეგობას, რაც იმავე დროს ნიშნავს კლასობრივი ბრძოლის უარყოფას. გარდა ამისა ამავე წერილში იგი აღფრთოვანებით ეგებება ეროვნულ ავტონომიას, რომელსაც უქვეშევრდომილესი აღრესებით თხოულობდნენ იმერ-ამერის თავად-აზნაურობა და ქართველი ბურჟუაზიის წარმომადგენლები. ასეთი იყო ბ-ნი ვლ. დარჩიაშვილის პირველი გამოსვლა ლიტერატურულ ასპარეზზე, ასეთი იყო მისი ეგრეთ წოდებული ქართველ თავად-აზნაურობის დიდი ღვაწლის მიჩნევა და შემამულეებსა და გლეხებს შორის ყოველგვარი განხეთქილების უარყოფა, აი მოკლეთ როგორი იყო ჩვენი ავტორის პირველი ნაბიჯი ამ ასპარეზზე. მაგრამ ბ-ნი დარჩიაშვილი ვერ შერჩა ამ პოზიციასზე. მას იმ თავითვე ეტყობოდა რყევა და ორქოფობა, რაც ამტკიცებდა მის შეხედულებათა გამოურკვეველობას და განუსაზღვრელობას. ის თითქო სინჯაედა ნიადაგს და თუ შემთხვევა იქნებოდა და საქიროება მოითხოვდა, იგი გამოიცივლიდა თავის შეხედულებას. ამის ლოდინი დიდხანს აღარ დაგვიკირდა. შემდეგ წერილში (იხ. „ივერია“, № 192 კლასობრივი ანტაგონიზმი და საერთო ინტერესები“) ბ-ნი ვლ. დარჩიაშვილი აშქარათ აღიარებს კლასობრივ ბრძოლას და გადაქრით ამბობს: „კლასთა ბრძოლა გარდაიქცა იმ ბოროლათ, რომლის გარშემო ტრაილებს კაცობრიობის მთელი ისტორია“, რომ ქვეყანაზე არ მოიპოვება არც ერთი ციდა ადგილი, სადაც შეიძლებოდეს ბურჟუაზიამ და პროლეტარიატმა ერთმანეთს სული გაუერთოს, არ მოიპოვება არც ერთი სფერო, არც ერთი საკითხი, სადაც შეიძლებოდეს კლასობრივ ანტაგონიზმის დავიწყება, კლასობრივ თვალთახედვის წერტილის მიტოვება: ყოველივე საქმე, ყოველივე საკითხი მიუცილებლათ ემოქრჩილება კლასობრივ ინტერესთა წინააღმდეგობას, და თავის ახსნა-განმარტებას მიუცილებლათ პოულობს კლასთა ბრძოლის ქარ-ცეცხლში“.

ამნაირათ აქ ყველაფერი შეტრიანლბულია. თუ პირველ წერილში ბ-ნი დარჩიაშვილი ხმა მალლა გაიძახოდა, რომ თავად-აზნაურნი და გლეხები ძმები და ამხანაგები არიან, რომ იმათ შორის არავითარი წინააღმდეგობა არ არსებობს, რომ, ერთი სიტყვით, იმათი ურთიერთობის ახსნა-განმარტებისათვის საქირო არ იყო კლასთა ბრძოლის თვალთა

ხედვის ისრით ხელმძღვანელობა, ახლა იგი გადაქრით გვეუბნება, რომ არ მოიპოვება არც ერთი საკითხი, სადაც შეიძლება დღეს კლასობრივი ანტაგონიზმის დაფიქსება“. რომ ყოველივე საკითხი მიუცილებლათ ემორჩილება კლასობრივ ინტერესთა წინააღმდეგობას და სხვა.

პირველი წერილის დაწერის შემდეგ გავიდა რაღაც თვი-ნახევარი, და ნუთუ ამ მოკლე ხნის განმავლობაში შესაძლებელი იყო, რომ ბ-ნ დარჩიაშვილს ასე შეეცვალა თავისი შეხედულება? ჩვენ ეს შეუძლებლათ მიგვაჩნია, ვინაიდან ის, რაც ადამიანს წლების განმავლობაში უსწავლია და შეუთვისებია, შეუძლებელია რომ ერთი თვის განმავლობაში უკუ-აგდოს. შეიძლება ბ-ნ დარჩიაშვილმა ჩვენი მსჯელობა ზოგად ფრაზებით მიიღოს, ამიტომ მოვიყვანათ მაგალითი.

პირველ წერილში ბ-ნი დარჩიაშვილი სხვილ მემამულეებს ე. ი. „გონებრივად ქეშმარიტ აზნაურებს“ ასე იცავდა გლეხების თვალში: „ვეთქვათ დიდ უმრავლესობას (იგულისხმება: თავად-აზნაურობისას) მართლა დიდი მამულ-დედული აქვს. ერთი მითხარით, რა თავში ვიხლი მამულ-დედულს, თუ ის ოხრათ, გამოუსადეგრათ ეგდება, ან არ შემეძლება ის ამოვადებინო, რის მოცემაც მას შეუძლიანო“... ამით ბ-ნი დარჩიაშვილი გლეხებს აი რას აგონებდა: მართალია, თავად-აზნაურებს დიდ-ძალი მამულები აქვთ, მაგრამ რა ოხრათ უნდათ მათ ეს მანულები, როცა თავად-აზნაურებს, მემამულეებს, ამისგან არათფერი სარგებლობა არა აქვთ, ე. ი. სულ ერთია მამული გინდ ქონებია და გინდ არა: ამ მხრით შენ, უმიწაწყლო გლეხო, დიდი მემამულე ვერაფრით ვერ გჯობია; იგიც დატანჯულია და შენც. „თქვენ ორივე ერთ ტაფაში იწვითო; მეორე წერილში კი ბ-ნი დარჩიაშვილი სწერს: „მოგეხსენებათ, როგორ დრტინვასა და ვიშ-ვიშს ეძლევიან ხოლმე ჩვენი მემამულენი და მეურნენი, როდესაც ეცემა ღვინისა, ან სულადის ფასი. ასე რომ, იაფი პური და ღვინო მუშაკთა ღვთის წყალობით, ნამდვილი ღვთის წყრომაა მემამულე-მეურნეთათვის“. ერთი სიტყვით, პირველსა და მეორის წერილს შუა სრული, აშკარა წინააღმდეგობაა. რით უნდა აიხსნას ეს წინააღმდეგობა? შემთხვევით ვერ აიხსნება. ბ-ნი დარჩიაშვილი თვე ნახევარში ვერ შეიცვლიდა ასეთ თავის შეხედულებას. ჩვენის აზრით, ბ-ნ დარჩიაშვილს აქამდის ვერ შეუმუშავებია თავისი შეხედულება, ვერ გამოურკვევია ის გზა და ის მიმართულება, რომელსაც იგი ცხოვრებაში უნდა დასდგომოდა.

მეორე მხრით, თუმც ბ-ნი დარჩიაშვილი აღიარებს კლასთა შორის ბრძოლას, თუმც იგი გადაქრით სცნობს კლასობრივ ანტაგონიზმს და

„ყველა საკითხი, მისი აზრით, თავის ახსნა-განმარტებას მიუცილებლათ პოულობს კლასთა ბრძოლის ქარცეცხლში“¹, მაგრამ ამ ბრძოლაზე მას სრულებით თავისებური წარმოდგენა აქვს; მის გონებაში ეს ბრძოლა იხატება არა ისე, როგორც ეს სინამდვილეში, ცხოვრებაში ხდება, არამედ სულ სხვანაირად. ბ-ნი დარჩიაშვილი სამართლიანად შენიშნავს, რომ „კლასთა ბრძოლის“ საგანია არა პიროვნებათა მოსპობა, არამედ ცხოვრების პირობები, საზოგადოებრივი წეს-წყობილება, მთელი სოციალური ორგანიზაცია, მაგრამ სრულებით გაუგებარია შემდეგი მისი სიტყვები: ამას, ე. ი. საზოგადოებრივი წეს-წყობილების მოსპობას, ვერ მისწვდება ვერც ცეცხლით, ვერც მახვილით. ძველი წყობილება რომ დაინგრეს და მის ნაცვლად დამყარდეს ახალი, ამისთვის აუცილებელი პირობაა სათანადო სოციალურ კლასების გონებაში მოხდეს ფსიხოლოგიური რევოლიუციაო. აქ ბ-ნი ვლ. დარჩიაშვილი ერთი ერთმანეთში ურევს ორ სხვადასხვა საგანს, ორ სხვადასხვა საკითხს: ერთი მხრით, კლასობრივი ბრძოლის გამოხატულებას, მის ფორმას და, მეორე მხრით, გარეგან საზოგადოებრივ წესწყობილების, ე. ი. საზოგადოებრივ ურთიერთობის ცვლილებას. კლასობრივი ბრძოლის საფუძველს შეადგენს კერძო საკუთრების არსებობა და საზოგადოების წევრების მოწინააღმდეგე ჯგუფებათ, წოდებათ და კლასებათ დაყოფა. საზოგადოებრივი წეს-წყობილება დამოკიდებულია საწარმოო ძალთა მდგომარეობაზე; იგი დაყრდნობილია ნივთიერ საფუძველზე; მისი ცვლილება დამოკიდებულია ნივთიერ წარმოების პირობების ცვლილებაზე. ასეთი ცვლილება ერთბაშით არ ხდება, ნელ-ნელა მზადდება და როცა ნივთიერი პირობები უკვე საკმარისათ მომწიფებულია, მაშინ მოხდება ის, რასაც რევოლიუციას ვუწოდებთ. ბ-ნი დარჩიაშვილი რევოლიუციას და კლასობრივ ბრძოლას ურევს ერთმანეთში და ამასთანავე თვით რევოლიუცია მას მიაჩნია როგორც შედეგი გონებაში მომხდარ ცვლილებისა. ძველი წყობილება რომ დაინგრეს და მის ნაცვლად დამყარდეს ახალი, ამისათვის აუცილებელი პირობაა. სათანადო სოციალურ კლასების გონებაში მოხდეს ფსიხოლოგიური რევოლიუციაო“², გვეუბნება ბ-ნი დარჩიაშვილი. როგორც ხედავთ, აქ იგი ნივთიერ პირობების აღვილას გონებას აყენებს. მისი წარმოდგენით, საზოგადოებრივი წესწყობილება რომ შეიცვალოს, ამისათვის საჭიროა ჯერ გონებაში მოხდეს ფსიხოლოგიური რევოლიუცია. ასეთი შეხედულება კი წმინდა იდეალისტურ-სუბიექტიურია, რომელიც კი ხანია უარყოფილია საზოგადოებრივ მეცნიერებაში.

რა თქმა უნდა, ბ-ნ დარჩიაშვილს არ შეუძლია ეს არ იცოდეს, მაგრამ ასეთი იდეალისტურ-სუბიექტიური შეხედულება ისტორიაზე მისთვის საჭირო იყო იმის დასამტკიცებლათ, რომ კლასობრივი ბრძოლა თანდათან „რბილი, მშვიდობიანი და კულტურული ხდება“, რამდენათაც განვითარებულია ეპოქა და მალეა დგას სოციალური ჯგუფების კლასობრივი ცნობიერება, იმდენათ ხსენებული საშეაღებანი და ფორმები (სოციალური ცვლილების) უფრო რბილია, მშვიდობიანი და კულტურული. პირიქით, რამდენათაც განვითარებულია ეპოქა (საზოგადოებრივი ცხოვრება) და რამდენათაც დაბლა დგას კლასობრივი ცნობიერება, იმდენათ კლასობრივი ბრძოლის ფორმები სასტიკია, მკაცრი, ზარბარისული. ამ ქეშმარიტებას ნათელ ყოფს დღევანდელი ევროპა და ამერიკა, ერთი მხრით და ოსმალეთი და რუსეთი მეორეს მხრით“. დაეანებოთ თავი იმას, რომ აქ კლასობრივი ბრძოლა და საზოგადოებრივ წეს-წყობილებაში რევოლუციის მოხდენა ერთმანეთში დომხალივით არეულია. ბ-ნ დარჩიაშვილს უნდა ეკითხოთ: რა აქვს აქ მის მხედველობაში: სინამდვილე, წარსული ცხოვრება, ისტორია, თუ მარტოაღენ თავისი ოცნება? რომელი „მოწინავე სოციალური ჯგუფები“ ჰყავს მის მხედველობაში, რომლების „კლასობრივ ცნობიერების განვითარებაზეა“ დამოკიდებული ის, თუ რამდენად „რბილი, მშვიდობიანი და კულტურული სახეს ღებულაბს კლასობრივი ბრძოლა? მარტო პროლეტარიატი მიიჩნია მას ასეთ მოწინავე სოციალურ ჯგუფათ“, თუ ბურჟუაზია? ყველა ეს ისეთი კითხვებია, რომლებზედაც პასუხის მიცემა ბ-ნ დარჩიაშვილს არ ძალუძს. კაცობრიობის მთელი წარსული ცხოვრება გვეუბნება, რომ კლასთა შორის ბრძოლა არის ერთი უსაშინელესი და უსასტიკესი ბრძოლა და როცა ბ-ნი დარჩიაშვილი გვიმტკიცებს, რომ „პროლეტარიატის საქმე და მისწრაფებანი განხორციელებული სიყვარულიაო“ და რომ კლასთა ბრძოლის მქადაგებელი მტრობასა და სიძულვილს“ არ უნერგავს მის მოწინააღმდეგე კლასებისადმი, არამედ სიყვარულს, ეს ჩვენთვის წარმოუდგენელია.

მართალია, ჩვენ გვესმის, რომ პროლეტარიატის მისწრაფებაა ძმობის; ერთობის და თანასწორობის განხორციელება და, მაშასადამე, ნამდვილი სიყვარულის დამკვიდრებაა ადამიანთა ურთიერთობაში, მაგრამ ეს მხოლოდ მომავალს ეკუთვნის, როცა საზოგადოების კლასებათ გაყოფა სრულებით მოისპობა, როცა კლასობრივ განხეთქილებას სრულებით ადგილი აღარ ექნება საზოგადოებრივ ცხოვრებაში. მანამ კი სიყ-

ვარულის ქადაგება წყლის ნაყვა და მოკლილ და უნიადაგო მორალისტის ხელობას შეადგენს. განა ვისმესთვის დასამბლავია, რომ რევოლუციონური პროლეტარიატი ბურჟუაზიულ და საზოგადოთ ყველა გაბატონებულ კლასების მიმართ სიყვარულით არ არის გამსჭვალული? და ამიტომ ბ-ნი ვლ. დარჩიაშვილი სრულებით ამათ ცდილობს დააშოშმინოს პროლეტარიატის ყველა მოწინააღმდეგე კლასები იმაში, რომ პროლეტარიატი მათი შეურაცხებელი მტერი არ არის, ნუ თუ ბ-ნი დარჩიაშვილს არ ესმის, რომ ასეთი შეხედულების გავრცელება გალადებულ-გაბატონებულ კლასების დაცვა და ვეჭილობა არის, რასაც იგი ასე უსაყვედურებს ბატიევს, შულცე დელიჩეს და იმათ მიმდევართ. განა საერთაშორისო პროლეტარიატი და კერძოთ საფრანგეთის პროლეტარიატი დაივიწყებს 1848 და 1871 წლებს, როცა პარიზის ქუჩებზე და მიდამოებში საფრანგეთის ბურჟუაზიულმა მთავრობამ, განურჩევლად ხონებისა და სქესისა, ათასობით და ათიათასობით პარიზის პროლეტარიატი გაჟლიტა და მისი სისხლით გაძღა? ან შეიძლება, ბ-ნი ვლ. დარჩიაშვილი ფიქრობს, რომ დღეს ეს აღარ მოხდება, რომ დღეს, თუ პროლეტარიატი მოინდომებს თავისი მიზნის განხორციელებას, ბურჟუაზია მას დაზოგავს? თუ იგი ასე ფიქრობს, ეს მხოლოდ იმას ნიშნავს, რომ მას სინამდვილის არა-გაეგება რა და იგი ოცნების სამკვიდროში დაფრინავს.

ნათქვამიდან აშკარად სჩანს, თუ როგორი შემცდარი წარმოდგენა აქვს ბ-ნი ვლ. დარჩიაშვილს კლასობრივ ბრძოლაზე და კლასობრივ განხეთქილებაზე. აშკარაა, რომ მისი თვალთახედვის ისარი ამ შემთხვევაში არ არის რევოლუციონური პროლეტარიატის თვალთახედვის ისარი, რომ ბ-ნი დარჩიაშვილის შეხედულება ამ საგანზე საზოგადოთ თავიდან ბოლომდე გაჟღენთილია „ფილისტერული“ და წმინდა „მეშჩანური“*) აზროვნებით. გადავიდეთ ახლა ეროვნულ ავტონომიაზე. იგი ქართველი თავად-აზნაურობის, ქართველი სამღვდლოების და მათი ინტელიგენციის მოთხოვნათ მიაჩნია, -ის გმობს ეროვნულ ტერიტორიალურ ავტონომიას თავისი საკანონმდებლო თვითმართველობით და საყვედურს უცხადებს ყველა იმათ, ვინც კავკასიის ყველა ერების პროლეტარიატის მტკიცე კავშირით შეერთებას წინ ელობება. „დღეს—ვეუბნება ბ-ნი დარჩიაშვილი, კავკასიის ყველა ერების შეგნებული პრო-

*) ვხვარობთ ამ უცხო ტერმინებს, რადგანაც ქართულ ენაზე შესაფერო ტერმინი არ არის.

ლეტარიატი უკვე ძმურათ შეერთებულია; იგინი ერთად მუშაობენ, ერთად მოქმედებენ, ერთსა და იმავე ორგანიზაციებში იმყოფებიან. ბურჟუაზია კი ნაციონალისტური პოლიტიკით ცდილობს შექნას ნიადაგი მათი გათიშვა-განცალკევებისა, ცდილობს მათი ძალები დაქსაქსოს, დაასუსტოს, გააბათილოს და ამის ნებას შეგნებული პროლეტარიატი არ მისცემს; რა თქმა უნდა, არც ერთ ერის ბურჟუაზიას“.

ასე ამბობს ბ-ნი დარჩიაშვილი, ის დარჩიაშვილი, „რომელმაც რაღაც ერთი თვის წინათ, სწორეთ ამ ავტონომიისათვის ასეთი ქებათა-ქება შესახა ქართველ თავად-აზნაურობას, გონების „ქეშმარიტ“ თავადებს და „ზნეობით“ ქეშმარიტ აზნაურებს. როგორ მოხდა, რომ ერთ და იმავე ავტორს ეროვნული ავტონომია „მშრომელი ხალხის ინტერესებისათვის მანებლათ მიანჩნა და მთელი ხალხისთვის სასარგებლოთ? როგორ მოხდა, რომ მას კიდევაც სწამს საერთო ინტერესები და არც სწამს? ყოველივე ეს იმით აიხსნება, რომ მას ეროვნულ ავტონომიაზედაც არა აქვს გარკვეული შეხედულება, რომ მას ვერ შეუთვისებია ამ კითხვის შესახებ ის თვალთახედვის ისარი, რომლითაც ხელმძღვანელობს ამ ქამათ რუსეთში მცხოვრებ სხვადასხვა ერების მებრძოლი, რევოლუციონური პროლეტარიატი.

თუმცა ბ-ნიმ დარჩიაშვილმა ზურგი აქცია ეროვნულ ავტონომიას, მაგრამ მის მაგივრათ მან წამოაყენა კავკასიის ავტონომია; ის ეროვნულ ავტონომიას საესებით მიანიც არ გამოთხოვებია, რასაც აშკარათ ამტკიცებს მისი წერილი პოლონეთის შესახებ („ივერია“ № 198). ერთი სიტყვით, იშვიათი იქნება მეორე ისეთი მწერალი, როგორიც ბ-ნი ვლ. დარჩიაშვილია, რომელიც ასე არეულათ და დაბნეულათ სწერდეს, რომელიც მასავით ხან ასე გაიძახოდეს და ხან ისე.

საზოგადო მოღვაწეობის ასპარეზზე ასეთი რყევა, ასეთი შიხლა-მოხლა, წამდაუწუმ თავისი წინააღმდეგობა და მალაყების გადასვლა, მეტი რომ არა ვთქვათ, მეტად მანებელი და გასაკიცხია. ჩვენ კიდევ ბევრი მაგალითების ჩვენება შეგვეძლო ბ-ნ დარჩიაშვილის ნაწერებიდან, მაგრამ რაც აღვნიშნეთ, ჯერ-ჯერობით ისიც საკმარისია მისი ლიტერატურული მოღვაწეობის დასათესებლად და მისი შეხედულებების გასაცნობათ.

ამით ვათავებთ ჩვენ მასთან კამათს და ვისურვებთ, რომ ასეთ მოკამათესთან შემდეგში აღარ დაგვირჩეს საქმე.

პროლეტარიატი და რევოლუცია.

I.

გამოუთქმელი რანჯვით და ვაებით, მედგარი და შეუწყვეტელი ბრძოლით რუსეთის რევოლუციონური პროლეტარიატი დღეს დღესასწაულობს პირველ გამარჯვებას რუსეთის თვითმპყრობელ მთავრობაზე.

დღეს, როცა მდგომარეობა და ფაქტები წარმოუდგენელი სისწრაფით და სიჩქარით იცვლებიან, როცა თითქმის თითოეული საათი, და შეიძლება წამიც, უღრის მთელ წლებს, დრო არ არის პროლეტარიატის წარსულ ბრძოლაზე ვილაპარაკოთ. ამ უმად საჭიროა თვით დღევანდელ პირობებს შივაქციოთ ყურადღება, დავაფასოთ და ავწონ-დავწონოთ, რამდენადაც კი შეგვიძლია, ის ფაქტები და ის მოვლენები, რომლებიც ასეთი სისწრაფით იცვლებიან და ვითარდებიან. რასაკვირველია, ჩვენ აქ გვერდს ავუვლით იმ ღუბჭირ და უმსგავს მოვლენებს, რომლებიც ბნელი ძალების, საზოგადოებრივი ცხოვრების ნაძირალა ელემენტების მოქმედებას შეეხება. ყოველივე ეს თან ჰყვება ყოველთვის საზოგადოებრივ რევოლუციებს, ყველა ძირითად ცვლილებებს საზოგადოებრივი წეს-წყობილებისას. დღეს აუცილებლად საჭიროა გავითვალისწინოთ ყველა საზოგადოებრივ ძალთა ნამდვილი განწყობილება, გამოიტანოთ სინათლეზე იმათი რეალური ძალები, იმათი ტაქტიკა და იმათი მისწრაფებები. თავის თავად იგულისხმება, რომ ჩვენი თვალთახედვის ისარი აქ არის კლასობრივი ბრძოლა.

მართალია, როგორც ერთ ადგილას შენიშნავს ფრ. ენგელსი, ყოველდღიური მიმდინარე მოვლენების დაფასების დროს შეუძლებელია იმათი უკანასკნელი, ეკონომიური მიზეზების გამოძებნა*), მაგრამ თუ ჩვენ გვინდა იმის გაგება, რაც დღეს ჩვენს თვალწინ ხდება, მხოლოდ ამ მიზეზებს უნდა მივმართოთ. უპირველეს ყოვლისა ჩვენ უნდა ვიცოდეთ, რომ თუმცა რუსეთის დღევანდელი რევოლუცია პროლეტარიატის თავგანწირული ბრძოლის ნაყოფია, მაგრამ არ უნდა გვავიწყდებო-

*) Маркс. Классовая борьба во Франции. წინასიტყვაობა.

დეს, რომ დღევანდელი რევოლუცია ბურჟუაზიულია, ე. ი. მას უნდა მოყვეს ბურჟუაზიული წესწყობილების განმტკიცება, ბურჟუაზიის სრული გაბატონება. ამ მხრით რუსეთის დღევანდელი რევოლუცია ჰგავს საფრანგეთის 1789 წ. და გერმანიის და ავსტრიის 1848 წლის რევოლუციებს, მაგრამ განსხვავებაც არის. ეს განსხვავება იმაში მდგომარეობს, რომ მაშინ, როცა 1789 და 1848 წლებში ბურჟუაზია საკმარისად მომზადებული იყო თავის ინტერესების დასაცავად და პროლეტარიატს, რი თითქმის სრულიად არ ჰქონდა გათვალისწინებული თავისი კლასობრივი ინტერესები, დღეს მდგომარეობა შეიცვალა: რუსეთის პროლეტარიატმა გამოიარა დიდი სკოლა, მისთვის უმნიშვნელოთ არ ჩაუვლია დასავლეთ ევროპის პროლეტარიატის ბრძოლას ბურჟუაზიის წინააღმდეგ; ერთი სიტყვით, რუსეთის მებრძოლი პროლეტარიატი დღეს შეგნებულ და გაცნობიერებულ მასას წარმოადგენს. ამიტომ თუ 1789 წ. და შემდეგ პროლეტარიატს ატყუილებდნენ და ლალატობდნენ სხვადასხვა გაბატონებული კლასები, დღეს ეს აღარ უნდა მოხდეს.

პროლეტარიატი, რასაკვირველია, არ ოცნებობს დღესვე ბურჟუაზიული წარმოების გაუქმებას და სოციალისტური წესწყობილების განხორციელებას. დღევანდელი მისი დანიშნულება იმაში მდგომარეობს, რომ მისთვის უზრუნველყოფილი იქნენ ისეთი პირობები, რომლებშიაც მას გაუადვილდება მთელი მშრომელი ხალხის მომზადება დღევანდელი ბურჟუაზიული წესწყობილების გასაუქმებლად და სოციალიზმის განსახორციელებლად. დღევანდელი პოლიტიკური ბრძოლა ტრიალებს მხოლოდ ამ კითხვის გარშემო. ეს ბრძოლა არ შესწყდება, სანამ დღევანდელი მთავრობის ადგილს ნამდვილი დემოკრატიული მთავრობა ე. ი. თვით ხალხის მიერ არჩეული მთავრობა არ დაიჭერს. თუ რა საფუძველზე აშენდება ახალი მთავრობა, ეს დამოკიდებულია, რა თქმა უნდა, საზოგადოებრივ ძალების ურთიერთ განწყობილებაზე, მაგრამ დიდი მნიშვნელობა აქვს ამ საქმეში იმ გარემოებასაც, რამდენათ შეგნებული აქვთ თავისი როლი და მნიშვნელობა საზოგადოებრივ მოქმედ ჯგუფებს, პოლიტიკურ პარტიებს, და რამდენათ მართლად აფასებენ თავის ძალებს, ახლა განვიხილოთ, რაც შეიძლება მოკლეთ, ამ ჟამად რუსეთში მომქმედი, უკვე მოწყობილი პოლიტიკური პარტიები და აგრეთვე ისეთებიც, რომლებიც მხოლოდ დღეს ეწყობიან და სამოქმედოთ ემზადებიან.

პირველად აქ ჩვენ უნდა შევჩერდეთ მთავრობის რეაქციონურ ძალებზე. რუსეთის თვითმპყრობელ მთავრობამ თავის ხანგრძლივ არსე-

ბოძის დროს შექმნა და გააძლიერა მის მომხრეთა და დამცველთა ჯგუფები. მთავრობის პოლიტიკის ვასაყვანათ და განსამტკიცებლათ საჭირო იყო რუარებელი, მოხელეები—ჩინოვნიკები; ამათ განკარგულებაში იყო და დღემდის არის რამდენიმე მილიონი ჯარი და ფლოტი. რა თქმა უნდა, ესენი საქუთარ პოლიტიკურ პარტიას როდი წარმოადგენენ, მაგრამ ისინი ყოველ წაშში მზათ არიან. დაიკვან ძველი თვითმპყრობელობა და ემსახურონ მთავრობის რებქციონურ, უკან დამწვევ, პოლიტიკას. ეს მით უფრო შესაძლებელია, რომ ძველი მთავრობა ჯერ კიდევ ფეხზეა, ჯერ კიდევ ხალხის ბედს განაგებენ ის პირები, რომლებიც დღემდის თვითმპყრობელობის ნამდვილი იარაღები იყვენ.

სანამ მინისტრების, გუბერნატორების და სხვა მოხელეების დანიშვნი ძველი წესით ხდებდა, სანამ მთელი ქვეყნის სამხედრო ძალას, ე. ი. ჯარს და ფლოტს ძველი მთავრობის აგენტები განაგებენ და ხალხს არ აქვს თავისუფალი მილიციის შედგენის უფლება, რეაქციისათვის ყოველთვის შესაძლებელი იქნება მოპოებული თავისუფლება გათელოს და დროებით ძველ წესობილებას ჩაუვარდეს ხელში ხალხის ბედ-იღბალი. თუმცა ჩვენ ეს დღეს შეუძლებელათ მიგვაჩნია, მაგრამ პროლეტარიატმა არასოდეს არ უნდა დაივიწყოს, რომ რეაქციის მომხრეებს ყოველთვის მომზადებული აქვთ მისთვის ხაფანგი. ამიტომ უწინარეს ყოველისა ძველი მთავრობის სრული გაუქმება საჭიროა. ჯერ კიდევ მას არ დაუყრია იარაღი, იგი კიდევ ფიქრობს თუ სრულებით გამობრუნებას არა, სანახევრათ მაინც. ამ მიზნით ძველი მთავრობა იცვლის თავის გარეგან კანს და გამოდის ვითომცდა „საზოგადოების კეთილმოაზრე უმრავლესობის“ სახელით. რას ნიშნავს ეს? ეს ნიშნავს იმას, რომ ამიერიდან მთავრობა იმოქმედებს ხალხის უმრავლესობის სახელით. მაგრამ ვინ არის ეს უმრავლესობა და რა გზით უნდა მთავრობას მისი ინტერესების დაცვა?

დღევანდელი სახელმწიფო კლასობრივი სახელმწიფოა. აქ მთავრობა გაბატონებული კლასების ორგანოა ხალხზე თავისი ბატონობის შესანარჩუნებლათ. რუსეთის დღევანდელი რევოლიუცია არ სპობს საზოგადოების კლასებათ დაყოფას, ე. ი. არ უღებს ბოლოს პროლეტარიატის გაყვლეფას, ექსპლოატაციას. ამიტომ მთავრობაც გაბატონებულ კლასების ორგანოა, ე. ი. იმათი ინტერესების დამცველი, მაგრამ რევოლიუციონურმა პროლეტარიატმა თავისი იერიშით თავზარი დასცა როგორც მთავრობას, ისე თვით გაბატონებულ კლასებსაც, და აი, დღეს, როცა

რევოლუციის ცეცხლი პროლეტარიატის მიერ ანთებული, მთელ რუსეთს მოედდა და მთელი ძველი რეჟიმი ლამის არის შთანთქას და გააქარწყლოს, მთავრობა ზოგიერთ თავის უფლებებზე ხელს იღებს და იმავე დროს პროლეტარიატთანაც დამოზიზღებას აპირებს და მეგობრობას ჰპირდებათ თვით ბურჟუაზიული პარტიებიც. მაგრამ ერთი ვიკითხოთ: სად იყვენ აქამდის? განა თავისუფლება სიტყვის, თავისუფლება კრების და კავშირის, პიროვნების ხელშეუხებლობა დღეს არის საჭირო და წინათ კი არა? სად იყო და რას ფიქრობდა მთავრობა მაშინ, როცა ნება დაურთველად შეკრებისათვის და თავისუფალი სიტყვისათვის ჩვენს ამბანაგებს, ჩვენ ძმებს და დებს ციხეში ალპობდა და აციმბირებდა და ტყვიით და მათრახით უმასპინძლდებოდა? სად იყვენ ბურჟუა-ლიბერალები მაშინ, როცა რუსეთის პროლეტარიატი დამცირებული და შეწუხებული, მშვიერი და მწყურვალი, თავის ბნელ სარდაფებში, ქუჩებში სადგომებში, მოკლებული ყოველგვარ საშუალებას, ჩაყენებული აუტანელ პირობებში, ტიტანისებურ შრომას ეწეოდა მთელი რუსეთის ხალხის განსათავისუფლებლათ მრავალ საუკუნოების მონობის ბოაკილებსაგან. და აი, როცა მუშა ხალხმა ყველას აშკარად დაუმტკიცა, თუ რა ძალას წარმოადგენს ერთი გრძნობით და ერთი სურვილით გამსჭვალული პროლეტარიატი, აი სწორეთ ამ დროს ერთი მხრით მთავრობა და მეორე მხრით ბურჟუა-ლიბერალები მუშებს რაღაცას უთმობენ და თანაგრძნობასაც უცხადებენ! გრაფ ვიტტეს მთავრობამ, მაგ., მთელ რუსეთის პროლეტარიატს 20 დეპუტატის არჩევის უფლება მისცა ეგრეთ წოდებულ სახელმწიფო სათავთბიროში. ასეთი დათმობა მეფის მთავრობასაც შეეძლო, ეს ჩვენთვის საჭირო არ არის. ჩვენთვის საჭიროა მთელი რუსეთის პროლეტარიატის გაერთიანება და ერთი დროშის ქვეშ შეერთება. აი რისი იმედი გვაქვს, აი საით უნდა იყოს მიმართული მთელი ჩვენი ძალ-ლო-ნე. ჩვენ ერთხელაც არ ვუღალატებთ ჩვენს ლოზუნგს: მუშა-ხალხის განთავისუფლება თვით მუშების საქმეა და სხვისი არავისი.

(ეურნალი „მოგზაური“ 1905 წ.
6 ნომბერი, № 39).

შინაური მიმოხილვა.

I.

ბევრი გასაკვირველი რამ ხდება ამ ჩვენს დალოცვილ ქვეყანაში; აგერ გაიხედავთ და გაოცდებით, რომ გუშინდელი ფეოდალი, ერთი იმ ჩვენი დროის „რაინდთაგანი“, რომლის ტიპი უკვდავ-ჰყო ეგ. ნინოშვილ-მა, დღეს ხალხის, გაჭირვებული გლეხ-კაცობის მეგობარი გამხდარა, ხატზე და ჯვარზე ფიქსულობს, რომ იგი ხალხის ერთგულია, რომ იგი უზომო სიყვარულით არის შეპყრობილი ძონძებში გახვეული გლეხ-კაცობისადმი. მოდი და ამის შემდეგ ნუ აგიყურდება გული, ნუ აგიცრემლდება თვალები? ახლა გაიხედავ მეორე მხარეზე და იქ თქვენ დაინახავთ მომწიფებულ, დიპლომიან ვაჟებატონს, რომელსაც გუშინ თავში არაფერთარი აზრი არ ჰქონდა, მიმართულება მისთვის არ არსებობდა, არავის არ ემხრობოდა და საჯაროთ გაიძახოდა, რომ არ ვიცი ვის მივემხრო, და დღეს კი გამოსულა საზოგადოებრივი მოქმედების ასპარეზზე და მეთაურობას კისრულობს, ხელმძღვანელი ხდება. საიდან, როგორ ხდება ასეთი ცვლილება? ნუ თუ გუშინდელ რაინდს შეუყვარდა გლეხი? ან უიზრო და ყოველგვარ მიმართულებას მოკლებული ადამიანი ერთბაშათ ასე გამოიცვალა? რასაკვირველია, რომ ამის მსგავსი არაფერი არ მომხდარა; მხოლოდ გარემოება გამოიცვალა, სხვა ქარმა დაბერა. და ეს ვაჟებატონები ხედავენ, რომ დღეს ძველებურათ დროს ტარება აღარ გამოადგებათ. საჭირო ხდება, რომ ისინიც აყვენ სხვის ფეხის ხმას, რათა საზოგადოების ყურადღება დაიმსახურონ, რომ ვითომც ისინი ხალხისთვის თავდადებული არიან!

და აი, გამოდის, რომ როგორც გუშინდელი რაინდი, ისე ის, ვისთვისაც აზრს და მიმართულებას არასოდეს არაფერთარი ფასი და მნიშვნელობა არ ჰქონდა; დღეს ხალხის მხსენლებათ რაცხვენ თავის თავს. პირველი შეხედვით, ესენი არც კი სტყუიან: ისინი ეროვნების დამცველები არიან; იმათ სურთ, რომ საქართველო მართო ქართველი ხალხისთვის იყოს, განურჩევლათ წოდებისა და ხარისხისა. წარმოიდგინეთ, ისინი ისე გულუხვი არიან, რომ საქართველოს და ქართველი ერის ბედ-

ნიერებისათვის ავტონომიასაც კი თხოულობენ! აბა, თქვენ რა იცით, თუ რა მომხიბლავი ძალა აქვს ამ სიტყვას! ვინც არ დასწრებია თბილისის გუბერნიის თავადაზნაურობის საგანგებო კრებას, რომელიც ამ ათი დღის წინათ მოხდა თბილისში, იგი ვერ წარმოიდგენს იმ აღფრთოვანებას, რომელსაც ამ სიტყვის გაგონება იწვევდა ქართველ ნაციონალისტების გულში. სწორეთ საკვირველი იყო ეს კრება! აქ თითქო უენობმაც კი ხმა ამოიღეს. წარმოიდგინეთ, იმათაც კი ახადეს საცო ბაგეს, ვინც მთელი წლების განმავლობაში მარტო იმის მეცადინეობაში იყვნენ, რომ ქართული ენა, ქართული ლიტერატურა და საერთოდ ქართული აზროვნება ჩაეკლა, დაეხშო. აი, ესენი ახლა მოსარჩლეობას უწევდნენ ქართულ ენას და ქართულ ლიტერატურას! აქ იჩენდნენ გამბედაობას და თავგანწირვას, დებდნენ სამშობლოსათვის თავს. რინ მოთვლის რას არ პირდებოდნენ ქართველ ხალხს, რომელსაც ისინი მთელი საუკუნოების განმავლობაში არბევდნენ და ანადგურებდნენ. ჩვენ არ უარეყოფთ, რომ შეიძლება ორიოდე პირი აქაც ერია ისეთი, რომლებსაც მართლა გულწრფელათ სურდათ ხალხისთვის სიკეთე. მაგრამ ჩვენ იმათ შესახებ არ ვლაპარაკობთ. ისინი მხოლოდ წვეთია ამ ზღვაში. აი ვინ არიან ისინი, ვინც ქართველ ხალხს ბედნიერებას პირდება, ვისაც მისთვის ავტონომია სურს! მაშ, თქვენ არ თანაუგრძობთ ავტონომიას, მაშ, თქვენ არ გინდათ, რომ ჩვენ ხალხს ავტონომია მიანიჭონო—შეიძლება დაგვეკითხონ ჩვენ ზოგიერთები. ამაზე ჩვენ გადაქრით უნდა ვუპასუხოთ, რომ ჩვენ ავტონომიის მომხრე ვიქნებით მხოლოდ მაშინ, როცა ამას თვით ხალხი მოითხოვს—შანამ კი ზვენ ავტონომიის წინააღმდეგი ვართ. უნდა იცოდეთ, რომ დღეს ხალხი უწლოვანი აღარ არის, რომ მას დღეს აღარ ესაქიროება აპეკუნები. სწორეთ იმით არის დიდებული დღევანდელი წამი, რომ დღეს ჩვენ აშკარათ ვხედავთ ხალხის მომწიფებას. ამიტომ დღეს ხალხის დაუკითხავათ არავის უფლება არა აქვს მისთვის რაიმე ითხოვოს ან მისი სახელით სადმე იშუამდგომლოს. მეორე მხრით, დღევანდელ პირობებში მშრომელი ხალხის ინტერესი სრულგებით იმას არ თხოულობს, რომ საქართველოს ცალკე ავტონომია მიენიჭოს; პირიქით, დღეს ისეთი დროა, როცა მთელი მშრომელი ხალხი უნდა შეერთდეს და საერთო მტრების წინააღმდეგ შეერთებული ძალით მიიტანოს იერიში. ერთი სიტყვით, დღევანდელ პირობებში ავტონომიის მოთხოვნა არა თუ უაზრობაა, მავნებელიც იქნება მშრომელ ხალხის ინტერესებისათვის. თავის თავად იგულისხმება, რომ არავითარ სერიოზულ მნიშვნე-

ლობას არ ვაძლევთ თავად-აზნაურობის დადგენილებას; იგი ისევე ფუქია, როგორც ჩვენი ნაციონალისტების სხვა მრავალი ოცნებები. ჩვენ ამაზე იმიტომ შევაჩერეთ მკითხველის ყურადღება, რომ აქ ბრძენმა „ივერიამ“ „ეროვნულ-პოლიტიკური მომწიფების და გონიერების“, „შესანიშნავი სიფხიზლის და ცნობიერების“ („ივერია“ № 43) საუნჯე ამოაჩინა, და ბოლოს ისიც დაურთო, რომ „მხოლოდ ოთხი ხმა აღმოჩნდა საქართველოს ავტონომიის მოწინააღმდეგეო“. ამაზე მეტი სიყალბე შეუძლებელია! და მერე ვის ატყუილებენ ეს ვაჟბატონები? კარგაა დაფიქრდით, ვისთან გაქვთ საქმე, ან ვისზე ამყარებთ თავის აზრს. კარგია კიდევ, რომ რამდენიმე დღის შემდეგ იმავე გაზეთის მეთაურ წერილში იყო დაბეჭდილი ერთი ფრიად საგულისხმიერო საბუთი, რომელიც აშკარათ მოწმობს, თუ როგორ უღროვო ნასკვენის გამოსკვნა სკოდნია „განახლებულ ივერიას“.

ამ მხრით მისთვის უფრო საგულისხმიეროა თფილისის გუბერნიის თავად-აზნაურობას გვერდში ამოვუყენოთ საქართველოს მეორე კუთხის, ცნობილი თედორე ჟორდანიას¹⁸⁾ სამშობლოს თავად-აზნაურთა კრება, რომელიც ამას წინეთ მომხდარა დ. ზუგდიდში მაზრის წინამძღოლის თ-დ დ. დადიანის თავმჯდომარეობით. ჩვენ არ ვიცით, თუ როგორ თანაუგრძობენ სამეგრელოს თაჯანდ-აზნაურნი საქართველოს ავტონომიას, ე. ი. ქართულ ენას, ქართულ ეკლესიას და სხვა ამისთანა ეროვნულ საგნებს, ხოლო ის კი საქმარისათ გამოაშკარავდა; თუ როგორ უყურებენ ისინი ქართველ გლეხებს და იმათ დღევანდელ გამოფხიზლებას. კრების დაწყებისთანავე თავმჯდომარეს განუმარტავს თავად-აზნაურობისათვის გლეხების მოძრაობის ხასიათი და სხვათა შორის აღუნიშნავს, რომ ეს მოძრაობა „სრულ განადგურებას უქადის თავად-აზნაურობასო“. — დღეს ჩვენი გლეხობა — ჭოქვაშის მას — უგნურ და გადავარდნილ ყაჩაღ პროპაგანდისტების წყალობით ცეცხლითა და მახვილით გალაშქრებულია თავად-აზნაურობაზეო“. („ცნ ფურ.“ № 2791).

კრების მიზანი იყო რაიმე საშუალება გამოენახა გლეხების დასამშვიდებლათ. ამ კრებაზე ყოფილან ისეთები, რომელთაც ესმით გლეხების დღევანდელი მოძრაობის მიზეზი და მის მოსასპობათ სასტიკი ლონისძიებათა ხმარება სრულებით უსაფუძვლოთ მიაჩნიათ (ე. ნ. აღშიბაია, ი. მეუნარგია და თ-დი მ. კ. დადიანი). მხოლოდ კრების უმრავლესობას შეადგენენ ისინი, ვისაც სასტიკი, ჯოჯოხეთური ზომებით სურს. დღევანდელი მოძრაობის ჩაქრობა. ამათ შორის თავი უსახელებია ვლ-

აღშიბაიას, თ-ღ მენგერელსკის მამულების გამგეს. იი რა უთქვამს ამ ვაჟბატონს: „გლახს დღეს არაფერი გაქირვება არ ადგია, იგი ცხოვრობს სრულ კმაყოფილებაში და სამწუხაროთ, ვერ შეუგნია თავისი ბედნიერი მდგომარეობა, აყოლია ფეხის ხმას და დადგომია საზიზღარ გზას. მისი მდგომარეობა კარგია და კიდევ უკეთესი იყო წარსულში. უნდა ვიტყვიოთ და დაჩოქით მოვიხსენიოთ ის თავად-აზნაურები, რომელთაც გლახებს ნდობა და ერთობა გამოუცხადეს. როდესაც დაიწვება ერთი აზნაურის და თავადის ოჯახი, უნდა დაიწვას ასი გლახის ოჯახი! როდესაც მოკლული იქნება ერთი ჩვენგანი, უნდა მოიკლას ათასი გლახი. მათი დამშვიდება შეიძლება მხოლოდ მაშინ, როცა აქ იქვე-იგრიალებს თოფ-ზარბაზანი!“ ასე ლაპარაკობდა ბ-ნი ვლ. აღშიბაია თავად-აზნაურობის კრებაზე და კრების უმრავლესობაც სწორედ ამასვე თხოულობდა! აღშიბაიას სიტყვების განმარტება საქირო არ არის; მე მხოლოდ იი რას ვიტყვი: ბ-ნი ვლ. აღშიბაია რომ „თბილისის გუბერნიის თავად-აზნაურობის კრებებს დასწრებოდა, იგი იმ ოთხი პირის რიცხვში არ დარჩებოდა, რომლებიც ავტონომიის წინააღმდეგი შეიქნენ.

ერთ თეთრ კენჭს ამავე ავტონომიის სასარგებლოდ უღკველათ ახლანდელი ქუთაისის ქალაქის თავი, ბ-ნი ლორთქიფანიძეც ჩაუგდებდა ყუთში ჩვენ ნაციონალ-დემოკრატებს, მაგრამ ეს იმას სრულდებოდა არ ნიშნავს, რომ ამ ვაჟბატონსაც უყვარს თავისი ერი, თუნდაც ისინი, ვინც იგი ამ თანამდებობაზე აირჩიეს. დღეს ვინ არ იცის, თუ როგორ იცავს პოლიცია მცხოვრებლების ინტერესებს, თუ როგორ ფეხქვეშ თელავს იგი ყოველგან ყოველგვარ ადამიანურ ღირსებას, თუ რა ზომებს ხმარობს იგი მშვიდობიანი ხალხის წინააღმდეგ. ამის მაგალითი თვით ქუთაისის ქალაქის თავსაც წინ ჰქონდა, თებერვლის ამბების შემდეგ, უფრო შორს რომ არ წასულიყო. მაგრამ ვინ ბ-ნი ლორთქიფანიძე და ვინ ქალაქის მცხოვრებთა ინტერესების დამცველი განა იმისთვის წამოჯდა იგი ქალაქის თვითმართველობის საეზრძელში, რომ მცხოვრებლების ინტერესებისათვის ეზრუნა? ბ-ნი ლორთქიფანიძე დიდი ხნის ქუთეთური ადვოკატი იყო, რომლის მოღვაწეობა იმერულ ხრიკებზე იყო აშენებული და როცა ამგვარ მოღვაწეობისათვის მოიშალა და ჭვეულე-ბრივი მოქმედება აღარ შეეძლო, მაშინ წამოსკუპდა ქალაქის თავის საეზრძელზე. თუ როგორ აირ-დაირია ქალაქის საქმეები ამის შემდეგ, თუ როგორ მისგან და ბ-ნი ზდანოვიჩისგან შემდგარე ბრბო სისტემატიურად

ატყუილებდა და ძარცვავდა ქალაქს, ამის უტყუარი საბუთები დღეს ყველა ჩვენ ხელშია, მაგრამ სამწუხაროთ დღეს ამისთვის არ გვცალია. დღეს ეს მატყუარა მოღვაწე გამოსულა და ქვეყანას არწმუნებს, რომ ჩვენი დამცველი და პირში სულის ჩამდგმელი პოლიცია არისო და ჩვენ იგი უნდა გავამრავლოთ და დიდი ჯამაგირები დავუნიშნოთო. მათთვის ჩვენი სისხლით კვება არ კმარა, საჭიროა კიდევ ქალაქის მცხოვრებთ ლუკმაც გამოცვალონ პირიდანო. ბ-ნ ლოთქიფანიძეს ამაში ბანი მისცა 10 ხმოსანმა, და იმათ შორის ერთმა სასამართლოს უწყების მოხელე ჩინოვნიკმა ბ-ნმა ციციანოვმა! ეს ყოველივე საგულისხმიეროა. სასამართლოს წარმომადგენელი პოლიციის გაძლიერებას ცდილობს. აი რათ გადაიქცა დღეს სასამართლო, აი რა დიდი დასვა მას ადმინისტრაციის ოპეკამ. დროა ამომრჩეველებმა ყური გამოიფხეკონ, — თუ ვის აბარებენ, ვის ირჩევენ ისინი თავის ინტერესების დასაცველათ.

II.

ჩვენმა ავტონომისტ-ფედერალისტებმა დაკრეს ბუკი და ნალარა და ერთ წუთსაც აღარ ცხრებიან. ავტონომია და ფედერაცია! აი რა იხსნის ჩვენ ხალხს, აი რა უშველის მას, რა გამოაფხიზლებს, რა წასწვევს წინ, რა მიანიჭებს ბედნიერებას, ჩამოაგდებს სათნოებას და დაამყარებს კაცთმოყვარეობას! ავტონომია დაახლოვებს ხალხს მთავრობასთან, შექმნის სახალხო მთავრობას, მოგვანიჭებს თავისუფლებას, მოსპობს ბურჟუაზიას. ავტონომია დღეს სახელმწიფო ბედნიერების უკანასკნელი სიტყვაა, ეს შეურყეველი ქეშმარიტებაა, რომელსაც წინ ვეღარ აღუდგება ვერავითარი ძალა. იგი არა სწამთ მხოლოდ დაბრმავებულ ადამიანებს, მის სარგებლობას ვერ გრძნობენ მხოლოდ ხალხის მატყუარები, სხვისი გამარჯვების მოშურნეები. მაგრამ მოვიდა დრო, როცა მის იდეალებში დარწმუნდება, მის სარგებლობას ყველა შეიგნებს. დღეს კი ვინც საქართველოს ავტონომიას უარყოფს. და ქართველ თავად-ახნაურობას და „ივერია — ცნობის-ფურცელს“ გვერდში არ ამოუდგება, იგი ხალხის მოღალატეა, მას მშრომელი ხალხის სიაცე სურს. საქართველოს ავტონომიის მოწინააღმდეგეთ არავითარი საბუთი ხელში არ უჭირავთ, მხოლოდ ცილის-წამებით და ქორებით გადიან ფონს. ვინიცობაა, თუ იმათ გაიმარჯვეს, ვინცობაა, თუ ჩვენ ნაციონალურ — ტერიტორიალურათ ავტონომია არ მოგვნიჭა და მთელ რუსეთში ერთი ცენტრალური

საკანონმდებლო ორგანო, ანუ პარლამენტი დაწესდა, ქართველ ხალხს მაშინ აღარ ეცხოვრება, ჩვენ გამოვვსრესენ, ჩვენი მოსარჩლე იქ აღარავინ იქნებაო. აი მთელი ავლა-დიდება ჩვენი ავტონომისტ—ნაციონალისტებისა! აი მთელი დაუშრეტელი წყარო იმათი არაგუმენტაციისა. ბექდავენ აურაცხელ წერილებს, მართავენ კრებებს, რომ ქართველი მუშა ხალხი დააწმუნონ საქართველოსათვის ავტონომიის საქიროებაში, მაგრამ ყოველივე ეს ჯერ-ჯერობით უნაყოფოთ რჩება: ქართველი მშრომელი ხალხის მოწინავე რაზმი გყდაჭრით უარს აცხადებს დღევანდელ პირობებში ავტონომიაზე. რით აიხსნება ეს? შეიძლება ქართველი მუშა შეუფერებელია, მას არ ესმის თავის სარგებლობა? და მის მაგიერ, მის ზურგს უკან ამოფარებული, შეიძლება სხვა ვინმე, „დასელი“ ლაპარაკობს? თუ ეს ასეა, თუ მართლა ქართველი მუშა ხალხი, მისი მოწინავე რაზმი მაინც ასე შეუფერებელი და გონება დაბნულია, თუ მისი მოტყუილება ადვილათ შეუძლია რომელიმე „დასელს“, რათ ავტონომისტ-ფედერალისტების გამუდმებულმა ლაღღმა იგი ვერ აკლუნა და თავისებურათ ვერ მოარჯულა? მაგრამ უფრო გასაკვირალი მეორე გარემოებაა, სახლდობრ ის, რომ ჩვენი მუშა ავტონომისტ-ფედერალისტებს არც ისე შეუფერებლათ მიაჩნიათ; პირიქით, საქართველოსათვის ავტონომია; იმათი აზრით, სწორეთ იმიტომ არის საქირო, რომ ქართველმა მუშა ხალხმა უკვე დაამტკიცა ის, რომ იგი მომზადებულია საზოგადოებრივი ცხოვრების სხვა უკეთეს საფუძველზე გასაწყობათ, რომ იგი კულტურულათ მაღლა დგას რუსის მუშა ხალხზე. მაშ, თუ ასეა, რათ ჩვენ მუშა ხალხს ვერ შეუფერია ავტონომიის სარგებლობა? ორში ერთი—ან მუშა ხალხი სრულებით მოუმზადებელია, ან ავტონომიას არ შეუძლია მისი დღევანდელი საქიროების და მოთხოვნილებების დაკმაყოფილება, ე. ი. ავტონომია არ შეესაბამება მის დღევანდელ მდგომარეობას. მაგრამ, როგორც ვიცით, მუშა ხალხის მომზადებას ვერ უარყოფენ ჩვენი ავტონომისტები, ამიტომ ისინი აქ თავისი-თავის წინააღმდეგი ხდებიან, როცა გაიძახიან, რომ მუშა ხალხს არ ესმის ავტონომიის მნიშვნელობაო.

არა ნაკლებ წინააღმდეგობას იჩენენ ისინი მაშინაც, როცა გაიძახიან, რომ სრულებით არ ვთხოულობთ განცალკევებას რუსეთთან. რუსის ხალხთან. ამ შემთხვევაში რაღას ნიშნავს ცალკე საკანონმდებლო კრების, ანუ ნაციონალური პარლამენტის დაარსება, რომელსაც რუსეთის პარლამენტის დამოუკიდებლათ შეეძლება კანონების გამოცემა? თუ ამ ქართულ პარლამენტს მხოლოდ ადგილობრივი საქმეების მო-

წესრიგება ექნება მინიკებული, ამისათვის ავტონომია სრულებით საქი-
რო არ არის, რადგანაც ეს საფასებით იქნება დაკმაყოფილებული იმ
ვრცელი საოლქო თვითმართველობის ნიადაგზე, რომელსაც თხოულობს
მუშა ხალხი. მაგრამ საქმე ის არის, რომ ჩვენს ნაციონალისტებს ასეთი
თვითმართველობა როდი აკმაყოფილებს. მათ სურთ საქართველოს ცალ-
კე გამოყოფა, საკუთარი ბურჟუაზიული მთავრობის შექმნა, და ყოვე-
ლივე ეს მუშა ხალხის სასარგებლოდ და როცა მათ ეუბნებიან, რომ
ჩვენთვის კი არ არის საქირო, ჩვენ არ გვინდა ზედმეტი ბარგი ავიკი-
დოთ, ჩვენ არ გვინდა, რომ ორი საკანონმდებლო ბურჟუაზიული მთავ-
რობა შევქნათ, ისინი ამაზე გვიპასუხებენ, რომ ჩვენი ბურჟუაზია სუს-
ტია და მთელი კანონმდებლობა მუშა ხალხის ხელში გადავა და რათ
არ გინდათ ესო! თუ სუსტია, ეს კარგი, მაგრამ ბურჟუაზიული მთავ-
რობა არ ეცდება მის გამაგრებას, როცა კანონმდებლობა მის ხელში
იქნება? ვინ არის ამის თავდები? ან შეიძლება ავტონომისტებს სურთ
ვისმეს დაჯერება იმაში, რომ პოლიტიკურ რეფორმას სოციალური რე-
ფორმაც თან მოყვება. ნუ თუ ისინი ასე გულუბრყვილონი არიან? ან
შეიძლება სხვები გონიათ ასეთი გულუბრყვილონი?

ჩვენ აქ არას ვამბობთ იმაზე, რომ საქართველოს ავტონომია დღეს
ნიშნავს ქართველი მუშა ხალხის დაშორებას მთელი რუსეთის მუშა ხალ-
ხთან; რომ იგივე ავტონომია მოასწავებს ნაციონალურ განწყობილების
გაძლიერებას, ერთა შორის მტრობის და მძულვარების განვითარებას.
საქართველოს ნაციონალურ-ტერიტორიალურ ავტონომიას დღეს მხო-
ლოდ ნაციონალური შუღლის და მტრობის გაძლიერება შეუძლია,
კლასობრივი ბრძოლის გადაფუჩჩება და დაშვიდება; ყველა ის საბუ-
თები, რომლებიც ჩვენ ავტონომისტებს მოყავთ ავტონომიის სასარგებ-
ლოდ, ჩვენ მეტათ უსაფუძვლოდ, ბავშურათ მიგვაჩნია, რომ იმაზე ღირ-
დეს შეჩერება.

აქ აღვნიშნავთ მხოლოდ იმას, რომ როცა ჩვენი ავტონომისტები,
ფედერალისტები და მათი მსგავსნი გამოდგებიან ავტონომიის სარგებლო-
ბაზე ლაპარაკობენ, ქართველი თავად-აზნაურები, რომლებიც იმავე დროს
ავტონომიის თავგამოდებული მომხრეები არიან, არხეინათ განაგრძობენ
ქართველი სოფლის მუშების, გლეხების აწიოკებას, განადგურებას, ამო-
ელეტას და მათი ცოლების და დების გაუპატიურებას და ნამუსის
ხდას.

ასე მოუვიდა თფილისის ტრამეის უსახელო საზოგადოებას. ვის არ ახსავს ის, რაც აქ, თბილისში, ამ ხუთი წლის წინეთ მოხდა, როცა პირველათ გაიფიქრნენ ხსენებული საზოგადოების მოსამსახურენი? ვის არ წარმოუდგება თვალ-წინ მაშინდელი სისხლის ღერა, რომელიც ტრამეის მოსამსახურეთი გაფიცვამ გამოიწვია. მეორე მხრით, წყნარათ და მშვიდათ მოხდა ახლანდელი გაფიცვა! რა მოხდა ამ ხუთი წლის განმავლობაში? მოხდა ის, რომ ტრამეის მოსამსახურეებმა შეიგნეს თავისი მდგომარეობა, მიხედნენ, რომ ისინი წევრებია მთელი მუშათა კლასის, პროლეტარიატის; რომ მათი ინტერესები ეწინააღმდეგება მთელი ბურჟუაზიის ინტერესებს, ამიტომ იმათი გამარჯვებისათვის საჭიროა მთელი პროლეტარიატის შეერთება, შეერთებული ძალით მოქმედება და ბრძოლა ბურჟუაზიასთან. და აი, ეს შეერთება არის უძლიერესი იარაღი, რომელიც ამ ხუთი წლის განმავლობაში მოიპოვეს დანარჩენ მშრომელ ხალხთან ერთად ტრამეის მოსამსახურეებმა. გარდა ამისა, ერთი ცვლილება კიდევ სხვა მოხდა, არა ნაკლებათ ღირსი აღნიშვნისა. ჩვენ ვამბობთ იმას, რომ ტრამეის საზოგადოებას დღეს შთავერობა ვეღარ უწევს ეფარეულობას, როგორც ამ ხუთი წლის წინეთ ჩადიოდა. პოლიციელების და ეანდარმების ხმაღს, ყაზახ-რუსების მათრახებს, კეტებს და სალდათების თოფებს დღევანდელ გაფიცვის დროს ვეღარ იშველიებდა უსახელო საზოგადოება თავის მოსამსახურეთა დასამორჩილებლათ. ეს ამბავიც საგულისხმიეროა კავკასიის მუშა ხალხის ისტორიაში. ჩქარა საში კვირა შესრულდება, რაც ეს გაფიცვა გრძელდება. მას ჯერ დასასრული არ უჩანს. უსახელო საზოგადოების გამგეები, როგორც დაჩვეული არიან თავის მოსამსახურეების დატყუილებას; დღესაც ყოველ ღონეს ხმარობენ ამავე მიზნით. უკანასკნელათ კიდევაც მოიწვიეს მოსამსახურეების წარმომადგენლები, ვითომც კიდევაც შეპირდნენ ყველა მოთხოვნების დაკმაყოფილება, მაგრამ ყველაფერი ეს თურმე ხრიკი იყო, ჩვეულებრივი ოინი მოსამსახურეების დასატყუილებლათ. მაგრამ მუშებნი აღარ გაეგნენ მახეში, რომელსაც მათ გამოცდილი და დახელოვნებული ოინბაზები, საზოგადოების გამგეები, ფეხ-ქვეშ უგებდნენ—ამით ტრამეის მოსამსახურეებმა კიდევ ერთხელ დაამტკიცეს თავის მომზადება და გამჭირაბობა. ვისურვოთ მათი გამარჯვება.

III.

ამას წინათ დაუჯერებელი ამბავი გავრცელდა ჩვენში. იმ დროს, როცა ყველანი გაფაციცებით თვალს ადევნებდა იმ დიად მოძრაობას, რომელიც ერთნაირათ მოსდებოდა იმერ-ამერიის გლახაკობას, ხმა ვავრცელდა, რომ გორის მაზრაში შესდგა თავად-აზნაურთა ერთი ჯგუფი, რომელიც თავის დაცვის დევიზით დღევანდელი მოძრაობის წინააღმდეგ ილაშქრებსო. ეს ხმა პირველათ ყრუთ გაისმოდა. შემდეგ გახეთქა იცო გამოცხადებული, რომ ასეთი ჯგუფი მართლა არსებობსო. წარმოდგინეთ ჩემი გულუბრყვილობა, რომ მე ის მაინც არ მჯეროდა. მაგრამ რომ კაცმა იკითხოს, რა იყო აქ დაუჯერებელი, ან გასაკვირვალნი? გლეხების დღევანდელი მოძრაობა ერთი მხრით მიმართულია მემამულეების წინააღმდეგ. თუ რისთვის არის ეს ასე, ამის განმარტებას მკითხველი ჩვენ არ მოგვთხოვს, რადგანაც ეს დღეს საკმარისათ გამოკვეულია. აშკარაა, თავად-აზნაურობა, როგორც მიწათ-მფლობელთა კლასი, თანაგრძნობით ვერ მიეგებებოდა ამ მოძრაობას. ამიტომ მოსალოდნელი იყო, რომ თავად-აზნაურობა წინააღმდეგობას გაუწევდა მას, შეეცდებოდა თავის ნივთიერი ინტერესების დასაცველათ მისთვის მანვე მიმართულების აღმოფხვრას. როგორც ხედავთ, აქ არაფერი გასაკვირვალნი და დაუჯერებელი არ არის, მაგრამ ჩვენ ურწმუნოებას ფარდა ახადა ბ.ნ.შ. ლ. არავინმა (გაზ. „НОВ. ОБОЗ.“-ში). როგორც მისი წერილიდან სჩანს, ქართველ აგარაკების დასს „მოუკრები“ ადგილობრივთ უსაქმოდ მოხეტიალე ხუნხუზები და გამოუწყვია ეგრეთ წოდებული „თავად-აზნაურთა დრუჟინა“ 700 კაცისაგან შემდგარი, რომელსაც ბელადობს უნივერსიტეტში კურსს დამთავრებული პირიოა“. და ეს ვაჟბატონი თურმე, მათრახით ხელში, მაწანწალა ბრბოს თანხლებით, დაძრწის ქართლის ქალაქებსა და დაბებში და შიშის ზარსა სცემს ადგილობრივ უწყინარ და ვიდობიან მცხოვრებლებსო. გლეხების დამშვიდების სახელით ეს დაუპატიჟებელი ბაში-ბუზუკები ზოგიერთ მემამულეებთან ერთათ ისეთ საშინელებას ახდენენ, რომ გულ-ქვა აღა-მაჰმად ხანის შემოსევას ფერი უკრთება მასთან შედარებით“. აქ მოთხრობილი ამბები რომ სიმართლეს მოკლებული არ არის და არც გაზვიადებულია, ამას ამტკიცებს იმავე გაზეთში („НОВ. ОБОЗ.“ № 98) თვით თავად-აზნაურობის „დრუჟინის“ ერთი წევრი ბ.ნ. გ. ვ. მაჩაბელი, რომლისთვისაც სიტყვა მაწანწალა და ბაში-ბუზუკი დიდათ სანაქებო რამ ყოფილა. დასახელებული

ვატბატონი მხოლოდ უფრო დაწვრილებით გაგვიმარტავს ამ ახირებულთა „დრუჟინის“ ორგანიზაციას, რომელსაც სახელათ აპიერიდან ერქმევა „გორის მაზრის თავად-აზნაურთა ურთიერთ დახმარების საზოგადოება“, რომლის წევრათ ყოფნა შეუძლია ყველას, ვინც-კი თანაუგრძნობს იმათ მიერ შემუშავებულ პროგრამას. ბ-ნი გ. მაჩაბელი აცხადებს, რომ ჩვენში გაჩნდნენ ისეთი პირები, რომლებიც თავად-აზნაურობასა და გლეხ-კაცობას შორის შულლსა და განხეთქილებას თესავს, რომლებსაც ჩვენ ხალხთან არაფერი საერთო არა აქვთო გარდა იმისა, რომ ხალხს უქადაგებენ თავად-აზნაურობის წინააღმდეგ ძალ-მომხრეობის ხმარებას, იმათ მამულ-დედულის და სახლ-კარის გადაბუგვასო, ვითომ ჩვენ, თავად-აზნაურობა, ვიყოთ იმათი გაქირავებული მდგომარეობის მაზეზიო. იმის მაგივრათ, რომ ხალხის პროპაგანდისტები შესულიყვენ „ქართველი თავად-აზნაურობის გაქვირებულ მდგომარეობაში, იმის მაგივრათ, რომ იმათ გლეხ-კაცობას და თავად-აზნაურობაში ძმობა-ერთობაზე ექადაგებია, ისინი გაშოსულან და ხალხს აგონებენ: გააძვევთ თქვენგან თავად-აზნაურობა, რომელიც მთელი მცხოვრებლების ერთ მეთედს შეადგენს და იმავე დროს ისეთ ნაწილს, რომელიც, როგორც უნდა თქვათ, დღევანდელ პირობებში ყველაზე უფრო კულტურული და ძლიერი ელემენტია“. ამ მიზნით გორელ თავად-აზნაურობას შეუდგენია „ურთიერთ დამხმარებელი საზოგადოება“, რომლის წევრები შეიარაღებულან, სოფელ-სოფელ დაძრწიან და „ხალხის დამშვიდების“ სახელით ცეცხლითა და მახვილით უპირებენ გასწორებას იმათ, ვინც დაჩაგრულ ხალხს გონებას უღვიძებს. ბ-ნი გ. მაჩაბელმა კარგათ იცის, რომ ეს პირები დაწვას და განადგურებას არ უქადაგებენ ხალხს; მაგრამ ეს იმას კი არ ნიშნავს, რომ ისინი უარყოფდნენ იმ განხეთქილებას, რომელიც თავად-აზნაურობასა და გლეხ-კაცობას შორის არსებობს. თქვენ დღეს სწორეთ ის გაწუხებს, თუ რათ დაირღვა წინანდელი დამოკიდებულება, როცა გლეხ-კაცობა თქვენი ყურ-მოქრილი მონა იყო და რაც გასურდათ, იმას აკეთებინებდით. აი რამ ავაშფოთათ, აი რამ ავახედრათ თქვენ. აბა ერთი დაგვისახელეთ, როდის იყო, რომ თქვენ ძმობას და სოლიდარობას უცხადებდით გლეხ-კაცობას! ასეთ პირბადის ახვევა თქვენ, როგორც რაინდული წოდების წარმომადგენელს, არ შეგ შეენით. ამიტომ უპატივსიან პირდაპირ აღიარათ, თუ რა გასურთ თქვენ. რისთვის შეგ დგენიათ ეს ახალი „დრუჟინა“ 700 კაცისაგან? ძმობა-ერთობის მქადაგებელი და ის, ვინც გლეხებს „ძმებს“ უწოდებს, ასეთ იარაღს არ მიჰართავდა. ამის

შემდეგ რაღა საფუძველი აქვს თქვენს საყვედურს ბ-ნ ლ. არაინის მიმართ, რომ მას თავის ვინაობა დაუფარავს. ის თავის ვინაობას ფარავს, სამაგიეროთ ქეშმარიტებას და სიმართლეს ამჟღავნებს. თქვენ კი, თუმცა თავის ვინაობას არ მალავთ, მაგრამ საქმის ნამდვილ ვითარებას ფარავთ. მკითხველმა გასაჯოს, თქვენი თუ ბ-ნ არაინის საქციელია გასაკიცხი და დასაგმობი! მაგრამ რას ვამბობ, ბ-ნ გ. ვ. მაჩაბელს ამაშიაც ჩინებულნი და საუცხოვო მოსარჩლე და მიმბაძველი ყავს; ეს გახლავთ თ-დი ილია ჭავჭავაძე, რომელმაც, სხვათა შორის, ვინაობის დაფარვისათვის უსაყვედურა ერთ ჩვენ კორესპონდენტს, რომელმაც მისი საქმენი საგმირონი გამოააშკარაჟა.

გორელი თავად-აზნაურობის „დრუჟინის“ სახით ჩვენშიაც შემოვიდა ეგრეთ წოდებული „შავი რაზმი“, რომელიც ამ ჟამათ რუსეთის ქალაქებსა და დაბა-სოფლებში დათარეშობს და ხალხს უსისიანებს ადგილობრივ მოღვაწეებზე და ხალხის სასარგებლოთ მომქმედ პირებზე. გარჩევა მხოლოდ იმაშია, რომ გორელ „შავ რაზმს“ გაცილებით უფრო მკვიდრი და მაგარი ორგანიზაცია შეუქმნია და მის მოქმედებას მეტად სერიოზული შედეგი უნდა მოჰყვეს. რადგანაც რუსეთთან შედარებაზე ჩამოვარდა საქმე, არ შეგვიძლია აქ არ აღვნიშნოთ ის სისტემატიური ქადაგება, რომელსაც ეწევა, რუსეთის სამღვდელთაობის ერთი ნაწილი დღევანდელ მოძრაობის დასამკირებლათ უვიცი ხალხის თვალში. დღეს, როგორც აშკარათ მოწმობს ერთი დოკუმენტი, რომელიც ჩვენ გადმოგვცეს, ჩვენი სამღვდელთაობაც დამდგარა ამ მეტათ სამარცხვინო გზაზე. ეს დოკუმენტი დაბეჭდილია პატარა ფორმატის ქალალღზე და შეიცავს ოთხ გვერდს, მას არა აქვს მოწერილი რიცხვი და არც ის არის აღნიშნული, თუ ვისგან არის დასტამბული. საჭიროა რამდენიმეთ გავიცნოთ მისი შინაარსი, რომ მიხედეთ, თუ რა ხალხთან გვაქვს საქმე. პროკლამაციის ავტორი, რომელიც უეჭველათ სულიერი მამა უნდა იყოს, და საწყისში გვეუბნება იმაზე, თუ როგორ ვრცელდება საზოგადოთ ვადამდები სნეულებანი და შემდეგ განაგრძობს: „ბოროტნი კაცნი, რომელთაც ღვთისადმი სარწმუნოება დაკარგეს, არა სწამთ მისი წმიდა კანონი, გარყენილი, ზარმაცნი, მაშფოთარნი, მოწადინებულნი არიან, რომ ყველა იმით გავდეთ; ისინი მაგალითად, სიტყვითაც და ფურცლებითაც (პროკლამაციებით) ყველას ეძახიან, რომ წინააღმდეგ ეკლესიას, მეფეს,

შთავრობას, არიგებენ მუშებს, თავი დაანებეთ მუშაობასო... ესენი ხო-
ცავენ და სცემენ იმათ, ვინც იმათ სწავლას არ მისდევს“...

...ეხლანდელი მაცთუნებელნი, რომელნიც ხალხს ბოროტებას ას-
წავლიან, განა არ გვანან ეშმაკს?... გონს მოვიდენ უპატიოსნო მაცთუ-
ნებელნი ხალხისა, სანამ დროა! დაანებონ თავი თავის ეშმაკურ მუ-
შაობას!“.

მაგრამ „პროკლამაციის“ ავტორმა ალბათ კარგათ იცის, რომ ასეთი
მუქარით ვერას განდება და ამიტომ ხალხს მიმართავს შემდეგი საგულის-
ხმიერო და მეტათ დამახასიათებელი სიტყვებით:

„როდესაც ნახო მაცთუნებელი, გაიკიხე, ჩააგონე მას ცალკე; თუ
არა გისმინოს, წაიყვანე თან კიდევ ერთი ან ორი; თუ იმათაც არ გაუ-
გონოს, უთხარი კრებულსა, ხოლო შემდეგ მაცთუნებელი იყოს შენ-
თვის, როგორც წარმართი და უცხო: მიეცი ის სამართალში, მიეცი
შთავრობას, რომ არ დაღუპოს უდანაშაულო ხალხი“...

მაგრამ კმარა, შეეჩერდეთ აქ. სულიერი მამა, რომელიც ენითა
თვისითა ქრისტეს მოძღვრებას აღიარებს, ხალხს ჯაშუშობას ასწავლის!
ქრისტეს სახელით იგი იუდას მაგალითზე გვითითებს.

აი სადამდის, აი რა უფსკრულამდის მიუყვანია ჩვენი სამღვდელოე-
ბა მიწიერი ინტერესებისადმი 'სამსახურს! ამაზე მეტი დაცემა, ზნეობრივი
გათახსირება ყოვლად შეუძლებელია! ჯაშუშობის ქადაგება, იუდას თა-
ყვანის-ცემა, ეს ქრისტეს ზურგის შექცევა არ არის?

სხვათა შორის დღეს პროკლამაციების, დეკლარაციების, პეტრიციე-
ბის, ადრესების და სხვა ამგვარების წერის დროა. ქუთაისს ხომ ამ მხრით
ყოველთვის პირველი ალაგი ეჭირა და აი, მან დღესაც ისახელა თავი;
უფრო მართალი რომ ვთქვათ, ისახელეს თავი იმ ას. ოთხმა პირმა, რომ-
ლებსაც თავისი დეკლარაცია გაზ. „ცნობის ფურც.“ გაუგზავნიათ გა-
მოსაქვეყნებლათ. ეს ას ოთხი პირი, რომლებშიაც ურევიათ, „სხვათა
შორის: ს. ხუნდაძე, დ. ქუბაბრია, ვ. გაბიჩაძე, კოტე ჩაჩავა, ილიკა
ჯაკაბაძე, ვასილ მებანეიშვილი, დ. ნაზაროვი, კ. ბაქრაძე, თომა შთავ-
რიშვილი, ვ. ქორქაშვილი, დავ. არ. ლორთქიფანიძე (ცნობილი მოტრ-
ჯიალე პოლიციის გაძლიერებისა) ნასონ ნიკოლაიშვილი, ს. რობაქიძე
და tutti quanti.—ვიმეორებ, ეს ას ოთხი პირი ამიერიდან სამარადისოთ
ახსენებელი შეიქნებიან ქართველი ხალხის ისტორიაში. თავის განცხა-

დების დიად მნიშვნელობაში ეს პატივცემული გვამნი იმდენათ ღარწმუნებულნი არიან, რომ ისინი არ ჯერდებიან ამ თავისი კოლექტიური შრომის მარტო ერთ გაზეთში გამოცხადებით, არა, ისინი თხოულობენ, რომ იმათი ნაწარმოები ყველა ქართულ ღროგამოწვევით გამოცემებში იყოს გადაბეჭდილი. პატივი და დიდება იმათ ნაზრს და ნაშრომს! მაგრამ ერთი ფიქითხოთ, ვინ ბრძანდებიან ეს ას ოთხი პირი, რომლებიც ასეთი რიხით მიმართავენ ქართველ საზოგადოებას და ასეთ დარღვევას აძლევენ ქართულ პრესას? რას ამბობენ, რისთვის აუღიათ იმათ ხელში კალამი?

ჩვენ, ქვემოთ ხელის მომწერნი,—ამბობენ ხსენებული პირები,—ღარწმუნებულნი ვართ, რომ შეგნებულ ინტელიგენტებს არაფერი საერთო არა აქვთ იმ პირებთან, რომელნიც მოძმეებს შორის შურსა და მტრობას თესენ. თუ რომ ერთობა და კეთილგანწყობილებაა საჭირო რომელსაჲმ ხალხისთვის, განსაკუთრებით საჭიროა იგი ჩვენს მღვდმარეობაში მყოფთათვის. აზნაური და გლეხი, ძმურათ ხელ-ჩაკიდებული, დღეს ერთი დიად მიზნისაკენ უნდა მიისწრაფებოდეს და იმერეთის თავად-აზნაურობამ ისე, როგორც ამერეთის ამ საგანგებო კრებაზე დადგენილ გადაწყვეტილებით, თავის აღრესებში გამოთქმული აზრით, ცხადათ დაამტკიცეს, რომ ისინი გლეხებთან ერთათ ქვეყნის საერთო მიზნითა და მისწრაფებით არიან გამსკვალული (!?).

კარგათ დაეუკვირდეთ რას აცხადებს საქართველოს თავად აზნაურობა თავის აღრესებში. ის ეუბნება უმაღლეს მთავრობას: თავად აზნაურობის მოთხოვნაში არ იხატება ის აზრი, რომ ის უარყოფს თავის ყრველგვარ უპირატესობას და გულით სწადია მოუპოოს ქვეყანას თანასწორობა და სამართლიანობა?! გლეხობამაც ხომ ესევე წადილი გამოაცხადა როგორც დასავლეთში, ისე აღმოსავლეთშიც, და, მაშასადამე, რა არის მათ შორის სამტრო და სასისხლოა?!

დღეს-დღეობით ერთათ ერთი სადავო¹ საგანი მემამულეთა და მიწის მუშათა შორის მიწის ღალაა, მაგრამ ჩვენ გვჯერა, რომ ეს უთანხმოება ადვილათ გასწორდება სხვა უფრო მშვიდობიანის გზით. ამისთვის სრულიად საჭირო არ არის ერთმანეთის მისევა და წვა-დაგვა.

ღარწმუნებულნი ვართ, ჩვენი წერილის დედა აზრი სრულიად არ ეწინააღმდეგება ჩვენი პრესის მიმართულებას, და ამიტომ მივმართავთ ჩვენი გაზეთების რედაქციებს თხოვნით—გაავრცელოს ეს ჩვენი წერილი თავის ორგანოების საშუალებით და მას თავისი აზრიც, თავისი

გავლენიანი სიტყვაც დასძინონ ამ საგნის შესახებ: მოიწვიონ გლეხნი და აზნაურნი, რათა ძმურათ შეკავშირდნენ ჩვენის ქვეყნის საკირბოროტო კითხვების გადასაწყვეტათ.

აგრეთვე ღრმით დარწმუნებულნი ვართ, რომ ის პირნი, რომელთაც გლეხებთან მოლაპარაკება ჰქონიათ და მათი ნდობა მოუპოვებიათ, შეაგონებენ მათ, წერილობითაც და სიტყვიერათაც, რომ მოძმეებს შორის ძალმომრეობის ხმარება, სისხლის ღვრა, გადაწვა და ერთმანეთის უღელტა ჩვენს უამისოთაც დაბეჩავებულ ქვეყანას მხოლოდ ვნებას მოუტანს და არა სარგებლობას. ჩვენ გვჯერა, რომ ერის ერთგული მამულიშვილები, შეგნებული პარტიები არ იქნებიან მომხრე ძმების გადამტერებისა და ერთმანეთის წვა-ჟლეტით ხალხის ძალ-ღონის შესუსტებისა *).

აი რას გვეუბნებიან, აი რას გვიქადაგებენ ასოთხი პირი სწორე მოგახსენოთ, იმის შემდეგ, რაც „ცნობის ფურცელმა“ და „ივერიამ“ იმათ ამის საპასუხო წერილები დაუწერეს, ჩვენ თითქმის ზედმეტათ მიგვაჩნია კიდევ ამისთვის დროს დაკარგვა. „ივერიის“ და „ცნობის ფურცლის“ კრიტიკა იმათთვის უსასტიკესი დასჯა უნდა იყოს! სად უნდა მოეპოვათ ამიერიდან ცნობილ 104 პირს თანაგრძნობა, თუ არ ხსენებულ რედაქციების მხრით? მაგრამ ეტყობათ, რომ იმათ კიდევაც გადაუქარბებიათ თავიანთ მასწავლებლებისათვისაც კი. მაგრამ ჩვენი აზრით, „ივერიის“ და „ცნობის ფურცლის“ ხარხარი და დაცინვა ქუთათურ ავტორებზე უადგილოთ უნდა ჩაითვალოს. განა „ივერიელები“ და „ცნობის ფურცლელები“ არ იყვენ ეროვნულ ავტონომიაზე და საერთო ჰარმონიაზე რომ ღალატდებდნენ და ხმა მალლა გაიძახოდნენ? და ახლა, როცა მათ დაანახვეს მათი შეხედულების ლოლიკური დასკვნა, დღეს დაცინვით იხსენიებენ იმათ, ვინც იმათი მკვიდრი შვილია, ვინც იმათი ქადაგების ნამდვილი მიმდევარია. მაგრამ ჩვენ ვიცით, თუ რისთვის იგდებენ ასე სამახსაროთ ისინი ქუთათურ ავტორებს. ისინი დჩვეული არიან პირდაპირ არ უწოდონ საგანს ნამდვილი სახელი. ამიტომ მათი ენა გაუგებარია ისეთ ბურჟუა-ლიბერალებისათვის, როგორც არიან ხსენებული 104 პირი. ისინი პირდაპირ ლაპარაკობენ. იმათ ავტონომია თავის ინტერესების დასაცავათ უნდათ და ამას არ ფარავენ. ჩვენ ერთობ დიდი მადლობა უნდა გამოვეუცხადოთ ხსენებულ პირებს, რომ იმათ ნამ-

*) ხაზს ყველგან ჩვენ ვუსვამთ.

დვილ ლოდიკურათ გაიმეორეს ის, რასაც ქადაგებენ ჩვენი ნაციონალისტები. ხოლო რაც შეეხება იმათი აზრის უზალრუკობას, იმათი მსჯელობის უსუსურობას, ამაზე, ვიმეორებთ, მეტათ მიგვაჩნია ლაპარაკი.

IV.

ამ უკანასკნელ დროს ბევრმა დუხპირმა გარემოებამ იჩინა თავი, ბევრმა მანვე იღმემენტებმა წამოყვეს თავი. ამათში პირველი ალაგი უეჭველათ თავად-აზნაურთა ეგრეთ წოდებულ „დრუჟინას“ უჭირავს; პრესაში უკვე საკმარისათ გამოირკვა, თუ რა ბნელ ძალას ინახავს თავის გულში ჩვენი თავად-აზნაურობა. რომ თავად-აზნაურების წინამძღოლების და ხელმძღვანელების ნებართვა არ ყოფილიყო, ისე შეუძლებელი იქნებოდა ამ სამარცხინო დრუჟინის გამოსვლა ჩვენი დაბეჩავებულ ცხოვრების ასპარეზზე. ხუმრობა ხომ არ არის, 500—700 კაცის ამხედრება, შეიარაღება და სოფელ-სოფელ ხეტიალი! სად იყვენ ის ქუადახედული თავად-აზნაურნი, როცა ამგვარ საქმეს აწყობდენ ჩვენში და იმისათვის ემზადებოდენ! სად არიან ისინი დღეს, როცა „დრუჟინა“ თავის სამარცხინო და საარაკო მოქმედებას არხეინათ განაგრძობს? მაგრამ რას ვამბობ! მთელი ეს საქმე მოუწყვიათ ისეთ პირებს, რომლებიც თავად-აზნაურობის საქმეს მეთაურობენ და განაგებენ. „დრუჟინაში“ მილიციონერებათ ეწერებიან უმაღლეს სასწავლებელში სწავლა-დამთავრებული პირები. აი სადამდის მიულწევია ქართველ თავად-აზნაურობას: მის წევრებს სამარცხინოთ არ მიაჩნიათ ბნელ რაზმში, ხულიგანების ბრბოში მონაწილეობის მიღება. აი სადამდის დაწვრილმანდა და სადამდის დაეცა ოდესღაც ბრწყინვალე, რაინდობით განთქმული წოდება! ჩვენ მაინც კიდევ გვგონია, რომ თავად-აზნაურობა ისე არ უნდა დაეცეს, რომ მან შავი რაზმის გარდა ველარსად პოვოს სამოქმედო ასპარეზი. მაგრამ ერთი ახირებული ამბავი აქაც გამოაშქარავდა. მკითხველებს ეცოდინებათ, რომ დიდი ხანია ხვა დადიოდა, „დრუჟინის“ ორგანიზაციაში ბ. ნი ალ. ყიფშიძე იღებს მონაწილეობასო. ჩვენ ძლიერ გაგვიკვირდა, რომ ბ-ნი ყიფშიძეს შეეძლო ხულიგანების ბრბოში რაიმე მონაწილეობის მიღება. დიდი ხნის შემდეგ ბ-ნი ყიფშიძემ წერილი მოათავსა გაზ. „ივერიაში“, რომელშიაც იგი უარს ამბობს, რომ მას „დრუჟინაში“ არავითარი მონაწილეობა არ მიუღია. მაგრამ მის წერილში უფრო შესანიშნავი იდგილია, სახელდობრ ის, რომ საცა იგი გვეუბნება, რომ

„დრუჟინის“ წესდება მას ფრიად სიმპატიურათ და საკეთილთ მოჩვენებია! შემდეგ განაგრძობს ბ-ნი ყიფშიძე, რომ თავად-აზნაურთა რაზმის გაჩენის მიზეზი ისაა, რომ თავი დაიკვან მავნე და ბოროტ კაცებისაგანო. ავტორს არც ეს აზრი ჩვენებია ქვეყნის დასალუპავათ“. მხოლოდ სხვა ხილია აზრს როგორ განახორციელებენ, მავნე და ბოროტ-კაცათ ვის აღიარებენ (ნუ თუ ეს თქვენთვის აქამდის საიდუმლოებას შეადგენს, ბ-ნო ყიფშიძე! ამას მომავალი და საქმე გამოაჩენს, და თქვენსა და საზოგადოების ნებაზეა დამოკიდებული, რა თვლით ვუყურათ რაზმის საქციელსო“. როგორც ხედავთ, ბ-ნ ყიფშიძის სრული სიმპატია რაზმისაკენ არის, თუმცა იგი რაზმში მონაწილეობის მიღებას თავის მხრით უარს ყოფს, მაგრამ ეს საქმეს არსებით არა ცვლის. მისი აზრით რაზმი „ფრიად სიმპატიური და საკეთილო დაწესებულებაა; მავნე და ბოროტ კაცებისაგან თავის დაცვა ქვეყნის დაღუპვა არ არის, მხოლოდ საქმე ის არის, ვის გამოაცხადებს. რაზმი მავნე და ბოროტ-კაცათ და როგორც ესმის მის თავის დაცვა. რადგანაც ჰრესაში საკმარისათ გამოირკვა ეს საკითხი, ამიტომ ჩვენ შეგვიძლია გადაჭრით ვთქვათ, რომ ბ-ნი ყიფშიძე თანაუგრძნობს ყველა ამ ძალმომრეობას და სისაძაგლეს, რასაც თავად-აზნაურთა „დრუჟინა“ დღემდის ჩადიოდა. ამაში ჩვენ. მით უფრო ვრწმუნდებით, რომ ბ-ნი ყიფშიძე გვეუბნება: „მომავალი და საქმე გვანახებსო“, თუ რა სწადია რაზმსო და როგორც ესმის მის თავის დაცვაო. თითქო დღემდის კი ეს არ გამოძეღვენებულიყოს! მაგრამ კმარა. ესეც ერთი თანამგრძნობი შავი რაზმისა! სხვები კი ჯერ გაჩუმებული არიან.

თითო შავ რაზმს დღეს ყოველგან შეხედებით, მხოლოდ იმ განსხვავებით, რომ მისი მოქმედების ასპარეზი სხვადასხვა ნაირია და იარაღიც სხვა და სხვა გვარი აქვთ. შავი რაზმი მოქმედებს დღეს ქალაქის ქუჩებში, მოქმედებს იგი, როგორც დავინახეთ, სოფელშიაც. მაგრამ ნუ გგონიათ, რომ შავი რაზმი მართო ქუჩებში და სოფელ-სოფელ დაძრწოდეს და თარეშობდეს. შავი რაზმის წარმომადგენლები სახელგანთქმულ ბიუროკრატიულ დაწესებულებაშიაც ბუდობენ. ჯერ ბიუროკრატია რა არის ხალხისთვის და მერე მასში დაბანაკებული შავი რაზმი რაღა უნდა იყოს! ამ შავი რაზმის წარმომადგენლები შეიარაღებული არიან არა თოფ-ზარბაზნებით და ხმალ-ხანჯლით, არამედ რაღაც წერილობითი საბუთებით, სტატისტიკური ცნობებით, რომლებიც სინამდვილისაგან ისე არიან დაშორებული, როგორც ცა დედა-მიწისაგან.

და აი, ასეთი საბუთებით და „ცნობებით“ შეიარაღებული, ისინი სწყვეტენ ხალხის ბედს, აკანონებენ ასეთ ყალბს საფუძველზე დამყარებულ მოსახრებათ და შემდეგ იმათ ხალხს თავზე აჩეჩებენ. ამას წინეთ ადგილობრივ იურიდიულ საზოგადოებაში ვეკილმა გრუზენბერგმა რეფერატი წაიკითხა ნაფიც მსაჯულთა სასამართლოს შემოღების თაობაზე ამიერ-კავკასიაში. ჩვენ აქ არ გვაინტერესებს ის, თუ რით ასაბუთებდა ბ. გრუზენბერგი ამ დაწესებულების შემოღებას ჩვენში. ვიტყვი მხოლოდ, რომ დღეს, როცა ხალხის წარმომადგენელობაზე, დამფუძნებელ კრებაზე და სხვა ამისთანებზეა კითხვა დაყენებული, როცა ხალხი გადაკრით თხოულობს მონაწილეობის: მიღებას ქვეყნის საქმეების მართვა-გამგეობაში, ნაფიც მსაჯულთა სასამართლოს შემოღება შედარებით მეტათ მცირე შემთხვევაა. მაგრამ წარმოიდგინეთ, რომ შავი რაზმის წარმომადგენლებმა ასეთ ღრის ესეც კი იუცხოვეს და ამ დაწესებულების შემოღების წინააღმდეგაც კი გაილაშქრეს. საზოგადოებაში აღმოჩნდა სხვათა შორის ვინმე ჩინოვნიკი კალიდევესკი, რომელიც მეტისმეტი გააფთრებით ამხედრდა ნაფიც მსაჯულთა შემოღების წინააღმდეგ, რომელიც ამტკიცებდა, რომ ადგილობრივი ხალხი არ არის მომზადებული, რომ მას მიენიჭოს ნაფიც მსაჯულთა სასამართლო, რომ ამ ხალხისთვის ჯერ საჭიროა ბიუროკრატის მუხრუჭი, თორემ იგი თავს აიშვერს და საზოგადოება განსაცდელში ჩავარდება. ეს ღირსეული ჩინოვნიკი თავის აზრის დასამტკიცებლათ იმოწმებდა სხვათა შორის, ისეთ პირებს, რომლებიც ამ ორმოცი წლის წინეთ ცხოვრობდნენ, და რომლებიც მაშინდელ პირობებსაც ვერ იცნობდნენ. თუ რამდენათ სარწმუნოა ასეთი პირების მოწმობა, ეს ყველასათვის აშკარაა; მაგრამ ჩინოვნიკური მსჯელობისათვის ეს საკმარისია. აბა ეხლა ერთი ხალხს ჰკითხონ, არის თუ არა იგი მომზადებული, რომ თავის თავს თითონ მოუაროს. ჩინოვნიკებს ხალხი ჯერ უწლოვანი გონია და ფიქრობს მისი მოვლა ბიუროკრატისა უნდა ქონდეს ჩაბარებულიო. მაგრამ ეს დრო სამუდამოთ გაქრა. ბიუროკრატია, რაც უნდა ეცადოს, ვეღარ დაიბრუნებს იმას, რაც წინეთ მის ხელში იყო. დროა გაიგონ, რომ ხალხი თითონ დაეპატრონება თავის თავს და მაშინ მშვიდობით, ბიუროკრატია სამუდამოთ დაიმარხება. შეიძლება დღეს მარტო ბიუროკრატისათვის იყოს საიდუმლო, რომ ჩვენი ხალხი ნაფიც მსაჯულთა დედააზრის განხორციელებას ცხოვრებაში უკვე დაადგა და დიდი ხანი არ გავა, რომ ნაციფ მსაჯულთა.

სასამართლო ისე, როგორც მთელი მისი ცხოვრების განახლება დემოკრატიულ ნიადაგზე, სავსებით განხორციელდება.

ეს მიმოხილვა ქართლ-კახეთის სამღვდლოების კრებების დახასიათებით მოითხოვდა დამემთავრებია. კაი ხანია ემზადებოდა ხსენებული სამღვდლოება კრების მოხდენას. დღევანდელმა ცხოვრებამ მასაც ულმობელი კითხვები დაუყენა წინ გადასაწყვეტათ: საქმე მის არსებობაზე მივიდა, და როგორც მოგეხსენებათ, ძნელია, როცა კაცი თავის აღსასრულის მოახლოვებას გრძობს. სათანადო მთაერობამ, როგორც იქნა, ნება დართო კრების მოხდენაზე. მღვდლები შეიკრიბენ სემინარიის შენობაში, რამდენიმე სხდომა გამართეს კიდევ, მაგრამ ამას აღარ შეეცხებით, რადგანაც ეს ჩვენთვის შეუძლებელიც არის ყველასაგან კარგათ ცნობილ მიზეზების გამო; ვიტყვით მხოლოდ, მღვდლების უკანასკნელი სხდომა რაღაც არაჩვეულებრივი ყოფილა. სხდომაზე პოლიციელებს რამდენიმე კაცი შეუყრია! სემინარიიდან გამოსვლის დროს, კრების დახურვის შემდეგ, საღამოს 9-11 საათზე, სემინარიის წინ, რაღაც ჩაბა-ჩუხი, მათრახების ლაწუნი, უწმაწური ლანძღვა-თრევა გაისმოდა და მღვდლების ანაფორები და შლიაპებრ ქუჩას ეფინებოდა. ეს იყო თურმე საზარელი სცენა ბნელ ღამეში, რაღაც შავი არსებანი მიწაზე ეცემოდენ, დგებოდენ და სადღაც გარბოდენ. ყველაფერი ეს საიდუმლოებით არის მოკუთული და ჯერ არავინ იცის, რა იყო, რა მოხდა. როგორც გაზეთებში გამოცხადებული იყო, მეორე დღეს სამღვდლოების უმრავლესობა თფილისიდან გაქცეულა, დანარჩენი ნაწილი წარსდგომია კავკასიის ნამესტნიკს და პეტერბურგშიაც გაუგზავნიათ ცნობა თავიანთი უბედურ შემთხვევის გამო.

V.

იყო დრო, როცა ჩვენში სათავად-აზნაურო საქმეები იქცევდნენ საზოგადოების და პრესის უმთავრეს ყურადღებას, როცა სათავად-აზნაურო ბანკები და სკოლები მთელი ქართველი ხალხის საქმეთ იყო გამოცხადებული. ეს დრო სამუდამოთ გაქრა. მართალია, ძველ ტრადიციას ასე აღვიღათ ვერ გამოეთხოვება საზოგადოება, მართალია, ჩვენი ეურნალ-გაზეთების ერთი ნაწილი („ივერია“, „ცნობის ფურცელი“) კიდევ შორიდან ეალერსება თავად-აზნაურთა საქმეებს, მაგრამ თავად-აზნაურე-

ბის ინტერესებს მთელი ქართველი ხალხის ინტერესებათ ველარ სახავენ როგორც ეს მას ჟამსა შინა იყო. მართალია ისიც, რომ სათავად-აზნაურთა ბანკები (განსაკუთრებით თბილისის) დღესაც საკმარის და მეტათ. საინტერესო მასალას იძლევა ზოგიერთ ოდესმე ქებულ საზოგადო მოღვაწეთა დასახასიათებლათ, მაგრამ ეს დღეს საინტერესო აღარ არის საზოგადოებისათვის. რასაკვირველია, ეს იმას როდი ნიშნავს, რომ ჩვენ ხმა აღარ ამოვიღოთ იქ, სადაც თავად-აზნაურთა ინტერესები მთელი თავისი სიმწვავეთ სხვა წოდების ინტერესებს ეჯახებიან, როცა თავად-აზნაურთა მოქმედება იმათ მიერ გაჩანაგებულ გლეხობას აოხრებს და განადგურებას უქადის. ასეთი არის, მაგ., თავად-აზნაურთა „შავი-რაზ-მის“, ანუ როგორც მას უწოდებენ, „დრუჟინის“ დაარსება გორის მაზრაში, რის შესახებ ჩვენ ვაზნაურთა რამდენიმე წერილი იყო დაბეჭდილი. ერთ იმათგანში, სხვათა შორის, ნათქვამი იყო, რომ ხსენებული „დრუჟინის“ კომიტეტის წევრებად ირიცხებიან ალ. ყიფშიძე და ნ. ცხვედაძე. ბ-ნ ალ. ყიფშიძის ფიზიონომია და მისი ამ საქმეში მონაწილეობა უკვე საკმარისად გამოიკვავა. რაც შეეხება ბ-ნ ცხვედაძეს, ეს ჯერ კიდევ საორკოფო საქმეა, და აი რათა:

„მოგზაურის“ მე-22 ნომერში ბ-ნ ნ. ცხვედაძის წერილი დასტამბული, რომელშიაც ავტორი გადაქრით გვეუბნება, რომ „იგი არც არის და მას არც შეეძლო ყოფილიყო წევრათ თავად-აზნაურთა დრუჟინის კომიტეტისა, რადგანაც მაგვარი ზომა მშვიდობიანობის ჩამოსაგდებათ არ ეთანხმება ჩვენს შეხედულებას და ხასიათს“. ვგონებ; ეს სიტყვები საკმარისი იყო, მკითხველი დარწმუნებულიყო იმაში, რომ ბ-ნი ცხვედაძე თავად-აზნაურთა „დრუჟინის“ კომიტეტის წევრი არ არის. მაგრამ ბ-ნმა ცხვედაძემ ეს განცხადება საკმარისად არ იცნო. შემდეგ იგი მოგვიყვება იმის შესახებ, თუ მას როგორ აწუხებს „ის აზრი, რომ ჩვენში მრავალნი არიან, როგორც გლეხთა შორის, ისე თავად-აზნაურთაშიაც უმამულონი და მცირე მამულიანი და იმავე დროს კი უცხო ხალხი ყოველივე ღონეს ხმარობს სამუდამოდ დასახლდეს ჩვენი მამა-პაპის სისხლით მორწყულს მიწა-წყალზე“. ამიტომ, როდესაც რამდენიმე ქართველს სურვილი გამოუცხადებია შეედგინათ ქართველთა საზოგადოება ურთიერთ დახმარებისა, მასაც მიუღია მონაწილეობა ამ საზოგადოების შედგენაში და წესდების დაწერაში. ასეთმა განმარტებამ ჩვენში ექვი გამოიწვია ბ-ნ ცხვედაძის კატეგორიულ განცხადებაში, რომ იგი არ არის და მას არ შეეძლო ყოფილიყო „დრუჟინის“ კომიტეტის წევრი..

მართლაც, რისთვის მოუნდა ბ-ნ ცხველამეს აქ „ქართველთა ურთიერთ დამხმარებელი საზოგადოების დაარსებაზე ლაპარაკის ჩამოგდება? მას ამტყუნებდნენ იმაში, რომ იგი „დრუჟინის“ კომიტეტის წევრიაო! ის კი გამოსულა და გაიძახის, რომ მე კომიტეტის წევრი არა ვარ, მე მხოლოდ ქართველთა ურთიერთ დახმარების საზოგადოების დრუჟინაში მივიღე მონაწილეობაო! მაგრამ ჩვენ რა ხელი გვაქვს, ბ-ნი ცხველამე რა და რა საზოგადოებაში. ღებულობს მონაწილეობას და ან რომელი საზოგადოებისათვის სწერს წესდებებს. მაგრამ ნუ გაგიკვირდებათ, თუ ბ-ნმა ცხველამემ „ურთიერთ დახმარების“ საზოგადოებაზე ჩამოაგდო აქ ლაპარაკი. საქმე ის არის, რომ სწორედ ეს „ურთიერთ დახმარების“ საზოგადოება თავად-აზნაურთა შავი რაზმის დასაწყისი, მისი სათავე! ხსენებულ რაზმს ბ-ნ ცხველამის მონაწილეობით შედგენილი წესდება უჭირავს ხელში და იგი ურთიერთ დახმარების საზოგადოებათ რაცხს თავის თავს. ამას შემდეგ რაღა გასაკვირალია, რომ ბ-ნ ცხველამის შესახებ ხმები იყო გავრცელებული, რომ იგი „დრუჟინის“ კომიტეტის წევრათ ითვლებო. შეიძლება ფორმალურათ ბ-ნი ცხველამე „დრუჟინის“ კომიტეტის წევრათ არ ირიცხება დღეს, მაგრამ ამიერიდან ყველასათვის აშკარა უნდა იყოს, რომ ბ-ნი ცხველამე, ეს საქართველოს ერთი ბურჟუაზიანი, ხსენებული დრუჟინის ერთი სულის ჩამდგმელთაგანია. უმამულოებზე და მცირე მამულიანებზე ლაპარაკი მხოლოდ საქმის გადაფუჩჩებაა, სიტყვის ბანზე აგდება და მეტი არაფერი.

ამას წინეთ ერთი საინტერესო ამბავი მოხდა, რომელიც საყვებით მხოლოდ ვაზ. „ივერიის“ ფურცლებზე იქნა აღბეჭდილი. ჩვენ მოგახსენებთ ქართველების და მაჰმადიანების კრებაზე, რომელიც 11 ივნისს მოხდა ქ. თფილისში. ვინ არიან ეს ქართველები და ეს მაჰმადიანები! ვისი სახელით მოქმედებენ და სწერენ ისინი პეტრიციებს? კრებაზე იყვენ სხვათა შორის, თ-დი ი. ქავჭავაძე, ვაზ. „კასპის“ რედაქტორი თოფჩიბაშვი, ი. ზურაბიშვილი, ხარლაშვი ლლონტი და ეკიმი გელევანიშვილი. კრების მიზანი ყოფილა მაჰმადიანების და ქართველების პეტრიციების განხილვა და საერთო შეთანხმებული მოქმედების გეგმის შემუშავება, თუმც კრებაზე გამოაკვეთულა, რომ „მაჰმადიანების და ქართველების უფლებრივი შეხედულება თვალსაჩინოთ განსხვავდება ერთი მეორისაგან“, მაგრამ კრების აზრით ეს გარემოება ხელს არ შეუშლის მაჰმადიანების

და ქართველების შეთანხმებულ მოქმედებას“. ექ. გედევანიშვილმა, ხარლამპი ლლონტმა, ივ. ზურაბაშვილმა და სხვებმა კრებაში ის აზრი გამოსთქვეს, რომ პეტიციები პრინციპიალურათ ძალიან განსხვავდებიან ერთმანეთისაგან, მაგრამ განსხვავება ხელს არ შეუშლის შეერთებასა და სოლიდარობას, თუ მაჰმადიანებიც ტერიტორიალურ-ეროვნულ ავტონომიის ნიადაგზე დადგებიან და ჩვენსავით ავტონომიას მოითხოვენო“ (ხაზს ჩვენ ვუსვამთ). როგორც ვხედავთ, ჩვენი ავტონომისტები მეტათ ახირებული ხალხია. ისინი ყოველგვარ ცოდვას გაპატიებენ, ოღონდ ტერიტორიულ-ეროვნული ავტონომიის ნიადაგზე კი დადებიან. ჩვენი ქართველი ავტონომისტები მზათ არიან ხალხს უღალატონ, გაყიდონ ის, ოღონდ ტერიტორიულ ეროვნული პრინციპი ნუ შეილახება. ისინი დახმარებას უწყვეტ მაჰმადიანების თავისივე მსგავს ბურჟუა-ავტონომისტებს თავის ხალხის დაჩაგვრაში, ე. ი. ქონებრივი ცენზის და წოდებრივ უფლება-უპირატესობის შენახვაში, ოღონდ კი მაჰმადიანებმა ქართველ ავტონომისტებს მხარი მისცენ ტერიტორიულ-ეროვნული ავტონომიის განხორციელებაში. აი რა რეზოლიუციას ადგენენ ჩვენი ქებული ავტონომისტები: „ამიერ-კავკასიის ყოველ ეროვნებას უნდა მიეცეს თვით-გამორკვევის სრული თავისუფლება. ქართველები მოვალენი იქნებიან მოითხოვონ, რომ ეს უფლება მაჰმადიანებსაც მიეცეს; მაჰმადიანები კიდევ ასეთსავე უფლებას მოითხოვენ ქართველებისათვისაო“... როგორც ვიცი, ქართველ ნაციონალისტ-ფედერალისტ ავტონომისტებმა ქართველ ხალხში დაკარგეს ყოველგვარი ნდობა, ისინი აქ ველარ გრძნობენ ნიადაგს. ამიტომ მათ სხვა საშუალება აღარ დარჩენიათ ვარდა იმისა, რომ მაჰმადიანებს მიჰართონ დახმარებისათვის. აი რა სარჩული უდევს იმათ დაძმობილებას და დამეგობრებას მაჰმადიანებთან. ასეთ ძმობას და მეგობრობას ისინი წინეთ სომხებთანაც, ან უფრო მართალი ვსთქვათ, სომხების ბურჟუაზიასთან აპირობდნენ, მაგრამ მას შემდეგ, რაც გამოიჩინა, რომ სომხის ბურჟუაზიას ხელს არ მისცემს ტერიტორიულ-ეროვნული ავტონომიის მოთხოვა, იმათ ჩამოეცალენ და ახლა მაჰმადიანებს დაუმეგობრდნენ. ჩვენ, რასაკვირველია, არასოდეს არც ვყოფილვართ და არც ვიქნებით იმის წინააღმდეგი, რომ ერთა შორის ძმობა და ერთობა განმტკიცდეს, პირიქით, ჩვენი იდეალი სწორეთ ამ ძმობის და ერთობის განმტკიცებაა, როგორც თვით ერთში, ისე სხვადასხვა ერთა შორის, მაგრამ არა იმ გზით, არა იმ ფლიდობის და ურთიერთ დატყუილების საშუალებით, როგორც ჩვენი ავტონომისტები ჩადიან,

არამედ მშრომელი ხალხის გათვითცნობიერებით და მისი შეერთებით ყველა მჩაგვრელების წინააღმდეგ საბრძოლველად.

ქართველ ავტონომისტებს, როგორც მოგეხსენებათ, ქუთაისშიაც აქვთ ბინა. სიყალბეში და ტყუილებში ისინი არაფრით არ ჩამოუვარდებიან თავიანთ თფილისელ ამხანაგებს. თუ თფილისელი ქართველი ავტონომისტები მაჰმადიანებს უძმობილდებიან და იმათგან მოელიან დახმარებას; მათ ქუთათურ ამხანაგებს ცილისწამებით მოუწადინებიათ ფონს გასვლა. ჩვენ აქ მხედველობაში გვაქვს ის მოხსენება, რომელიც შეუდგენია ქუთაისის ქალაქის საბჭოს მიერ არჩეულ კომისიას. ამ მოხსენების დაწვრილებით გარჩევა არ შედის ჩვენ განზრახვაში, და ეს არც საჭიროა, ჩვენ მხოლოდ უნდა აღვნიშნოთ ის გარემოება, თუ რა ყალბ გზაზე დამდგარა ქუთაისის ქალაქის საბჭოს კომისია. მოხსენების ავტორები პირდაპირ ამბობენ, რომ თფილისის და ქუთაისის გლეხობა გადაქრით თხოულობენ ავტონომიას (გვ. 4). ჩვენ არ ვიცით, განზრახ მოუვიდათ ასეთი სიყალბე მოხსენების ავტორებს, თუ უცოდინარობით. რომ გლეხობას არსად ჩვენში ავტონომიაზე სიტყვა არ დაუძრავს (თუ ბ. სიტყვას განცხადებას არ მივიღებთ მხედველობაში), ეს ყველასათვის აშკარაა. მაშ, რისთვის დასჭირდათ ავტორებს ასეთი ცილისწამება, ასეთი ტყუილის თქმა? უეჭველია იმიტომ, რომ გავლენა მოეხდინათ ქალაქის საბჭოზე და თავისი წინადადება გაეყვანათ. თავად აზნაურობასთან ერთად, აი გლეხებიც კი თხოულობენ ავტონომიას და აბა, ჩვენ, ქალაქის ბურჟუებს, მესაკუთრეებს, რაღა გვეთქმის ჩვენც მათ უნდა შევეუერთდეთ, რომ თავად-აზნაურთა კრებამ ავტონომიის შესახებ პეტიციები გაგზავნეს, ეს ყველამ იცის. ყველამ უწყის აგრეთვე, თუ როგორ შეხვდა ჩვენი პრესის ის ნაწილი, რომელიც მშრომელი ხალხის ინტერესებს იცავს. როგორ დააიწყდათ ეს ავტორებს? ან როგორ არ იფიქრეს, რომ იმათი ტყუილი გლეხების შესახებ დაუყოვნებლივ გამოაშკარავდებოდა? მაგრამ საკვირველი ის არის, რომ მოხსენების ავტორები სრულებით ივიწყებენ იმათ, ვინც საფუძველი ჩაუდგეს დღევანდელ განმათავისუფლებელ მოძრაობას, იმ მოძრაობას, რომელმაც საშუალება მისცა მათ ასეთ კითხვებზე მსჯელობისა. რათ არ კითხულობენ, რათ არ სურთ გაიგონ იმათი აზრი ავტონომიის შესახებ, ვინც სისხლი დაღვარა იმისათვის, რომ ბატონ ავტონომისტებსაც კი ასე თამაშათ შეუძლიათ დღეს კრებების გამართვა და სიტყვების წარმოთქმა? თუ ქალაქის ხმოს-

ნები ანგარიშს უწევენ თავად-აზნაურობის შეხედულებას, რომელიც დღევანდელ მოძრაობას ათასგვარ დაბრკოლებას უჩენდა და დღესაც უჩენს, რათ არ სურთ გაიგონ იმათი აზრი, ვინც შექმნა და ვინც თავისი მკერდით ამაგრებს დიდებულ მოძრაობას თავისუფლების მოსაპოვებლათ. ესენი არიან მუშები, ქალაქის პროლეტარიატი, რომლებმაც თავისი მოძრაობა გლახობაშიაც გადაიტანეს. და აი, ამათ ივიწყებენ ჩვენი ავტონომისტები. მაგრამ თუ ისინი ივიწყებენ მშრომელ ხალხს, მის ინტერესებს და მის სულის კვეთებას, სამაგიეროთ ცხოვრება დაივიწყებს იმათ ჩხირკედლაობას.

VI.

რამდენი რა არ ხდება დღეს ჩვენში, რომ ყველაფრის აღნუსხვა და გამომზეფურება შეიძლებოდეს! დღევანდელი საზოგადოებრივი ცხოვრების სინამდვილე ისეთია, რომ მისი გაზეთვის ფურკლებზე გამოტანა და ისიც შინაურ ქრონიკის სახით, ყოვლად შეუძლებელია. ძველი და ახალი, ნათელი და ბნელი, ისეა ერთი ერთმანეთში არეულ-დარეული, რომ გზის გაკვალვა და ქეშმარიტ გზაზე დადგომა მეტათ, საქნელო შეიქნა. აქამდის თუ თითო-ორჯოლა მოღვაწე გამოდიოდა საზოგადო ასპარეზზე სამოქმედოთ, ახლა მთელი ხალხი გამოდის, და აი, იქ იბადება მრავალი კითხვები, რომლების გადაწყვეტას გვაიძულებს თვით პრაქტიკა. ადვილი იყო საქმე მაშინ, როცა საზოგადო მოღვაწენი უფრო თეორიულათ მსჯელობდენ. დღეს ასე აღარ არის. პრაქტიკა აუცილებლათ თხოულობს ამა თუ იმ საკითხის გადაჭრას, და აი, აქ ერთი შემცდარი ნაბიჯის გაკეთება ძვირათ უჯდება თითეულ მოქმედ ჯგუფს, ანუ პარტიას. შეცდომის აცილება შეუძლებელია, ისტორიამ განმეორება არ იცის, და საზოგადოთ, ისტორიული გამოკდილება სხვა გამოკდილებას არა ჰგავს. აქ ჩვენ საქმე აღმზინებთან გვაქვს, რომლებიც განირჩევიან ერთი ერთმანეთისაგან როგორც თავისი მდგომარეობით, ისე იმ საზოგადოებრივ პირობებით, რომლებშიაც ისინი იმყოფებიან.

ზევით ჩვენ ვსთქვით, რომ დღეს სამოქმედოთ თვით ხალხი გამოვიდა, მაგრამ ეს კიდევ იმას არ ნიშნავს, რომ ეს ხალხი საერთოდ გაცნობიერებული და შეგნებული იყოს, რომ მას საესებით გათვალისწინებული ჰქონდეს თვისი ბედი და იღბალი, რომ მისთვის დღეს საქირო არ იყოს მომზადებული ხელმძღვანელი. კლასობრივი შეგნება ერთი და ორი დღის საქმე როდია, და იგი ერთბაშათ არ ხდება. ჩვენ გვწამს,

რომ შეგნებით არ განისაზღვრება მდგომარეობა, პირიქით, მდგომარეობა საზღვრავს შეგნებას, მაგრამ აშკარაა, რომ შეგნების განვითარებისათვის საჭიროა დრო. მეორე მხრით, აშკარაა ისიც, რომ არის ისეთი გარემოებანი, რომლებიც ან აჩქარებენ და აფერხებენ ამ შეგნების განვითარებას. დიდი საზოგადოებრივი უბედურებანი, რომლებიც საზოგადოებას ატყდება თავზე, მაგ., როგორც ომი, სიმშლილი და სხვ., ექვი არ არის, აჩქარებენ ხალხის შეგნების განვითარებას, ერთი ხალხის მეორე ხალხის მიერ დაპყრობა კი, ერთი ერის მეორე ერის მიერ შევიწროება, ე. ი. ის, რასაც ეროვნულ დაჩაგრვას ეძახიან, უექველათ აფერხებს კლასობრივ შეგნებას, ხალხში ცნობიერების განვითარებას. თუ ამ უკანასკნელ ხანამდის, ეროვნულ ნიადაგზე აღმოცენებული განხეთქილება აფერხებდა რუსეთის ხალხში კლასობრივი შეგნების განვითარებას, ახლა, სამაგიეროთ, უკანასკნელმა ომმა, რომელსაც ზედ დაერთო სამრეწველო კრიზისი, რამდენიმე გუბერნიის დამშვევა, და გარდა ამისა; ეროვნულ სიძულვილის და მტრობის უკიდურესობა (სომხების და თათრების ურთიერთ ამოკლელთა) შესანიშნავათ დააჩქარა საზოგადოებრივი შეგნება. ამ შეგნების განვითარებისთანავე გამოტყვერა მთელი არსებული წესწყობილების უვარგისობა. მოძრაობა, რომელიც წინეთ ვიწრო ფარგალში იყო მომწყვედელი, ფართოთ მოედვა საზოგადოების თითქმის ყველა ნაწილს. რაც დრო მიდის, იგი სულ უფრო და უფრო ფართოვდება და ღრმავდება. ეს არის ნამდვილი ხალხური მოძრაობა. ხალხი პირველათ გამოდის სამოქმედო ასპარეზზე აქტიური მონაწილეობის მისაღებათ. ეს პირველი მაგალითია ჩვენში, აქამდის ხალხი სხვისი იარაღი იყო, მას სხვები იშველიებდნენ თავიანთ კერძო ინტერესების განსახორციელებლათ. დღეს იგი დამოუკიდებლათ გამოდის, მაგრამ ამ დროს მასთან მილიან სხვადასხვა ჯურის მატყუარები, ვითომდა სხვადასხვა რჩევის მისაცემათ, მაგრამ ნამდვილათ კი მის მოსაცდუნებლათ.

მოგახსენებთ, რომ სიღნაღში ავტონომიის საქმე აქამდის რალაც კულათ მიდიოდა. მაგრამ დაიწყო კრებები ერობის შემოღების შესახებ სათათბიროთ, ჩავიდა იქ ვლ. დარჩიაშვილი *), სულ სხვანაირად და-

*) ასეთი იყო ბ-ნი ვლ. დარჩიაშვილი სიღნაღში, და ეს შინაური ქრონიკაც ამაზე იყო დამყარებული. მაგრამ „ივერიის“ ფურცლებზე (№ 186) ახლა მან ფრონტი შეიცვალა და ავტონომიის წინააღმდეგ გამოდის; როგორ მოხდა ეს,—ჩვენთვის საიდუმლოებაა.

ტრიალდა. ავტონომიის მოწინააღმდეგენი პირქვე დაამხეს და ავტონომია მიღებულ იქნა იმავე ბ-ნ ვლ. დარჩიაშვილის მეცადინეობით. გამარჯვებაც ასეთი უნდა! „ივერიის“ კორესპონდენტის სიტყვით, ბ-ნ დარჩიაშვილის მეთაურობით შემუშავებული დებულება ერობაზე, შემდეგი სიტყვებით იწყება: „ივიღრე კავკასია ავტონომიას მოიპოვებდეს, მის უმაღლეს საერობო დაწესებულებას შეადგენს სეიმი, შემდგარი საგუბერნიო ერობათა მიერ არჩეულ პირთაგანა („ივერია“ № 163). ყველაფერი ეს სასაცილოა, სამწუხარო რომ არ იყოს. სწორეთ საკვირველი არიან ჩვენი ავტონომისტები. ერთხელაც არ სურთ დაფიქრდნ იმაზე, თუ რა საფუძველი აქვს იმათ ავტონომიას ცხოვრებაში. მაგრამ იმათ როდი აინტერესებს სინამდვილე, იმათთვის მნიშვნელობა არა აქვს შინაარსს, ისინი გატაცებული არიან მხოლოდ ფორმით, გარეგანი სახით. რა თქმა უნდა, ქართველ ბურჟუაზიისთვის, ქართველ თავდაზნაურობისათვის, ქართველი სამღვდლოებისათვის და ქართველი ბურჟუაზიული ინტელიგენციისათვის დიდათ სასარგებლო და ხელ-საყრელია საქართველოს ავტონომია, ვინაიდან ყველა ამათ მაშინ ბევრათ უფრო მეტი გავლენა ექნებათ. ქართველი ბურჟუაზია ბევრათ უფრო ნაკლებათ დაიზარება უცხო ერის ბურჟუაზიისაგან; ქართველ ინტელიგენციას ბევრათ უფრო ნაკლები მოცილე ელემენტები ეყოლება სხვადასხვა დაწესებულებებში აღდგლის დაქვეაში. ასე ითქმის სამღვდლოებაზედაც. ამიტომ არის, რომ დღეს ჩვენში ავტონომიას მართო ეს ელემენტები უკერენ მხარს. რაც შეეხება მშრომელ ხალხს, ქალაქის და სოფლის პროლეტარიატს, მისთვის ავტონომია დღევანდელ პირობებში მანებელი იქნება და ამიტომაც იგი წინააღმდეგია დღეს საქართველოს ავტონომიის. ჩვენ მუშა ხალხს არ შეიძლება ამის შესახებ სხვა აზრი, ქონდეს. ამიტომ ვინც დღეს ჩვენში ავტონომიას თხოულობს, ის მუშა ხალხის გარეშე დგას, ის მშრომელ ხალხის ინტერესებს ღალატობს და ქართველ ბურჟუაზიის, ქართველ სამღვდლოების და თავდაზნაურობის ინტერესების დამკველი ხდება. ადვილი შესაძლებელია, რომ ზოგიერთებს ეს გაუგებრობით მოდიოდეს, მაგრამ უმეტესობას კი კარგათ ესმის თავისი როლი. ჩვენ მხოლოდ არ ვიცით, თუ ბ-ნი ვლ. დარჩიაშვილი რომელ კატეგორიას ეკუთვნის. ამას, რასაკვირველია, მისი პიროვნების დასახასიათებლათ აქვს მნიშვნელობა, საქმისათვის კი სულ ერთია: განზრახ ემსახურება იგი ბურჟუაზიის საქმეს, თუ უნებლიეთ. დღეს ჩვენში ისეთი დროა, რომ იქითაც ყოფნა და აქეთაც კუდის ქიკინი ყოვლად შე-

უძლეველია. საზოგადოებაში წმინდა პარტიული ბრძოლა იმართება. პოლიტიკური პარტიები უფრო და უფრო ირკვევიან და ამ დროს იქითაც ყოფნა და აქეთაც კულის ქიციანი ბევრათ უფრო სამარცხვინო საქციელია, ვინემ აშკარათ კონსერვატორთა ჯგუფში თავის ამოყოფა. ბ-ნი ვლ. დარჩიაშვილი ნუ იფიქრებს, რომ ჩვენ იგი კონსერვატორათ მიგვაჩნდეს, პირიქით, იმას ჩვენ პროგრესისტათაც ვთვლით, მაგრამ ყველასათვის აშკარაა, რომ ეს ტერმინი დღეს არაფრის გამომხატველი არ არის. პროგრესი, წინსვლა, გარდა პესსიმისტებისა, დღეს ყველას სწამს, მაგრამ ყველას ეს ერთნაირათ არ ესმის და განსხვავებაც სწორეთ აქ იწყება. ჩვენ, რასაკვირველია, არაფერს ვამბობთ იმის შესახებ, რომ ყველა ეს პროექტები საქართველოს ავტონომიის შესახებ ერობის დაწესებულებათა სახით, ქვიშაზე აგებულ კოშკებს გვანან და არა მკვიდრ საფუძველზე აგებულ შენობებს. ჯერ უნდა შეიცვალოს საფუძველი და მხოლოდ მას შემდეგ ვიზრუნოთ კედლების ამოყვანაზე..

VII.

ჩვენ ვიცით, რომ წელს რუსეთს შიმშილი მოელის. შიმშილი რუსეთში ჩვეულებრივ მოვლენათ გადაიქცა. ისეთი წელიწადი იშვიათი იქნება, რომ რომელსამე გუბერნიაში ხალხი შიმშილისაგან არ იტანჯებოდეს. მაგრამ წრეყანდელი შიმშილი სხვა წლის შიმშილს არა გავს. მხოლოდ 1892 წლის შიმშილი თუ შეედარება მას, წელს დამშვიდა რამდენიმე გუბერნიის ხალხი, ე. ი. რამდენიმე ათი მილიონი გლეხ-კაცობა. სწორეთ წარმოუდგენელია ამოდენა ხალხის დამშევა, მაგრამ ეს ნამდვილი ამბავია, ოფიციალურათ დამოწმებული. ჯერ მაშინაც კი, როცა შიმშილობა არ არის, რუსის გადატაკებულ და წყალწალიბულ გლეხ-კაცობას უჭირს თავის შენახვა და კოლ-შვილის გამოკვება, თორემ შიმშილობის დროს რაღა უნდა ითქვას. ისედაც ეკონომიურად დაცემულ და შევიწროებულ რუსის გლეხობას წრეყანდელი შიმშილობა სულ განადგურებას უქადის და მართლაც, რა ეშველება მას? საიდან უნდა ელოდებოდეს იგი ხსნას? გაზეთების გამოანგარიშებით დამშეულ გუბერნიების გამოსაკვებათ საჭიროა 250 მილიონი მანეთი. მაგრამ ახლა უნდა იკითხოთ თუ საიდან შეიძლება ამოდენა ფულის შოვნა? მთავრობა იმას ვერ იშოვნის, რადგანაც ყოველივე ჩანთქა უბედურმა ომმა. იმავე დღეშია ერობებიც, რადგანაც არც იმათ მოეპოვებათ რაიმე სახსარი შიმში-

ლობის წინააღმდეგ საბრძოლველათ. ამიტომ იბადება საშინელი კითხვა: მაშ რა მოუვა ამოდენა დამშეულ ხალხს? ნუ თუ იმას სიმშლილსაგან სიკვდილი მოელის? ყველაზე უსაშიშროესი მტერი სიმშლილია. მის დასამარცხებლათ არ გამოდგება არც თოფი და არც ზარბაზანი, არც ხიშტი და არც მათრახი. ომის დამლუპავ და გამანადგურებელ მოქმედებას ვერ შეაჩერებს ვერავითარი გარეშე ძალა. მასთან ბრძოლა შეუძლია მხოლოდ პურს, და აი, იგი აკლია დამშეულ გლეხ-კაცობას, სოფლის მუშა ხალხს, რომლის კისერზე ტრიალებს ამოდენა სახელმწიფოს ხარჯები. მაგრამ ჩვენ ვცდებით, როცა ვამბობთ, რომ რუსეთის გლეხობას პური არა აქვსო.

იმ დროს, როცა რუსის გლეხობას ლუკმა პური ენატრება საქმელათ, მის მიერ მოწეული პური საზღვარ გარეთ გააქვთ და აი, სწორეთ აქ არის დღევანდელი კაპიტალისტური წესწყობილების ძირითადი წინააღმდეგობა. აქ, შინ, ხალხი სიმშლილსაგან იხოცება, და იმავე დროს კი რუსეთის პური საზღვარ გარეთ გააქვთ. რათ არ რჩება ეს პური შინ, ადგილობრივ მცხოვრებლების სიმშლილსაგან დასახსნელათ? იმიტომ, რომ ადგილობრივ მცხოვრებლებს უკვე არავითარი სახსარი აღარ აქვთ პურის შესაძენათ. ცნობილია, რომ სიმშლილობის დროს, რამდენათაც უფრო და უფრო ლატაკდება და დაბლა ეცემა ხალხი, იმდენათ უფრო და უფრო მდიდრდებიან ხალხის სისხლის მწოველი წურბლები, ჩარჩები და საერთოთ ბურჟუა-კაპიტალისტები. ეს ხდება იმიტომ, რომ ხალხი იძულებული ხდება ნახევარ და ზოგჯერ მეხუთედ ფასად გაყიდოს მისთვის საჭირო ნივთები, რომლებიც ხელში უვარდებათ ჩარჩ-ვაჭრებს, რომ შემდეგ, როცა შემთხვევა მიეცემათ, ერთი ორათ და ერთი სამათ გაასაღონ. თვით ის პური, რომელიც საზღვარ-გარეთ გააქვთ, უმეტეს ნაწილით ნახევარის ფასათ დამშეული ხალხისაგან არის ნაყიდი. შეიძლება ვინმემ იკითხოს, დამშეული ხალხი რილასთვის ყიდის პურს, როცა ეს მას უჭირს. საქმეც იმაშია, რომ სწორეთ მშვიერ ხალხს უხდება მისთვის აუცილებლათ საჭირო პურის და სამეურნეო ხელსაწყოს ჩალის ფასათ გაყიდვა, ვინაიდან ამას მას აიძულებს ხაზინა, მემამულეები და მევახშეები, ვინაიდან გლეხმა ჯერ ყველა ესენი უნდა დააკმაყოფილოს და მერე, როცა ზრუნვას შეუდგება, მაშინ ხედავს, რომ მას აღარაფერი გააჩნია, რომ სიკვდილისაგან თავის დასახსნელათ იგი იძულებულია სამეურნეო იარაღებს გამოეთხოვოს. აქედან შექმნილი ფულით იგი მამასისხლათ ყიდულობს მის მიერ ნახევარ ფასათ გაყიდულ პურს. მაგრამ ჩქარა მას ეს

უკანასკნელი საშუალება ეცლება ხელიდან და მაშინ იწყება სისტემატიური სიმშლიის თმენა მთელის თავისი საშინელი შედეგებით. იმავე დროს კი საზღვარ გარეთ ყოველ დღე მილიონობით გააქვთ რუსეთის პური.

და აქ თქვენ აშკარათ ხედავთ, თუ რა ძლიერი განხეთქილება, თუ რა წინააღმდეგობა ღვივის თანამედროვე საზოგადოების გულში. ერთის უღებურება მეორის ბედნიერებას. ამ უკანასკნელ დროს არც რუსეთის ბურჟუაზიას დაადგა მინცაღამინც კარგი დღე: მისი ძლევა-მოსილი განვითარება როგორღაც შეფერხდა და იგი სასტიკათ დამარცხდა. მოგეხსენებათ, რომ მან შინაური ბაზარი დაკეტა საზღვარ-გარეთიდან შემოტანილი საქონლისათვის. ამ რიგათ რუსეთის ხალხი შეიქნა მის მეწველე ფურათ, რომელსაც იგი როგორც უნდა ისე წველიდა. ვინდა თუ არა უნდა უეჭველათ იყილა და ჩენი თანამემამულის მიერ უვარგისათ შემზადებული საქონელი, და ისიც მაღალ ფასებში, ვინაიდან სხვა გზა არ არის, საზღვარ-გარეთის იაფ-ფასიანი და კარგი საქონელი შენთვის ხელმოუწოდებელია, ვინაიდან მაღალი ბაჟების წყალობით იგი სრულებით არ მოაპოვება ჩენს ბაზარზე ან მეტათ ძვირათ ღირს. მაგრამ რუსეთის გათამამებული ბურჟუაზია, რუსეთის ხალხის სისხლით და ხორციით გამძღარი ბურჟუა-კაპიტალისტები დღეს შინაური ბაზრით აღარ კმაყოფილდებიან. ისინი უცხოეთის ბაზრის დასაპყრობათ ემზადებიან, ამაშიაც დახმარებას უწევენ მათ მთავრობა; პირველ ხანებში კაპიტალისტებს აძლევენ საზღვარ-გარეთ გატანილ საქონელზე სხვადასხვა ჯილდოებს ფულათ. ვინც მეტ საქონელს გაიტანს, იმას უფრო მეტი ჯილდო ერგება. შემდეგ მთავრობა ადგება აგრესიულ პოლიტიკას, ცდილობს სხვა ქვეყნების შემოერთებას ბურჟუაზიისათვის ბაზრის მოსაპოვებლათ. ჩინეთის საქმეში ჩარევა, პორტ-არტურის, დალნის დაქვერა და მანჯურიისში რკინის გზის გაყვანა მხოლოდ რუსეთის ბურჟუაზიის სასარგებლოდ იყო გამოგონილი. მაგრამ აქ რუსეთის ბურჟუაზია მეტათ სასტიკათ დაძაბუნდა: მან არა თუ დაკარგა ამ ვეებერთელა ქვეყანაში ყოველგვარი გავლენა, არა თუ იქ დიდი ხნით ამოაყვეთა ფეხი და მოესპო თავის საქონლისთვის გასაფრცელებელი ბაზარი, არამედ ეს დამარცხება მას შინაურ ბაზარსაც შეუსუსტებს. იაპონიასთან საფაქრო ხელშეკრულება, რომელიც ზავის პირობებში შედის, უეჭველათ კარს გაუხსნის მთელ ციმბირში იაპონიის და აგრეთვე ამერიკის და ინგლისის ბევრათ უფრო იაფ-ფასიან და ბევრათ უფრო კარგი თვისების საქონელს, რო-

მელსაც მოცილეობას ველარ გაუწევს რუსეთის საქონელი. ეს გარემოება უეჭველათ კრიზისს გამოიწვევს. მაგრამ კრიზისი ისედაც მძვინვარებს დღეს რუსეთში. იგი შედეგია საზოგადოებრივ ცხოვრების მოუწყობლობის, გლეხების და ქალაქის მუშების არეულობებისა. ამ მხრით ყველაზე უფრო დიდი გავლენა იქონიეს ბაქოში და სხვა ადგილებში მოძრაობა—სისხლის-ღვრამ, თათრებსა და სომხებს შორის მომხდარმა ყოველათ უაზრო შეტაკებამ. ყველა ამ გარემოებებმა შეაჩერეს ბურჟუაზიის და კაპიტალისტების მიერ მუშა ხალხის გაყვლეფა, ე. ი. დროებით შეაჩერეს მდიდარ კლასების გამდიდრება. ამიტომ რუსეთის ბურჟუაზია საერთოდ და განსაკუთრებით ნავთის მრეწველები დიდ საგონებელს მიეცენ. ისინი მოსთქვამენ, რომ იმათ განადგურება მოელით, ასე გეგონებთ, რომ შიმშილისაგან სიკვდილი მოელით. მოითხოვენ დახმარებას, შემწეობას. მთავრობას შესჩივიან თავიანთ გაჭირვებულ მდგომარეობას და მისგან სხვადასხვა შემწეობას და დახმარებას ითხოვენ, თუ სესხით, თუ შეღავათით და სხვადასხვა გადასახადის პატივით. მოდი და ნუ შეიბრალეებ დამშუულ კაპიტალისტებს და გაჭირვებულ მილიონერებს. და აი, ეს ხდება იმ დროს, როცა რუსეთის გლეხობას ლუკმა პური არა აქვს, როცა მისი ცოლ-შვილი ტიტველ-მშიერი დაეხეტება, როცა აუარებელი მუშა ხალხი უსაქმოდ ქუჩაზე დაყალიბს.

VIII.

მრავალი მოვლენა, რომლებიც წინეთ ჩვენს ყურადღებას იქცევდა, დღეს სრულებით აღუნიშნავი გვრჩება. ეამთა-ვითარებამ დღეს ჩვენ ისეთი მძიმე საკითხის გადაწყვეტა გვარგუნა, რომ ძალაუნებურათ გვერდს ვუვლით ბევრ ისეთ რამეებს, რასაც სხვა დროს უყურადღებოთ არ დაგვტოვებდით. განსაკუთრებით თავი იჩინეს ასეთ მოვლენებმა ამ უკანასკნელ დროს. ბრწყინვალე და ცხოველ-მყოფელ ძალებთან ერთად თავი წამოაყვეს ყველა ბნელმა და დუხჭირმა ძალებმა. ისე დღე არ გაივლის, რომ სადმე ბნელმა და ბოროტმა ძალებმა თავი არ იჩინონ და თავისი შხამი არ ვადმოანთხიონ. რამდენათაც ძლიერია ბრწყინვალე ძალების გავლენა და ძლევა-მოსილება, იმდენათ უფრო სასტიკი ხდება ბნელ და ბოროტ ძალების მოკმედება. მაგრამ ჩვენ დარწმუნებული უნდა ვიყოთ, რომ დღეს მათი დღეები დათვლილია, რომ ეს არის მათი უკანასკნელი სულის თქმა, მათი აღსასრული. ყველა ამის გვერდით საზოგადოებრივი:

ცხოვრების ასპარეზზე ჩვენ ვხედავთ მრავალ ისეთ რამეებს, რაც უფრო ჩვენში სიცილს იწვევს და რაც დაცინვის ღირსია. თავის თავად იგულისხმება, რომ ათასში ერთხელ ასეთ ღუბჭირ მოვლენების მხილვბაც აუცილებლათ საჭიროა. ჩვენ აქ უნდა აღვნიშნოთ ზოგი ასეთი მოვლენებიც ჩვენი საზოგადოებრივი ცხოვრებიდან.

გაზეთებიდან ვიცით, რომ ეგრეთ წოდებული საერობო კამპანია ჩვენში თითქმის დასრულდა. ჩვენ არ შეეცებებით იმ ათასგვარ შეცდომებს და წინააღმდეგობებს, რომლებიც ამის გამო იქნა ჩადენილი ამა თუ იმ პარტიის წარმომადგენლების მხრით. ყველა ამაში სინამდვილის გამოძეღავენება და ამის შესახებ თავისუფალი მსჯელობა ყველასათვის დღათ სასარგებლოა, მაგრამ ეს ჯერ ჩვენთვის შეუძლებელია. რომ აქ ბევრი შეცდომა არის ჩადენილი, ეს დღეს ყველასათვის აშკარა უნდა იყოს. კიდევ ვიმეორებთ, ჩვენგან დამოუკიდებელ მიზეზების გამო, ამას ჩვენ აქ არ ვეცებებით. ჩვენ აქ უნდა აღვნიშნოთ ზოგიერთ პირების საქციელი აწ დამთავრებულ საერობო სათათბიროებში. ყველაზე უფრო მეტი ხმაურობა ერობის შემოღების გამო, რა თქმა უნდა, ქუთაისში იყო. ცნობილია, რომ ქუთაისი ყოველგვარ სალაყბოს აღაგია და რა გასაკვირალია, თუ საერობო სათათბიროები აქ სწორეთ ამ ლაყბობის მთავარ აღვილათ გადაიქცეოდა. და ეს სწორეთ ასეც მოხდა. ორატორები და სხვადასხვა პარტიის წარმომადგენლები ერთი მეორეს ეჯიბრებოდნენა მახვილობაში და მჭერ-მეტყველობაში. მაგრამ ყველაზე უფრო ისახელა აქ თავი ქუთაისის ძველმა გმირმა, ქუთაისის მეტიჩარა მოღვაწეების მეთაურმა, კიათურის შავი-ქვის მოღვაწემ, ბნმა გ. ზდანოვიჩმა. ამ ვაჟბატონის „საგმირო საქმეების“ შესახებ ლაპარაკით თავს აქ არ მოგაბეზრებთ და ეს არც ისე საჭიროა. საჭიროა შევნიშნოთ მხოლოდ, რომ ამ ვაჟბატონმა ყოველგვარი საზოგადო ხასიათის საქმე ქუთაისში თავის და თავისი დამქაშების სრულ მონოპოლიათ გახადა. საერობო კამპანიამ ყველას აშკარათ დაანახვა, რომ ბ-ნი ზდანოვიჩი ერობის შემოღებასაც მხოლოდ ამ თვლიათ უყურებს; იგი კარგათ გრძნობს, რომ ეს გვარიანი ლუკმა იქნება და ყოველ ღონეს ხმარობს, რომ ხელიდან არ გაუშვას. რა თქმა უნდა, ჩვენ ყოველთვის დარწმუნებული ვიყავით და დღესაც ვართ, რომ მომავალი ერობა სწორეთ ბ-ნი ზდანოვიჩის მსგავს „მოღვაწეებს“ ჩაუვარდებათ ხელში, და აქ ჩვენ ბ-ნი ზდანოვიჩი მოვიხსენიეთ არა იმიტომ, რომ მისთვის ჩვენ ეს გვჭურდეს; ჩვენ აქ გვისურდა აღვნიშნა ის, თუ რა როლს თამაშობდა ბ-ნი ზდანოვიჩი ერობის

სათაობიროში. ბ-ნი ზდანოვიჩი, როგორც ყოველთვის, აქაც ხალხის უმრავლესობის სურვილის წინააღმდეგ გამოდიოდა; იმას ერთი შემთხვევაც კი არ გაუშვია, რომ ხალხის სურვილი ფეხ-ქვეშ არ გაეთელა. და წარმოდგინეთ, რომ ყოველსავე ამას იგი ჩადიოდა, როგორც ხალხის წარმომადგენელი; ასე გეგონებოდათ, რომ იგი ერთადერთი წარმომადგენელია, რომელსაც უფლება აქვს ლაპარაკის და მოქმედების. აი დაუდგეთ ყური, თუ როგორ მკერმეტყველობს ეს ვაჟბატონი:

„ამბობენ, რომ კრებაზე ხალხია მოსული და საქაროა მათ ლაპარაკის ნება მიეცეთო. ჩემი ფიქრით, ეს შემცდარი აზრია, აქ მე ვერაერთარ ხალხს ვერ ვხედავ. აქ ხალხი კი არა, შემთხვევით შეკრებილებია. გარდა ამისა, აქ შეკრებილან ხალხის მაგიერ არჩეული წარმომადგენელი, რომელთაც ხალხის მაგიერ უნდა ილაპარაკონ და დაიცვან ამომრჩეულთა ინტერესები. არსად არ გაგონილა, რომ წარმომადგენელთა კრებაზე თვითონ ხალხსაც მიეღოს მონაწილეობა. თუ თქვენ გარეშე საზოგადოებას ხმის უფლება მიეცით, ადვილათ შეიძლება, ამა თუ იმ პარტიამ თავის მომხრეები მიიყვანოს კრებაზე, ძალა დაატანოს წარმომადგენლებს და შეაფერხოს აღძრული კითხვების დამშვიდებით გარჩევა. ყოველ განათლებულ სახელმწიფოში შემუშავებულია დისციპლინა, რომელიც ჩვენთვისაც სახელმძღვანელოთ უნდა იქნეს...“

ასე მსჯელობა შეუძლია მხოლოდ ნამდვილ მატრაკვეცას. ბ-ნი ზდანოვიჩი ურცხვად გაიძახის, რომ იგი კრებაზე „ვერაერთარ ხალხს ვერ ხედავ“, რომ თუ იქ არის ხალხი, იგი „შემთხვევით შეკრებილია“. ამნაირათ ბ-ნი ზდანოვიჩი კრებიდან აძევებს ხალხს, იმ ხალხს, რომელმაც მას საშეალება მისცა ხალხის წარმომადგენელთა გამოცხადებია თავისი თავი. მას შემდეგ, რაც ბ-ნი ზდანოვიჩი წარმომადგენლათ სკამზე წამოსკუბდა, იგი ხალხს აღარ ცნობს. და მხოლოდ თავისი თავი მიიჩნია ყოველგვარი უფლების მქონეთ. ბ-ნი ზდანოვიჩს კარგათ ესმის რასაც ჩადის; მან კარგათ იცის, რომ თუ ხალხს ლაპარაკის უფლება მიეცა, მას კარგი დღე აღარ დაადგება და ამიტომ ყოველგვარ ღონეს ხმარობს, რომ ხალხი კრებიდან გამოდევნოს. ასეთ თავის საქციელს ბ-ნი ზდანოვიჩი სხვათა შორის განათლებული სახელმწიფოების მაგალითით ასაბუთებს, სადაც თურქე დისციპლინაა შემუშავებული და ყველანი იმას ემორჩილებიან. ბ-ნი ზდანოვიჩს ჩვენ აქ არ დაუწყებთ ლაპარაკს იმის შესახებ, თუ რამდენათ სამართლიანია მისი საქციელი, განათლებული ქვეყნის მაგალითი კი აქ სრულებით მოსატანი არ არის, ვინაი-

დან დღევანდელი ჩვენი პირობები სულ სხვანაირია. ასეა თუ ისე, დღეს ბ-ნ ზღანოვიჩს და მის ხელ ქვეითა მატრაკვეციებს ხვლათ გამარჯვება, მაგრამ უნდა იცოდნენ კი, რომ ეს გამარჯვება მეტათ უიმედოა.

აღნიშვნის ღირსია უეჭველათ ერთი ჩვენი ფრიად „დამსახურებულ“ მოღვაწის საქციელი. ჩვენ მოგახსენებთ თ-დ აკაკი წერეთელზე. მართალია თ-დ აკაკი დიდი ვინმეა და მაზე ლაპარაკი ასე არ შეიძლება, მაგრამ რას იზამთ? როგორც ძველი რომალები ამბობდნენ, —საყვარელია პლატონი, მაგრამ ქვეშარიტება კიდევ უფრო საყვარელიაო, ისე ჩვენც: მართალია, ბ-ნი აკაკის პატივს ვცემთ, როგორც პოეტს, მაგრამ ქვეშარიტებას კი იმაზე უფრო მალლა ვაყენებთ. და ეს ქვეშარიტება კი დავგიფარა ბ-ნ აკაკიმ. საქმე იმაშია, რომ ამას წინეთ „მოგზაურში“ (№ 33) დაბეჭდილი იყო კორესპონდენცია სოფ. კობოპულიდან, რომელშიაც ბ-ნ აკაკის ბრალს დებდნენ იმაში, რომ მან გლეხს სანადგლო მიწა გაუყიდა 120 მან., რის გამო ორ გლეხს შორის დიდი განხეთქილება ჩამოვარდნილიყო და ბ-ნ აკაკის თხოვდნენ პასუხს. სამწუხაროთ, ბ-ნ აკაკიმ დღემდის პასუხი არ გვაღირსა. არ ვიცი, რას მივაწეროთ ეს მისი გაჩუმება. გვახსოვს, ამას წინეთ ბ-ნი აკაკი სწერდა გაზ. „ივერიაში“: „ძალადობა, დარბევა, მიხტომა, გალახვა და სხვ. არ არის ქართველის ბუნება და ამ მხრით თავის დაქერა და გონიერება მართებს ჩვენ გლეხობასო“ (№ 70). მაგრამ თუ გაჩანაგებული და გალატაკებული, მშვიდმწყურვალ გლეხობას „მართებს თავის დაქერა და გონიერება“ ვგონებ, ქართველ თავდა-აზნაურობასაც მართებდა ყოველივე ეს, და სხვათა შორის ისიც, რომ გლეხის ნადელის გაყიდვაზე იმათ ხელი აეღოთ. ნადელის გაყიდვა ქართველ მემამულეებისაგან რომ იშვიათი მოვლენა არ არის, ეს ჩვენ დიდი ხანია ვიცოდით, მაგრამ თუ ამას საქართველოს დიდებული მგოსანი ჩაიდნდა, ეს ჩვენ არ გვეგონა. ჩვენ ჯერ სავსებით კიდევ არა ვართ იმაში დარწმუნებული, ამიტომ ვთხოვლობთ, რომ ბ-ნ აკაკიმ გადაჭრით გვიპასუხოს, —მართალია თუ არა დასახელებულ კორესპონდენციაში მოთხრობილი ამბავი.

ბევრ ახირებულ აზრს და შეხედულებას აქვს ადგილი ქართულ პრესაში. ჩვენ ვიცი, მაგ., რომ ამ ორმოცდა ათი წლის წინეთ, ნეტარ ხსენებულ ივ. კერესელიძის „ცისკარში“ მაშინდელი ქართველი მკითხველი ამოიკითხავდა ცნობებს იმის შესახებ, თუ როგორ უნდა გაკეთდეს

შურაბა და ეფლე სხვადასხვა ხილვეულობისაგან. ჩვენ გვეგონა, რომ ამ დროს სამუდამოთ გამოვემშვიდობეთ, მაგრამ მოვტყუვდით. იღვთ გაზ. „ივერიის“ № 175-ს მეთაური და თქვენ დარწმუნდებით, რომ ივ. კერესელიძის დროს ჩვენ არც ისე დავშორებოვართ. მართალია, „განახლებულ“ „ივერიის“ მეთაურ წერილში თქვენ ვერ იპოვით ცნობებს იმის შესახებ, თუ როგორ კეთდება შურაბა და ესაღე, მაგრამ სამაგიეროთ აქ თქვენ გაიგებთ, თუ როგორ უნდა იქცეოდეთ და გეკიროთ თავი, როცა თეატრში ხართ. ბნი ფოგიჩაიშვილი თქვენ დარიგებას გაძღვეთ, თუ როგორც უნდა იჯდეთ, როგორ უნდა ეწეოდეთ ჰაპიროსს, როგორ უნდა ილაპარაკოთ, ავტორი სისტემათ კიცხავს იმათ, ვინც თეატრში თავისუფლათ იქცევა, დისციპლინას არ ემორჩილება და მით ბ-ნ გოგიაჩაიშვილს, თავიდან ფეხებამდე ჯენტლმენს, უსიამოვნებას აყენებს; ტყუილათ კი არ მიუღია მას განათლება გერმანიაში, ამ დისციპლინით განთქმულ ქვეყანაში. მაგრამ რაც ყველაზე უფრო აბრაზებს ბ-ნ გოგიაჩაიშვილს, ეს ის გარემოებაა, რომ ქართველები ასე დაუდევარი, ასე უზრდელი მხოლოთ შინ, თავის სახლში არიან, თორემ სხვებთან, უცხო ხალხთან, ისინი მეტათ ზრდილობიანი და თავდამქვრნი ყოფილან. მართლაც რა თავის აგდებაა ეს ერთი ვიკითხოთ. მე კი ვიტყვი, რომ ზოგიერთ შემთხვევაში ისევ ეფლეს გაკეთების ცოდნას ვარჩევ ასეთ ყოველად უაზრო ყბედლობას.

მაგრამ ყბედობაც არის და ყბედობაც. ყველა ყბედობას ერთნაირი გასაფალი არა აქვს, თუ შენ ქართველი ხარ და რუსულათ ყბედობ, ამას არავითარი მნიშვნელობა არა აქვს, არ შეიძლება დიდ დანაშაულათ ჩაგითვალონ. მაგრამ, თუ ქართულათ ყბედობ, ეს, რა თქმა უნდა, დიდ სამსახურში ჩაგეთვლება. აი ამის საბუთი. ამას წინეთ სამედიცინარო სამართალი უნდა მომხდარიყო ბბ. ს. ფირცხალავასა და პეტერბურგის სტუდენტებს შორის, მაგრამ არ მოხდა, მხოლოდ იმ მიზეზით, რომ ორი მხარე ვერ შეთანხმდენ იმაში, თუ რომელ ენაზე უნდა ელაპარაკათ და ოქმები ეწერათ: ქართულათ თუ რუსულათ. ბ. ფირცხალავა თხოულობდა, რომ მას მხოლოთ ქართულ ენაზე შეუძლია ჩვენების მიცემა, ვინაიდან „ქართულ საზოგადო კრებებსა და დაწესებულებებში მხოლოთ დედა-ენის ხმარება აუცილებლათ მიაჩნია და გარდა ამისა, თავის ინტერესებს იგი ქართული ენის საშუალებით უფრო დაიცავს. მეორე მხარე—

სტ. გედევანიშვილი თხოულობდა, რომ რადგანაც მან ქართული ენა არ იცის, ამიტომ საქმის წარმოება რუსულ ენაზე იყოს. რადგანაც ამის შესახებ ვერ შეთანხმდნენ, ამიტომ სამედიცინო სამართალი აღარ შედგა. ეს შემთხვევა ღირსია მარტოოდენ დაცინვის და შეტი არაფრის. ვინაიდან ორივე მხარე აქ ყალბ ნიადაგზე იდგა და ორივე ცრუობდა. მაგრამ ფ. გოგიჩაიშვილმა ამის გამოც გამოაცხო ერთი მეთაური (№ 176). ბ-ნ გოგიჩაიშვილის წერილიდან გამოდის, რომ რადგანაც სტ. გედევანიშვილს ქართული არ სცოდნია არა თუ საფუძვლიანათ, არამედ „საყველ-პუროდაც“, ამიტომ ჩვენი ქვეყანა დაღუპულათ უნდა ჩითვებოდა. მას ველარაფერი ველარ უშეელისო! საყველ-პუროდაც რომ სცოდნოდა ქართველ სტუდენტობას თავის დედა-ენა, მაშინ ხომ ჩვენს ბედს ძალი არ დაჰყუფდა!

დღევანდელი ქრონიკა მე ერთი დევ-გმირის გაცნობით მინდოდა გამეთავებია. მაგრამ როგორღაც საუბარი, ცოტა არ იყოს, გავეიცრძელა. სწორე მოგახსენოთ, მე ამ დევ-გმირის გაცნობით მინდოდა დამეწყო საუბარი; თქვენ უეჭველათ გეინტერესებათ, თუ ვინ უნდა იყოს ეს დევ-გმირი ან სად, რომელ მხარეში აღმოჩნდა იგი? მოგახსენებთ მოკლეთ: მისი სახელი ვახლავთ გ. კ. იგი ნაფარდობდა „ცნ.-ფურცლის“ სვეტებზე. მისი მიზანია „კარლიკებთან“ (მესამე დასვლებთან) ბრძოლა, მაგრამ რადგანაც თითონ დევ-გმირია, ამიტომ „კარლიკებთან“ ბრძოლა, მაინცდამაინც დიდათ სასახელო არ უნდა იყოს. კიდევ სხვაა თავისივე მსგავს ბუმბერაზ არსებებს, დევ-გმირებს რომ შეებრძოლოს. თორემ კარლიკების დამარცხება რა ბიჟობაა! ყოველ შემთხვევაში, ბ-ნ ბუმბერაზს. გ. კ.-ს ტვინის ლიტინი უნდა სქირდეს და ვანდიდების სენითაც უნდა იყოს შეპყრობილი. მისი განკურნება ჩვენ არ გვჯერა, ხოლო მისი ტვინის ნაწარმოების დაფასებას იგი, იმედია, მოესწრება, ვისგანაც ჯერ არს. მანამ კი განისვენოს ილიუზიაში.

ქურნ. „მოგზაური“ № № 13, 16, 17, 21, 23, 34, 35 და 36—1905 წ. 10 აპრილი, 1 მაისი, 8, 5 და 19 ივნისი, 18 და 25 სექტემბერი და 2 ოქტომბერი.

ქურნალ-გაზეთებიდან.

I.

ბევრ შეუსაბამო და ახირებულ აზრს ამოიკითხავთ დღეს ჩვენ ქურნალ-გაზეთებში. ესაო და განახლების დრო მოგვიახლოვდაო, ჩქარა გაზაფხულიც დაგვიდგებაო და ამის გამო ვინ რა წინადადებას იძლევა, ვინ რა პროექტებს იგონებს მომავალი ცხოვრების მოსაწყობათ და ვინ რას: სულ ახალ-ახალ პროგრამებს და გეგმებს გვაწვდიან და ამით სურთ-საზოგადოების ყურადღება დაიმსახურონ, ვითომც ჩვენც ვსაქმობთ, ჩვენც ვმეცადინობთ საზოგადოების სასარგებლოთ. ამ საერთო ხორაში მხოლოდ ბ. სიტყვა¹⁹⁾ და კალამი²⁰⁾ არღევევენ საერთო ჰარმონიას. ამ ვაებატონს, ვერ უშველა ვერც ახალმა სიომ, ვერც განთიადის მოახლოებებამ, ვერც გაზაფხულზე ყვირილმა! ის ისევე ძველ ჰანგზე მღერის, ისევე რალაც „ერზე“, „ეროვნებაზე“ ბოდავს. სხვამ რაც უნდა-თქვას, მას კი მხოლოდ ეს ორი სიტყვა აგონდები: ერი, ეროვნება! რალაც მომჯადოვებელი ძალა უნდა ჰქონდეს ამ სიტყვებს, რომ ხსენებულ ავტორებს მეტი არაფერი ახსოვთ. უნდა იყოს ერი, უნდა არსებობდეს ეროვნება! თქვენ ტყუილა დაეკითხებით: რა არის ეს ეროვნება, ღვთისგულისთვის ერთი მაინც აგვიხსენითო. მას ამის ახსნა არ შეუძლია: ერი ერია, ეროვნება ეროვნებააო, გიპასუხებს და მორჩა და გათავდა. თუ არ გჯერათ, წაიკითხეთ ხსენებული ავტორის წერილი: „რა არის გურულების განცხადებაში“, რომელიც გაზ. „ცნ. ფურცლის“ 2759 №-ში იყო დასტამბული. თურმე, ნუ იტყვით, გურულ გლეხებს თავის მოთხოვნილებებში დავიწყებით ეროვნების მოხსენება, რითაც, რა თქმა უნდა, სასტიკი დანაშაული ჩაუდენიათ ბ-ნ სიტყვის წინაშე. მაგრამ ბ-ნი სიტყვა, როგორც ტაქტიკის კაცი, ბოდიშს ხდის გურულ გლეხებს: მართალია, მათ ეს შეცდომა მოუვიდათ და შესაძლებელია ვინმემ იფიქროს, რომ „გურული ხალხი ეროვნებას უარყოფდეს, ეროვნების წინააღმდეგი იყოსო“, მაგრამ ეს ასე არ არის: „მართალია, — გვეუბნება ბ-ნი სიტყვა — ეს (ე. ი. ეროვნება) აკლია დღევანდელ მოთხოვნილებებს, მაგრამ არავინ იფიქროს, რომ რაც არ არის განცხადებაში, ის არ არის

თითონ ხალხში. თუ ღღეს გურულებმა არაფერი განაცხადეს ეროვნების შესახებ, ეს მხოლოდ გარეგანი, შემთხვევითი მიზეზის ბრალია“. ჩვენ არ ვიცით, რას მივაწეროთ ეს სიტყვები: ავტორის მეტრიზობას, თუ გაუგებრობას! ხალხი თავისი ადამიანური არსებობისათვის იბრძვის, სისხლსა ღერის და ბ-ნი სიტყვა გამოსულა და მოშიარესავეთ გაიძახის: იმათ ეროვნება არ მოუხსენებიათო! და მერე რა არის ეს ეროვნება? ავტორის სიტყვით, ეს იგივე ხალხია. მაშ, თუ ეს ასეა, რაღა საჭირო იყო ეროვნების ჩაჩხირება გლეხების განცხადებაში? არ იყო საჭირო და არც დაუყენებია გურულ ხალხს ეს კითხვა და ეს სრულებით. „გარეგანი, შემთხვევითი მიზეზის ბრალი“ არ არის, როგორც თქვენ ამბობთ, ბ-ნო სიტყვა! მაგრამ კარგად ვიცით, თუ რა არის თქვენი განზრახვა და საწადელი! თქვენ გსურთ შპრომელ ხალხს გზა-კვალი აუბნით თქვენი ეროვნულ-ბურჟუაზიულ მიმართულებით. მაგრამ თქვენ ამას ვეღარ მიიღწევთ. შპრომელმა ხალხმა, მუშებმა და გლეხებმა, კარგად იცის, თუ რას ნიშნავს თქვენი ერი, ეროვნება და საერთო ნიადაგის ქადაგება. განა ერი ღღეს ერთეულს წარმოადგენს, ერთი ინტერესით გამსჭვალულს? განა ერში არ არსებობს მჩაგვრელი და დამაგრული, მყვლეფელი და გაყვლეფილი, ბურჟუა-კაპიტალისტი და პროლეტარიატი? აბა დაასახელეთ რომელიმე ერი, რომელიც ღღეს არის, და რომელშიაც არ იყოს საზოგადოებრივი განხეთქილება, გამწვავებული კლასობრივი ბრძოლა! გამოტყდით, ბატონო სიტყვა, რისთვის ეპოტინებით, ელოლიავებით თქვენ და თქვენიანები მუშა ხალხს! ხომ ხედავთ, რომ იმას თქვენთან საერთო არა აქვს რა და ნურც ის გგონიათ, რომ ქართულ ენის შესახებ ლათაიებით დაატყუილოთ თქვენ ვინმე! განა მუშა ხალხისთვის საჭიროა მისი მტკიცება, რომ მისი დედა ენა მისთვის საჭიროა? განა ეს ყველასათვის თავის თავად არ იგულისხმება! მაგრამ ჩვენ ვიცით, თუ რისთვის გაიძახით თქვენ, რომ ქართველი ხალხისათვის საჭიროა ქართული ენაო. ისიც გვესმის, თუ რისთვის შეასხით ქება გურიის მოძრაობას! ნუ გეწყინებათ კი, რომ აქაც გადაიჭარბეთ. რისთვისაც გურული ხალხი თქვენ მადლობას არ გეტყვის. პირიქით, მას სრული უფლება აქვს მოგმართოს თქვენ ასეთი კითხვით: სად ბრძანდებოდით თქვენ აქამდის? განა ჩვენი ამბავი მარტო ღღეს მოაღწია თქვენამდის? არა და არა. თქვენ წინეთაც გესმოდათ ჩვენი მოძრაობის შესახებ, მაგრამ თქვენ მაშინ სულ სხვა თვალთ გვიყურებდით. და მერე, რაღა მხოლოდ ჩვენმა მოძრაობამ გაგახარათ ასე და დაგაწერიათ შემდეგი სიტყვები: „სწორეთ ახლა

იწყებს ერთი შეგნებულ არსებობასო! ნუ თუ მართლა თქვენ გგონიათ, რომ ამ მოძრაობის პიონერები საქართველოში მხოლოდ ჩვენა ვართ? ძლიერ შემცდარი ბრძანდებით. ვწუხვართ, რომ ასე ნაკლებათ იცნობთ იმ საგანს, რომელზედაც ასე თამამად სწერთო—აი რას გეტყვიან თქვენ, ბ-ნო სიტყვავე, გურული გლეხები!

II.

ამ დღეებში ერთი საკვირველი ამბავი მოხდა. არ იფიქროთ, რომ მე რაიმე მოძრაობაზე, გაფიცვაზე ან კერძო კომისიების თათბირზე და წყლის ნაყვაზე გელაპარაკებოდეთ, რაც ასე გახშირდა ამ მოუსვენარ და საყურადღებო დროს. მე არც იმ ვაჟბატონებზე გელაპარაკები, რომლებიც რაღაც ისტორიაზე და ისტორიულ ხანაზე გაიძახიან და უნდათ თუ არა, ყველას „ისტორიის წევრობას“ აკისრებენ. მე მოგახსენებთ იმაზე, რომ ამას წინეთ გაზ. „ივერიაში“ თ-დ ილია ქავჭავაძის სიტყვები იყო მოკვირვნილი, რომლებიც მან თავად-აზნაურთა კერძო კრებაზე წარმოსთქვა, და შემდეგ იმავე გაზეთის ფურცელზე თვით ილიას წერილი იყო დასტამბული. თავიდი ქავჭავაძე, ეს ჩვენი სასიკადულო პოეტი და მწერალი, თავად-აზნაურობას თურმე უმტკიცებდა, რომ გლეხების მოძრაობა მემამულეების ბრალი როდია, ამის მიზეზი სულ სხვა გარემოებააო. სახელოვანი მწერალის აზრით ქართველი გლეხებისათვის ხაზინას წაურთმევია მიწა და არა თავად აზნაურობას და ამიტომ ქართველი გლეხები ჩვენ მემამულეებს კი არ უნდა ებრძოდნენო, საჭიროა, რომ ხაზინამ ჩვენ გლეხებს დაურიგოს მიწებიო. რასაკვირველია, ამის წინააღმდეგი აბა ვინ იქნება, მაგრამ საქმე ის არის, რომ ბ-ნი ქავჭავაძე არც თავის თავს ივიწყებს. გლეხების მოძრაობით იგი სარგებლობს, რათა თავად-აზნაურობის საქმეც წინ წაიყვანოს და რაც რამ მამული მას დაუკარგავს, ისევ ამოაგებინოს. აი თვით ბ-ნ ილიას სიტყვები: „მოგვცენ ქართველებს (უნდა იგულისხმობთ; თავად-აზნაურობას) ჩვენგან წართმეული ჩვენი მიწა-წყალი, რომელიც ახლა ხაზინას აქვს დაჩემებული და რომელსაც ყველას ურიგებს. ქართველებს გარდა და მაშინ იქნება ზოგმა ჩვენგანმა დაუთმოს გლეხ-კაცს თავისი ადგილებიდან ზოგი რამ იმ პირობით, რომ სამაგიეროთ მიიღოს ხაზინის მამულები“ (იხ. გაზ. „ივერია“ № 21. ხაზს ჩვენ ვუსვებთ). გაღმას იმიტომ გამოგედავები, რომ გამოღმა შემრჩესო, რომ იტყვიან, სწორედ ეს არის! საქმის ნამდვილ გადა-

ფუჩჩებას ამას ეძახიან. მემამულეებმა გლეხებს ყოველ ფეხის ნაბიჯზე გზა შეუკრეს, გასაქანი არ მისცეს, თ-ღი ი. ჭავეჭავაძე კი გაიძახის, თითონ ჩვენა ვართ შევიწროვებული, მთავრობამ თითონ ჩვენ დაგვატყუილა: იმან ჩვენ ორი მილიონი დესეტინა მიწა დაგვიპირდა, თუ ჩვენ გლეხებს გავანთავისუფლებდით და შემდეგ დაგვატყუილაო! მოხერხება, თუ გნებავთ, სწორეთ ასეთი უნდა! გლეხებმა უნდა გაიგონ, რომ ისინი ტყუილად ამოძრავებულან მემამულეების წინააღმდეგ. ეს უკანასკნელები კიდევ უფრო იტანჯებიან: მთავრობამ მათ ორი მილიონი დესეტინა მიწა დასტყუა. ამიტომ გლეხებმა განცხადება შეიტანონ სადაც ჯერ არს, რომ ეს ორი მილიონი დესეტინა მიწა თავად-აზნაურობას ისევ დაუბრუნდეს ყმების განთავისუფლებისათვის და მაშინ, მხოლოდ მაშინ იქნება ზოგმა ჩვენგანმა (ე. ი. თავად-აზნაურებმა) დაუთმოს გლეხებს თავისი აღვლებიდან ზოგი რამ!“ ბ-ნი ჭავეჭავაძე არ ცდება აღვილათ და ტყუილა უბრალოთ იგი არავის დაუთმობს რასმეს. ამაში ეჭვი ჩვენ არასოდეს არ შეგვიტანია.

*
* *

ქართველ მემამულეთა დასახასიათებლად საჭიროა თ-ღ პ. ლ. შერვაშიძესაც შევეხოთ, მით უმეტეს, რომ ხსენებულ პირის საქციელმა ერთი აურ-ზაური და ალიაქოთი ასტეხა ქართველ ნაციონალისტების ბანაკში. მაგრამ უპირველეს ყოვლისა თქვენ უნდა იცოდეთ, თუ ვინ არის თ-ღი შერვაშიძე. ეს განხლავთ ქართველი შეძლებული მემამულე და, თუ გნებავთ, ქართველი (სიტყვას ქართველს ჩვენ ხაზს ვუსვამთ, რადგანაც მას ჩვენი ნაციონალისტ-ბურჟუეზები დიახ რომ დიდ მნიშვნელობას აძლევენ). ახლა წარმოიდგინეთ, რომ ხსენებულ თავადს ჰყოლია კარგი მეიჯარეები თავის მამულში, რომლებიც მას საიჯარო ქირას დროზე აძლევენ, და ისიც ამით სრული კმაყოფილი ყოფილა. მაგრამ, მისდა საუბედუროთ ეს სასარგებლო მეიჯარეები მთავრობის განკარგულებით უნდა გადასახლდნენ თ-ღ შერვაშიძის მამულიდან და აი, ამ გარემოებას შეუწუხებია ქართველი მემამულე! ისიც ამდგარა, შორე მანძილი გამოუვლია, ტფილისში ჩამოსულა მთავრობასთან შესახვეწნათ: ნუ გადასახლებთ ჩემ მეიჯარეებს, ისინი სასარგებლო კაცები არიან, კარგ იჯარას მაძლევენ და დროზედაც იხდიანო. თ-ღი შერვაშიძე დარწმუნებულად იყო, რომ იგი ისე იქცეოდა, როგორც მისი საკუთარი, მემამულეს,

ინტერესი მოითხოვდა. მას ფიქრშიაც არ მოსვლია, რომ ეს ვისმეს არ მოეწონებოდა და ამისათვის საყვედურს დაიმსახურებდა! საქმე ის არის, რომ ეს თ-დი შერვაშიძის მეიჯარეები ოსმალეთიდან გადმოსახლებული სომხები არიან, ამიტომ თ-დ შერვაშიძის თხოვნა „ეროვნულ“ პრინციპს ეწინააღმდეგება. და ეს მას არ უნდა ჩაედინაო. დეე, თუ გაყვლიფოს, ისევ ჩვენნიანები გაყვლიფოსო! ჰაგრამ ყველაზე უფრო ვასაკვირალი ის არის, რომ ჩვენში არიან ისეთი გულუბრყვილონი, რომელთაც თურმე, უკვირთ, რომ შესაძლებელია ქართველ შემამულეს „საკუთარი ჯიბე უფრო აინტერესებდეს და ამ საკუთარი ინტერესის მიხედვით სჭრიდეს და ზომავდეს საქვეყნო საქმეებს“ („ივერია“ № 16). ნუ თუ თ-დი შერვაშიძე მარტო დგას? მიიხედ-მოიხედეთ, ბატონებო, კარგათ და ნაციონალ დროშით ნუ გინდათ ქართველ ხალხს გზა-კვალი აუბნით!

* * *

კარგი მადლობის გამოცხადება სკოდნია ბ-ნ აკაკი წერეთელს! მკითხველებს ალბათ ეხსომებათ, რომ ჩვენი სასიქადულო პოეტის ავად-მყოფობის გამო ხელის მოწერა გაიმართა და მის სასარგებლოთ ყოველგან ფულს აგროვებდენ. ვინ იცის, ამ ჩვენი კურთხეულ ქვეყნის რომელ კუთხეში არ მოუგროვებიათ მის სასარგებლოთ ფული, მაგრამ ბ-ნი აკაკისაგან არსად მადლობის გამოცხადება არ გაგვიგონია და ასეც უნდა მოქცეულიყო, რადჯანაც, სწორეთ მოგახსენოთ, მადლობის თქმა მეტად უხერხული უნდა ყოფილიყო. მაგრამ ბ-ნმა აკაკიმ ტაქტიკა შეცვალა. ამას წინეთ აკაკის მუკდენიდან ათასი მანეთი მოვიდა. ეს ფული მუკდენში შეუგროვებია ერთ ქართველ კაცს და, სხვათა შორის, თავისი წვლილი ოთხ ჩინელსაც მიუწოდებია. ბ-ნი აკაკიც ღირსეულად აფასებს ამ ოთხი ჩინელის თანაგრძნობას, რაც მის სასარგებლოთ ფულის გამოღებაში გამოიხატა და დასძენს: „მეც მათ პატივისცემას სამარეში თან ჩავიტანო“ (იხ. „ივერია“ № 22)! ასეთ ღრმა პატივისცემას უცხადებს პოეტი აკაკი იმ კაცებს, რომლებმაც, ვინ იცის, რა საშუალებით და რა გზით შეიძინეს ის ფული, რომელიც ბ-ნ აკაკის გამოუგზავნეს! შეიძლება ის ფული ისეთი საშუალებითაა აღებული, რომ პატიოსანი კაცი იმას ხელსაც არ მოკიდებს, ჩვენი სასიქადულო პოეტი კი გვიცხადებს, რომ „იმით პატივისცემას საფლავში თან ჩავიტანო“! მაგრამ ერთი ვიკითხოთ: თუ ჩვენი პოეტი ასე გულუბვი იყო მადლობის გადახდაზე,

იმათ რალა დააშავეს მის წინაშე, რომლებმაც თავისი ოფლით მონაგარი წვლილი მიაწოდეს მას? შეიძლება ბ-ნი აკაკი ერთი ქართული ან-დაზის თანახმად იქცევა, ე. ი. შინაურ მოძღვარს შენდობა არა აქვსო! მახლას!

III.

დინჯზე უდინჯესმა და ზომიერების მოყვარულმა „ივერიამ“, როგორც იყო, გამოკლებით გადაბეჭდა ჩვენი გაზეთიდან ერთი წერილი, რომელიც თ-დ ილ. ქავჭავაძის გლახ-კაცობასთან დამოკიდებულებას ეხებოდა (სახელდობრ: სოფ. საგურამოს და ქოპორტის საზოგადოება, „მოგზ.“ № 13). მაგრამ სიდინჯით ცნობილმა გაზეთმა აქაც ზედმეტი სიდინჯე და ზომიერება გამოიჩინა და თ-დი ქავჭავაძე წინდაწინვე ყოველივე ბრალდებისაგან გაანთავისუფლა.

„ნუ თუ „გლახის ნაამბობის“ ავტორს მართლა ასეთი დამოკიდებულება აქვს გლახებთან? — კითხულობს ხსენებული გაზეთი და პასუხს თითონვე იძლევა: „ჩვენ არ გვინდა ეს დავიჯეროთ და გვირჩევნა ჯერჯერობით იმედი ვიქონიოთ, რომ თითონ თ-დი ილია ხმას ამოიღებს და კორესპონდენტის შინაარსის უსაფუძვლობას დაგვიმტკიცებსო“ (იხ. „ივერია“, № 54). როგორ მოგწონს მკითხველო „განახლებული“ გაზეთის ტაქტიკა? განა ასე იკვლევენ სიმართლეს ისინი, ვისაც მართლა სიმართლე აინტერესებს? ჩვენ კი გვგონია, რომ თუ „ივერიის“ „კორესპონდენტის უსაფუძვლობის დამტკიცება“ სურდა, თ-დ ილიასთვის კი არ უნდა მიემართა ამისათვის, არამედ თითონ მიეღო ზომები სიმართლის გამოსარკვევად. მაგრამ არა, მას ეს კი არ აინტერესებს, მას უფრო ის აინტერესებს, თუ როგორ, რა გზით ააცილოს ილია ქავჭავაძეს ბრალდება და ფონს უწებლათ გაიყვანოს. როგორც მოსალოდნელი იყო, თ-დმა ილია ქავჭავაძემ „თავისი უგულოთადესი მადლობა მოახსენა „ივერიის“ რედაქციას იმის გამო, რომ ამ უკანასკნელს არ დაუჯერებია „მოგზაურში“ მოთხრობილი ამბები მის (ქავჭავაძის) შესახებ და თქვენი წინა-გარძნობა ამ შემთხვევაშიაც გამართლდა, ვინაიდან ყოველივე მოთხრობილი ჩემს შესახებ „მოგზაურში“ თავიდან ბოლომდე მტკნარი ტყუილია და განგებ სხვადასხვა ელფერით შეღებილიო. ამისი უტყუარი და აუცილებელი საბუთები ზოგი ხელთა მაქვს, ზოგსაც გამოვიტხოვ და შემოწმება საჭიროა და ამას დრო უნდაო“ („ივერია“, № 55).

ჩვენ არ ვიცით, რა „უტყუარ და აუცილებელ“ საბუთებს წარუდგენს თ-დი ი. ჭავჭავაძე მის მიერ შობილ და ნაქონ „ივერიას“, ხოლო დღეს-დღეობით იმის ძახილი, რომ ყოველივე „მოგზაურში“ მის შესახებ მოთხრობილი თავიდან ბოლომდე მტკნარი ტყუილია, მეტად უდროვოთ მიგვაჩნია ისე, როგორც უდროვო და უსაფუძვლო იყო „ივერიის“ გამოსარჩლება. რაც შეეხება იმ საყვედურს, რომ წერილის ავტორი ორ ასოს ამოფარებია, და მისი საქციელი „ქურდულიაო, უკანოდან მიპარვით ისრის ტყორცნასა გავსო“, ამაზე თ-დ ჭავჭავაძეს აი რა უნდა მოეხსენოთ: საქმე ის კი არ არის, თუ სახელდობრ ვინ არის წერილის ავტორი, არამედ ის, მართალია თუ არა წერილში აღნიშნული ამბები. გარდა ამისა, ამგვარი საყვედურთ გაუგებარია თ-დ ჭავჭავაძის მხრით, რომელიც, როგორც გაზეთ „ივერიის“ რედაქტორი თავის გაზეთში ხშირად სარგებლობდა სხვადასხვა ფსევდონიმებით, როცა სხვის პირადობას, სინიღისს და ავზნეობას ეხებოდა. განა ეს იმას არა გავს, რომ სხვის თვალში ბეწვიც კი შეამჩნიო და თავისაში ღირესაც ვერ ხედავდეს? ჯერ-ჯერობით ეს ვიკმაროთ.

(ქრნალი „მოგზაური“ 1905 წ.
№№ 8, 9 და 15).

გაზეთები: „სხივი,“ „განთიადი,“ „ელვა“
და „ლაგვარი“ 1906 წ.

მთავრობის ლოლიკა და ისტორიის ლოლიკა.

უკანასკნელი პოლიტიკური გაფიცვის დროს, რომელიც რუსეთის პროლეტარიატმა გამოაუცხადა მთავრობას ამ სამი კვირის წინეთ, მთავრობამ იხმარა ისეთი ზომები, რომლებსათვის წინათ არ მიუმართავს რევოლუციონური მოძრაობის ჩასაქრობათ. თითქმის ყოველგან, სადაც კი გაფიცვამ სერიოზული სახე მიიღო, როგორც, მაგ., მოსკოვში, დონის როსტოვში, ეკატერინოსლავში, ხარკოვში, თბილისში და სხვ. მთავრობამ ომიანობის დროის წესების გამოცხადებით განახორციელა ის, რასაც სამხედრო დიქტატურა ჰქვია.

ეს სამხედრო დიქტატურა იმაში მდგომარეობს, რომ ქალაქები, დაბა-სოფლები, მაზრები და მთელი გუბერნიები სალდათების, კაზაკების და ჟანდარმების სრულიად აულაგმავ ბატონობაში გადადის; სამხედრო უწყების: უფროსს სრული ნება აქვს სრულიად უმიზნოთ ცეცხლს და მახვილს მისცეს მცხოვრებლები და მათი საჩირო-საბადებელი. ამ დროს მთავრობა თავის სახელში, ე. ი. თავისივე ხალხის წინააღმდეგ ბევრათ უფრო სასტიკათ მოქმედებს, ვიდრე გარეშე მტრის ქალაქში ანუ ქვეყნებში, იგი აღარაფის აღარ ზოგავს, არც დიდს და არც პატარას, არც დედაკაცს და არც დაერდომილს. იმას შუა ქალაქში, სადაც უიარაღო და მშვიდობიანი ხალხი ცხოვრობს, ზარბაზნები და ტყვიის მფრქვეველები გამოაქვს და შენობებს და ხალხს, ყუმბარებს და ტყვიას უშენს. გამოუთქმელი სისასტიკე გამოიჩინა რუსეთის მთავრობამ რევოლუციის ჩასაქრობათ, მაგრამ ისეთი სისასტიკე და უღმობელობა, რომელიც მან გასულ დეკემბერში გამოიჩინა, წინათ არ გვინახავს. მთავრობა გააფთვრებული და თითქო გრძობა-გონება დაკარგული ებრძოდა უმეტეს შემთხვევაში უიარაღო და უდანაშაულო ხალხს; მას თითქო ხალხის სისხლით გაძლომა უნდოდა. ეს იყო ველური შურისძიება; ეს იყო სასოწარკვეთილის ყოველად უიმედო ღრიალი და მთავრობამ თითქო შეიძლია თავის სურვილს, მან ყუმბარით და ტყვიის მფრქვევლებით გაანადგურა უდიდესი ქალაქის მთელი უბნები, ხალხის, განსაკუთრებით მუშა ხალხის, სისხლით შორწყო იმათი ქუჩები და სალდათებს და კაზა-

კებს. ააკლებია მცხოვრებთა სარჩო-საბადებელი, ერთი სიტყვით, დღეს გარეგნობით გამარჯვება მთავრობას ღარჩა, მაგრამ ეს გამარჯვებაა?

სწორეთ ამ ერთი წლის წინაა, ე. ი. 9 იანვარს, ასევე გაიმარჯვა მეფის მთავრობამ პეტერბურგის მუშებზე. მან ათასობით გაწყვეტა პეტერბურგის მუშები მარტო იმისთვის, რომ ისინი ხატებით და მეფის სურათით ნიკოლოზ მეორესთან მიდიოდნენ თხოვნის გადასაცემათ. მთავრობა ფიქრობდა, რომ ასეთი ზომით იგი სრულიად აღმოფხვრიდა მუშებში რევოლიუციურ მოძრაობას, კჳუს ასწავლიდა იმათ, რომ უსამართლობის და ბოროტების წინააღმდეგ ხმის ამოდება კარგი არ არისო. მთავრობამ რამდენიმე ათასი უიარაღო მუშების გაწყვეტით არა თუ შეაჩერა რამდენიმე ასი ათასი მუშა, არამედ თავზარ-დაცემით უკუ-აქცია. მთავრობას ეს გამარჯვება ეგონა, მაგრამ ნამდვილათ კი ამ „გამარჯვებით“ დაიწყა ის დიდებული რევოლიუცია, რომელიც დღეს ჩვენ თვალწინ ხდება. მთავრობას სურდა რევოლიუციის თავიდან აცდენა, მაგრამ თავის მოქმედებით მან თვითონ დააჩქარა რევოლიუციის დაწყება, და აი დღეს ჩვენ რამდენიმე მთავრობას უნდა ვუმაღლოდეთ, რომ მის მიერ მიღებულ ზომების მეოხებით რევოლიუცია, აშკარა აჯანყება დღეს მთელ რუსეთს მოედვა კიდით-კიდემდე. ვერაუთარი აგიტაცია, ვერაუთარი ფართო პროპაგანდა ვერ მოახდენდა იმას, რაც მოახდინა 9 იანვრის „გამარჯვებამ“. მთავრობა წელში გატეხა, მან დააყენა იგი-დათმობის გზაზე; ამ „გამარჯვებას“ მოყვა 18 თებერვლის, 6 ავისტოს და 17 ოქტომბრის მანიფესტები. აი როგორი იყო მთავრობის „გამარჯვება“!

დეკემბრის „გამარჯვებასაც“ ჩვენ ამ თვალთ შევხედოთ. იქ მთელმა ქვეყანამ აშკარათ დაინახა, თუ რა ყოფილა რუსეთის მთავრობა, თუ რა ღარჩენია მას დღეს ხელში. გამოაშკარავდა, რომ მთავრობას შერჩენია მხოლოდ ზარბაზნები და ტყვიის მფრქვეველები, გამხეცებულნი კახაკები, სალდათების ერთი ნაწილი და ხულიგნების ბრბო. და აი, მთავრობამ ყველა ეს ელემენტები ზარბაზნებით, ტყვიის მფრქვეველებით და ხიშტებით მიუსია ხალხს გასაჟლეტათ და ასაკლიებათ. ამ ზომამაც, მსგავსათ 9 იანვრისა, დროებით გასჭრა. მაგრამ ნუ თუ ეს მთავრობის გამარჯვებაა და რევოლიუციის დაპარცხება? ლაპარაკი არ უნდა, რომ თუ 9 იანვრის ამბებმა პეტერბურგში რევოლიუციის ცეცხლი დაანთო, დეკემბრის ყუმბარები ამ რევოლიუციას კიდევ უფრო გააძლიერებენ და თუ 9 იანვარს მოყვა 18 თებერვლი, 6 ავისტო და 17 ოქტომბერი;

დეკემბრის ყუმბარებს უეჭველათ მთელი მთავრობის გადადგომა უნდა მოყვეს. ასეთია ისტორიული განვითარების ლოლიკა. გარდა ამისა, მთავრობა, რომელიც აშკარათ ცარცვეს და იკლებს თავის ხალხს, რომელიც თოფით და ზარბაზნებით ჯლეტს მას, მთავრობა აღარ არის. დღეს ხალხი კი არ არის აჯანყებული მთავრობის წინააღმდეგ, არამედ თვით მთავრობაა აჯანყებული ხალხის წინააღმდეგ. ვერავითარი ფიზიკური გამარჯვება ასეთ მთავრობას ვერ იხსნის დაღუპვისაგან. ყველა ასეთი გამარჯვება დროებითია და იგი თანდათან აახლოვებს მთავრობის დამარცხების ხანას.

ზარბაზნებმა სენატის მოედანზე მთელი თაობა გამოაღვიძა ამბობს გერცენი 14 დეკემბერს 1825 წ. პეტერბურგში მომხდარ აჯანყების შესახებ. დეკემბრის ზარბაზნები გამოაღვიძებს არა თუ ერთ თაობას, არამედ მთელ ხალხს, რათა სამუდამოთ ბოლო მოეღოს დღევანდელ უსამართლობას და უკუღმართობას. ვინც პირველად გამოიღო მახვილი სხვის წინააღმდეგ, იგი თვითონ გახდება მახვილის მსხვერპლი. აი რას გვასწავლის ჩვენ ისტორია.

(გაზ. „სხივი“, 1 იანვარი 1906 წ. № 10).

უკან ვიხავთ, თუ წინ მივდივართ?

ამ უკანასკნელ დროს ჩვენს ქვეყანაში არაჩვეულებრივი ამბები ხდება. სიტყვა რეაქცია არ კმარა იმ მდგომარეობის დასახასიათებლათ, რომელშიაც დღეს რუსეთის ხალხი ცხოვრობს. ჩვენს თვალწინ გვეშლება სამი თვის „მოდერნიზმის“ საზარელი სურათი. სამი თვის განმავლობაში შეუჩერებლათ ცეცხლის და მახვილის გამანადგურებელი მოქმედება. ვიტყვ და დურნოვომ ამ სამი თვის განმავლობაში მთელი ქვეყნეობა გააკვირვეს. არავის არ ეგონა, რომ ამ პატარა კაცუნებს ამოდენა სისასტიკის ჩადენა შეეძლოთ. საქმე ასე იყო:

სახელგატეხილმა და ნდობა დაკარგულმა მთავრობამ ამოძრავებულ ხალხს პროლეტარიატის მეთაურობით 17 ოქტომბრის მანიფესტით რამდენიმე უფლება დაუთმო და თვითმპყრობელობაზე ხელი აიღო. მთავრობის მოთავეთ, და მათ შორის გრ. ვიტეს, ალბათ ეგონათ, რომ ეს დათმობა მხოლოდ ქალაქებში დარჩებოდა, ხალხი ბრიყვია, იგი მარტო დაპირებით დაკმაყოფილდება და ჩვენ როგორც გვიბატონებია, ისე ვიბატონებთო. მაგრამ ხალხი აღარ იყო ბრიყვი, მან მოპოვებული უფლებებით სარგებლობა მოინდომა და ქალაქებში აღნიშნული თავისუფლების განხორციელებას შეუდგა. გაიმართა საჯარო კრებები, მიტინგები, წარმოითქვა სიტყვები, გამოსცეს გაზეთები და წიგნები; დაფარული, საიდუმლო ორგანიზაციები მზის სინათლეზე გამოვიდნ და იწყეს „ლეგალიზაცია“ მოქმედება. ერთი ყველამ თავისუფლათ ამოვისუნთქეთ.

ყველას უკვირდა, შედარებით მშვიდობიანათ ჩაიარა რევოლიუციამ ჩვენშიო, და იყვენ ისეთი გულუბრყვილონიც, რომლებიც მთავრობას ლოცავდნ, დიდი ღმობიერება და სულგრძელობა გამოიჩინა, რომ ხალხს უომრად დაუთმოვო. აქ არაფერს ვიტყვით იმაზე, თუ რამდენათ მართალი იყო ასეთი შეხედულება, ვინაიდან ვინც ცოტა დაკვირვებულია, ეცოდინება, თუ რამდენათ „მშვიდობიანათ“ ხდებოდა რუსეთში რევოლიუცია, ან თუ როგორ უხდებოდა მთავრობა ყოველგვარ რევოლიუციონურ მისწრაფებას. მაგრამ ამას აქ თავი დავანებოთ. მთავრობამ დიდხანს აღარ გვალოდინა. ის მანიფესტის გამოქვეყნებისთანავე შეუდგა

თავის ჩვეულებრივ მოქმედებას და ყველა ჩქარა დარწმუნდა, რომ ხალხს ატყუილებდნენ. თურმე ნუ იტყვიო, არც თავისუფლებაზე, არც თვით-მპყრობელობის გაუქმებაზე არაფერ არ ფიქრობდა, ან ფიქრობდნენ თავისებურათ: თავისუფლება ამათ წინანდლულათ ესმოდათ, როცა ყოველგვარ თავისუფლებას სდევნიდნენ და პიროვნების ხელშეუხებლობაც პიროვნების გათვლევად ეგონათ. ჩქარა გამოაშკარავდა, რომ მთავრობა უკმრანდ არაფერთარ დათმობაზე არ ფიქრობდა. იგი არაფერს ნებას არ აძლევდა დაპირებული თავისუფლებით ვისმეს ესარგებლა, ხალხის დატყუილება აშკარა იყო. თურმე, მთელი ეს „ისტორია“ ჩვეულებრივი ოინი იყო. მაგრამ გვიანდა იყო. ხალხის აღელვება და უქმპაყოფილება იმ ზომამდე იყო მისული, რომ მისი ასე აშკარათ მოტყუილება აღარ შეიძლებოდა. მაგრამ მთავრობამ ახალ ოინს მიმართა: 17 ოქტომბრამდის მას თითქმის მთელი ხალხი ოპოზიციაში უდგა ე. ი. როგორც პროლეტარიატი, ისე ბურჟუაზიული წრეები. 17 ოქტომბრის შემდეგ ბურჟუაზიული პარტიები მან თავისკენ მიიშრო და პროლეტარიატი გამოაცალკევა. ვიტეს მთავრობამ (დურნოევი პირველ ხანებში არ ჩანდა) განაცხადა, რომ მას ვითომც კონსტიტუციის განხორციელება სურს, მხოლოდ პროლეტარიატი ხელს უშლის თავისი უკიდურესი იდეალების სახელითო. ამიტომ დამეხმარეთ პროლეტარიატის წინააღმდეგ ბრძოლაში და, როცა დავამარცხებთ, შემდეგ კონსტიტუციასაც განვახორციელებთ და დღეს კი ნურას უკაცრავათ, თუ არც თავისუფლათ კრების მოხდენა შეიძლება და არც თავისუფლათ წერა და დაპარაკიო. ბურჟუაზიულმა პარტიებმა ასეთი განცხადება მიიღეს და ვიტეს სრული უფლება მისცეს მის მიერ შედგენილი 17 ოქტომბრის მანიფესტი გაემათილებია. ვიტეს და დურნოევის მთავრობამ ბურჟუაზიული პარტიების დახმარებით დაუწყა დევნა პროლეტარიატს. ამ დევნაში მათ დაივიწყეს არა თუ 17 [ოქტომბრის მანიფესტი, არამედ ისიც კი, რაც წინათ კანონიერების სახით არსებობდა. ჩქარა მთავრობამ ბრძოლა ქალაქიდან სოფელშიაც გადაიტანა. სამი თვის განმავლობაში რუსეთის პროლეტარიატი და გლეხობა სისხლისაგან იწურებოდა, ქალაქები და დაბა-სოფლები იწოდნენ და იბუგებოდნენ. ხალხი მისცეს ასაკლებათ და გასანადგურებლათ განხეცვებულ ჯარს და კახაკებს. მთელი თვეების განმავლობაში ყოველივე კანონი გაუქმებული იყო და სალდათის და კახაკის გარდა თუ რაიმე მთავრობა იყო, კაცს აღარ ეგონა; ვინაიდან აღამიანის სიცოცხლე და მცხოვრებთა სარჩობა დაბადებელი იმათ ნებაყოფლობაზე იყო დამოკიდებული. ამ დროს მთავ-

რობას სათავეში უდგას ორი მინისტრი: დურნოვო და ვიტე. ყოველივე ეს სრულდება იმათი საიღუმლო და აშკარა ბრძანებებით. რა მიზანი, ან რა განზრახვა აიძვლებდა ხსენებულ პირთ ასე შეუბრალებლათ, ასე ფიცხათ? იმათ ამოქმედებდა ერთად ერთი მიზანი, ერთად ერთი განზრახვა: აღმოფხვრილ იქნას რუსეთის ხალხის გულიდან თავისუფლების მოპოების სურვილი. მიაღწია თუ არა მთავრობამ თავის მიზანს? მოელის თუ არა თავისუფლების საქმეს რუსეთში, განსაცდელი? ამ მხრით პირდაპირ გადაქრით უნდა ითქვას, რომ სრულებით არავითარი განსაცდელი თავისუფლებას არ მოელის, პირიქით, თავისუფლების საქმე უუარო წინ მიდის.

მართალია, დღეს ყოველივე შიშით არის გარემოცული, ყველგან გლოვა და მწუხარებაა გამეფებული; მართალია, ბევრი თავგამოდებული მებრძოლი იმსხვერპლა დღევანდელმა ბრძოლამ; მართალია, ბევრი მუშაკი მოაკლდა მებრძოლთა ბანაკს და რამდენიმეთ ხალხიც თითქო დაწყნარდა, მაგრამ ეს როდია მშვიდობიანობის მომასწავებელი სიწყნარე. ხალხი გაჩერდა და არაფერს ამბობს იმიტომ კი არა, რომ ის კმაყოფილი არის, არამედ იმიტომ, რომ საბრძოლველი იარაღი არა აქვს. მან სამუდამოთ დაკარგა დღევანდელი მთავრობის ნდობა. წინათ ზოგიერთებს კიდევ სჯეროდათ, რომ მთავრობა ასეთ გამხეცებამდე არ მივიდოდა, დღეს კი ეს აღარავის აღარ სწამს. ეს კი ხალხის შეგნების გაფართოება და გაღრმავებაა.

ვიტემ და დურნოვომ ამნაირათ სრულიათ წინააღმდეგს მიაღწია. დეე, ჩვენ დღეს ნუ გვექნება კრების და კავშირის თავისუფლება, ამით ჩვენ კრებებზე და კავშირზე უარს ვერ გვათქმევინებენ. დეე, ნუ მოგვცემენ თავისუფლათ წერის და სიტყვის ნებას,—ამით ჩვენ უკან ვერ დაგვახვევინებენ, წინანდელ რეჟიმს მაინც ვერ გააცოცხლებენ! დეე, არღვიონ პიროვნების ხელუხლებლობა; ჩვენ მაინც ვიტყვი, ბიუროკრატიის თვითმპყრობელობა სამუდამოთ მოსპობილია. საქმეს ვერ უშველის ვერც დახვერცხვა-ჩამოხრჩობა და ვერც კატორღა და ციხიბირი. რაც შეეხება მასიურ გადაწვას და აკლემას, რაც განსაკუთრებით ვიტე-დურნოვოს დროს სცადეს, ბოლოს და ბოლოს ასეთი ზომა უწინარეს ყოველისა თვით მთავრობას უთხრის ძირს და აყენებს გაკოტრების გზაზე და ამნაირათ ხელს უწყობს ხალხის განთავისუფლების საქმეს.

ამნაირათ მთავრობა არა თუ დაშორდა ყველა ჯგუფებს და ყველა პარტიებს გარდა შავი რაზმებისა, არამედ პირდაპირ უფსკრული შექმნა

თავის თავსა და ხალხს შორის. ასეთ მთავრობას სიცოცხლე და ხანგრძლივობა არ უწერია. რევოლუციონური პარტიების მოქმედება დროებით შესუსტდა, მაგრამ სამაგიეროდ იმათ მუშაობას ასრულებს ვიტედურნოვოს სამინისტრო. ჩვენ უკან არ ვიხეეთ, არამედ სულ უფრო და უფრო წინ მივდივართ.

(გაზეთი „განთიადი“, 1906 წ.

.ნ მარტი, № 1).

მთავრობის საქმიანობა და ხალხის ინტერესები.

იშვიათად შეხვდებით ისეთ „საქმიან“ მთავრობას, როგორც ვიტყვს და ღურნოვოს მთავრობას! იგი გამწარებით და დაუღალავათ მუშაობს, დღე მოსვენება არა აქვს და ღამე ძილი! რა უღვეს საფუძვლათ ამ დაუღალავ საქმიანობას? რა აქვს მიზნათ ასეთ თავგამოდებულ მოღვაწეობას? ვისი ინტერესების დასაცველათ მუშაობს ვიტე-ღურნოვოს მთავრობა?

იმ დროს, როცა მთელი ამოდენა ქვეყანა ცეცხლის აღში იწვის, იმ დროს, როცა ქალაქის და სოფლის გაქირვებული ხალხი სიმშვილ-სიცივისაგან იხოება, იმ დროს, როცა ქვეყნის საუკეთესო წმვილებს განუკითხავათ ხერცეუნ, ახრჩობენ, ციხე-სიმაგრეებში ალპობენ და ან შორს ისტუმრებენ,— აი სწორეთ ასეთ დროს ვიტყვს და ღურნოვოს მთავრობა დამშვიდებით და არხეინათ განაგრძობს თავის ჩვეულებრივ მოღვაწეობას, თითქო აქ არაფერიაო. ის ხალხის მოსატყუებლათ და თვალეზის ასახვევათ იგონებს ახალ-ახალ საშუალებებს, ახალ-ახალ ზომებს, ადგენს ახალ-ახალ პროექტებს, თხზავს ახალ-ახალ კანონებს. დღე ისე არ გაივლის, რომ რაიმე ახალი კანონი არ გამოსცენ, რაიმე ახალი წესები არ შემოიღონ იმავე ხალხის „საკეთილდღეოთ“ და „სასარგებლოთ“! და ვინ მოთვლის რამდენი „ახალი“ კანონი და „ახალი“ წესები შემოიღეს იმათ დღიდან თავის გაბატონებისა, ე. ი. სულ რაღაც ორი-სამი თვის განმავლობაში. ამ მცირე ხნის განმავლობაში იმათ შექნეს თითქმის მთელი კანონმდებლობა, ე. ი. უფრო მართლათ რომ ვთქვათ, უზრუნველ ყვეს რუსეთში ყოველგვარი უკანონობის სრული გამეფება. იმათ დააკანონეს მინისტრების და ყველა მათი მიმყოლი ჩინოვნიკების სრული თვითნებობა და ყოველგვარ პასუხისმგებლობის გარეშე დარჩენა. ახალი წესების გამოცემით იმათ შეუძლებლათ გახადეს ხალხის ლეგალურათ შეკრება, სიტყვის და წერის თავისუფლება ხომ სასაცილოთ აიგდეს. ჟანდარმების და ჯაშუშების გავლენა და ასპარეზი გააფართოვეს და მათ მეტი ძალა მიანიჭეს; არ დაივიწყეს არც პოლიცია. რაც შეეხება ჯარს, იმას შეუძლია თოფ-ზარბაზნების დაშენა სრუ-

ლიად უშიშრათ და უფრო მეტი სიჩქარით და სისწრაფით მოიყვანოს ასეთი განზრახვა სისრულეში. ყოველივე ეს და კიდევ მრავალი ამის მსგავსი. მინისტრთა საბჭომ და სახელმწიფო საბჭომ სიამოვნებით მოიწონა და დააკანონა კიდევ.

ასეთი შესანიშნავი რეფორმატორული მოღვაწეობის დროს ჩვენი სახელოვანი მინისტრები დურნოვო და ვიტე არც სოფლის გაჭირვებულ გლეხობას ივიწყებენ და არც ქალაქის პროლეტარიატს. პირველის, ე. ი. გლეხ-კაცობის, „გასაბედნიერებლათ“ ისინი ყოველ ღონისძიებით იცავენ მიწაზე კერძო საკუთრების პრინციპს, ე. ი. მიწები მემამულეებს რჩებათ და გლეხებს შეუძლიათ იმათი მიწები ან იჯარით აიღონ და ან კიდევ შეიყიდონ, როგორც მოისურვებენ! ქალაქის მუშებს განსაკუთრებით აკრძალული აქვთ გაფიცვა და მუშაობის აღკვეთა, ვინაიდან ეს კაპიტალისტებს ზარალს მიაყენებს და გარდა ამისა, ეს ხელს უწყობს საზოგადოებრივი მშვიდობიანობის და წესწყობილების დარღვევას.

როგორც ხედავთ, ეს დალოცვილი მინისტრები აღარაფერს აღარ ივიწყებენ, იმათი რეფორმატორული მოღვაწეობა ყოველმხრივია. ამაში მათ წუნს ვერაფერს დასდებს. საკვირველი მხოლოდ ერთი რამ არის, სახელდობრ ის, რომ ისინი მაინც არ იშლიან და კიდევ სახელმწიფო „ღუმის“ მოწვევას ცდილობენ. ერთობ საკვირველია იმათი მხრით ასეთი სურვილი. რაღა საჭირო უნდა იყოს ამის შემდეგ ხალხის წარმომადგენლების მოწვევა რაღაც „საკანონმდებლო განზრახვათა შემუშავებაში მონაწილეობის მისაღებათ“, როგორც ნათქვამია ერთი რომელიღაც ოფიციალურ ქაღალდში, როცა ყოველგვარი კანონი გრ. ვიტემ და დურნოვომ არა თუ შეიმუშავეს, არამედ კიდევაც გამოსცეს და ცხოვრებაშიაც გაყავთ უკვე? მაგრამ სულ ერთია, სახელმწიფო „ღუმის“ მოწვევის შესახებ უკვე გაცემულია შესაფერი ბრძანება. პოლიციამ უკვე განკარგულება მოახდინა, რომ 27 აპრილისთვის პეტერბურგში გაგზავნონ ვითომდა ხალხის მიერ, ნამდვილათ კი აღმინისტრატორული წესით არჩეული წარმომადგენლები. აი ესენი თურმე იქნებიან „ხალხისაგან ნდობით აღჭურვილი პირები!“

მაგრამ ეს რაღაც თვალთმაქცობაა! განა ეს ქონდათ მხედველობაში, როცა აღელვებულ და ბიუროკრატიული მთავრობის თვითნებობისაგან ბრანზმორეულ ხალხს მტკიცე და ძირეულ რეფორმების მოხდენას პირდებოდნენ? განა თვით სერგეი ვიტე არ იყო, რომელიც ნიკოლოზ მეორეს არწმუნებდა იმაში, რომ არსებული წესწყობილება, ე. ი. თვით-

მპყრობელობა, აღარ შეესაბამება უკვე დღევანდელ მდგომარეობას, რომ ყოველივე ეს ძირიანათ შეცვლილ უნდა იქნას წარმომადგენლობითი მართვა-გამგეობით, რომ საქირთა სიტყვის, წერის, კავშირის და კრების თავისუფლება და პიროვნების ხელშეუხებლობა? ამავე მოხსენებაში, სადაც ეს სწერია, გრაფი ვიტე ამბობდა, რომ საქირთა მთავრობამ უფრო მეტი გულწრფელობა და გულახდილობა გამოიჩინოს მართვა-გამგეობის საქმეში. თურმე ნუ იტყვი, ბ. ვიტე ისე თვალმაქცობით არასოდეს არ მოქცეულა, როგორც ამ სიტყვების წერის დროს. ბევრმა მართალია დაიჯერა გრაფის სიტყვები. ის, ვინც პირველათ ფარდა ახადა მის ფარისეველურ მოქმედებას, ეს რუსეთის პროლეტარიატი იყო.

და აი, დღეს ყველა ხედავს, თუ ვინ ეუბნებოდა ქვეყანას სიმათლეს და ან თუ ვინ ატყუილებდა ხალხს. თვით თომა, უკიდურესი ურწმუნოც კი დაიჯერებს დღეს, რომ მთავრობა ვიტეს პირით სტყუოდა, რომ მას ფიქრათაც არ ქონებია თავის სიტყვის განხორციელება. ასე იტყვის იგი ყოველთვის, როცა კი ხალხის ინტერესების სახელით დრაკონიურ კანონებს იგონებს და სცემს. ასევე სტყუის სახელმწიფო „დუმის“ მოწვევის საქმეშიაც.

ყველა აშკარათ ხედავს, რომ ეს „დუმა“ 17 ოქტომბრის აქტით დაპირებულ „დუმის“ აჩრდილიც არ არის. მაშ, რა უნდათ, მაშ, რისთვის დავიდარობენ და ჩხირკედელაობენ? აშკარაა, რომ სახელმწიფო „დუმა“ იქნება ფირმა და ამ ფირმით მთავრობას სურს 800 მილიონი მანეთის სესხის აღება. მაგრამ მიაღწევს კი მთავრობა თავის მიზანს? ახლაც შესძლებენ ხალხის დატყუილებას? — ჩვენ გვგონია, რომ ვერა.

(გახ. „განთიადი“ 1906 წ. 7 მარტი № 2).

სომხების და თათრების დელეგატების თათბირი.

6 მარტს დასრულდა სომეხ-თათრების დელეგატების თათბირი, რომელიც მოწვეული იყო მეფის მოადგილის წინადადებით. დელეგატების მოწვევის მიზანი ორ გადამტერებულ მეზობელ ხალხს შორის მშვიდობიანობის ჩამოგდება იყო. მთავრობა ამით გამოტყდა, რომ მას საკუთარი ძალით არ ძალუძს იმ სისხლის ღერის შეჩერება, რაც გასული წლის განმავლობაში ხდებოდა სომეხ-თათრების ურთიერთ ამოკლევით. და აი, მან საჭიროდ დაინახა თვით დაინტერესებულ მხარეების გამოკითხვა და მათი აზრების გაგება იმ ზომების გამონახვის შესახებ, რომლების საშუალებით შესაძლებელი იქნება ამ ყოველად სამარცხკინო სისხლის ღერის თავიდან აცილება. ამნაირად მთავრობის განზრახვა აშკარაა: იგი კარგათ გრძნობს თუ რა დანაშაული მიუძღვის მას ამ საქმეში, კარგათ იცის, თუ რა ბრალი ედება მცხოვრებთა ერთი ნაწილის მეორე ნაწილზე მისევით, რაც მას პირველათ არ უცდია. რომ საქმე შორს არ წასულიყო, რომ სომეხ-თათრების განხეთქილება იმ ზომამდე არ მიღწეულიყო, რა ზომამდე მან უკანასკნელ დროს მიაღწია, ექვი არ არის, მთავრობა სრულებით ყურს არ გაიბერტყავდა. მაგრამ სომხების და თათრების ურთიერთ გაკლევთა ბოლოს თვით სახელმწიფოსათვის შეიქნა საგრძნობელი დაკარგული მილიონებით. და აი ახლა ცდილობს მთავრობა თავის დანაშაულის გასწორებას, მაგრამ რადგანაც თვითონ უქალურია, დახმარებას თვით ხალხს სთხოვს. მას დაკარგული ნდობის მოპოვება სურს. ამით ეხსნით ჩვენ მთავრობის განზრახვას სომხების და თათრების დელეგატების აზრის გასაგებათ.

მიაქციეს თუ არა ამ გარემოებას ყურადღება ხსენებულმა დელეგატებმა, ეს ჩვენ არ ვიცით. ჩვენ ვიცით მხოლოდ ის, რომ ისინი გამოეცხადენ მთავრობას და წარუდგინეს მას თავისი მოსაზრებები, რითაც თავისი სრული ნდობა გამოუტყბადეს. საკვირველი იყო ის, რომ დელეგატები ერთ და იმავე დროს მთავრობას ბრალსა სდებენ სომხების და თათრების სისხლის ღერაში და კრძევატ ქებას ახსამდენ. ჩვენ არ შევდი-

ვართ იმის განხილვაში, თუ ზოგიერთმა დელეგატებმა, როგორც მაგალითად, ბ. ხატისოვა და კესმა, ისახელეს თავი და ისახელეს თავის პარტიები, ეს ჩვენ მეტად შორს წაგვიყვანდა, და ეს ჩვენთვის არც ისე საინტერესოა, ვინაიდან ახალი აქ ჩვენთვის თითქმის სრულებით არაფერია. ძლიერი მთავრობა, მაგარი მთავრობა, სასტიკი ზომები — აი რა გაისმოდა სათათბირო სხდომებზე. ყველაფერი ეს კარგი, ყველაფერი ეს საჭიროა ბურჟუაზიულ კლასებისთვის, მაგრამ ერთი რამ ავიწყლებოდათ, — სახელდობრ ის, რომ მარტო ეს არ კმარა. ამისთვის შორს წასვლა არ იყო საჭირო: თავისი საკუთარ მაგალითიც ბევრს საგულისხმო რამეს ეტყოდა დარბაისლობით შექუჩვილ დელეგატებს. მაგალითად, რა მნიშვნელობა აქვს იმათ თათბირს, როცა ერთი უბრალო კალმის მოსმით, ყოველივე მათი ნოლაპარაკევი, შესაძლებელია ქარს მიეცეს. არც ერთ დელეგატს არ დაუძრავს ამის შესახებ კრინტი, არც ერთს არ მოგონებია, რომ ისინი მხოლოდ წყალს ნაყავენ. ჩვენ გვწამს, რომ მხოლოდ ხალხის ნამდვილი წარმომადგენლები ბოლოს მოულებენ იმ ათასგვარ ბოროტებას და უაზრო შუღლს, რომელიც დღეს არსებობს. მაგრამ ეს მხოლოდ მაშინ, როცა მარტო ხალხის ნამდვილ წარმომადგენლობის ხმას და სიტყვას ძალა ექნება და არ იქნება დამოკიდებული სხვის სურვილზე. თათბირი დაიხურა საერთო ტაშის კვრით და დიდი იმედით, რომ ამიერიდან მოისპობა მტრობა და მშვიდობიანობა ჩამოვარდებაო. აგრეც იყოს! თათრებსა და სომხებს შორის ჩამოვარდნილობა სამარცხვინო დავამ, რომლის გამო ამოდენა უმანკო სისხლი დაიღვარა, დიდათ შეაფერხა ჩვენში ხალხის განმათავისუფლებელი ბრძოლა. ამიტომ არაფერ არ თანაუგრძნობს ამ ყოველდღეურ აზროვნებას დავის მოსპობას ისე, როგორც ჩვენ; მაგრამ ჩვენ არა გვწამს, რომ აღმინისტრაციამ ეს შესძლოს დღეს. არის მხოლოდ ერთადერთი ძალა, ერთადერთი საშუალება, რომელიც ბოლოს მოულებს ამ მტრობას. ამ მტრობას ვერ მოსპობს ვერც დღევანდელი მთავრობა, ვერც ბურჟუაზია, პირიქით, ყოველივე ეს იმათი მოღვაწეობით არის გამოწვეული. ბოლო მოელება ამას მხოლოდ მაშინ, როცა ორივე ხალხის მუშები შეერთდებიან და ერთმანეთს მშობას და სოლიდარობას გამოუცხადებენ თავის მყველფელებს — ბურჟუაზიის და მიწათმფლობელების წინააღმდეგ. ვიცო, მეტყვიან, ეს კარგი, მაგრამ დღეს ეს შეუძლებელია, ეს მომავალში მოხდება და ახლა რა გვეშველებაო. მართალია, ეს არ შეიძლება დღესვე მოხდეს, მაგრამ ნუ დაი-

ვიწყებთ, რომ ამის უტყუარი ნიშნები ჩვენ უკვე ვიხილეთ, ჩვენ უკვე ვიყავით მოწამენი, რომ სომხის და თათრის პროლეტარიატი ერთმანეთს ძმობას და სოლიდარობას ეფიცებოდა თავისი შჩაგვრელების წინააღმდეგ.

(გაზ. „განთიადი“ № 3,
8 მარტი 1906 წ.)



აგრარული მოძრაობა და დღევანდელი მოთხოვნა.

ვიტე-დურნოვოს მთავრობა ენერგიულად შეუდგა აგრარული მოძრაობის ჩაქრობას. მას უნდა ამოძრავებულ და ზღვასავით ამომოქრებული გლეხობა დააწყნაროს და ძველებურათ თავის ერთგულ ქვეშევრდომათ გახადოს. ამისთვის უმთავრეს საშუალებათ მას მიიჩნია სალდათის ხიშტი და კახაჯის მათრახი; უფრო ურჩ. ელემენტებისათვის დახვრეტა, ჩამოსრჩობა ან კატორღაში გაგზავნა.

ასეთი ზომებით სურს მთავრობას იმ აგრარული მოძრაობის ჩაქრობა, რომელიც ასე მოედვა მთელი რუსეთის გლეხ-კაცობას. გლეხს რომ უმიწობა აწუხებს, ამის წამალი თურქე ხიშტი ყოფილა. არაფრის მქონებელ გლეხს რომ გადასახადების ძლევა აღარ შეუძლია, ამის თავიდან აცილება თურქე მათრახით შეიძლება. და როცა ყოველის მხრით შევიწროებული გლეხობა უკმაყოფილებას აცხადებს და თავის მდგომარეობის გაუმჯობესებას თხოულობს, მას გენერალ-გუბენატორს უნიშნავენ, ვითომც არსებული ადმინისტრაცია სუსტი ყოფილიყოს და გლეხები მეტის მეტად გაენებიერებოს. და აი, გენერალ-გუბენატორებს, რომლებსაც სამხედრო დისციპლინის გარეშე არა სწამთ არა, მილიონ ხალხის ბედ-იღბალს აბარებენ.

თუ რა ნაყოფი მოიტანა მთავრობის ასეთმა მოქმედებამ, ამას აშკარათ ლაღადებს აწიოკებულ და აოხრებულ რუსეთის გლეხ-კაცობის დღევანდელი მდგომარეობა. მართალია, ხიშტის და ჭარბახნების საშუალებით შეიძლება ხალხის დროებით გაჩუმება, მაგრამ ამით გლეხების გაქირვება კიდევ უფრო მწვავედება. მართალია, დახვრეტის და ეკზეკუციების საშუალებით შეიძლება გლეხს რამდენიმეჯერ გააძრონ ტყავი ხაზინის და მემამულეების სასარგებლოთ, მაგრამ ბოლოს ტყავის გაძრობაც შეუძლებელი შეიქნება. და აი, ასეთ მდგომარეობაშია დღეს რუსის გლეხობის დიდი ნაწილი. ყველა გრძნობს, რომ დღეს მისი გაჩუმება აღარ შეიძლება, ყველა ხედავს, რომ მისი დაკმაყოფილება ასე იქნება თუ ისე, აუცილებელია. თუ აქამდის ქალაქის პროლეტარიატი იბრძოდა და იბრძვის თავის მღვამარეობის გასაუმჯობესებლად, ახლა ამა-

ვე გზას გლახობაც დააღვა. მან კარგათ დაინახა, რომ მის სასარგებლოთ არაფერ არ ზრუნავს, რომ თუ ვინმე ფიქრობს მზზე, ეს ზოლოდ იმ მიზნით, რომ მას მისი ნაშრომ-ნაღვანი გამოსტაცონ.

რა თქმა უნდა, მთავრობა არც ისე ბრყევი, რომ ამას არ ხელაღდეს. იგი კარგათ გრძნობს, რომ ხიშტები და ზარბაზნები კარგი რამ არის მოძრაობის ჩასაქრობათ, მაგრამ სხვა ზომებიც არის საჭირო, ისეთი ზომები, რომ გლახებს ეგონათ, ვითომც მთავრობა მათთვის ძლიერ ზრუნავს. და იგიც ასეთ ზომებსაც იგონებს. ამ დღეებში, მაგალითად, დეპეშამ შემდეგი ამბავი გვაუწყა: „ოფიციალურად ბინისტრთა საბჭოს სხდომა 5 მარტს მოუნდა გლახების საკითხის განხილვას. საგლახო საქმის გადაწყვეტა მთავრობის მოვალეობას შეადგენს“. საჭიროა ყურადღება მივაქციოთ მთავრობის შემდეგ განცხადებას! „საგლახო საქმის გადაწყვეტა მთავრობის მოვალეობას შეადგენს“! მაგრამ ერთი ვიკითხოთ: აქამდის ეს ასე არ იყო? შეიძლება დღემდის საგლახო საქმე სხვას ეღვა ვალათ და არა მთავრობას? განა როგორც საგლახო, ისე ყოველგვარი სხვა სწოვადო საქმე მთავრობის მოწოდებისა არ შეადგენდა? მაშ, რისთვის აცხადებს დღეს მთავრობა, რომ გლახების საქმე ჩემი მოვალეობაა? ექვი არ არის, რომ თუ დღეს მთავრობა გლახების საქმეს ყურადღებას აქცევს, ეს გამოწვეულია თვით გლახების მოძრაობით. რომ გლახებს ხმა არ ამოეღოთ თავის მდგომარეობის შესახებ და გაჩუმებული ყოფილიყვენ, ექვი არ არის, რომ მთავრობა იმით არაფერითარ ყურადღებას არ მიაქცევდა. განა ასევე არ მოიქცა მთავრობა ქალაქის მუშების საქმეშიაც? მხოლოდ მაშინ, როცა მუშებმა, მექარხნეების და ფაბრიკანტების მიერ შევიწროებულმა და უკიდურეს გაჭირვებაში მიღწეულმა, არეულობა მოახდინეს. ეს ყურადღება იმაში მდგომარეობდა, რომ მთავრობა იძულებული შეიქნა საფაბრიკო კანონების გამოცემას შესდგომოდა. ყველამ კარგათ იცის, თუ რა არის მთავრობის მიერ სხვადასხვა დროს გამოცემული საფაბრიკო კანონები? ვის სასარგებლოთ არის ისინი გამოცემული, მაგრამ ასეა თუ ისე, ამ კანონებმა რამდენიმეთ მაინც ალაგმეს მექარხნეების და ფაბრიკანტების თავგასულობა.

და აი ახლა, როცა აგრარულმა მოძრაობამ ერთბაშით იფეთქა, მთავრობა იძულებული ხდება გლახების მდგომარეობასაც მიაქციოს ყურადღება. იგი ეძიებს სხვადასხვა საშუალებას, რათა გლახები დაამშვიდოს, იგი აარსებს სხვადასხვა კომისიებს ჩინოვნიკებისაგან, რომლებსაც

აეალებს გლეხების მდგომარეობის გასაუმჯობესებლად ზომების მიღებას, მაგრამ ისე კი, რომ ამით არაფერი ევნოს არც გაუმძღარ ხაზინას და არც მსხვილ მემამულეებს. ასეთი კომისიები, სათათბიროები და კომიტეტები არა ერთხელ დაუწესებია ყოვლის შემძლე მთავრობას, როგორც მაგ., შიღლოვის კომისია, მაგრამ იმათი მუშაობა ყოველთვის მხოლოდ წყლის ნაყვით ადა კეულა. 4 მარტის უქაზით ხელახლა არსდება ასეთი კომისიები ყველა გუბერნიებში და მაზრებში. ამ კომისიებს ევალება „მიწათმფლობელობის და მიწით სარგებლობის ნაკლებევაებათა თავიდან აცილება“, ე. ი. ოფიციალური სიტყვები რომ ჩვენ გასაგებ ენაზე ვთარგმნოთ, ამ კომისიებს ევალება დღევანდელი აგრარული მოძრაობის ჩაქრობა, არც მეტი, არც ნაკლები. ახლა ერთი ვიკითხოთ — ვის ევალება ასეთი სამძიმო საქმე? ვის იწვევს მთავრობა იმ კომისიებში, რომლებმაც გლეხების საქმე უნდა მოაწესრიგონ? აი ვის: გუბერნატორებს, თავად-აზნაურთა წინამძღოლებს, ყველა საგუბერნიო და სამაზრო უწყების მოხელეებს, პოლიციელებს და შემდეგ გლეხების სამ წარმომადგენელს, რომლებსაც თვითონ მთავრობა ნიშნავს. აი ვინ დააკმაყოფილებს გლეხებს! აი ვინ მოულებს ბოლოს აგრარულ მოძრაობას! ნუ თუ მთავრობა მართლა ფიქრობს ამით გლეხების დამშვიდებას? ნუ თუ შესაძლებელია, რომ ჩინოვნიკები და მიწათმფლობელები დააკმაყოფილებენ გლეხების მოთხოვნილებას, ბოლოს მოულებენ აგრარულ მოძრაობას?

ჩვენ კარგათ ვიცით, რომ ყველა ასეთი კომისიების მოქმედება დამთავრდება ისე, როგორც აქამდის; ვიტე-დურნოვოს მთავრობას არ ძალუძს არც ერთი საკითხის გადაწყვეტა, რომელიც კი დღევანდელიმა ცხოვრებამ წამოაყენა. ამას კარგათ გრძნობს თვით მთავრობაც, მაგრამ მას არ სურს თავის სრული უნიკობა და კოტრობა გამოააშკარავოს.

მეორე მხრით, ყველასათვის აშკარაა, რომ აგრარული მოძრაობა არა თუ არ ცხრება, არამედ კიდევ უფრო ვრცელდება და იზრდება. მას ვერ შეაჩერებს ვერც თოფ-ზარბაზნები და ვერც ვიტეს. და დურნოვოს მიერ შეთხზული კომისიები.

(გაზ. „განთადი“, 1906 წ.

9 მარტი, № 4).

პოლიტიკური ბრძოლა და კლასობრივი ინტერესები.

ხალხის ყოველგვარი მოძრაობის, ყოველგვარი რევოლუციის დროს ერთი მეორეში გადაქსაქსულია ორნაირი ბრძოლა: ბრძოლა პოლიტიკური და ბრძოლა კლასობრივი. რასაკვირველია, ყოველგვარი პოლიტიკური ბრძოლა არის იმავე დროს კლასობრივიც, და პირიქით. მაგრამ ყოველთვის ამ საზოგადოებრივი ბრძოლის ორივე მხარე ერთნაირათ არ არის წამოყენებული; უფრო ხშირად ბრძოლის ერთი რომელიმე მხარე დაჩრდილულია, მეორე მხარე უფრო აშკარათ სჩანს. ასე იყო ყველა ბურჟუაზიულ რევოლუციების დროს ევროპაში, როცა ასაკში მოსული ბურჟუაზია მეფის თვითმპყრობელობას ებრძოდა და აპარტხებდა კიდევც. ასე იყო საფრანგეთში დიდი რევოლუციის დროს, ასევე იყო გერმანიაში და ავსტრიაში 1848 წელს. თვითმპყრობელობა ისეთ სულთაშხუთავათ იყო გადაქცეული საერთოდ, რომ მის წინააღმდეგ ბრძოლას მთელი ხალხის ინტერესები მოითხოვდა განურჩევლად წოდებისა თუ კლასისა. თვითმპყრობელობის დამხობა და თავისუფლების მოპოვება ყველასათვის აუცილებელ საჭიროებას შეადგენდა. მეორე მხრით, ის გარემოება, რომ იმავე დროს ბურჟუაზია ებრძოდა თავის კერძო ინტერესების დასაცავად ფეოდალურ წესწყობილებას, როდი იქცევა ხალხის ყურადღებას. აქ უმთავრესად და განსაკუთრებით წამოყენებული იყო ბრძოლის პოლიტიკური მხარე და მისი კლასობრივი ხასიათი კი თითქმის სრულებით დაჩრდილული იყო. და ამიტომაც იყო, რომ რევოლუციით სარგებლობდნენ მხოლოდ ბურჟუაზიული კლასები, პროლეტარიატი კი მოტყუილებული რჩებოდა; ის მოდიოდა გონს მხოლოდ მაშინ, როცა რევოლუცია გათავებული იყო. ამის მიზეზი ის იყო, რომ წინანდელ რევოლუციების დროს ბურჟუაზია უფრო მომზადებული იყო, იგი მეთაურობდა რევოლუციის საქმეს და თავის კერძო კლასობრივ ინტერესებს იგი მთელი ხალხის ინტერესებათ ასაღებდა.

სულ სხვანაირ პირობებში ხდება რუსეთის რევოლუცია. აქ ბურჟუაზია მუდამ სუსტი იყო და მას ირასოდეს არ უფიქრია ბიუროკრატი-

ული მთავრობის დამხობა. მართალია, თავის ინტერესების დასაცავად იგი ასე თუ ისე ზრუნავდა და რამდენათაც შესაძლებელი იყო ფეოდალურ წოდებასაც ებრძოდა. და უნდა ითქვას, რომ მთავრობა ყოველთვის მზად იყო ბურჟუაზიის ყოველგვარი სურვილი და მოთხოვნილება დაექმაცოფილებოდა. აშკარაა, ასეთ პირობებში რუსეთის ბურჟუაზია ვერ შეიქნებოდა რევოლიუციის მოთავე, ვერ ითამაშებდა იმ როლს, რა როლიც ითამაშა ევროპის ბურჟუაზიამ. მაშ, ვის უნდა ეყისრა ასეთი როლი რუსეთში? ან შეიძლება რუსეთში არასოდეს არ უნდა მომხდარიყო პოლიტიკური რევოლიუცია? მაგრამ ასეთი რევოლიუციის მოხდენას აუცილებლათ ხდიდა თვით ბურჟუაზიის განვითარება, საქონლის წარმოების და ვაჭრობა-აღებმიცემობის ზრდა-განვითარება. ბურჟუაზია სუბიექტიურათ არ უწყობდა ხელს რევოლიუციას, მაგრამ ობიექტიურად სწორედ იგი ამზადებდა რუსეთის რევოლიუციას. ვინაიდან მისი ზრდა-განვითარება იმავე დროს ნიშნავდა პროლეტარიატის ზრდას და მისი შეგნების განვითარებას.

პროლეტარიატი თავის განვითარების განსაზღვრულ საფეხურზე აუცილებლათ უნდა შებრძოლებოდა იმ წეს-წყობილებას, რომელიც მას ყოველ ფეხის ნაბიჯზე ავიწროებდა და ტანჯავდა. ასეთ მდგომარეობას ვერ შეურიგდებოდა რუსეთის პროლეტარიატი და აი, მან კიდევ გამოუცხადა ომი ბიუროკრატიულ მთავრობას. რამდენიმე ხნის განმავლობაში იგი შეურყეველად ეწეოდა მთავრობასთან ბრძოლას და არ ერიდებოდა არავითარ სასტიკ სასჯელს, რომლითაც კი მას მთავრობა სჯიდა. და აი, როცა მან თავისი შეუღრეველი ბრძოლით მთავრობა წელში გატეხა და იგი აიძულა ჯერ 18 თებერვლის და შემდეგ 17. ოქტომბრის მანიფესტები გამოეცა, იმ დროს საზოგადოებრივ ასპარეზზე ნელ-ნელა, ჯგუფ-ჯგუფად გამოვიდა ბურჟუაზია. მყისვე გაჩნდნენ, თითქო მიწიდან ამოძვრენო, სხვადასხვა ბურჟუაზიული პარტიები. და პროლეტარიატის სისხლით მოპოებული თავისუფლების მისაკუთრება მოინდომეს. ერთ ხნობით ისეთი მდგომარეობა იყო, რომ ყველანი, როგორც კერძო პირები, ისე მთელი პარტიები მარტო აღამიანურ უფლებების მოპოებაზე. ბიუროკრატიის დამხობაზე, ერთი სიტყვით, რევოლიუციის პოლიტიკურ მხარეზე უთითებდნენ და მხოლოდ ამას აქცევდნენ უმთავრეს ყურადღებას. ამნაირათ, ერთ ხნობით ჩვენშიაც მოძრაობამ პოლიტიკური ხასიათი მიიღო და პოლიტიკის უკან რომ კლასობრივი ინტერესები იყო ამოფარებული, უმეტესობა ამაზე პირველ ხანებში არ ფიქრობდა. მაგ-

რამ ეს დიდხანს არ გაგრძელებულა, ბურჟუაზიამ ჩქარა აგრძნობია ყველას, რომ პოლიტიკურ რევოლიუციას იგი თავის საკუთარი ინტერესებისათვის გამოიყენებს. პროლეტარიატისათვის აქ გასაკვირალი არაფერი ყოფილა, მან კარგათ იცოდა, რომ ბურჟუაზია მის მიერ მოპოვებულ თავისუფლებას მხოლოდ თავის სასარგებლოდ გამოიყენებდა, თუ პროლეტარიატი თავის დროზე შესაფერ ზომებს არ მიიღებდა. რასაკვირველია, თავის მხრით, ბურჟუაზიაც კარგათ ხედავდა, თუ მის განზრახვის როგორ ეწინააღმდეგებოდა პროლეტარიატი. ისეთ პირობებში ბურჟუაზიისათვის ბევრათ უფრო ხელსაყრელი იყო ისევე მთავრობასთან დაახლოვება. ბურჟუაზიამ გადასწყვიტა მთავრობასთან დაახლოვება და თავისი დახმარება ალუთქვა, რასაკვირველია, პროლეტარიატის წინააღმდეგ ბრძოლაში.

ამიერიდან რუსეთის რევოლიუცია პოლიტიკურ ბრძოლის ელფერს ჰქარავებს და იგი უფრო კლასობრივ ხასიათსღებულობს. მთავრობა ბურჟუაზიული პარტიების დახმარებით ისევე გააგრძელებს პროლეტარიატს ებრძვის. ამნაირად, ბურჟუაზია თავის კერძო ინტერესების დასაცავათ რუსეთის რევოლიუციას ებრძვის და შველის მთავრობას. სწორედ ასე მოიქცა ბურჟუაზია 1848 წ. გერმანიაში, როცა ძლივეამოსილმა აჯანყებამ თვითმპყრობელობა დაამხო. ბურჟუაზიას თავზარი დასცა ხალხის ისეთმა გამარჯვებამ. მას მოელანდა პროლეტარიატის გამარჯვება, ბურჟუაზიული კერპების: კერძო საკუთრების, ოჯახის და სარწმუნოების დაშლამ, და მან მაშინვე ზავის შეკვრა გადასწყვიტა სახელგატეხილ მთავრობასთან; მთავრობამ ეს ზავი განსაკუთრებით თავის გასამაგრებლად გამოიყენა და ამას მოჰყვა სისტიკი რეაქცია. ასე იქცევა დღეს რუსეთის ბურჟუაზია. იგიც ეხმარება მთავრობას მისი რეაქციონური პოლიტიკის განხორციელებაში. პროლეტარიატი არ დაივიწყებს ამას.

(გაზ. „განთიადი“, 1906 წ.

10 მარტი, № 5).

პროლეტარიატი იბრძვის, ბურჟუაზია უფლებებს კოჟლოვს.

ყველა, განსაკუთრებით ბოლო დროინდელ რევოლიუციებს, უმთავრესათ პროლეტარიატი ეზიდებოდა თავისი ზურგით. ეს იყო და არის ერთათ-ერთი კლასი, რომელიც მუდამ წინ მიაქანებდა და მიაქანებს რევოლიუციას: არ ყოფილა არც ერთი ისეთი შემთხვევა, რომ პროლეტარიატი რევოლიუციის წინააღმდეგ ამხედრებულიყოს და მისი მუხრუჭი გამხდარიყოს, როგორც ეს არა ერთხელ ჩაუდენიათ, მაგ., გლეხებს და საზოგადოთ წვრილ ბურჟუაზიას. ასე რომ, ყოველივე ის წარმატება პოლიტიკურ თუ სოციალურ ცხოვრებაში, რომელიც კი რევოლიუციას მოჰყოლია შედეგათ, უმთავრესათ პროლეტარიატის მედგარი, შეუდრეკელი ბრძოლით ყოფილა მოპოვებული. მაგრამ დახეთ ისტორიის უკუღმართობას! სწორეთ იმ კლასს, რომელიც ყველაზე მეტ სისხლს ღერის უფლებათა მოსაპოვებლათ, სწორეთ იმ კლასს ყველაზე ნაკლები წილი ხედება მოპოვებულ უფლებაში. წინააღმდეგ, ის კლასი, რომელიც ყველაზე უფრო გაუბრბის ბრძოლას და ერთ მისხალ სისხლსაც კი არა ღერის უფლებათა მოსაპოვებლათ, თუმცა ეს უფლებანი მისთვისაც არსებით საჭიროებას შეადგენს, სწორეთ ეს კლასი, სახელდობრ, ბურჟუაზია, ყველა სხვა კლასებზე დიდ წილს იღებს ხოლმე სხვისი ბრძოლით მოპოვებულ უფლებაში. ასე იყო ყველგან, სადაც კი რევოლიუცია მომხდარა, და ასეა დღეს რუსეთშიაც, მიმდინარე რევოლიუციის დროს.

პროლეტარიატმა დაიწყო რუსეთში რევოლიუციონური მოძრაობა იმ დროს, როდესაც ყველა სხვა საზოგადოებრივ კლასებს ღრმა პოლიტიკური ძილით ეძინათ. პროლეტარიატმა ზრდა-ავითარა ეს მოძრაობა მანამ, ვიდრე იგი ფართო საყოველთაო სახალხო მოძრაობათ არ გადაქცია. და ბოლოსდაბოლოს კი შექმნა თვით რევოლიუცია, რომელიც 1905 წლის 9 იანვარს დაიწყო. პროლეტარიატი დღესაც დედაბოძია რევოლიუციის, მისი მთავარი ბერკეტი. ყველა დანარჩენი კლასები იმდენათ უწყობენ ხელს პროლეტარიატის მოძრაობას და საზოგადოთ დღევანდელ რევოლიუციას, რამდენათაც ისინი შევიწროვებულნი არიან.

დღევანდელი პოლიტიკური წესწყობილების მიერ, რომლის წინააღმდეგაც მიმართულია რევოლიუცია, სახელდობრ, ყველაზე უფრო მედგრათ მხარს უჭერს და ხელს უწყობს გლეხ-კაცობა და საზოგადოთ წერილი ბურჟუაზია, ხალხი ყველაზე უფრო ნაკლებათ-კი უფრო მომსხო და მსხვილი ბურჟუაზია. ეს უკანასკნელი, თვითმპყრობელობის სრული ბატონობის დროსაც კი შედარებით მაინცდამაინც შევიწროვებულათ არ გრძნობდა თავს, რადგან მთავრობა მის ინტერესებს მუდამ გვარიანი თავ-გამოდებით იცავდა; ამის მიუხედავით, რასაკვირველია, ბურჟუაზიას არ შეეძლო სრულიად კმაყოფილი ყოფილიყო თავისი პოლიტიკური მდგომარეობით. მისთვის აუცილებლათ საჭირო იყო და არის პოლიტიკურ უფლებათა მოპოვება. მაგრამ რუსეთის ბურჟუაზიას არასოდეს ფიქრადაც კი არ მოსვლია ბრძოლა დაეწყოს ამ უფლებათა მოსახვეჭათ. ის მუდამ მხოლოდ თხოვნებს და შეამდგომლობას კმარობდა „თავისი მდგომარეობის გასაუმჯობესებლად“. ამის უმთავრესი მიზეზი, რასაკვირველია, ბურჟუაზიის სიმბდალე იყო და ის კრინტის დაძვრასაც კი ვერ ბედავდა მძლეობა-მძლე მთავრობის წინააღმდეგ. მაგრამ მას შემდეგ, რაც პროლეტარიატის და საზოგადოთ ხალხის მედგარი ბრძოლის მეოხებით და ამასთან გარეშე მტერთან ომში დამარცხების გამო რუსეთის მთავრობას თანდათან წელი მოსწყდა და დაუძლორდა, მას შემდეგ ბურჟუაზიამაც ნელ-ნელა, თუმცა ისევ გაუბედავით, ხმა აღიმართა „უფლებრივი წესწყობილების“ საჭიროების შესახებ. და აი, დღეს, როცა რევოლიუცია მთავრობას აიძულებს დათმოს რაიმე, როცა რევოლიუციის ნათესის მომკის დრო უკვე მოახლოვდა, როცა რევოლიუციის ნაყოფი საცაა განაწილებულ უნდა იქნას, სხვადასხვა საზოგადოებრივ კლასებს შორის, — დღესვე უკვე აშკარა ნიშნებს ვხედავთ იმისას, რომ ამ ნათესის, ამ ნაყოფის ზორბა ნაწილს ბურჟუაზია იგდებს ხელთ.

მართალია, სახელმწიფო „ღუმე“, რომელსაც მთავრობა იწვევს, ბურჟუაზიას არ ანიჭებს პოლიტიკურ ძალა-უფლებას, რადგან მას, დუმას, ექნება მხოლოდ სათათბირო და არა გადაწყვეტი, კანონმდებელი ხმა, მარა, სამაგიეროთ, როგორც ღუმეში, ისე—და მით უმეტეს—სახელმწიფო საბჭოში უმთავრესად ბურჟუაზია იქნება გაბატონებული, და ამის შემწეობით მას შეეძლება ასე თუ ისე გავლენა იქონიოს კანონმდებლობაზე და საზოგადოთ. სახელმწიფო საქმეთა მართვა-გამგეობაზე.

ყოველ შემთხვევაში, ბურჟუაზიამ ისე თუ ისე თავი შეჰყო მთავრობის საბრძანებელში და მას საშუალება მიეცა ადვილად მოიკალათოს

იქ, ფეხი მოიმაგროს და თავისი ნება გააბატონოს; ამისათვის საკმარისია ერთნაირად დაინგრეს ბიუროკრატიის თვითმპყრობელობა; მისი კანდიდატი ბურჟუაზიის თვითმპყრობელობაა. ბურჟუაზიის პოლიტიკურ გაბატონებას აუცილებლად ხდის მისი სოციალურ-ეკონომიური ბატონობა დღევანდელ სახელმწიფოში; მას თავისი ქონებრივი სიმდიდრის შემწეობით საშვალეა აქვს დაიმორჩილოს არა მარტო ყოველგვარი, მთავრობისათვის საჭირო ძალები, (პოლიცია, სამხედრო ძალა და სხვ.) არამედ მას შეუძლია აგრეთვე მორჩილებაში იყალიოს ხალხის შეუგნებელი უმრავლესობაც, რომელიც ნიეთიერათ დამოკიდებულია მისგან.

ამნაირად, დღევანდელი ბიუროკრატიული თვითმპყრობელობის მოსპობის შემდეგ აუცილებლად ბურჟუაზიის პოლიტიკური ბატონობა დამყარდება და რევოლიუციის შემწეობით მოპოვებულ პოლიტიკურ უფლებათა მეტი წილი ბურჟუაზიას ჩაუვარდება ხელში. ამის სრულიად აცილებმა, სამწუხაროდ, ყოვლად შეუძლებელია დღეს-დღეობით, სანამ ხალხის უმრავლესობა ჯერ კიდევ ნაკლებ შეგნებულია. შესაძლებელია, და სავსებით შესაძლებელიც მხოლოდ ის, რომ ხალხის შეგნებულმა ნაწილმა, უმთავრესად, რასაკვირველია, პროლეტარიატმა ხელი შეუშალოს ბურჟუაზიის სრულ პოლიტიკურ გაბატონებას, სრული ბურჟუაზიული თვითმპყრობელობის დამყარებას, და თვითონ, რაც შეიძლება მეტი უფლებები მოიპოვოს. არც ერთ წინანდელ რევოლიუციის დროს ევროპის პროლეტარიატს იმის შესამედი შეგნებაც კი არ შესწევდა, როგორც შესწევს დღევანდელ რევოლიუციის დროს რუსეთის პროლეტარიატს. ის ორგანიზაციულად გაცილებით უფრო მტკიცედ არის შეკავშირებული, ვიდრე ევროპის პროლეტარიატი იყო წინათ.

(გაზ. „რედა“ 1906 წ.

12 მარტი, № 1).

აგრარული მოძრაობის მოლოდინი.

გაზაფხულის მოახლოებამ მთავრობას ისევ დაუფრთხო ძილი. მართალია ვიტემ და ღურნოვომ ქვეყანა გააყრუეს თოფ-ზარბაზნების გრგვინით, დედაკაცების, ბავშვების და მოხუცებულების წივილ-კივილით და ქერივ-ობლების ოხერა-გოდებით, მაგრამ თურმე ეს არ კმარებულა! ქვეყნის დასამშვიდებლად თურმე ყოველივე ეს არ ყოფილა საკმარისი! და აი, მთავრობა ახალ ზომებს, ახალ საშუალებებს იგონებს გლეხების მოძრაობის ჩასაქრობათ. ეტყობა, თავის თავს კარგათ ჯერ კიდევ ვერ გრძნობენ.

ამ დღეებში გაზეთებმა გადმოგვეცეს, რომ შინაგან საქმეთა მინისტრმა ღურნოვომ გენერალ-გუბერნატორებს და პოლიციელებს საიდუმლო ცირკულირები დაუკზავნა, რომლებშიაც იმათ უბრძანებს წინდაწინვე შეუდგნენ მზადებას და თადარიგს გაზაფხულზე მოსალოდნელ აგრარულ მოძრაობის ჩასაქრობად.

როგორც ხედავთ, მთავრობა კარგად გრძნობს, რომ მის მიერ დღემდის ხმარებული ზომებით მოძრაობა არ ჩაქრება და შეიძლება კიდევ უფრო გამწვავდეს.

მეორე მხრით, არც მემამულეები გრძნობენ თავიანთ თავს სამშვიდობოში. ისინიც ხედავენ, რომ გლეხები მათ არ აპატიებენ იმ შეწუხებას და ტანჯვა-წვალებას, რაც იმათ თავზე დაატყდა მემამულეების მოქმედებით. ბევრ ადგილას ისინი ველარ ბედავენ თავიანთ მამულებში დაბრუნებას და იქ მუშაობის დაწყებას. უეჭველია, იმათ ელანდებათ აკლებული და აოხრებულ გლეხების მუქართ და შურისძიებით აღბეჭდილი სახეები.

თუ რა ყოფაში არიან გლეხები, თუ როგორ გრძნობენ ისინი თავიანთ თავს მას შემდეგ, რაც მთავრობა ასე ზრუნავს იმათ ინტერესებისათვის, ამას ჩვენ სინამდვილე დავგვანახებს. საინტერესოა მხოლოდ ვიცოდეთ, თუ რა ზომებს ხმარობს მთავრობა დაზარალებულ მემამულეების სასარგებლოთ. აი ეს ზომებიც:

1) გლეხებს დააკისრა იმ ზარალის ანაზღაურება, რომელიც მემამულეებს აგრაარული მოძრაობის დროს მოუვიდათ.

2) თავის მხრით მთავრობამ იმავე მემამულეებს ათი მილიონი მანეთი აჩუქა სესხის სახით გაცევაებული გლეხების ზურგზე ანაგლეჯი ფულებიდან, რა თქმა უნდა, და

3) ნება დართო, რათა მემამულეებმა იყოლიონ საკუთარი პოლიცია, როგორც ეს მას ეამსა იყო — ბატონ-ყმობის დროს, რათა ურჩი გლეხები თავისივე საკუთარი ძალით დაიმორჩილონ, ვიდრე პოლიცია მიეშველებოდეს.

აქ ყველაფერია მხედველობაში მიღებული: მოძრაობის ჩაქრობაც და მემამულეების ინტერესებიც. დავიწყებულია მხოლოდ ერთი სულ მცირე გარეპოება, სახელდობრ: თუ ვინ უნდა იზრუნოს განადგურებულ და აოხრებულ გლეხების ზარალის ანაზღაურებაზე, იმათი დაქცეული სახლ-კარის აღდგენაზე! ასე გულმაფიწყია მთავრობა. მას ყველაფერი ახსოვს, იგი არაფერს არ იფიწყებს, როცა საქმე მის საკუთარი არსებობის დაცვას და მდიდარ მემამულეების და ბურჟუა-კაპიტალისტების ინტერესებს შეეხება. იგი გულმაფიწყია მხოლოდ მაშინ, როცა პროლეტარიატის და გაქირვებული გლეხ-კაცობის ინტერესების დაცვაა საქირო. ეს ჩვენ კარგათ ვიცით. დღევანდელი კლასობრივი-სახელმწიფო და კლასობრივი მთავრობა მარტო მდიდრების და მყვლეფელებს ინტერესების დასაცველად არის მოვლინებული. პროლეტარიატის უდიდეს ნაწილს ეს ქეშმარიტება უკვე შეგნებული აქვს. რაც შეეხება გლეხობას, მათი კლასობრივი ცნობიერების გაღვივებისათვის და გაძლიერებისათვის ბევრი იმუშავა თვით დღევანდელმა მთავრობამ. ამიტომ მთავრობა არ სცდება, როცა აგრაარულ მოძრაობის წინააღმდეგ გასალაშქრებლად ემზადება. იგი აშკარად აცხადებს, რომ აგრაარული მოძრაობის ჩაქრობა ჯერ ფუჭი ოცნებაა.

ამაირად, დღევანდელი სიჩუმე და მყუდროება ემსგავსება იმ სიჩუმეს, რომელიც ქარიშხლის წინ იცის. ჰაერი გაყვანილია საშიშარი ნიშნებით. ქვეყანას კიდევ დიდი განსაცდელი მოელის და ამაში დამნაშავე სხვა არავინ არის, გარდა ვიტე-დურნოვოს მთავრობისა.

საიდან უნდა ველოდეთ ხსნას? როგორ, რა გზით შეგვიძლია ავიცილინოთ თავიდან განსაცდელი? ვის შეუძლია აგრაარული საკითხის გადაწყვეტა? აი კითხვები, რომლებიც ამ ეამად ყველას აინტერესებს. თითქოს ბურჟუაზიული პარტიებიც მეტად დაინტერესებული არიან აგრა-

რული საკითხით. და ეს ინტერესი ადვილი გასაგებია, რადგანაც გლეხების დღევანდელი მოძრაობა მიმართულია ყველა მსხვილი მემამულეების წინააღმდეგ, რადგანაც გლეხები თხოულობენ მემამულეებისაგან მიწების უფასოდ ჩამორთმევას. მაგრამ აგრარული კითხვის გადაწყვეტა კიდევ უფრო ინტერესებს სოციალისტურ პარტიებს და განსაკუთრებით კი სოციალ-დემოკრატიულ მუშათა პარტიას.

(გაზ. „ქვეყანა“, 1906 წ.
15 მარტი, № 3).

„კონსტიტუციონალური“ ილიუზია.

ბურჟუა-ლიბერალების „კონსტიტუციონური“ ილიუზია, რომელიც 17 ოქტომბრის მანიფესტმა დაბადა იმათ თავში, დეკემბრის თვეში რეაქციის გამოლაშქრებამ გაფანტა. ძველი რეჟიმის დაცემა მხოლოდ ხალხის სრული გამარჯვების შედეგია. 17 ოქტომბრის მანიფესტი ბიუროკრატის მხრით ერთნაირი დათმობა იყო, თუმცა სიტყვიერბ, მაგრამ ყოველ შემთხვევაში ხალხის რევოლიუციონური მოძრაობით გამოწვეული. ხდებოდა საკვირველი მოვლენა! ბიუროკრატია, რომელიც დიდი ხნის განმავლობაში უკანასკნელ სისხლის წვეთამდე ებრძოდა ხალხის ყოველგვარ თავისუფალ მოძრაობის აჩრდილსაც კი, რომელიც „უაზრო თავხედობათ“ თვლიდა ხალხის წარმომადგენლების მონაწილეობის მიღებას კანონმდებლობაში,—აი, სწორედ ეს ბიუროკრატია გამოსულიყო და თითქო ხალხს ეუბნებოდა: ჩვენ აქამდის დამნაშავე თუ არა, შემდარჩი მინც ვიყავით, შენ კი მართალი. ამიერიდან ყოველივე შენი სურვილი დაკმაყოფილებული იქნება, შენ სრული უფლება გეძლევა თავისუფლად წერის, ლაპარაკის, კრების, კაფშირის შედგენის. გარდა ამისა, შენს დაუკითხავად ამიერიდან არავითარი კანონი არ გამოცემაო.

ეს იყო „კონსტიტუციონალური“ ილიუზიის მიზეზი. მთავრობა ვერ განახორციელებდა თავის სიტყვებს. ამისათვის საჭირო იყო ძირითადი ცვლილების მოხდენა არსებულ წესწყობილებაში, საჭირო იყო რევოლიუციის ბოლომდე მიყვანა. და განა ეს შეეძლო ვიტეს და კამპანიას? ეს ხომ თავისივე ხელით იმ ტოტის მოჭრა იქნებოდა, რომელზედაც თვითონ ისხდენ.

მთავრობის ნამდვილი განზრახვა ბევრისათვის გაუგებარი დარჩა. რაც შეეხება ბურჟუაზიას და მის იდეოლოგიებს,—ისინი სავსებით მიეცნენ „კონსტიტუციონურ“ ილიუზიას. მათ გადასწყვიტეს, რომ რევოლიუცია უკვე დამთავრდა, ამის შემდეგ მის გაგრძელებას სრულიად არავითარი აზრი აღარ აქვსო. პროლეტარიატი კი სულ სხვანაირად უყუ-

რებდა საქმეს. 17 ოქტომბრის მანიფესტით, პროლეტარიატის აზრით, რუსეთის რევოლუციის ახალი ხანა იწყებოდა. რევოლუციონური მოძრაობა ვერ შეჩერდებოდა იმით, რომ ბიუროკრატია ხალხს დაპირებას აძლევდა, შემდეგში ასე მოვიქცევიო. და მერე რით იყო გამოწვეული ეს დაპირება? აშკარა იყო, რომ თვით ეს დაპირება ერთი იმ ოინთაგანი იყო, რომლისთვისაც არა ერთხელ მიუმართავს ბიუროკრატია, როცა საქმე გაქირვებია.

ამნაირად 17 ოქტომბრის მანიფესტს ბურჟუაზია და პროლეტარიატი ერთნაირად არ შეხედენ. და ეს არც გასაკვირია. ვინ იყო მართალი, ვინ გამოიჩინა აქ წინაღუბედობა, ყველაფერი ეს ჩქარა გამოიკვება. ბურჟუაზიამ პირი უბრუნა რევოლუციას, იგი საგრძნობლად დაექანა მარჯვენით და მთავრობასთან მოლაპარაკება გამართა. ეს მოძრაობის გაცემა იყო. ბიუროკრატიაშიც სწორეთ ამისთვის გამოიგონა 17 ოქტომბერი. მან კარგათ იცოდა, რომ მართალია ბურჟუაზია მხარს უჭერდა რევოლუციას, მაგრამ იმავე ბურჟუაზიას საშინლად ეშინოდა ხალხის გამარჯვების, სრული დემოკრატიული წესწყობილების დამყარების. ხალხის გამარჯვება თხოულობდა ხალხის შეიარაღებას და ამის კი არა ნაკლებათ ეშინია ბურჟუაზიას. მისთვის ბევრათ უფრო სასარგებლოა, რომ შეიარაღებული ისევ მთავრობა იყოს, თუნდაც ბიუროკრატიული, ოღონდ კი ხალხი ნუ იქნება შეიარაღებული.

ბურჟუაზიის თვისება ის არის, რომ სიტყვით მას ლიბერალობა და დემოკრატობა უყვარს, მაგრამ მისი ინტერესები მოითხოვენ, რომ ხალხს, განსაკუთრებით მუშა ხალხს, გავლენა და ძალა არ ქონდეს, ვინაიდან ეს საშიშარია მისი ბატონობისათვის. ყველა რევოლუციის დროს ბურჟუაზიას შიში იპყრობს: ვაი თუ მუშა ხალხმა პოლიტიკური ძალა ხელში ჩაიგდოს, თავისი დიქტატორობა გამოაცხადოს და სოციალური რევოლუცია მოახდინოსო.

ასეთი აზრი დაებადათ არა თუ ბურჟუაზიულ კლასებს, არამედ მათ იდეოლოგებსაც — ბურჟუაზიულ დემოკრატიულ ინტელიგენციას. მაგრამ ასეთი ფიქრი ყოვლად უსაფუძვლო იყო. რუსეთის დღევანდელი რევოლუციის ხასიათი ყველასათვის მეტად თვალსაჩინო და აშკარა იყო; ამნაირად ბურჟუაზია არა თუ ჩამოშორდა რევოლუციას, არამედ რეაქციის პირველი მოკავშირე შეიქნა პროლეტარიატის წინააღმდეგ. ეს, რასაკვირველია, პირდაპირ ბიუროკრატის გამაგრებას ნიშნავდა. ბურჟუაზიას უნდოდა რევოლუციის საქმე მარტო თავის საკუთარ საქ-

მედ გადაეჭია. რგი ხედავდა, რომ რევოლიუციის გაგრძელება მისგან მსხვერპლს თხოულობდა და რათ უნდოდა ეს მას, როცა თავის მიზანს შუგვილობიანი გზით აღწევდა. მართალია, აქ ბურჟუაზია წინდახედულობას და შორსმკვრეტელობას ვერ იჩენდა, ვინაიდან სრულეზით ამიო იყო მისი „კონსტიტუციონური“ ილიუზია, მაგრამ ბურჟუაზიის მაინც ეს ერჩია, ვიდრე პროლეტარიატის გამარჯვება.

და აი, როცა „კონსტიტუციონალური“ მთავრობის რეპრესიებზე პროლეტარიატი ახალი პოლიტიკური გაფიცვებით აძლევდა პასუხს, ბურჟუაზიულმა პრესამ ამის მწყრაღად შეხედა. ჩვენს ქებულს ლიბერალებსა და შავრაზმელებს შორის ამაში განსხვავება არ იყო. როცა მაგალითად ღურნოვომ და ვიტემ 17 ოქტომბრის მანიფესტი გააუქმეს და ფოსტის მოსამსახურეებს სასტიკი ომი გამოუცხადეს პროფესიონალური კავშირის შედგენისათვის და როცა ფოსტის მოსამსახურეებმა ამაზე საყოველთაო გაფიცვით უპასუხეს, ეს არ მოეწონათ ლიბერალობით განთქმულ „რუსეთის უწყებებს“, რომელიც ამ შემთხვევაში სრულეზით ეთანხმებოდა „ნოვოე ვრემიას“ აზრს, და ფოსტის მოსამსახურეებს ურჩევდენ გაფიცვის შეწყვეტას, ე ი. სრულიად ამართლებდენ მთავრობის რეაქციონურ ზომებს, — მის თვითნებობას, 17 ოქტომბრის მანიფესტის გაუქმებას. რისთვის? იმისთვის, რომ ფოსტის მოსამსახურეების გაფიცვა ნიშნავდა რევოლიუციის გაგრძელებას, მის გაღრმავებას და გაფართოვებას.

ბურჟუაზიული დემოკრატიის ახალი ორგანო — „თავისუფალი ხალხი“ პირველ ნომერშივე, ჯერ კიდევ დეკემბრის ამბების წინად, ფილოსოფიურად ისაბუთებდა ასეთ მიმართულებას. მისი აზრით (პნ I), რევოლიუციის გაგრძელება პროლეტარიატის ვატაცებას და სწორი გზიდან გადახვევას ნიშნავდა და მეტს არაფერს. გაზეთის აზრით რევოლიუციის გაძლიერება ხალხს დაღუპავდა. ქვეყნის ხსნა, ხსენებული გაზეთის აზრით, მხოლოდ საშუალო ჯკუფებს შეეძლოთ. მაგრამ რა გზით, ან რა საშუალებით, ამაზე გაზეთი არაფერს ამბობდა. იგი ვადაქრილ პასუხს ვერ იძლეოდა თავის ტაქტიკაზე. და განა ჰქონდა კი იმათ რაიმე ტაქტიკა? ეს ზოი ტაქტიკა არ არის მთავრობასთან მიხვიდე და გამოუცხადო: შენ არ ვარგინარ, ჩამოდექი აქედან და აღგილი დამიცალეო! და. აი, სწორედ ამას ეუზნებოდა ბურჟუაზიული დემოკრატიის (იგივე „ოსვობოდენიე“) გაზეთი მთავრობას. აი, ამაში მდგომარეობდა მთელი იმათი ტაქტიკა.

სინამდვილე ყოველ ფეხის ნაბიჯზე გვიმტკიცებს, თუ რა ფასი აქვს ასეთ ტაქტიკას, ან უფრო მართლა რომ ვთქვათ, სრულიად უტაქტიკობას. Ничему не научились и ничего не позабыли!—აი რა ითქმის ჩვენს ბურჟუა-დემოკრატებზე. ადვილი შესაძლებელია, რომ ისინი ვერც დემკემბრის ზარბაზნებმა გამოიყვანოს „კონსტიტუციონალური“ ილიუზიიდან.

(გზ. „ელვა“, 1906 წ.,
18 მარტი, № 6).

სახელმწიფო სათათბირო და ბიუჯეტი.

ამ ორი კვირის წინათ უმაღლესი ბრძანებით გამოიცა კიდევ ერთი კანონი შესახებ იმისა, თუ რა წესით უნდა მოხდეს სახელმწიფო ბიუჯეტის (შესავალ-გასავლის) განხილვა და დამტკიცება სახელმწიფო სათათბიროში („დუმაში“) და სახელმწიფო საბჭოში. ეს უკანასკნელი კანონი (უკანასკნელი იქნება ვითომ?) აგვირგვინებს რუსეთის „კონსტიტუციის“ უნიადგო შენობას, ჩვენი ბიუროკრატიის ღირსეულ ნამოქმედარს. არც ის გარემოება, რომ სახელმწიფო სათათბიროს არაერთი უფლება არა აქვს არსებულ წესწყობილებების ძირითად კანონებს შეეხოს, არც ის, რომ მას საშუალება არ ეძლევა საკანონმდებლო მოღვაწეობაში თავისი წვლილი შეიტანოს, ე. ი. მართლა მიიღოს მონაწილეობა ახალი კანონების გამოცემაში თუ ძველის გაუქმებაში, არც ის, რომ მის წინაშე პასუხისმგებელი არ არის არც ერთი მინისტრი და მთავარგამგებელი, არც ის, რომ მისი მოწვევა და დათხოვა უმაღლესი უქაზებით ხდება; არც ის, რომ სათათბიროს წევრების ხელუხლებლობა და თვით სათათბიროში თავისუფალი მსჯელობა არაფრით არ არის უზრუნველყოფილი, — ყოველივე ეს სახელმწიფო სათათბიროს დასამტკიცებლად და მასხრათ ასაღებათ თურმე არ კმარებულა! ამისათვის საჭირო შეიქნა კიდევ სამ და ოთხ საქმიან არჩევნების სისტემის გამოგონება, კრების და საარჩევნო აგიტაციის თავისუფლების მოსპობა, სიტყვის და წერის თავისუფლების გაუქმება. და როცა ამ მხრით თვითმპყრობელ ბიუროკრატის ახალი ზომების გამოანახვაში ილაჯი გაუწყდა, სხვა აღარ დარჩენოდა რა გარდა იმისა, რომ სახელმწიფო სათათბიროსთვის ერთი დიდი ჭუბრუკი შეექმნა და კიდევაც შექმნა სახელმწიფო საბჭოს სახით. რომ შეუძლებელი მოხდეს და სახელმწიფო სათათბირომ რაიმე ახალი კანონები გამოსცეს ბიუროკრატის თვითნებობის ასალაგმავათ, ხალხის უმრავლესობის ინტერესების დასაცავად, სახელმწიფო საბჭო, რომლის უმრავლესობას თვით ბიუროკრატია ნიშნავს, ასეთ კანონს მაინც არ მოიწონებს და კიდევაც რომ სასწაული მოხდეს და მოიწონოს, მისი საბო-

ლოოდ დამტკიცება ხომ მაინც ბიუროკრატიაზე და მოკიდებული, ვინაიდან ყველა კანონებს იმპერატორი ამტკიცებს.

მაგრამ წარმოიდგინეთ, რომ ყველაფერი ეს მაინც არ ყოფილა საკმარისი. ბიუროკრატია, როგორც სჩანს, მაინც ვერ გრძობდა თავს კარგათ, იმას კიდევ ეშინოდა, ვაი თუ კიდევ დავგრჩა რამე, რის საშუალებით სათათბიროს უსიამოვნების მოყენება შეეძლოსო. და უნდა გამოვტყდეთ, ბიუროკრატის შიში არც ისე უსაფუძვლო იყო. ამას აშკარად ამტკიცებს ის ახალი კანონი, რომელიც ჩვენ ამ წერილის თავში მოვიხსენიეთ.

სახელმწიფო სათათბიროს დებულებაში სრულებით არ არის გარკვეული, თუ რა წესით ხდება ბიუჯეტის განხილვა და დამტკიცება. მაგრამ ბიუჯეტი ხომ ყველაზე უდიდესი და უსაქიროესი საქმეა სახელმწიფო ო მართვა-გამგეობაში. ყველაფერი თითქმის შემოსავალ-გასავლის წარმოებაზე ჰკიდია, ყველაფერი იმით იწყება და თავდება. რაც უნდა კარგი და ლიბერალური მთავრობა იყოს ჩვენს დროში, უფულოდ ვერას გახდება. მეორე მხრით, თუ ჩვენი თვითმპყრობელი ბიუროკრატია ძლიერი იყო, თუ იგი ამოდენა ხნის განმავლობაში ასე ბატონობდა, ამის მიზეზი უმთავრესად ის არის, რომ იგი დიდძალ ფულს ახმარებდა თავის ინტერესების დაცვის საქმეს, იგი წალმა-უკულმა ფანტავდა აუარებელ საშუალებას პოლიციაზე, ჯანდარმერიაზე, ჯაშუშებზე და სხვა საიდუმლო საქმეებზე. რასაკვირველია, ყოველ ღონისძიებას ეხმარდა, რომ ბიუჯეტის განხილვა და დამტკიცება სასაკილო სათათბიროს დაფუძნების შემდეგაც სავსებით მის ხელში დაჩინილიყო. მაგრამ ყოველივე ეს ისე უნდა მოეხერხებია ბიუროკრატის, რომ ვითომც ეს ხალხის წარმომადგენლების სანქციით ყოფილიყო. ამნაირ თვალთმაქცობაში ხომ ჩვენი ბიუროკრატია მეტად დახელოვნებულია, ხოლო რაც შეეხება ვიტეს და დურნოვოს, ეს იმათი სპეციალური ხელობაა. 8 მარტის კანონი ბიუჯეტის განხილვის შესახებ ამ სათვალთმაქცო მოქმედების საუკეთესო მაგალითია.

ხსენებულ კანონის ძალით ბიუჯეტი განსახილველად უნდა გადაეცეს სახელმწიფო სათათბიროს, მაგრამ მას არავითარი უფლება არა აქვს იგი სავსებით არ მიიღოს. აი როგორ ხდება ეს:

უწინარეს ყოვლისა, ზოგიერთ ხარჯების განხილვაში, რომლებსაც ხალხის ხაზინა აკმაყოფილებს, ხალხის წარმომადგენლები, რამდენათაც შესაძლებელია ვიტე-დურნოვოს სათათბიროს ხალხის წარმომადგენლების

კრებული ვუწოდოთ, სრულებით არ შედიან. ასეთი ხარჯებია, მაგ., 1) საიმპერატორო სასახლის სამინისტროს და ყველა იმ დაწესებულებების, რომლებიც ამ სამინისტროს განკარგულებაში იმყოფებიან, შენახვა; 2) საიმპერატორო გვარეულობის ხარჯები; 3) იმპერატორის საკუთარი კანცელარიის შენახვა და 4) ყველა ის ხარჯები, რომლებიც ხარჯთ-აღრიცხვის დროს მხედველობაში მიღებული არ იყო (მ. 4 და 5). შემდეგ 8 მარტის კანონის ძალით, სახელმწიფო სათათბიროს არ შეუძლია შეამციროს ის ხარჯები, რომლებიც დანიშნულია სახელმწიფო ვალების და სხვა ვალდებულებათა გასასწორებლად. იმავე კანონის მეორე სტატიის ძალით ბიუჯეტის განხილვის დროს არ შეიძლება გამოირიცხოს ან შეიცვალოს ისეთი შემოსავალი ან ხარჯი, რომელიც შეტანილია ხარჯთ-აღრიცხვაში არსებულ კანონების, სტატების და აგრეთვე უმაღლეს ბრძანებათა. საფუძველით. ბოლოს საქმეს აგვირგვინებენ მე 16-ე და მე 17-ე სტატიები. მე 16-ე სტატიის ძალით მინისტრთა საბჭოს, როცა უნდა, ყოველთვის შეუძლია ხაზინაში კრედიტი გაიხსნას და ხარჯოს რა-მდენიც ესაიშვნება; თუ საჭიროდ დაინახეს მინისტრებმა, ამის შესახებ მოახსენებენ სათათბიროს, თუ არა, ესეც იმათი სრული უფლებაა, ძალას ვერაინ დაატანს. მეორე (17) სტატიის ძალით, „საგანგებო ხარჯთ-აღრიცხვაზე ზედმეტი კრედიტების გახსნა სამხედრო დროის საჭიროებისათვის და ომის მოსამზადებლად ხდება 1890 წელს 26 თებერვალს უმაღლესად დამტკიცებული წესების ძალით“.

აი ასეთია სათათბიროს მეთვალყურეობა ხალხის ხაზინაზე, სახელმწიფოს შესავალ-გასავალზე. ბიუჯეტი შეაქვთ სათათბიროში განსახილველად მხოლოდ იმიტომ, რომ სათათბირომ მას ხელი არ ახლოს, მასში რაიმე არ შეცვალოს ან გამოირიცხოს. სათათბიროს ეძლევა მხოლოდ ერთადერთი უფლება—უსიტყვოთ დაემორჩილოს იმას, რასაც ბიუროკრატია უბრძანებს; წინააღმდეგ შემთხვევაში მის სხდომებს უმაღლესი ბრძანებით შესწყვეტენ და ბიუროკრატის მიერ შედგენილი ხარჯთ-აღრიცხვა მაინც ძალაში შევა.

აქედან აშკარად სჩანს, თუ რისთვის ან რა მიზნით გამოუგონებია და შეუთხზავს ბიუროკრატის 8 მარტის კანონი. ყველა ზემოთ ჩამოთვლილ ზომებს გარდა, ასეთი კანონის შეთხვევაც აუცილებელი საჭირო იყო მისი თვითნებობის გასაგრძელებლად.

აქედან ისიც აშკარაა, თუ რას უნდა მოელოდეს ხალხი ბიუროკრატისაგან. ბიუროკრატის განზრახვა იდვილად მისახედრია: თავის

თვითნებობის დასაცავად იგი ეძებს ახალ ფორმას, იგი ეხვევა ახალ ქურ-
ქში. მას სურს თავისი სრული ბატონობა ხალხის ბატონობის სახელით
გაასაღოს. მაგრამ დღეს ამით იგი ფონს ვეღარ გავა. ხალხის შეგნე-
ბული ნაწილი, ქალაქის პროლეტარიატი და გაქირვებული გლეხ-კაცობა
ამას აღარ დაანებებს.

(გაზ. „მღვა“ 1906 წ.
24 მარტი № 11).

ხალხის ჭირისუფლები.

„ამრჩეველებო“, თუ თქვენ გინდათ სხვისი საკუთრების წართმევა და თავისის არ ქონება, წადით სოციალისტებთან, ასეთ სამოთხეს ისინი გპირდებიან. „როცა თქვენ საარჩევნო ყუთთან მიდიხართ და კიდევ რყევაში იმყოფებით, თუ უფლების მოყვარეთა დაეინებულმა ქადაგებამ, რომლებიც გპირდებიან თქვენ განუხორციელებელ ბედნიერებას, იმედი გაგიღვიძათ და თქვენ კიდევ ოცნებობთ საუკეთესო მომავალზე, გაიხსენეთ ხალხი და დაფიქრდით იმაზე... რანაირ უბედურებას არ უქადიან უბედურ რუსეთს რევოლუციონერები... გაიხსენეთ უბედური ხალხი, რომელიც შიმშილისაგან იხოცებოდა გაფიცვების დროს. ნუ გაპრიყვდებით, ნუ აყვებით სხვის ფეხის ხმას და გასწიეთ ოქით, საითაც მოგიწოდებენ თქვენ 17 ოქტომბრის კავშირი, პროგრესიულ ეკონომიური პარტია, უფლებბრძივი წეს-რიგის პარტია, სამრეწველო და სააღებ-მიცემო კავშირი“ და სხვა.

ასეთი მოწოდებებითაა დღეს მოფენილი თითქმის მთელი რუსეთი. ასეთი მოწოდებებით მიმართავენ რუსეთის მრავალტანჯულ, გაყვლეფილ და გაძვალტყავებულ ხალხს, ქალაქის პროლეტარიატს და გაჭირვებულ გლეხ-კაცობას, მდიდარი მემამულეები, ფაბრიკანტები, მექარხნეები, ბანკირები, მებირეეები და საზოგადოდ ყველა ჯურის კაპიტალისტები. აი, თურმე, ვინ კისრულობს დამონებული და მიწასთან გასწორებული ხალხის განთავისუფლებას; აი, ვინ კისრულობს შშიერი ხალხის დაკმაყოფილებას, მისთვის ბედნიერების მინიჭებას. ამას თურმე, ჩაღიან ისინი, ვისი ბედნიერება დამყარებულია ხალხის უბედურებაზე, ვისი ძალა და გამაველობა აგებულია ხალხის უბედურებასა და უზღფლებობაზე. ისინი, ვისაც თავის გასამდიდრებლად არა ერთხელ და ორხელ დაუღერია პროლეტარიატის სისხლი და ყოველ წუთში მზადაა კიდევ დაღვაროს, მის მხსნელებათ და დამცველებათ გამოდიან. ეს კიდევ არაფერი, აქ ახალი არაფერი. საქმე ის არის, რომ ეს ხალხის მყვლეფელები, მისი სისხლის მწოველნი და მტანჯველები, ხალხის უბედურებას და ტანჯვა-წვალებას სხვებს აბრალებენ. რომ ხალხი დაამუნჯეს და მონათ აქციეს, რომ მას

ტყავს აძრობენ, რომ მას ყველფენ და უკანასკნელ ლუკმის გლეჯენ პირიდან, რომ ხალხი დაიშა და იხოცება, რომ მის ნაშრომს და ნალვაწს ითვისებენ ხაზინა, მდიდარი მემამულეები, კაპიტალისტები და გარყვნილებაში ფლანგავენ იმ დროს, როცა ხალხს შიმშილ-სიცივისაგან სული ხდება, — თურმე ამის ბრალი სოციალისტებს ედებათ. აი სიყალბე, აი ცილისწამება. აქამდის ასეთი სიყალბე, ასეთი ცილისწამება თვითმპყრობელი ბიუროკრატის მონოპოლიას შეადგენდა. ჯერ ხალხს უბედურებას დაატეხდნენ თავზე, ჯერ მის სისხლს დაღვრიდნენ და შემდეგ „ოფიციალურად“ გამოაცხადებდნენ, რომ სოციალისტებმა გააბრიყვეს ხალხი, ამბობებამდე მიიყვანეს და ჩვენ მეტი რაღა დავგრჩენოდა, უნდა „მშვიდობიანობა“ და „წესიერება“ აღგვედგინაო. იმას არაეინ კითხულობდა, თუ მართლა რა ხდებოდა ცხოვრებაში, თუ ნამდვილად ვინ იწვევდა არეულობას, ან რაში გამოიხატებოდა ეს არეულობა. ასეთ ცილისწამებას, ასეთ სიყალბეს მართო ბიუროკრატია აღარ სჩადის. დღეს უფრო აშკარად, უფრო ურცხვად ამასვე ჩადიან მსხვილი მემამულეების და კაპიტალისტების წარმომადგენლები. სოციალისტები სხვისი საკუთრების წართმევას ქადაგებენ, ისინი ხალხს უბედურებას უქადიან, ჰკამათაო, — გაჰკვირან გონება დაკარგული, სისხლის მწოველი ბურჟუა-კაპიტალისტები. ხალხის ინტერესებს ჩვენ ვიცავთ და ამიტომ ჩვენ უნდა გამოგვყვეთ უკანო, — იმეორებენ მსხვილ მემამულეთა და კაპიტალისტების პარტიები.

რა მოხდა, რამ გამოიწვია იმათი მხრით ასეთი ავტაცია.

წინათ გაბატონებული კლასები ქვეყნის მართვა-გამგეობაში აქტიურ მონაწილეობას არ იღებდნენ. როცა მათთვის საჭირო იყო, ყველაფერს მთავრობა აკეთებდა. დასჭირდებოდათ იმათ ფულები, მთავრობა აძლევდა; დასჭირდებოდა გაფიცულ ან ურჩი მუშების მოთვინიერება, მთავრობა შეედიდა თავისი აუარებელი პოლიციელებით, თანდარმებით, კაზაკებით და ჯარებით; საჭირო იყო იმათი უფლებების მომატება, მთავრობა აქაც მზათ იყო დაეკაყოფილებია მათი საჭიროება. ერთი სიტყვით, ყველა იმათ ინტერესებისათვის მთავრობა ზრუნავდა და ისინი იყვნენ მოსვენებული. მაგრამ ბიუროკრატის კედელი შეინგრა, მის ბატონობას საფუძველი გამოეშალა; დღეს ის სიკვდილის ეამს განიცდის. ეს, რასაკვირველია, შეუმჩნეველი ვერ დარჩებოდა ბურჟუა-კაპიტალისტებისათვის, იმათ კარგათ იგრძნეს, თუ რა ძალას წარმოადგენდა მათთვის ძველი რეჟიმი, კარგათ მიხედდნენ, თუ იმის დაცემით რა იარაღი

უვარდებოდან ხელიდან. ამიტომ ახლა ძველებურათ მოსვენება და არხინათ ყოფნა აღარ გამოადგებოდან, რომ თავისი ბატონობა ისევ შეერჩინათ.

ბიუროკრატიული წყობილება ირღვევა, ხალხის საქმეები თვით ხალხისავე წარმომადგენლების ხელში გადადის და აი, გაბატონებულ კლასებს ყოველგვარი ღონე უნდა ეხმარათ, რათა ხალხს არ შეძლებოდა თავის აწევა, წელში გამართვა.

აქედან იწყება მეტად საინტერესო ხანა ჩვენს საზოგადოებრივ ცხოვრებაში. თუ აქამდის კლასობრივი ბრძოლა ჩვენში დაჩრდილული იყო ნახევრად ფეოდალურ თავად-აზნაურული თვითმპყრობელობის წყალობით, თუ აქამდის კლასთა ბრძოლა ჩვენში მთელი თავისი სიცხადით სინათლეზე არ იყო გამოტანილი, დღეს ამას ფარდა ეხდება და ყველაფერი დღის სინათლეზე გამოდის. აქამდის უმეტესობისათვის მთავრობა კლასობრივ დაწესებულებას როდი წარმოადგენდა, იგი რაღაც ბურჟუსში იყო გახვეული. ასე რომ, უმრავლესობას ეგონა, მთავრობა ყველა კლასების ინტერესებისათვის ერთნაირათ ზრუნავს, ყველას ერთნაირათ ეპყრობაო. ეს გარემოება ხელს უშლიდა საზოგადოებრივი ცნობიერების წინსვლას, იგი წინ ელობებოდა ხალხის შეგნების განვითარებას. თუ მთავრობა მხოლოდ გაბატონებულ უმცირესობას ემსახურებოდა, თუ იგი ხალხის უმრავლესობას ჩაგრადა, ეს უმეტესობისათვის ადვილი გასაგები არ იყო, ვინაიდან ასეთია ყველა აბსოლიუტური მთავრობის თვისება. დღეს კი თავისი კლასობრივი ინტერესების დასაცავად თვით დაინტერესებული კლასები გამოდიან და აი, ამ ნიადაგზე იმართება აშკარა ბრძოლა.

ჩვენ ვიცით, რომ დღეს გამარჯვებული კიდევ ბურჟუაზია რჩება, ჩვენ ვიცით, რომ მთავრობის სათავეში ისევ ისინი მოექცევიან, მაგრამ ჩვენ ეს აღარ გვაშინებს. პირიქით, ჩვენ სიხარულით ვეგებებით ამ ამბავს, ვინაიდან ასეთი მთავრობა, თავისი აშკარა კლასობრივი ხასიათით, ხელს შეუწყობს კლასობრივი ცნობიერების გაღვიძებას და ზრდას საზოგადოებაში. საჭიროა მხოლოდ ყველა იმ ოინების და ყოლბი სიტყვების გამოქვავება, რომლებსაც ბურჟუაზიული პარტიები მიმართავენ წამდაწყუშ. არც ერთი იმათი მოქმედება, არც ერთი იმათი მოწოდება ან განცხადება არ უნდა დარჩეს აღუნიშვნელი და დაუფასებელი. ქვეყანამ უნდა დაინახოს, თუ მართლა ვინ ართმევს სხვას საკუთრებას, ვინ იწვევს შიმშილს, ვინ ძღება სხვისი სისხლით და ოფლით.

და როცა ყოველივე ამას გაიგებს, მაშინ ბურჟუაზიული წესწყობილების აღსასრული დადგება, მაშინ მოეღება ბოლო ადამიანის გაყვლენას. თვით ბურჟუაზიული პარტიების აქტიურად გამოსელა ბრძოლის ველზე ამ შეგნებისაკენ დიდი ნაბიჯის გადადგმაა.

(გაზ. „ე ლ ე ა“ 1906 წელი
28 მარტი. № 13).

უკრივენი და რბივი რუსეთში.

რამდენიმე წელიწადია, რომ რუსეთის ზოგ ადგილებში უკრივის-აწიოკება-აოხრება და იმათი სისხლის ღვრა სისტემატიურად მეორდება. თუმცა რუსეთში მცხოვრები უკრივი არასრდეს არ არიან ამ მხრით უზრუნველყოფილნი (და განა მართა უკრივი?); მაგრამ იმათი დარბევად განსაკუთრებითა მაშინ ხდება, როცა ჩვენი მართლმორწმუნე „ქრისტიანები“ ქრისტეს აღდგომას დღესასწაულობენ. ასე: როცა რუსეთის „ქრისტიანი“ ხალხი სიხარულს ეძლევა, ეს სიხარული სხვათა შორის იმაში იხატება, რომ თავის კარ-მიდამოსთან მცხოვრებ უკრივს არბევს, იკლებს მათ სარჩო-საბადებელს და მრავალ იმათგანს სიცოცხლისაც ასალმებს. უკრივთან ასეთი მოქცევა ძველი ამბავია. საშუალო საუკუნოებში გაფანჯრული და გონება დაჩლუნგებული ბრბო ქრისტეს წამებას და მის სიკვდილს უკრივს აბრალებდა და ჯაგრის ამოსაყრელათ დრო და დრო ეცემოდენ და ელეტდენ. ასე იყო დასავლეთ ევროპაში და ასე იყო რუსეთშიაც, რა მიზეზები იწვევდა ამას, ჩვენ აქ ამ კითხვას არ ვეხებით. საშუალო საუკუნოების შემდეგ დიდი ხანი გავიდა, მაგრამ უკრივის დევნა ჯერაც არ შეწყვეტილა. მაგრამ ჩვენ აქ არ ვეხებით დასავლეთ ევროპას, ანტისემიტისმს, ჩვენ ამ ჟამათ რუსეთში მცხოვრები უკრივის სვე-ბელი გვინტერესებს. რა თქმა უნდა, ჩვენ აქ ვერ განვიხილავთ ებრაელების მდგომარეობას საზოგადოთ, იმათ ყოველგვარ შევიწროებას და დამცირებას, იმათ კანონის (ნუ დაივიწყებთ ჩვენი ბიუროკრატიის მიერ გამოცემული კანონის გარეშეც კი!) ჩვენ აქ მხოლოდ უკრივის ელეტა-წყვეტა და აკლება გვაქვს მხედველობაში.

უკრივის დარბევის ახალი ხანა რუსეთში იწყება გასული საუკუნის მეოთხმოცე წლებიდან, ე. ი. იმ დროიდან, როცა მთავრობის მედგარი რეაქცია და თეთრი ტერორი გამეფდა რევოლუციონური მოძრაობის აღმოსაფხვრელათ. ამასთანავე შესანიშნავია ის გარემოება, რომ რამდენათაც მატულობდა მთავრობის რეპრესიული ზომები განმათავისუფლებელი მოძრაობის წინააღმდეგ, იმდენათ მატულობდა უკრივის დარბევაც, ასე რომ, ეს ორი მოვლენა ერთი ერთმანეთთან მჭიდროთ შეკავშირე-

ზული შეიქნა. პირველ ხანებში შესაძლებელი იყო ეფიქრათ, რომ ეს მკიდრო კავშირი შემთხვევითია, მაგრამ უკანასკნელი წლების ამბებმა ყველა აშკარათ დაარწმუნეს, რომ მთავრობის რეპრესიებსა და ურების გაუფიქრ-დარბევას შორის მართლაც მკიდრო კავშირი არსებობს, რომ პირველის, ე. ი. რეპრესიების მომქმედნი, იმავე დროს ურების დარბევის და აკლების მოხელენიც ყოფილან.

ჩვენს ბიუროკრატია დროზე მიხვდა, თუ რა განსაცდელი მოელოდა მას რევოლიუციონური მოძრაობის განვითარებისაგან. ამიტომ იგი თავიდანვე შეუდგა ნიადაგის მოშალებას. მთავრობა კარგათ ხედავდა, რომ ხალხი უზომო გაკირვებაში იმყოფებოდა და ამიტომ აღრე იქნებოდა თუ გვიან, იგი მის წინააღმდეგ აჯანყდებოდა. საჭირო იყო მთავრობას, თავის არსებობის დასაცავათ ცალკე პირების და რევოლიუციონურ ორგანიზაციების წინააღმდეგ რეპრესიების გარდა სხვა საშუალებისათვისაც მიემართა. ბიუროკრატია კარგათ იცოდა, რომ რუსეთის დაბეჩავებულ და გონება დაჩლუნგებულ ხალხში ურებისადმი სიძულვილი არსებობდა; მეორე მხრით რევოლიუციონური მოძრაობის მოთავენიც ხშირად ურები ხდებოდნენ, როგორც უკიდურესათ შევიწროვებული ელემენტები. გაძეალტყავებულ ხალხს აგონებენ, რომ მისი უბედურების მიზეზი ურებია, ეს, ქრისტეს ვითომდა მოლალატენი, რომლებიც ყველფენ ხალხს და დღესაც ქრისტიანის სისხლს სვამენ. ასეთ ქადაგებას ეწეოდნენ ხალხში, როგორც მთავრობის აგენტები, ისე ჟურნალ-გაზეთების ერთი ნაწილი კატკოვის, სუვოჩინის (მამა), კამაროვის, გრინგუტის, კრუშევანის და სხვების მეთაურობით. ასეთმა ქადაგებამ შესაფერი ნაყოფი გამოიღო. ხალხი, უბრალო მშრომელი ხალხი, რომელიც ტანჯვაში და სხვის სამსახურში ლევს სულის, ამხედრდა მაზე უფრო შევიწროვებულ და შეწუხებულ მშრომელი ხალხის წინააღმდეგ. ბიუროკრატის მოლოდინი გამართლდა. ვინლა ეძებდა იმათ, ვინც ხალხს მართლა ავიწროებდა, ტანჯავდა და უბედურებაში აგდებდა. ყოველივე ამის მომქმედი თურმე მიწასთან გასწორებული უბრალო მუშა ხალხი ყოფილა! მიზანი მიღწეულ იქნა. რუსის მუშა ხალხის ერთი დიდი ნაწილი თავის გაკირვების მიზეზს ურების არსებობაში ხედავდა და ამიტომ მისი დარბევა და აწიოკება თავის მიზნათ გაიხადა. ამ დროს ბიუროკრატია განზე იდგა; ის თითქო ზომებსაც ღებულობდა ამ აწიოკების და ელეტის წინააღმდეგ, მაგრამ ურების წინააღმდეგ მოძრაობა სულ უფრო და უფრო მწვაედებოდა. ამასთანავე აშკარა შეიქნა მთავრობის აგენტების მონაწილეობა ებრაელების დარბევაში და აკლებაში.

1902 წელს, მაგ., ადესის გრადონაჩალნიკმა; მოიხმო რა ადგილობრივი მუშები, შემდეგი განუცხადა: თუ ვინცობა პირველ მაისს მანიფესტაციის გამართვით, მე ზომებს მივიღებ ეს დემონსტრაცია ურიების დარბევით გადავაქციო. 1902 წელს კი კიშინიოვში ურიების ქლეთა გამართეს სწორედ იმიტომ, რომ 1 მაისის დღესასწაულობა ჩაეშალათ; ასევე სხვაგან. მაგრამ სულ უკანასკნელ დრომდის მთავრობის მხრით ურიების დარბევის გამოსაწვევით მზადება აშკარათ არ ხდებოდა. დღეს კი გარემოება შეიცვალა. მთავრობა სრულებით აღარ მალავს თავის „მოღვაწეობას“ ამ სარბიელზე. მაგ., მთელ ქვეყნიერებას მოედვა ის ამბავი, რომ ამ ორი-სამი კვირის წინეთ პეტერბურგის გრადონაჩალნიკის სტამბაში დაიბეჭდა ცენზორის მიერ ნებადართული ფურცლები ხალხში გასავრცელებლათ, რომლებშია მოუწოდებდნენ მას ებრაელების წინააღმდეგ გასალაშქრებლათ; იმათი საჩიო-საბადებლის და სახლ-კარის ასაკლებათ და მშვიდობიანი მშრომელი ხალხის ამოსაყლეთათ. ასეთივე აგიტაცია იყო გამართული სხვა ქალაქებშიაც. თუ რისთვის ეწევა ბიუროკრატია ასეთ სამარცხვინო აგიტაციას, ეს განმარტებას არ საჭიროებს. თუ ოდესმე საჭირო იყო მისთვის ხალხის მოძრაობის შეჩერება, ეს ყველაზე უფრო დღეს არის საჭირო, როცა რევოლიუციონური მოძრაობა უმაღლეს საფეხურს აღწევს, და აი, იგიც ებრაელების უმანკო სისხლით ცდილობს თავისი არსებობის დაცვას!

მაგრამ ამ ბოლო დროს ერთი საკვირველი ამბავი მოხდა: საშინაო საქმეთა მინისტრმა როგორღაც შეცვალა ძველი ტაქტიკა. იგი ცირკულიარებს ცირკულიარებზე უგზავნის გუბერნატორებს და გრადონაჩალნიკებს იმის თაობაზე; რომ ყოველგვარი ზომები იქნას ხმარებული ურიებას დარბევის თავიდან ასაცილებლათ. მართალია? ნუ თუ ბიუროკრატამ მართლა შესცვალა ტაქტიკა, ნუ თუ მართლა კატომოყვარებობას იჩენს იგი დღეს? ნუ თუ მას მობეზრდა ამოდენა სისხლის ღვრა და ახლა მოისურვა მას ბოლო მოუღოს? მაგრამ სად იყო აქამდის, თუ მას ასე ადვილათ შეეძლო? მაგრამ არა! არაფერი ამის მსგავსი არ მომხდარა. ჩვენი ბიუროკრატის ამბავი დღეს მთელმა ქვეყანამ შეიტყო. შეიტყო აგრეთვე კაპიტალისტების წრეებმა, და აი, სწორეთ ამ უკანასკნელ გარემოებას უნდა მიეწეროს ის, რომ საშინაო საქმეთა სამინისტრომ ურიების დარბევის საწინააღმდეგო ცირკულიარების წერას მოუხშირა. მთავრობას ფული ესაჭიროება და თუ იგივე მთავრობა იმიტომ სესხეულობს ფულს, რომ იგი ურიების დარბევის მსგავს საქმეებს მოახმარ-

როს, ეკვი არ არის, ამ შემთხვევაში კაპიტალისტებისაგან ფულის სესხება ადვილი საქმე არ იქნება. და აი, ბიუროკრატია ამ ჯამათ თავისი საერთო პოლიტიკის საწინააღმდეგო აგიტაციას ეწევა. მაგრამ ის დრო წაეიდა, როცა ასეთ ცირკულიარზე ეკიდა ხალხის ბედ-იღბალი. დღეს ხალხი, განსაკუთრებით მშრომელი, მუშა ხალხი, როგორც ქალაქის პროლეტარიატი, ისე გლეხების დიდი ნაწილი, უკვე გონს მოდის. მას არ შეუძლია არ დაინახოს, თუ ვინ არის მისი ნამდვილი მტერი; თუ ვინ არის მისი უბედურების და სიბეჭავის ნამდვილი მიზეზი. ორივე ხალხის, ე. ი. როგორც ებრაელების, ისე რუსეთის პროლეტარიატი უკვე ხელს უწყობს ერთმანეთს საერთო უბედურების დროს. ამიტომ ორივე ერის პროლეტარიატი მხოლოდ რევოლუციონურ მოძრაობიდან უნდა მოელოდნენ ხსნას.

(გზ. "ე ლ ვ ა" 1906 წ.
31 მარტი, № 16)

დღევანდელ დღეს.

რამოდენიმე ასი მილიონი სხვადასხვა ტომის და სხვადასხვა ქვეყნებში მცხოვრები ხალხი, რომლებიც ქრისტიანებათ სახედნენ თავის თავს, დღევანდელ დღეს იხსენებენ იესოს, ქრისტეთ წოდებულს. დაბადებული ერთ ღარიბ ოჯახში, აღზრდილი დევნასა და ვაი-ვაგლახში, იესო თავზარდამცემი შეიქნა ყველა იმათთვის, ვინც ხალხს კისერზე აჯღა და ვინც მის სისხლს წოვდა, და იმათ იმის მეტი ვერა გამოიგონეს რა, რომ იგი სიკოცხლეს გამოესალმებიათ. საკვირველათ ცვალებადია ისტორიის სვე-ბედი! სიკოცხლეში ყველასაგან ტანჯული და წამებული, უარყოფილი, მოძულებული, დღეს იესო თითქო საყოველთაო სათაყვანებელ საგნათ არის გადაქცეული. რანაირი ზაკვა, რანაირი სიკრუე! რაც ყველაზე უფრო აღშფოთებდა იესოს, რასაც იგი ყველაზე უფრო გმობდა, სწორედ ის გამხდარა დღეს მისი მოძღვრების აღმასრულებელთა უმრავლესობის დამახასიათებელ თვისებათ.

ჩვენ წინ გვეხატება ორი ერთი მეორეს წინააღმდეგი სურათი. ერთი მხრით დგას შიმშილ-წყურვილში და ტანჯვა-წვალებაში აღზრდილი ქაბუკი, რომელსაც სხვა არა გააჩნია რა, გარდა მხურვალე და ღრმა სიყვარულისა ყველა ჩაგრულთა და მაშერალთა მიმართ, რომელთაც იგი ხელაპყრობილი და უმაღლესი გრძნობით ატყინებული მოუწოდებდა. მოვედით ჩემდა ყოველნი მაშერალნი და ტვირთ მძიმენი და მე გაგისღენო თქვენ. (მათ. IX, 28-29).“ მე არ ვეძიებ დიდებასა ჩემსა, მე ვარ მწყემსი კეთილი, რომელმან სული თვისი დასდგას ცხოვართათვის“ (იოან. II), და აი, ასეთი მაღალი გრძნობებით აღტურვილი იესო სამი წლის განმავლობაში დღე-მუდამ გასაოცარი-ენერგიით და სიმტკიცით ეწეოდა ქადაკებას დაბეჩაებულ ხალხში, ცდილობდა მის განთავისუფლებას იმათგან, ვისაც იგი დაემონებია როგორც სულით, ისე ხორციელ ბატონებისაგან. იესო ხედავდა, რომ ხალხი უზომოთ შევიწროებული იყო იმათგან, ვისაც სხვადასხვა მიზეზების გამო ხელში ჩაეგდო მისი სააქმეების მართვა, იგი ხედავდა, რომ ხალხს ყვლფედნ განსაკუთრებით სარწმუნოების სა-

შუალეობით, და აი მისმა ქადაგებამ წმინდა რელიგიური ხასიათი მიიღო და მან პირდაპირ გაილაშქრა არსებული სარწმუნოების წინააღმდეგ, გაილაშქრა, რასაკვირველია, არა ცოცხლითა და მახვილით, არამედ სიტყვით და შავალითით. რასაც სიტყვით ამზობდა, იმას საქმით ასრულებდა. ე. ი. იგი ამგვარად არღვევდა არსებული სარწმუნოების წესებს, კიცხავდა და არცხვევდა ხუცებს და განსაკუთრებით მღვდელ-მთავრებს, რომლებიც ზაკვით და სიცრუით ხალხს ავიწროებდნენ. შემდგომ ასეთი მოღვაწეობისა ჩვენ ვხედავთ იესოს ზაკვითა და ჯაშუშობით გაცემულს თავის მტრების, ე. ი. ხალხის მტარვალების ხელში შეპყრობილს, ტანჯულ-წამებულს, გვეშულს და სიკვდილით დასჯილს, ჯვარზე გაკრულს და პასუხათ ყოველივე ამისა მის მიმკრალ და პატიოსან პირისახეზე ჩვენ ეკითხულობთ გაბედულ და მრისხანე სიტყვებს: „ნუ გეშინინ მათგან (ე. ი. ძლიერთა ამა ქვეყნისა), რომელთა მოსწყვიდენ ხორცნი, ხოლო სულისა ვერ ხელეწიფების მოკვლათ“ (მათე X, 28). აი ვინ იყო იესო და აი როგორ და რისთვის იქნა იგი წამებული! მთელი მისი სიცოცხლე და მოღვაწეობა თავიდან ბოლომდე იგივეა რაც ყოველ დღე ჩვენს არშემო ხდება. ორი ათასი წელი გავიდა მას შემდეგ და თითქო ამ მხრით არავითარი ცვლილება არ მომხდარა. იგივე დევნა, იგივე წამება სიპართლისათვის! მეორე მხრით ჩვენ ვხედავთ ქრისტეს ნილაბ ქვეშ ამოფარებულ, ხალხის მძარცველებს და მტანჯველებს, მატყუარებს და მზაკვრებს. იმათ დაირქვეს იესოს სახელი მხოლოდ იმიტომ, რომ მისი მოძღვრება წაებილწათ და შეურაცყო. ანგარებით და ვერცხლის მრყვარეოებით დაბრმავებულნი ისინი ქრისტეს სახელით აწამებენ, ტანჯავენ იმათ, ვინც თავის დანიშნულებას ხალხის სამსახურში ხედავს, ვისაც ხალხის მონობისაგან განთავისუფლება თავის უწმინდეს მოვალეობათ გაუხდია. იუდა ისკარიოტელმა მხოლოდ ერთხელ გასცა იესო და ბოლოს, ველარ გაუძლო რა სინიღისის ქენჯნას, ეს ცოდვა მოინანია მით, რომ თავი ჩამოიხრჩო, მაგრამ თანამედროვე იუდა ისკარიოტელები დღე მუდამ, განუწყვეტლივ იღვენენ იმავე ცოდვას, ნხოლოდ იმ განსხვავებით, რომ ეს უკანასკნელი ერთხელაც არ უფიქრდებიან თავის მოქმედებას, ერთხელაც არ ეკითხებიან სინიღისს. და აი, ამათ მიუთვისებიათ, ანუ მოუპარაეთ ქრისტეს სახელი, ე. ი. იმ კაცის, რომელმაც ხალხის მტანჯველების წინააღმდეგ ბრძოლაში დალია სული. რა აშკარა, რა თვალსაჩინო წინააღმდეგობაა? ქრისტეს სახელს ატარებენ სწორეთ ისინი, ვინც მას შეურაცყოფას აყენებს, ვინც მას სისხლს ანთხევენებს. რათ მოხდა ეს ასე? ნუ თუ ის-

ტორია მარტო დაცინვაა, სიმართლისა და ქეშმარიტების უარყოფა? მაგრამ არა, ეს მხოლოდ პირველი შეხედვით გვეჩვენება ჩვენ ასე.

ამ წინააღმდეგობასაც, ისტორიის ამ უსამართლობასაც, კლასთა ბრძოლის ისტორია შესამჩნევად ფენსნათელს, ამ დიდებული მცნებით აღკუთვნილი, ჩვენ ვგებულობთ, თუ რისთვის ეხვევიან მგლები ცხვრის ტყავში, თუ მტარუალები ზოგჯერ რისთვის მიმართავენ ხალხს მომხიბლავა და ტკბილი სიტყვებით. იმათ ილაპარაკებთ მხოლოდ თავისი პირადი ინტერესები, ისინი მოკმედებენ მხოლოდ თავის სასარგებლოდ. სანამ შეეძლოთ, გაბატონებული კლასები უსასტიკესი ზომებით ებრძოდნენ იესოს მოძღვრებას, დევნიდნენ მის სახელს და გამოუთქმელი სისასტიკით სჯიდნენ ყველა იმათ, ვინც იესოს მოძღვრებას ავრცელებდა. მაგრამ სასტიკმა ზომებმა ვეღარ გასჭრა. უბრალო ხალხი, ხალხი ტანჯული და წამებული, სულ უფრო და უფრო ეტანებოდა იესოს მოძღვრებას, ვინაიდან ამაში ზოგი ხედავდა ხსნას. აღრე იქნებოდა თუ გვიან, ხალხი გაუქვლადებოდა მზავრელთ და სულ ერთიანათ გადმოაბრუნებდა და მიწაზე დაანარცხებდა იმათ ტახტებს. ეს დროზე შეიგნეს და ამიტომაც ფრონტი შეიცვალეს. ქრისტეს მღვწელები მის თაყვანისმცემლებათ ჯადიქცენ, იმათ ინტერესების უარყოფი მოძღვრება თავის სარწმუნოებათ აღიარეს, ამიტომ რა გასაკვირალია, რომ ქრისტეს მოძღვრებიდან მათ მხოლოდ ქრისტეს სახელი შეინარჩუნეს და თვით მოძღვრება ფეხ ქვეშ გათელეს.

იესომ შეურიგებელი ომი გამოუცხადა ადამიანთა შორის არსებულ უთანასწორობას; მან დაგმო მდიდრები და გაბატონებული წოდებანი: მან აღიარა სინიდიისის თავისუფლება; მისი მოძღვრება აშენებულია ურთიერთ სიყვარულზე და ძმობაზე; იგი უარყოფდა ყოველგვარ ძალმომრეობას და ვინაიდან ამას საფუძველათ უდევს კერძო საკუთრება, იესომ უარყო ეს უკანასკნელი. ამნაირათ იესო იმ სახელოვან ადამიანთა ჯგუფს ეკუთვნის, რომლებიც სოციალისტების სახელწოდებით არიან ცნობილნი. მაგრამ იესოს სოციალისტური მიმართულება წმინდა უტოპიური იყო, ე. ი. ისეთი, რომელსაც ცხოვრებაში იმ დროს არ ჰქონდა არავითარი ნიადაგი. ისტორიული განვითარება იმ დროს სულ სხვა მიმართულებას ღებულობდა. მართალია იმ ხანებში ჯერ კიდევ ცოცხალი იყო პირველყოფილი კომუნისტური წესწყობილების კვალი, მაგრამ მეორე მხრით კერძო საკუთრებაც, როგორც საზოგადოებრივი ცხოვრების საფუძველი, საკმარისათ გამაგრებული იყო. ამას მოწმობს საქონლის წარმოების არსებობა და ფულის გაჩენაც. ერთი სიტყვით, თუ იმ დროს იესოს მოძღ-

ვრებამ ვერ გაიმარჯვა, ეს მხოლოდ იმიტომ, რომ იგი ისტორიული განვითარების წინააღმდეგ იყო მიმართული. ცხადია, რომ ქადაგებას და ზნეობრივ კანონებს თავის თავად არაფრის გაკეთება არ შეუძლიათ, თუ ცხოვრების პირობები ხელს არ უწყობენ. ის მაღალი ზნეობრივი პრინციპები, რომლებსაც იესო ქადაგებდა, თავის თავად კარგი იყვენ, მაგრამ ცხოვრებაში ისინი ყოველად უშინაარსო ტრუიზმებთან გადაიქცენ და ყოველგვარი აზრი და მნიშვნელობა დაკარგეს და მართლაც, რა გაელენა უნდა ქონდეს სიყვარულზე და ძმობაზე ქადაგებას იმ კაცისაგან, რომელიც თავისი პირადი წმინდა კლასობრივი ინტერესების სასარგებლოთ თავისი მოქმის სისხლს ღვრის და თავისი ქვეშევრდომების ოფლით იკვებება? ყოველივე ამას ბოლო მოეღება მხოლოდ მაშინ, როცა საზოგადოებრივი ცხოვრების ნიეთიერ პირობებში ძირითადი ცვლილება მოხდება. ასეთ ცვლილებას განიცდის თანამედროვე საზოგადოება. ამიტომ მოახლოებულია ის დრო, როცა ხალხის მედგარი იერიში სამუდამოთ წაღეკავს ყველა წინანდელ უსამართლობას, მოსპობს მჩაგვრელებს და დამყარდება სამართლიანობა.

(გაზ. იმღვა " 1906 წ.
2 აპრილი, № 18).

კონსტიტუციონალისტ-დემოკრატების ტაქტიკა.

ის გარემოება, რომ სათათბიროს არჩევნებზე კადეტების პარტიამ შესამჩნევად გაიმარჯვა, ჩვენ გვაიძულებს ხსენებული პარტიის ტაქტიკას განსაკუთრებით ყურადღება მივაქციოთ და, რამდენადაც შესაძლებელია, სინათლეზე გამოვიტანოთ. კონსტიტუციონალისტ-დემოკრატების ტაქტიკის დასახასიათებლად ჩვენ ყველაზე უწინ საჭიროა გავიხსენოთ, თუ ვინ იყვნენ ამ ათიოდ წლის წინეთ ამ პარტიის დღევანდელი ბელადები და რა გზით, ან რა საშუალებით ფიქრობენ ისინი რუსეთში პარლამენტარიზმის დამყარებას. დღევანდელი კადეტები, ეს იგივე ერობათა და ქალაქის თვითმართველობათა ლიბერალური ნაწილია, რომელიც ჯერ კიდევ მესამოცე წლებიდან სხვადასხვა შუამდგომლობით და აღრესებით თხოულობდნენ, რომ მეფეს თავისი სურვილით ებოძებია ზურგუა-ლიბერალებისათვის კონსტიტუცია, თუნდაც ყოველად მახინჯი და ყალბი. ჩვენი კადეტები ეს ის ვაებატონებია, რომლებმაც ამ თორმეტი წლის წინეთ ნიკოლოზ მეორეს უქვეშევრდომილესი აღრესი მიართვეს, რომელშიაც მას მოწყალეობას თხოვდნენ ხალხის ყალბი წარმომადგენლობის სახით! როცა ასეთ ყოველად უვნებელ თხოვნაზე იმათ არა თუ უარი სჯიკცეს, არამედ თიჯქმის პირშიაც კი ჩაათურთხეს, ჩვენი ლიბერალები მშიშარა კურდღლებივით, ბუჩქებში მიიმალენ და მთელი ათი წლის განმავლობაში თითქო ღრმა ძილში იყვნენ. მხოლოდ მაშინ, როცა რევოლიუციონური პროლეტარიატის მედგარმა და შეურყვეველმა იერიშმა ძირი გამოუთხარა აბსოლიუტურ მონარქიას და დამპალი ბიუროკრატიული წესწყობილების ზღუდეები აქა იქ შენგრია და როცა ამავე დროს იაპონიასთან ომის დროს მთავრობის სრული გახრწნილება გამოაშკარავდა, მხოლოდ მაშინ იწყეს იმათ თვალების ფშენეტა და გამორკვევა. მაგრამ აი რევოლიუცია დაიწყო და რუსეთში სამოქალაქო ომი ატყდა. ერთ მხარეზე დადგა სახელ-გატეხილი, ნდობა დაკარგული და იმავე დროს ხალხის სისხლის მსმელი ბიუროკრატია, შეიარაღებული ყოველგვარი საომარი იარაღებით და მეორე მხარეზე კი მრავალტანჯული, აწიოკებოაზრებული, გადატაკებული და დამონებული უიარაღო ხალხი. ვისი

მხარე უნდა დაეკირა ან ვის უნდა მიმხრობოდა ამ შემთხვევაში ლიბერალური ბურჟუაზიის იდეოლოგიები? რა თქმა უნდა, ასეთ პირობებში ისინი მთავრობის მომხრეობას ვერ გაბედავდნენ, მაგრამ ისიც აშკარა იყო, რომ მათი თანაგრძნობა რევოლიუციისაკენ არ იყო. ისინი ხარობდნენ, როცა ხედავდნენ, რომ აბსოლიუტური წესწყობილება, თვითმპყრობელობა ისპობოდა, მაგრამ მეორე მხრით უზომოა შიშს გრძნობდნენ რევოლიუციური პროლეტარიატის და გლეხკაცობის წინაშე. რამდენათაც რევოლიუცია წინ მიდიოდა და ღრმავდებოდა, იმდენათ სულ უფრო აშკარავდებოდა კონსტიტუციონალისტ-დემოკრატების სულსკვეთება და მისწრაფება, იმდენათ ისინი სულ უფრო და უფრო იწვედნენ მარჯვნივ და მთავრობასთან შეთანხმებას ცდილობდნენ იმ პირობით, თუ მთავრობა თითონ ვადადგებოდა და თავის ადგილს პეტრუნკევიჩებს, ტრუბეცკოვებს, კოკოშკინებს და იმათ მსგავსთ დაუთმობდა.. მთავრობა, რა თქმა უნდა, ჩვენ მყვირალა ლიბერალებს არ დაემორჩილებოდა. მაშინ ამათ სხვანაირ ხერხს მიმართეს, რომლისთვისაც წინათაც არა ერთხელ მიუმართავთ. მთავრობას დაემუქრენ: თუ ჩვენ წინადადებას არ მიიღებ, ხალხი აჯანყდება, ადგება და სრულიად გაგსრესო. ამიტომ თავისი საკუთარი ინტერესების სასარგებლოთ უმჯობესია თავისი ნებით დაგვითმობო, რასაც გთხოვთო. მთავრობამ არც ასეთ მუქარას მიაქცია ყურადღება და იმავე დროს გადაქრით შეუდგა რევოლიუციის დამარცხებას იპრაღით, არ დაერიდა არც უდანაშაულო ხალხის ამოხოცვას და არც ქალაქის და სოფლების დანგრევას და განადგურებას. ამ პირობებში კონსტიტუციონალისტ-დემოკრატები მთავრობას უნდა ძალა-უნებურათ ჩამოშორებოდნენ. და მართლა, რომელ პარტიას შეეძლო ამ დროს მთავრობასთან ყოფნა გარდა ნამდვილი ხულიგანებისა და შავრაზმელებისა? ამ საშინელ დროს თვით 17 ოქტომბრის კავშირი და უფლებბრივი წესწყობილების პარტიაც კი არ იწონებდნენ მთავრობის ტაქტიკას და მას მუქარას უთვლიდნენ. ამიტომ პოლიტიკური პარტიის სამსახური დღევანდელ პირობებში იმით არ გაიზომება, რომ იგი მთავრობის გამხეცვლელ მოქმედებას კიცხავს და განზე იწევს.

იმ დროს, როცა ხალხი აჯანყებულია არსებული წეს-წყობალების წინააღმდეგ, როგორც ეს დღეს რუსეთშია, საქმეს იმნაირი ტაქტიკა უშველის, რომელიც რევოლიუციას წინ წასწევს, ე. ი. რომელიც ძველი წესწყობილების სრულ გაუქმებას დააჩქარებს. ახლა ვიკითხოთ—რა მოიმოქმედეს ამ მხრით ლიბერალური ბურჟუაზიის წარმომადგენ-

ლებმა? იმათი ტაქტიკა ხელს უწყობდა რევოლიუციის გაძლიერებას, თუ, პირიქით, იმათი მოქმედება სწორეთ ამ რევოლიუციის ჩაქრობისაკენ იყო მიმართული? მთელი იმათი მოქმედება რევოლიუციის დროს მხოლოდ იმას მოწმობს, რომ იმათი ტაქტიკა არა თუ არ იყო რევოლიუციური, არამედ პირდაპირ რევოლიუციის წინააღმდეგ იყო მიმართული. მართალია, თავისუფლების მოპოვება, პარლამენტარიზმის დამყარება იმათ უნდოდათ, მაგრამ ეს იმათი აზრით მშვიდობიანი გზით უნდა ხდებოდა, თხოვნით, შუამდგომლობით, დაჯერებით და ზოგჯერ მუქარითაც. ჩვენ ვიცით, რომ ამ გზით ჩვენ შორს ვერ წავალთ, მაგრამ ბურჟუა-ლიბერალს ამაში ვერ დაარწმუნებთ. იგი დღესაც გეტყვით, რომ რუსეთში პარლამენტარული წეს-წყობილების დამყარება სისხლის დაურღვევლად შეიძლებოდა, რომ ამისთვის საჭირო არ იყო აჯანყება და სხვა. ჩვენი კადეტების დასახსიანობებლად საინტერესოა ის გარემოება, რომ ისინი, მაგ., დარწმუნებული არიან იმაში, რომ დღეს რუსეთში კონსტიტუციონალური მთავრობა არსებობს (იხ. ვაზ. „რეჩ“, № 31). იმათი აზრით, მეფის თვითმპყრობელობა დღეს უკვე აღარ არსებობს, ვიტე-დურნოვოს სამინისტრო კონსტიტუციონალური სამინისტროა და მასთან წმინდა პარლამენტარულ ნიადაგზე შეიძლება ბრძოლა. მთელი იმათი ტაქტიკა ამ ყალბ შეხედულებაზე აგებული და ამიტომ ცხოვრება-შთაც იმათ ასეთი ყალბი როლი უნდა ითამაშონ. სულ სხვანაირად უყურებს დღევანდელ ვითარებას სოციალ-დემოკრატია და ამიტომ სულ სხვანაირია მისი ტაქტიკა დღევანდელ პირობებში. მისი ღრმა რწმენით რევოლიუციონური პროლეტარიატის და გლეხ-კაცობის მიერ წამოყენებული მოთხოვნები შეიძლება დაკმაყოფილებულ იქნას მხოლოდ იმ შემთხვევაში, თუ რევოლიუცია ბოლომდის გაიმარჯვებს, ე. ი. მხოლოდ მაშინ, როცა სრული დემოკრატიული წეს-წყობილება დამყარდება. ამიტომ სოციალ-დემოკრატის ტაქტიკა რევოლიუციონურია. სოციალ-დემოკრატას არა სწამს, რომ დღევანდელმა მთავრობამ უბრძოლველათ დაუთმოს ხალხს რამე. კონსტ.-დემოკრატები კი, პირიქით, ამ მთავრობაზე დიდ იმედებს ამყარებენ. „თუ რომ გასული წლის ნოემბერში—სწერდა ამას წინეთ კადეტების ლეიბ-ორგანო „რეჩ“, გრაფ ვიტეს საზოგადოებრივი მაჯის ცემა ეგრძნო და შეძლებოდა იმის გაგება, რაც მაშინ მას იპეტრუნევიჩმა უთხრა, როგორც ერ. აბათა წარმომადგენელმა, ჩვენ არ განვიცდიდათ კონტრ-რევოლიუციის საშინელებათა“ (№ 32). ეს მხოლოდ უსუსური ბავშვის ტიტინა და ახლაც, როცა კადეტებმა სათათბიროს

აჩვენებზე გაიმარჯვეს, მთავრობას ეუბნებიან: ხომ ხედავთ, როგორია საზოგადოებრივი მაჯისცემა, თუ ახლაც ჩვენი რჩევა-დარიგება არ გაიგონე, „ქვეყანაში ხელახლა საშინელება დატრიალდება, ბევრათ უფრო იმაზე უარესი, რაც აქამდის განვიცადეთო“. კარგი დანიშნულება! ვათომკ დურნოვო-ვიტეს მთავრობამ არ იცოდეს, რა ხდება რუსეთში, ვითომკ „კონსტიტუციონალური“ სამინისტრო არ ემზადებოდეს ყველა ამ საშინელებათათვის? ეს წმინდა ბავშური მსჯელობაა და ის პარტია, რომელსაც ასეთი ლათაიებით სურს ფონს გასვლა, ხალხს ვერ იხსნის.

(გაზ. „ელვა“ 1906 წ.
7 აპრილი, № 20).



სოციალ-დემოკრატია და სათათბიროს არჩევნები.

„ელვის“ გუშინდელ ნომერში (№ 20) მოთავსებულია მახანაგ №-ის წერილი, „არჩევნები რუსეთში“. ავტორი, როგორც თვით მკითხველი დაინახავდა, სათათბიროს არჩევნებში მონაწილეობის მიღების მეტი გატაცებული მომხრეა. ეს, რასაკვირველია, მისი საქმეა, მაგრამ არ შეგვიძლია აღუნიშნავი დავტოვოთ ის გარემოება; რომ როცა ავტორი კადეტების გამარჯვებას ხსნის არჩევნების დროს და იმავე დროს ბოიკოტისტების ტაქტიკას კიცხავს, იგი სინამდვილეს და ლოლიკას დალატობს. განვიხილოთ საქმის ვითარება ცოტა უფრო დაწვრილებით.

უწინარეს ყოვლისა, ავტორი არა თუ არ არკვევს, არამედ სრულე-ბით უყურადღებოთ ტოვებს იმ ობიექტიურ პირობებს, რომლებშიაც დღეს იმყოფება საერთოდ მთელი რუსეთის ხალხი და კერძოდ პროლეტარიატი და გლეხობა. ავტორი სრულიად გვერდს უვლის აგრეთვე თვით საარჩევნო დებულებას, რომლის ძალით პროლეტარიატის სამი მეოთხედი ნაწილი სრულიად მოკლებულია საარჩევნო უფლებას და რომლის მეოხებით პროლეტარიატს თავისი საკუთარი ძალით არ ძალუძს სათათბიროში თავის საკუთარი დეპუტატი აირჩიოს. გვეტყვიან: ყოველივე ეს ისედაც აშკარა იყო. ეს მართალია, მაგრამ მიუხედავად ამისა, მე მაინც ვიტყვი, რომ რაკი ავტორი პროლეტარიატის ტაქტიკას არჩევს სათათბიროს დღევანდელ არჩევნების დროს, ზემო ნათქვამისათვის ზურგი ვერ უნდა შეექცია. მაგრამ, საშუაზაროთ, ავტორი სრულეობით უყურადღებოთ სტოვეტს ამას. ამიტომაც მთელი მისი მსჯელობა, როგორც კადეტების, ისე ბოიკოტისტების შესახებ, მართო ფრაზებისაგან შესდგება და როგორც ასეთი, ყოველგვარ საფუძველს მოკლებულია.

ავტორის აზრით კადეტებმა სათათბიროს არჩევნებზე იმიტომ გაიმარჯვეს, რომ უკიდურესმა პარტიებმა სათათბიროს არჩევნებს ბოიკოტი გამოუცხადეს*). აქედან ასეთი დასკვნა უნდა გამოვიყვანოთ, თუ რომ უკიდურეს პარტიებს დღევანდელ არჩევნებში მონაწილეობა მიეღოთ, გამარ-

* მკითხველმა უნდა იგულისხმოს, რომ აქ მართო რუსეთზე დაპარაკი, ვინაიდან რუსეთის განაპარა ადგილებში ჯერ არჩევნები არ მომხდარა.

ჯვებულის ისინი დარჩებოდენ და არა კადეტებო. აი, ბეჩავი აზრი თუ ეს ასე მოხდებოდა, რისთვის არის საჭირო დამფუძნებელ კრების მოწვევა ოთხ-ფორმულიანი საარჩევნო უფლებით! პროლეტარიატს და გლეხობას ხომ, თქვენის აზრით, დღევანდელ ვაგლიხ საარჩევნო უფლებითაც შეეძლოთ გამარჯვებული დარჩენილიყვენ არჩევნებზე? ვიცი მეტყვით, ასეთი დასკვნა სისულელეაო, მაგრამ სწორეთ ეს დასკვნა გამოდის თქვენი მსჯელობიდან. გარდა ამისა, თქვენ დაგვიწყებიათ ის, რომ მთავრობამ სამი თვის განმავლობაში განუწყვეტლივ ენერგიული ზომების ხმარებით მიღეწ-მოღეწა უკიდურეს მემარცხენე პარტიების ყოველგვარი ორგანიზაციები, როგორც ლეგალური, ისე არალეგალური, დაკეტა გაზეთები, უფრო მეტი სისასტიკით და გააფრთხილეთ შეუდგა რევოლუციონური მოძრაობის მეთაურების დევნას და სხვადასხვა; ამნაირათ მთავრობამ გამოაცხადა ყველა უკიდურესი მემარცხენე პარტიები და მათ შორის სოც. დემოკრატიაც ყოველგვარ კანონის გარეშე და მით შეუძლებლათ გახდა იმათი მხრით სათათბიროს არჩევნებში მონაწილეობის მიღება მაშინ, როცა ყველა ბურჟუაზიულ პარტიებს, და მათ შორის კადეტებსაც, ამ მხრით თითქმის არავითარი დაბრკოლება არ ქონდა და თუ ქონდათ, შედარებით სულ უმნიშვნელო. ამხანაგი N კი არც ერთ ამ გარემოებას მხედველობაში არ ღებულობს. იგი საესებით შეუპყრია კადეტების გამარჯვებას და ამ ამბავს იგი საესებით „ბოიკოტის“ ტაქტიკას აწერს. ავტორი საშინლად შეწუხებულია კადეტების გამარჯვებით. მისი აზრით დღეს კადეტები ძლიერ დაუანლოვდენ ხალხს; ქალაქის მუშები და გლეხობა თანდათან გადადიან კადეტების გავლენის ქვეშა; „ეს პარტია გამხდარა ის ცენტრი, რომელზედაც მიპყრობილია თითქმის მთელი ხალხის თვალები, მთელი გამწარებული და დამშეული ხალხი ამ პარტიისაგან რალაცას გამოელის“ (ხაზს ჩვენ ვუსვამთ). ავტორის სიტყვით, „კადეტებმა ამ ცრტა ხანში მოიპოვეს საარაკო სიძლიერე, გახდენ სახალხო პარტიათ“, (ხაზს ავტორი უსვებს). ყოველივე ეს ავტორის აზრით იმით აიხსნება, რომ „კადეტებმა მშვენიერათ შეიგნეს და მიხედენ ხალხის მისწრაფებაო“. ვინ ამბობს ამას? ვინ ფიქრობს ასე: სოციალ-დემოკრატები თუ კადეტები? სამწუხაროა, რომ ასე ჩვენი ამხანაგი სოც.-დემოკრატის მსჯელობს. ვინ მიდის კადეტების პარტიაში? მუშები, გლეხობა? მაგრამ იგივე მუშები, შეიძლება შავრაზმელების და ხულიგანების პარტიაშიც წავიდენ! მებრძოლი პროლეტარიატი და გლეხობა არასოდეს არ წავლენ კადეტბ-

თან, არასოდეს არ გაუმაგრებენ მათ ზურგს, ეს ჩვენ კარგათ უნდა ვიცოდეთ. ამიტომ ვინც დღეს იმათთან მიდის, ეს ჩვენთვის არავითარი დანაკლისი არ არის. ამასთანავე დარწმუნებულიც უნდა ვიყოთ, რომ კადეტები სახალხო პარტია არც არასოდეს ყოფილა და ვერც შეიქნება. მართალია, ისინი ბევრს ყვირიან თავის თავზე, თავის გამარჯვებას ხალხის გამარჯვებათ თვლიან, მაგრამ რამდენიც უნდა ილაპარაკონ, ისინი ვერ იქნებიან რევოლუციონური პროლეტარიატის და გლეხობის პარტია, რომლის დროშა სოციალ-დემოკრატის უპყრია ხელში. რაც შეეხება იმას, რომ კადეტებმა ვითომც შეიტყვეს ხალხის ნამდვილი მისწრაფება და სულისკვეთება, ეს აზრიც, მეტი რომ არა ვთქვათ, მეტად გაზვიადებულია. მართალია, კადეტები საზოგადოების ერთი განსაზღვრული ნაწილის სულისკვეთებას გამოთქვამენ, მაგრამ განა ეს მთელი ხალხის სურვილია? ჩვენ ვიცით, რომ საზოგადოებაში არიან ისეთი ელემენტები, რომლებიც არც მინცდამინც დიდათ უკმაყოფილო არიან დღევანდელ ბურჟუაზიულ წესწყობილებით. ასეთი ელემენტები ყოველთვის მხარს დაუჭერენ ზომიერ ლიბერალებს, როგორც არიან დღეს ჩვენი კადეტები. დღევანდელი სათათბიროს საარჩევნო დებულება ამ ელემენტებს ხელს უწყობს არჩევნებში მონაწილეობის მიღებას, და კადეტების გამარჯვებაც არჩევნებზე სწორედ ამ ელემენტების მონაწილეობით აიხსნება.

ვიცი ამხანაგი პე მიპასუხებს: მე აქ ასეთ ელემენტებზე არ ვლაპარაკობ, მე მხედველობაში მაქვს ხალხის ფსიხოლოგია, რომელმაც შექმნა ასე მოულოდნელი გამარჯვება კადეტებისათვის“ (ხაზს ჩვენ ვუსვამთ). ავტორი განმარტავს ამ „ფსიხოლოგიას“ და აქედან ის დასკვნა გამოკრავს, რომ „ხალხი დღეს ჩაჩუმდა და შეიარაღებულ აჯანყებაზე ახლო მომავალში ოცნებაც კი არ შეიძლება. ხალხს დასვენება ესაჭიროებოდა და საჭირო იყო ისეთი ტაქტიკა ამოგვეჩია, რომელიც ხალხს ისე გაამხნევედა, სულს ჩაუდგამდა“ (ხაზს ჩვენ ვუსვამთ). ასეთი ტაქტიკა იყო თურმე არჩევნებში მონაწილეობის ტაქტიკა, რომელიც უარყო რუსეთის სოც. დემოკრატის დიდმა უარავლესობამ და კადეტებმა კი მიიღესო. როგორც ხედავთ, ავტორის შეხედულებით „ხალხის ფსიხოლოგია“ მშვენივრათ შეუღნიათ კადეტებს. სამწუხაროთ ავტორი აქაც, როგორც ყველაფერში, ფაქტებს არავითარ ანგარიშს არ უწყევს. მართლა ისე დაეცა ხალხი, რომ მას წელში გამართვის იმედი აღარ აქვს? იმიტომ არის დღეს იგი გაჩუმებული, რომ მას დღეს მხოლოდ დასვენება ესა-

კიროება? რას მოწმობენ აუარებელი ფაქტები? რას ამბობენ უფრო გამოცდილი და დაკვირვებული ამხანაგები? განა რევოლიუციონური პროლეტარიატი და აჯანყებული გლეხობა ამ ეჟიდ. დასვენებაზე ფიქრობს? განა კაუტსკი, ლენინი და სხვები „დასვენების“ ტაქტიკაზე გვითითებენ? ჩვენ კარგათ ვიცით, თუ ვინ გვითითებს ასეთ „ტაქტიკაზე“. ესენი არიან სწორედ ის ქადეტები, რომლებიც დღე-მუდამ რევოლიუციას დალატობენ. ვიცი ამხანაგი ან მანც მეტყვის: ხალხს არჩევნებში მონაწილეობის მიღება უნდოდა, ეს აშკარათ დაამტკიცეს არჩევნებშიაო, სადაც ამრჩევლების 85 პროცენტი გამოცხადდაო და ეს საზღვარ-გარეთაც იშვიათი მოვლენა არისო. ჯერ ერთი ის, რომ 85% არსად არ გამოცხადებულა. მოსკოვში, რამდენათაც მახსოვს, ერთ რომელღაც ნაწილში 60% მეტი გამოცხადდა; მაგრამ სამაგიეროთ ავტორი სრულებით სდუმს იმაზე, რომ უმეტეს ნაწილად ხალხი სულ არ ესწრებოდა არჩევნებს და სადაც ესწრებოდა, ათასი ამომრჩევლისაგან ძლიეს-ძლიეობით 10—20 კაცამდე მიდიოდნენ. საკვირველია, რათ უხვევს გვერდს ავტორი ასეთ ფაქტებს! საკვირველია, თუ რისთვის ამხინჯებს იგი სინამდვილეს, როცა ამბობს, რომ ხალხს ძლიერ უნდოდა სათათბიროში მონაწილეობის მიღება, რომ „ეერავითარი ქადაგებით ვერ დაარწმუნებთ მას, რომ ღუმეში მონაწილეობა არ უნდა მიიღოვო“. ნამდვილი ფაქტები კი სულ წინააღმდეგ ამტკიცებენ. პირიქით, ყოველ დღე იმას ვკითხულობთ გაზეთებში, რომ საარჩევნო დრო მოახლოვდა, მთავრობა ხალხს იწვევს არჩევნებზე, მაგრამ ხალხი გაუარბის, არა თუ გულგრილათ ექცევა არჩევნებს, არამედ ეკვით უყურებს, ესეც მთავრობის მიერ დაგებული ხაფანგია, მისი პროვოკაციანო. და მართლაც, ყველა იმის შემდეგ, რაც ამ უკანასკნელ დროს მთავრობამ ჩაიდინა, განა მის მიერ გამოგონილი „ღუმე“ ვისმეს თვალში რაიმე ნდობას დაიმსახურებდა? ასეთ პირობებში ხალხი თავის თავად ბოიკოტს უცხადებდა სათათბიროს და ამიტომ ბოიკოტის მომხრეთათვის სრულებით საჭირო არ იყო ხალხის დარწმუნება იმაში, რომ არჩევნებში მონაწილეობას ნუ მიიღებთ. პირიქით, ანტი-ბოიკოტისტებს უნდა მიეღოთ ზომები, რომ ხალხი დაერწმუნებიათ, საჭიროა სათათბიროს არჩევნებში მონაწილეობის მიღებაო. /გადააღწეოთ თვალი, თუ რას იწერებოდნენ გაზეთებში ჩვენი ქვეყნის სხვადასხვა კუთხიდან, თუ როგორ გაუარბოდა ხალხი არჩევნებს მაშინ, როცა ჩვენ ორგანიზაციებს სულ სხვანაირი რეზოლიუციები გამოქონდათ. რაც შეეხება რუსეთს, ამ ეჟიდთ ვიკმაროთ მხოლოდ რამდენიმე ფაქტი. პეტერბურგის და მოსკოვის პრო-

ლექტარიატმა, რომელიც დღეს მთელი რუსეთის პროლეტარიატის მაჯის ცემის გამომატველია, სრულიად შეგნებულად განაცხადა უარი სათათბიროს არჩევნებში მონაწილეობის მიღებაზე. იგი ბოიკოტს უცხადებს სათათბიროს, ვინაიდან დარწმუნებულია, რომ იქიდან არაფერი არ გამოვა, გარდა იმისა, რომ მონაწილეობის მიღებით ერთ არევე-დარევეს მოვახდენთ პროლეტარიატის და გლეხკაცების თავშიო. პეტერბურგის პროლეტარიატი ყოველგან აცხადებდა რომ ჩვენ დღევანდელ პირობებში სათათბიროსათვის დეპუტატებს ვერ ავირჩევთ, ვინაიდან ჩვენ გვყავდა არჩეული დეპუტატები, მაგრამ ისინი ყველა დაქვრივები არიან და იცოცხენ ვიცი სად არიან დაკარგულიო. ასე მოხდა ბალტიის მხარეშიაც, სადაც რევოლუციურმა მოძრაობამ ყველაზე უფრო იჩინა თავი. ამას წინეთ გაზ. „ნაშა ეიზნის“ კორესპონდენტი იწერებოდა, რომ ბალტიის მხარეში ისეთი პირობები შექმნეს, რომ ქალაქის და სოფლის პროლეტარიატს სხვა გზა არ ქონდა გარდა იმისა, რომ არჩევნებისათვის ბოიკოტი გამოეცხადებიაო. მხოლოდ ბურჟუაზიული კლასები და მემამულეები იყვნენ და არიან სათათბიროში არჩევნების მონაწილეობის მიღების მომხრეებო (№ 406). ასეთი პირობებია დღეს რუსეთში. სხვა მაგალითების ჩამოთვლა საჭირო არ არის.

ნათქვამიდან აშკარაა, თუ რამდენათ მართალია ამხანაგი, როცა გადაჭრით ამბობს, რომ ხალხი „დუმაში“ მონაწილეობის მიღების მომხრე იყო და თუ აგრეთვე რამდენათ შესაწყნარებელია მისი სიტყვები: „მთელ თავის ისტორიაში ჩვენ ამხანაგებს არ ჩაუდენიათ ისეთი მიუტევებელი ტაქტიკური შეცდომა, როგორც არის ბოიკოტის ტაქტიკა“. ისტორიის მსჯავრი დიდხანს არ გვალოდინებს უფრო სამართლიანის განაჩენის დასაწერათ.

(გაზ. „ეღვა“ 1906 წ.
8 აპრილი № 21)

სოციალ-დემოკრატიის გარშემო.

საიდან არ გინდათ, რომ იერიში არ მოქონდეთ სოციალ-დემოკრატი-
აზე! შესაფერი დროც გამოიჩინეს. სწორედ მაშინ, როცა გარეთ, ქუჩაში,
გაცხარებული ბრძოლაა, როცა ყოველი მხრიდან სისხლი იღვრება, ჩე-
ნი მოწინააღმდეგენი, კაბინეტში ჩამსხდარნი, სხვადასხვა ცილისწამებას
და ინსინუაციებს იგონებენ პროლეტარიატის პარტიის ჩასაქოლავათ. ამ
მიზნის მისაღწევად ზოგი ცრუ-ფილოსოფიურ საფუძველს ეძებს, ზოგი
ისტორიულ სიყალბეს ჩადის, ზოგიც აშკარად ცილისწამებას და ინსი-
ნუაციებს თხზავს, ზოგი (მაგ. ახალშობილი გაზეთი „ნობათი“²¹) სო-
ციალ-დემოკრატიას აბრალებს სოციალიზმის დაღატაკ, რევოლიუციო-
ნურ გზიდან გადახვევას, ოპორტიუნიზმში შეტოპვას, ზომიერ პარტიათ
გადაქცევას და სხვა. მეორეთ (მაგ., „ივერია“) სოციალ-დემოკრატიას,
პირიქით, იმაში ამტყუნებს, რომ იგი მეტის მეტი უკიდურესი პარტია
შეიქნა, რომელიც უარყოფს ყოველგვარ კავშირს ყველა დანარჩენ პარ-
ტიებთან, რომელიც ყველას შეურიგებელ ომს უცხადებს, რომელიც
მხოლოდ რევოლიუციონური გზით ცდილობს თავის მიზნის განხორცი-
ელებას. სოციალ-დემოკრატია ამათი შეხედულებით დამნაშავეა იმაში,
რომ მას არ აკმაყოფილებს მარტო პოლიტიკური ცვლილების მოხდენა,
არამედ იგი ახლავე ფიქრ-ებს „ეკონომიური დაჩაგვრის მოსპობას“, რის-
თვისაც საჭიროდ მიაჩნია „შეიარაღებული აჯანყების მოხდენა და პრო-
ლეტარიატის დიქტატურა“.

აი, ასეთი ერთი მეორის გამაქარწყლებელი ბრალდებაა წამოყენებუ-
ლი სოციალ-დემოკრატიის წინააღმდეგ! განა შესაძლებელია, რომ სო-
ციალ-დემოკრატია ერთ და იმავე დროს რევოლიუციის გზასაც ადგეს
და ოპორტიუნიზმის იყოს, ზომიერ, მინიმალურ, პოლიტიკურ ცვლი-
ლებებს ებღაუქებოდეს და ეკონომიური დაჩაგვრის სრულ გაუქმებასაც
ლამობდეს? სოციალიზმის განხორციელებისაკენ მისწრაფოდეს და იმა-
ვე დროს კერძო საკუთრების იცავდეს? ჩვენმა მოწინააღმდეგეებმა ერთობ
მეტად ღრმად შეტოპეს ინსინუაციების და ცილისწამების მორგეში,
ჟამისათ ასეთ ბრალდებათა წამოყენება შეუძლებელი იქნებოდა. ასწ

გეგონებათ, რომ ჩვენი მოწინააღმდეგეები თითქო ერთი ერთმანეთს ეჯიბრებიან ამ სამარცხვინო ხელობაში.

„ივერია“ მაგ., გაიძახის, რომ „ქართველმა სოციალ-დემოკრატებმა უარყო სხვადასხვა პატარა ეროვნებისათვის თავისუფლება... გვერდი შეუქცია ეროვნულ დაჩაგვრის მოსპობასო“ („ივერია“ № 6). „პროლეტარიატმა დიქტატურა გამოაცხადა (რუსეთში, ნუ დაივიწყებთ), რამაც ძირს დასცა განმათავისუფლებელი მოძრაობა“... ამ დიქტატურამ ახალი თვითმპყრობელობის ხასიათი მიიღო და სხვა. იმავე გაზეთის სიტყვით ის წესწყობილება, რომლის განხორციელება პროლეტარიატს სურს, თურმე მხოლოდ ხალხის უმცირესობისათვის ყოფილა სასიამოვნო. და არა უმეტესობისათვის. შემდეგ გაზეთი გადაჭრით ამბობს, რომ ხალხი არჩევნების დროს რუსეთში სოციალ-დემოკრატებს არ მიეკედლა და ხმის უმეტესობა ერგო პოლიტიკურ დემოკრატებსა და სხ. (იქავე).

ყველა ეს ინსინუაციები და ცილისწამებათა თაიგული ჩვენ აქ იმით კი არ მოვიყვანეთ, რომ პასუხი გავცეთ. ისინი პასუხის გაცემას არც კი აპირებენ, ვინაიდან თავის თავად აშკარაა იმათი უსაფუძვლობა, მით უმეტეს, რომ „ივერიის“ მხრით ეს ახალი არ არის. სულ სხვაა ახალი გაზეთი „ნობათი“. სამწუხაროა, რომ იგიც იმავე წუმპეში ჩაეშვა, მხოლოდ მეორე მხრიდან. რაც რომ ოდესმე ევროპაში ანარქისტებს ულაპარაკიათ და უწერიათ მარქსიზმის წინააღმდეგ, ყოველივე ეს ახლა ქართულად მოუწადინებიათ გადმოღება, ალბათ იმ მოსაზრებით, რომ შეიძლება აქ გაასაღონ. მიმართულება, რომლის რევოლუციური ხასიათი მხოლოდ სიტყვების რახა-რუხში გამოიხატება, დღეს ჩვენში ნიადავს ვეღარ მოიპოვებს. სოციალ-დემოკრატიულ მოძღვრებას უკვე საკმარისათა აქვს დღეს ჩვენში გადგმული ფესვები, რომ ევროპაში დიდი ხნიდან უარყოფილმა ანარქისტების მოძღვრებამ შესძლოს დღეს მისი შერყევად და მარცხება. სოციალ-დემოკრატია არ გაურბის კრიტიკას, პირიქით, კრიტიკას იგი მიუცილებელ სპირიტუალთ თვლის, მაგრამ როცა ეს კრიტიკა დამყარებულია მხოლოდ ინსინუაციებსა და ცილისწამებაზე, ასეთ კრიტიკას არავითარი სარგებლობის მოტანა არ შეუძლია. მაგრამ ჩვენ გვყვანან კიდევ სხვანაირი მოწინააღმდეგეებიც.


ესენი მართო ინსინუაციებს და ცილისწამებას როდი ჯერდებიან, ისინი უფრო სოც.-დემოკრატიის პროგრამას და პრაქტიკულ მოქმედებას აკრიტიკებენ და ამაში წინააღმდეგობის გამოჩენით სურთ სოც.-დემოკრატიის სახელის გატეხა. ესენი არიან სოციალისტ-რევოლუციონერ-

რები და სოც.-ფედერალისტ-ავტონომისტები. ამათი აზრით, „სოც.-დემოკრატია თუმცა უძლიერესი პოლიტიკური პარტიაა ჩვენში“, მაგრამ იგი თურმე ვერ უახლოვდება „ქართველი ხალხის ფსიქოლოგიას“, რადგანაც ჩვენ ხალხს დღეს ისე არაფერი არ სქიჩია, როგორც ეროვნულ ძალთა კულტურული აღორძინება და განვითარება და სოც.-დემოკრატია კი ამას საშინლათ გაუარბის („შრომა“ 22) № 5). ეროვნულ ინტერესების უარყოფა ქართველ სოც.-დემოკრატებისაგან გარდამავალი მოვლენააო, — გვარწმუნებენ სოც.-ფედერალისტები, — და იგი ფებს ვერ მოიკიდებს ხალხის ფსიქოლოგიაშიო, და თუ შემდეგშიაც ასე მოიქცენ, ისინი მალე დაკარგავენ გავლენას მშრომელ ხალხზე და მათ ადგილს სხვა პარტიები დაიკერენ, რომ სოც.-ფედერალისტების პარტია ამ მხრივ უფრო უახლოვდება ხალხის ფსიხოლოგიასო“ (იქვე). მაშ, რაღა აწუხებთ ჩვენ, ფედერალისტ-ავტონომისტებს? ან შეიძლება იმათ სოციალ-დემოკრატები ებრალებათ, რომლებსაც შემდეგში პირისაგან ქვეყნისა აღგვა მოელით? საეჭვო კია, რომ სოციალ-დემოკრატების ადგილი ფედერალისტ-ავტონომისტებმა დაიკირონ ოდესმე! და ამიტომ ურჩევთ ჩვენ ავტონომისტ-ფედერალისტებს მაინცდამაინც ნუ სწუხან სოციალ-დემოკრატიის გაქრობაზე. სულ სხვაა, როცა ჩვენი ავტონომისტ-ფედერალისტები ქართველ სოც.-დემოკრატიის „ისტორიას“ იკვლევენ.

იმ „ისტორიიდან“ თურმე გამოდის, რომ წინანდელი „ქართველი მარქსისტები თვალსაჩინოთ განსხვავდებოდნენ ეხლანდელ ქართველ სოც. დემოკრატიისაგან. ისინი მაშინ არ გაუარბოდნენ ნაციონალურ შინაარსის პოლიტიკას... ისინი (ქართველი მარქსისტები) ცდილობდნენ ქართველი ერის შეგნებაში ერთსა და იმავე დროს შეეტანათ სოციალიზმის და გონივრულ ნაციონალიზმის ცნებები, ცდილობდნენ სოციალიზმის შედუღებას ერთ განუყოფელ და დასრულებულ მოძღვრებათ... აი თურმე რას უწოდებენ ისტორიას ჩვენში! სად¹ ან როდის იყო, რომ ქართველი მარქსისტები „ნაციონალური შინაარსის პოლიტიკას“ სასტიკ და შეუბრალებელ ომს არ უცხადებდნენ? როდის იყო, რომ ქართველმა მარქსისტებმა სოციალიზმი და ნაციონალიზმი ერთ მოძღვრებათ გადაადუღეს! საბედნიეროთ ყველაფერი ეს არც ისე ძველი ამბავია, რომ აქ ასე აშკარათ სიყალბეს ჩადენა ვისმეს შერჩეს. ქართველ სოც.-დემოკრატებში ამ აზრით არაერთგვარი ცვლილება. არ მომხდარა და არც შეიძლება მომხდარიყო, ვინაიდან ეროვნულ კითხვას ჩვენ ყოველთვის კლასობრივი

ბრძოლის თვალთახედვის წერტილიდან ვიკვლევდით და დღემდის ეს შეხედულება არა თუ არ შერყეულა, არამედ, რაც დრო მიდის, სულ უფრო და უფრო მართლდება. მთელი დღევანდელი მოძრაობა, სხვას რომ თავი დავანებოთ, ამის დამამტკიცებელ საბუთს წარმოადგენს.

(გაზ. „ილეა“ 1906 წ.
აპრილი 11 № 29).



დღევანდელი პოლიტიკური ვითარება.

I.

რუსეთის დღევანდელ საზოგადოებრივ ძალთა განწყობილება ამ ეამად ასეთია: ზომიერი პროგრესისტ-ლიბერალები, კონსტ.-დემოკრატიების მეთაურობით, სახელმწიფოს სათათბიროს საშეაღებით ემზადებიან ბიუროკრატიასთან საბრძოლველათ. მემარჯვენე პარტიები, ე. ი. მემამულეების, სხვილ კაპიტალისტების, ფაბრიკანტების და ბანკირების წარმომადგენლები. ბიუროკრატიასთან ერთად სახელმწიფო საბჭოში, ე. ი. რუსეთის ყალბი ორ პალატიანი კონსტიტუციის ზედა პალატაში იყრიან თავს, როგორც რევოლიუციურ პარტიების, ისე ცოტათ თუ ბევრათ რადიკალურ და ლიბერალურ პარტიების წინააღმდეგ საბრძოლველად. რაც შეეხება უკიდურეს მემარცხენე, ანუ რევოლიუციურ პარტიებს, ისინი უმეტეს ნაწილად, როგორც სათათბიროს, ისე მით უმეტეს საბჭოს გარეთ არიან დარჩენილი და მთელ თავის იმედებს თვით ხალხის მოძრაობაზე, მისი ცნობიერების გაღრმავებაზე და გაფართოვებაზე, ე. ი. რევოლიუციის ბოლომდე მიყვანაზე ამყარებენ. ამავე დროს თვითმპყრობელი ბიუროკრატია მედგრად, შეუპოვრად განაგრძობს სელას ერთხელ არჩეული გზით. მან კარგათ იცის, რომ დღევანდელ პირობებში მას არც დათმობა უშველის და მით უმეტეს არც განმათავისუფლებელი მოძრაობის გამარჯვება. ორივე შემთხვევაში მას სიკვდილი უწერია და ამიტომ იგი ბრძოლაში ფიქრობს სულის დაღვევას. მისი საბრძოლველი საშეაღებანი ორნაირია: ერთი მხრით, იგი იშველიებს ყველა თავის სამხედრო და ადმინისტრაციულ ძალებს, როგორც მაგალითად, ჯარს, პოლიციას, ჟანდარმერიას, მეორე მხრით იგი იბრძვის დიპლომატიური ხერხით. ორივე ამ საშეაღებებს იგი ერთ და იმავე დროს ხმარობს. არ შეიძლება არ ვაღიაროთ, რომ დიპლომატიურმა ხერხმა მთავრობას ამ შემთხვევაშიაც უფრო მეტი სამსახური გაუწია, ვინემ სამხედრო და ადმინისტრაციულ ძალებმა. მართალია, ამ უკანასკნელთა საშეაღებით მთავრობამ ხალხში საშინელება დათესა, მაგრამ ეს იმგვარი მუშაობაა, რომელიც თვით მთავრობას უთხრის ძირს. სულ სხვაა დიპლომატიური ხერ-

ხი. სხვადასხვა დატყუილებით და ოინბაზობით მთავრობა ცდილობს ერთი მხრით ამოძრავებელი ხალხის ყურადღების ისეთ რიგზე მიქცევას, რაც ხელს უწყობს მის გამარჯვებას და ხალხის დამარცხებას და მეორე მხრით ამავე საშვალეებით იგი საქმეს იკეთებს კაპიტალისტებთან. ყველაზე დიდი სამსახური ამ მხრით სახელმწიფო „ღუმეში“ არჩევნების მოხდენამ გაუწია მთავრობას. რაც უნდა თქვან, ყველასათვის მაინც აშკარა უნდა იყოს ის გარემოება, რომ ამ არჩევნებით მთავრობა უფრო მოგებულო და, მაშასადამე, უფრო გამარჯვებული¹⁾ დარჩა, ვინემ ხალხი. დღეს აღარავისათვის საექვო არ უნდა იყოს ის გარემოება, რომ მთავრობამ არჩევნების მოხდენით საზღვარ გარეთ ვეებერთელა სესხი იშოვნა. რომ მთელი ეს არჩევნები კომედის თამაშობა იყო მთავრობის მხრით, ამას, რა თქმა უნდა, ისეთ ყურადღებას როდი აქცევდენ საზღვარგარეთის კაპიტალისტები და ბანკირები. იმათ, რასაკვირველია; ეგონათ, რომ რაკი მთავრობა არჩევნებს ახდენს და ხალხიც ნდობას უცხადებს არჩევნებში მონაწილეობის მიღებით, რომ „ღუმეში“ უმეტეს ნაწილათ ლიბერალური ელემენტები გადიან, რუსეთში რევოლიუცია უკვე დამთავრებულია, და მაშასადამე, იგი ნდობის ღირსიაო: ეს რომ ასე არ ყოფილიყო, მთავრობა სესხს ჯერ კიდევ გასულ წელს იშოვნიდა, როცა ვიტე და კოკოვცევი ზედი-ზედ საზღვარ გარეთ დაძწოდენ ამ საქმისათვის.

ფულის შოვნა დღეს მთავრობის გამაგრებას ნიშნავს. ამის უარის ყოფა დღეს არავის არ შეუძლია. რაკი მთავრობამ არჩევნების მოხდენით ფული იშოვნა, ექვი არ არის, რომ თვით „ღუმის“ მოწვევა დღეს მისთვის არა თუ საჭირო აღარ არის; არამედ პირდაპირ მავნებელი იქნება. როგორ მოიქცევა ასეთ პირობებში მთავრობა?

უმეტველია „ღუმის“ მოწვევაზე იგი უარს არ იტყვის დღეს, მაგრამ მას მაინც რამდენიმე საშვალეა აქვს, რომ „ღუმე“ არაბაობაზე დაიყვანოს. „ღუმეში“ მთავრობის წინააღმდეგ ბრძოლისათვის ჯერ არ არის შექმნილი პირობები. ამიტომ დარწმუნებული უნდა ვიყოთ, რომ „კადეტების“ გამარჯვება არჩევნების დროს თავის თავად არაფრის მომასწავებელი არ არის. ამ გამარჯვებამ მხოლოდ ერთი სარგებლობა მოუტანა ხალხს, სახელდობრ ის, რომ ყველამ დაინახა: ხალხი არ თანაუგრძნობს დღევანდელ მთავრობას, მაგრამ განა ეს ვისმესთვის აქამდის საექვო იყო? განა თვით მთავრობამაც არ იცის, რომ მას ხალხის თვალში

¹⁾ ეს გამარჯვება რომ დროებითია, სულ სხვა საქმა, ჩვენ მხოლოდ დღევანდელ ვითარებაზე ვლაპარაკობთ.

დღეს ყოველგვარი ნდობა დაკარგული აქვს? ასეთი გამარჯვება რომ რომელიმე პარლამენტარულ ქვეყანაში მომხდარიყო, რა. თქმა უნდა, ამ გამარჯვებას სულ სხვა მნიშვნელობა ექნებოდა. ამ გარემოებას რაც შეიძლება უფრო მეტი ყურადღება უნდა მიაქცეს, მით უმეტეს, რომ ზოგიერთები, ხალხის ნამდვილი მეგობრებიც კი, დიდ მნიშვნელობას აძლენვენ ლიბერალური ოპოზიციის გამარჯვებას სათათბიროს არჩევნებზე.

ჩვენ ზევით მოვიხსენიეთ, რომ მთავრობა „დუმის“ მოწვევაზე დღეს უპირს არ იტყვის, თუმც მას დღეს ისიც შეუძლია, რომ მისი მოწვევა გადადვას. ჩვენ აგრეთვე იმასაც ვფიქრობთ, რომ იგი დღეს არც გაფანტავს „დუმის“. უფრო ხელსაყრელი იქნება მისთვის, რომ დუმა ერთხანს შეიქციოს, მისი მოქმედება შეასუსტოს სხვადასხვა წერილობანი საქმეებით, ფორმალური მხარეებით. ერთი სიტყვით, მთავრობა ეცდება, რომ არსებითად დუმას არავითარი საქმე არ გააკეთებინოს. ნუ დაივიწყებთ, რომ „დუმის“ გვერდით, უკეთ მის მალლა, დგას მეორე პალატა, 20 თებერვალს შექნილი სახელმწიფო საბჭო. აქაც ერთი ნაწილი თითქო ხალხის წარმომადგენლებისაგან შესდგება, მაგრამ ნამდვილად კი სახელმწიფო საბჭოში თავმოყრილი იქნებიან ძველი რეჟიმის ყველა ჯურის მომხრეები და მოტრფიალენი. „დუმაში“ მოწონებული „მოსაზრება“ (ოფიციალური ენით, რასაკვირველია!) ახლა საბჭოს უნდა გადაეცეს განსახილველად. საბჭოს შეუძლია იგი უკუ ავდოს, ან ფრთები შეიქრას და ისე წარუდგინოს უმაღლესად დასამტკიცებლად. ამნაირად „შემუშავებული“ მოსაზრების ბედი ბოლოს მაინც ერთი კაცის სურვილზე ჰკიდია. მეტყვიან, საქმე ასე არ გაქიანურდება, სათათბირო („დუმა“) გახსნისათანავე ისეთ მოთხოვნილებას წამოაყენებს, რომ მას ან გაფანტავენ, ან ბიუროკრატია იძულებული იქნება დანებდესო, მაგრამ როგორ მოხდება ეს, ჩვენთვის გაუგებარია. ჩვენ ვიტყვით მხოლოდ იმას, რომ სათათბიროში მოსალოდნელი ოპოზიცია (კადეტების უმრავლესობით) იმგვარი ხასიათის არ იქნება, რომ მან ასე დააყენოს საქმე. პირიქით, ჩვენ უფრო მეტი საფუძველი გვაქვს ვიფიქროთ, რომ ეს ოპოზიცია ყოველგვარ ზომებს იხმარს, რომ მთავრობასთან სერიოზული კონფლიქტი არ მოუხდეს, ვინაიდან ეს ხალხის ჩარევას გამოიწვევს და ეს კი სისხლის ღირას ნიშნავს. სწორედ ამის ეშინიათ კადეტებს. ამას საჯაროთ აცხადებდა ამას წინეთ თვით ბ. სტრუვე.

ამნაირად დღევანდელი არჩევნების საშვალეობით მთავრობამ სესხი იშოვნა. თვით სათათბიროს მოწვევით იგი ეცდება დაამყაროს რუსეთში

ყალბი „კონსტიტუცია“, უკეთეს შემთხვევაში ისეთი, როგორიც დღეს პრუსიაში არსებობს, თუ კიდევ ბევრათ უარესი არა. ასე იქნება, თუ ხალხი გააზრდა, რევოლუციას ზურგი შეაქცია და ყოველივე თავის იმედში „ღუმაზე“ დაამყარა, მაგრამ მოხდება კი ეს ასე? განვიხილოთ.

II.

ყველა სოციალურ მოძრაობას ეკონომიური მიზეზები იწვევენ. რუსეთის დღევანდელი მოძრაობა მარტო ლიბერალურ ბურჟუაზიული როლია, პირიქით, იგი გამოწვეულია მუშა-ხალხის უზომო დაჩაგრვით და შევიწროვებით. მართალია ჩვენ ვამბობთ, რომ დღევანდელ მოძრაობას მიზნათ პოლიტიკური ცვლილების მოხდენა აქვსო, მაგრამ განა პოლიტიკური ცვლილების მოხდენა შეიძლება უიმისოთ, რომ ეკონომიურ ურთიერთობაშიაც შესაფერი ცვლილება არ მოხდეს! რა თქმა უნდა, დღევანდელ პოლიტიკურ რევოლუციას ეკონომიური ურთიერთობის ძირიანათ შეცვლა არ შეუძლია, მაგრამ ყოველ შემთხვევაში, პოლიტიკური რევოლუციის მნიშვნელობა და აზრი ნხოლოდ იმაში რხატება, რომ მას მეტად თუ ნაკლებათ ეკონომიური პირობების ცვლილება მოხდეს.

ყველა სოციალური მოძრაობა იწყება მხოლოდ იქ, სადაც ეკონომიური შევიწროვება უფრო მეტად საგრძნობელია. აიღეთ ძველი, საშუალო საუკუნოების და ახალი დროის ისტორია და თქვენ დარწმუნდებით, რომ ყოველთვის და ყოველგან საზოგადოებრივი ხასიათის მოძრაობას იწვევდა დაჩაგრულ და დამონებულ კლასების უზომო შევიწროება. ასეთი იყო ძველ რომში მონების აჯანყება. საშუალო საუკუნოებში გლეხების მოძრაობა. ომი ინგლისში, საფრანგეთში და განსაკუთრებით გერმანიაში საშუალო საუკუნოების დასასრულს, ასევე იყო ახალ ისტორიაში გლეხების აჯანყება საფრანგეთში, შემდეგ ქალაქის მუშების არეულობა კაპიტალისტურ ქვეყნებში (ჩარტისტები ინგლისში, მუშების არეულობა ლიონში) და ბოლოს რუსეთში გლეხების მოძრაობა ბატონყმურ ურთიერთობის წინააღმდეგ. ასეთივეა დღევანდელი მოძრაობაც რუსეთში, იგი გამოწვეულია განსაკუთრებით იმ კლასების მიერ, რომლებიც ყველაზე უფრო დაჩაგრული და შევიწროვებულია დღევანდელი წეს-წყობილებით. ასეთი არიან ქალაქის პროლეტარიატი და გაქირავებული გლეხობა. როცა პროლეტარიატი და გაქირავებული გლეხობა იბრ-

ძვიან თავის მდგომარეობის გასაუმჯობესებლად, ცხოვრების საუკეთესო პირობების მოსაპოვებლად, ამით ისინი თავის თავად ხელს უწყობენ საზოგადოათ მთელი კაცობრიობის დიდ უმრავლესობის მდგომარეობის გაუმჯობესებას. ამიტომ პროლეტარიატის დროშას თანაგრძნობით შეყურებენ ყველა ისინი, ვინც კი რაიმე შევიწროებას და ტანჯვას გრძნობენ. მაგრამ იმათი თანაგრძნობა მხოლოდ წუთიერია, ვინაიდან თვით იმათი შევიწროებაც დღევანდელ წეს-წყობილებაში წარმავალია და არა მუდმივი. სულ სხვაა პროლეტარიატის შევიწროება და დაჩაგვრა. ეს არ არის წარმავალი ანუ ცვალებადი მოვლენა, პირიქით, მთელი წესწყობილება პროლეტარიატის და საზოგადოათ მშრომელი ხალხის დაჩაგვრაზე არის აგებული. ამიტომაც პროლეტარიატი არ შესწყვეტს ბრძოლას, სანამ საბოლოოათ არ დაამხობს მთელ დღევანდელ საზოგადოებრივ წესწყობილებას. ამ ბრძოლის დროს საზოგადოების დანარჩენი კლასები ანუ ჯგუფები ხან შორდებიან და ხან უკავშირდებიან მათ იმის მიხედვით, თუ პროლეტარიატის მოძრაობა რამდენათ ემსახურება იმათ, ვინც კლასობრივ ინტერესებს და არა პროლეტარიატის საბოლოო მიზნის განხორციელებას.

ამნაირათ, როცა რუსეთის დღევანდელ რევოლიუციის მიმდინარეობაზე ვლაპარაკობთ, უპირველეს ყოვლისა მხედველობაში უნდა ვიქონიოთ ის ეკონომიური მიზეზები, რომლებმაც უკანასკნელ ანგარიშში გამოიწვიეს თვით ეს რევოლიუცია. რევოლიუციის მესვეურნი, მისი ბედის გადამწყვეტნი არიან დღეს პროლეტარიატი და გაქირვებული გლეხობა. ტყუილა ნურავის გონია, რომ ისინი მარტო პოლიტიკური თავისუფლების მოპოვებით დაკმაყოფილდნენ. ასე რომ იყოს, მაშინ განა კლასები და თვით ბიუროკრატია მათ ასე სასტიკ და მდგარ წინააღმდეგობას გაუწევდნენ? საქმეც ის არის, რომ პროლეტარიატი და აჯანყებული გლეხობა პოლიტიკურ უფლებასთან ერთად ეკონომიურ პირობების გაუმჯობესებას თხოულობენ და კიდევ მეტი: პოლიტიკურ ცვლილებას ისინი თავის ეკონომიურ მდგომარეობის გაუმჯობესობის სახელით თხოულობენ. როცა პროლეტარიატი და გლეხობა დღეს თავის ეკონომიურ მდგომარეობის გაუმჯობესობისათვის იბრძვიან, რა თქმა უნდა, ამით ისინი სამსახურს უწევენ რუსეთში პოლიტიკური და მოქალაქობრივი თავისუფლების საქმეს, და ამ მხრით იმათი ბრძოლა მხოლოდ თანაგრძნობას იწვევს საზოგადოების იმ ჯგუფებისაგან, რომლებსათვის პოლიტიკური თავისუფლების მოპოვება დღევანდელ სოციალურ პირო-

ბებშიაც ხელსაყრელია. მაგრამ იმათ საუბედუროთ პროლეტარიატს და გლეხკაცობას მარტო სახელისთვის კი არ უნდა პოლიტიკური და მოქალაქობრივი თავისუფლება. პირიქით, ეს თავისუფლება მათ მხოლოდ იარაღათ სურთ გამოიყენონ თავის ეკონომიური მდგომარეობის გასაუმჯობესებლად. პოლიტიკურ თავისუფლებას ისინი მხოლოდ იმდენათ უჭერენ მხარს, რამდენათაც ეს თავისუფლება ხელს შეუწყობს იმათი ეკონომიური დაზარების შესუსტებას. დღევანდელი რევოლიუციის დასრულება პროლეტარიატისათვის ნიშნავს წმინდა დემოკრატიულ წესწყობილების დამყარებასთან ერთად 8 საათის სამუშაო დღის შემოღებას, საყოველთაო სწავლას, სრულ თავისუფლების განხორციელებას, როგორც სიტყვის, წერის, ისე კავშირის და გაფიცვის საქმეში. გლეხკაცობისთვის იგი ნიშნავს ბატანყმურ ნაშთების სრულ გაუქმებას, ე. ი. მიწების სრულ ჩამორთმევას, როგორც ყველა კერძო მსხვილ მემამულეებისაგან, ისე ხაზინის, საეკლესიო და სამონასტრო მიწებისაც. ახლა ჩვენ ვიკითხოთ: რომელი პარტია დაუჭერს დღეს მხარს პროლეტარიატს და გლეხობას ასეთ მოთხოვნების დაკმაყოფილების დროს, გარდა სოციალისტურ პარტიებისა საზოგადოთ, და კერძოთ სოციალ-დემოკრატიისა? ან შეიძლება დღევანდელი მოძრაობა დამთავრდეს ისე, რომ პროლეტარიატის და გლეხობის მიერ წამოყენებული მოთხოვნები დაუკმაყოფილებელი დარჩეს? რასაკვირველია, შესაძლებელია, რომ ეს ასეც მოხდეს, მაგრამ ეს დღევანდელი რევოლიუციის დამარცხება იქნება. სინამდვილე, ე. ი. დღევანდელი პირობების ობიექტიურად დაფასება გვეუბნება, რომ უფრო მოსალოდნელია რევოლიუციის გამარჯვება. ჯერ ერთი ისა, რომ მუშა ხალხის როგორც პროლეტარიატის, ისე გლეხკაცობის ეკონომიური გაქირავება უკიდურეს ზომამდე მიღწეული. მეორე მხრით, მან საპუდამოთ დაკარგა იმედი, რომ დღევანდელმა მთავრობამ იკისროს ამ გასაქირავებან მისი ხსნა. პირიქით, მუშა ხალხი დღეს აშკარათ რწმუნდება იმაში, რომ დღევანდელი მთავრობა გაბატონებული კლასების დამცველი ორგანოა. რაც შეეხება ჩვენი ბიუროკრატიის მოქმედებას ამ უკანასკნელ დროს, ე. ი. რევოლიუციის ჩასაქრობათ ზომების ხმარებას, ეს კიდევ უფრო შევლის და ხელს უწყობს რევოლიუციის საქმეს, რადგანაც მთავრობა ყოველგვარი თავისი მოქმედებით სულ უფრო და უფრო ამხედრებს პროლეტარიატს და გლეხობას თავის წინააღმდეგამიტომ ჩვენ ვხედავთ, რომ მთავრობა მედგარ იერიშს მოელის არა „დუმიისაგან“, არამედ აჯანყებული გლეხობისა და პროლეტარიატისაგან.

მთელი მისი მოქმედება იქითკენ არის მიმართული, რომ როგორმე აიცი-
ლოს თავიდან ეს თავდასხმა. „დუმას“ კი იგი ყოველთვის გაუმკლავდე-
ბა თუ თვით ხალხში მოძრაობა შეჩერდა, მაგრამ ჩვენ დაეინახეთ, რომ
ეს შეუძლებელია.

(გაზ. „ე ლ ვ ა“ 1906 წ. 12 და 14 აპრილი, № № 24
და 25 „-ე“-ს ფსევდონიმით),

პოლიტიკური მიმოხილვა.

კრამდენათაც არჩევნებში კადეტების გამარჯვებამ მთავრობას წელი მოსწყვეტა და შესამჩნევად „მოკაკა“, იმდენათ სესხის შოვნამ მას წელი გაუმაგრა და თითქო ძალა და რიხი შემატა. და აი, მთავრობა და მასთან ერთად მისი დამქაშები დღეს თითქო „გამარჯვებას“ დღესასწაულობენ. მთავრობის გაზეთი „რუსსკოე გოსუდარსტვო“, რომელიც გუშინ რაღაც საყოველთაო შერიგებაზე, ცოდვების მიტევებაზე და ქრისტიანულ სიმშვიდეზე ჰღეროდა, დღეს ისევ გათავხედდა და ისევ ძველებურათ განაგრძობს ყბათ-აღებას თავის მოწინააღმდეგეებისას და, სხვათა შორის, კადეტებისას, რომლებსაც ურიების დევნის განზრახვას აბრალებს „ნოვოე ვრემია“ და ძმანი მისნი, რომლებიც გუშინ, კადეტების გამარჯვების გაულენით, ვითომ გაოპოზიციონერებას ლამობდნენ და მთავრობას ვითომ შეჩვენებას უბირებდნენ, დღეს კვლავ ჰანგი შესცვალეს, დღეს ისევ ქება-დიდებას და ხოტბას ასხამენ მთავრობას სესხის შოვნის მოხერხებისათვის, და მათი ურიცხვობა იქამდე მიდის, რომ გვარწმუნებენ—მთავრობა ცდილობს თავის „მემკვიდრეს“ ყველა ანგარიში გასწორებული გადასცეს და ურჩევს სახელმწიფო სათათბიროს—მთავრობასთან შეტაკებისათვის საბაბის ძებნას ნუ დაიწყებთ, რადგან მან საუცხოვოთ მოახერხა სესხის შოვნაო, და ასე ლაპარაკობს „ნოვოე ვრემია“ მაშინ, როდესაც მთელი ქვეყანა განცვიფრებული და გულამღვრეულია იმ საარაკო საზიზღრობით, რომელიც რუსეთი მთავრობამ ჩაიდინა სესხის ასაღებათ. ჩვენ უკვე აღნიშნული გვქონდა, რომ მთავრობამ, ოღონდ კი სესხის შოვნა მოეხერხებია, მთელი რუსეთის პირდაპირ მიყიდა საზღვარ-გარეთის კაპიტალისტებს იმით, რომ პირობა დაუდგა—რუსეთის მთავრობა აღარ ითხოვს საზღვარ-გარეთ ორი წლის განმავლობაში სესხს, ხოლო ათი წლის განმავლობაში კი პროცენტების რაოდენობის გამოცვლასო. ასეთი პირობებით ახლანდელმა მთავრობამ ხელფეხი შეუკრა და საშვალება მოუესპო რუსეთის მომავალ მთავრობას სესხი იშოვოს, ხოლო უსესხოთ კი ვერც ერთი თანამედროვე სახელმწიფო ჯეროვნათ თავის საქიროებათა დაკმაყოფილებას ვერ მოახერხებს; განსაკუთრებით გლენ-

თა საკითხის გადაწყვეტა, რომელიც ნამეტნავათ გამწვავებულია რუსეთში, მოუხერხებელია სესხის აულებლათ. ეს გარემოება განსაკუთრებით გაჭირვებულ მდგომარეობაში ჩააყენებს მომავალ სათათბიროს და სწორეთ ეს უნდა მთავრობასაც, რომელიც ყოველ ზომებს ხმარობს, რომ სათათბიროს ხალხის თვალში სახელი გაუტეხოს. აი სწორეთ ამ მიზნით მთავრობას გადაუწყვეტია პირველათ გლეხთა საკითხის გადაქრა დაავალლოს სათათბიროს, რადგან იმედი აქვს, რომ ფულის უშოვნელათ სათათბირო ვერ გადსწყვეტს ამ კითხვას, მაშასადამე, ვერ დააკმაყოფილებს გლეხებს, იმედებს დაუკარგავს მათ თავის თავზე და ამით ვითომ მთავრობის საქმე გაიჩარხება, თუმცა ნამდვილათ კი, რასაკვირველია, სულ სხვა ისტორია დატრიალდება და აზვირთებული ხალხის ზღვა ერთიანათ წალეკავს ხალხის გამყიდველ, მთლად გათახსირებულ მთავრობას.

* * *

საზოგადოათ მთავრობა დიდ სამზადისშია მომავალი „დუმის“ წინააღმდეგ საბრძოლველათ. თავის განზრახვებს ამ მხრივ მაინც არ მალავს. „რუსსკოე გოსუდარსტვო“ პირდაპირ ამბობს, რომ მთავრობას განზრახვა აქვს ძალა დაატანოს სათათბიროს და ისეთ წვრილმან საქმეებში გაართოს, რომლებზედაც „თათბირი“ არსებულ სახელმწიფო წესწყობილებას ნამცეცსაც ვერას დააკლებს და სათათბიროს ნებას არ მისცემს, არ დააცლის ფართო კონსტიტუციონურ კითხვებზე ილაპარაკოს, „ძირითად კანონებს“ შეეხოს. ამ მიზნით მთავრობას უკვე შეუმუშავებია სათათბიროსთვის წარსადგენათ პროექტები ისეთ შედარებით უწყინარ წვრილმან კითხვებზე, როგორიც არის: პასპორტის სისტემა, მიწის გამიჯვნის საქმე, კოპეკუნობა და სხ. და სხ. აი ასეთ კითხვებზე ლაპობით, ასეთი ძელებიზ ხერით ცდილობს მთავრობა უშიშარი გახადოს თავისთვის სათათბირო, მხოლოდ თუ ეს უკანასკნელი მაინც არ დაიშლის და „ბეზსმისლენია მეტრანიებს“ დაიწყებს, ამ შემთხვევისათვის კი მთავრობა უფრო საგრძნობელ, უკვე ნაცად „უებარ“ საშვალებას მიმართავს. ეს საშვალება, რასაკვირველია, ხიშტები, ტყვიები და ზარბაზნები გახლავთ, რომლებიც მთავრობას იპონიასთან და შინაურ მტერთან „სახელოვანი“ ომების შემდეგ ჯერ კიდევ ბლომათ აქვს.

დურნოვომ უკვე პირდაპირ გამოაცხადა „თავისიანებში“ — დეე, რაც უნდათ ილაზღანდარონ „დუმაში“, ჩვენ მათ ლოდისას პულემიოტების

ლოლიკას დაუყენებთ წინო. მთავრობის გაზეთმაც „რუს. გოს.“ პირდაპირ და უცბათ გამოთქვა: თუ სათათბიროს დებუტატებმა ოპოზიცია გაახურეს, მაშინ მათ იქიდან ხიშტებით გამოვრეკავთო. ასეთი განზრახვები აქვს მთავრობას „დუმის“ შესახებ, მაგრამ რადგან მან კარგათ იცის, რომ ამ განზრახვების სისრულეში მოყვანამ სულ ადვილათ შეიძლება ხალხი ააღელვოს და ქუჩაში საბრძოლველად გამოიყვანოს მის წინააღმდეგ, ის ამ მხრივაც ემზადება და თავდარიგს იჭერს. იგი კვლავ განაგრძობს ხალხის ნამდვილი ხელმძღვანელების დევნას—დაქერას, გადასახლებას და სხვა... ამას გარდა ყველა თავის აგენტებს—პოლიციელებს, ეანდარმებს და სხვა... უკეთესად აიარალებს (ვინტოვებს ურიგებს); ამასთან უფრო „საშიშ“ ადგილებში ჯარებს აძლიერებს, უკეთესად წრთენის სროლაში და საზოგადოთ სამხედრო მოქმედებაში, პულემიოტებს ასუფთავებს და ამზადებს.

* * *

მეორე მხრით მთავრობას, რამოდენიმე მანც თითქო იმედი აქვს (და ეს იმედი, რამდენიმეთვე მანც, არც უსაფუძვლოა), რომ სათათბიროს წევრები ხელს შეუწყობენ მთავრობას „სმუტის“ და „კრამოლის“ მოსპობაში. აი რა შინაარსის დებუმა გაუგზავნია ვიტეს სარატოვში სათათბიროს წევრის კუტმანოვისათვის: ამ უმად არეულობის მოსასპობათ საუკეთესო საშვალეება არის, რომ მოსპობილ იქნას გამუდმებული მკვლელობა, სიკვდილით დასჯა, ძარცვა-გლეჯა და სხვა ყოველათ საზიზღარი დანაშაულობათა ჩადენა იმ პირთა მხრივ, რომლებსაც სურთ უეჭველათ არეულობა და უწყესობა სუფევდეს „ძვირფას სამშობლოში“-ო. იმედი მაქვს, რომ თუ სათათბიროს პატივცემული წევრები შესძლებენ თავიანთი ზნეობრივი გავლენით ამ დანაშაულობათა შეჩერებას, მეტად სასურველი მშვიდობიანობა დამყარდებაო. ვიტეს აზრით გამოდის, რომ თუ არეულობის შედეგებს მოვსპობთ, თვით არეულობაც მოისპობა. მაგრამ ეს არაფერი. საინტერესო ის არის, რომ ვიტეს თითქოს შესაძლებლათ მიაჩნია სათათბიროს წევრებმა ზნეობრივი გავლენით მოსპონ ეს არეულობა. ამით მას ალბათ იმის თქმა უნდა, რომ თუ სათათბიროს წევრებმაც კი თავიანთი „გავლენით“ რევოლუცია ვერ მოსპეს, მაშინ ხომ მაინც საბუთი მექნება, რომ ისევ „ფიზიკურ გავლენას“ ე. ი. პულემიოტებს მივმართო. ამასთან ვიტემ ძალიან კარგათ იცის, რომ

სათათბიროს წევრების, თუნდაც თვით კადეტების, ამ „სახალხო“ პარტიის ცარიელი ზნეობრივი გავლენით, თხოვნით და ხვეწნა-მუდართი რევოლუცია არ მოისპობა. მაშ, გაუშარჯოს ისევ პულემიოტებს! ასე დაასკვნის ალბათ ვიტე.

* * *

ვიტეზე უფრო გულახდილი ღურნოვო ყოფილა. ის კადეტებს პირდაპირ უცხადებს უნდობლობას. ეს მან, სხვათა შორის, გამოთქვა ამნი-სტიის კითხვის განხილვის დროს. სახელმწიფო, უთქვამს მას, კრიტიკულ მდგომარეობაში ჩავარდება, თუ რევოლუციონერებთან ბრძოლა კადეტებს მივანდევთო. ესენი რევოლუციონერებს კულს უქნევენ და ამიტომ ვერ იკისრებენ მათ წინააღმდეგ ის რეპრესიები იხმარონ, რომლებსაც შეუძლიან ბოროტების მოსპობაო. მეორე მხრით რევოლუციონერებს იმდენათვე არ სწამთ კადეტები, ღურნოვოს აზრით, კადეტების ორჭოფი პოლიტიკური მდგომარეობა იმის მიზეზი, რომ მათ არ შეუძლიათ რევოლუციონერებთან ბრძოლა „კრამოლის“ მოსასპობათ, მაშასადამე, რევოლუციისთან ბრძოლა სათათბიროს საქმე არ არის, ეს ისევე დღევანდელმა მთავრობამ უნდა განაგრძოსო. მაგრამ ჩვენ შეგვიძლია დავარწმუნოთ და ვანუგეშოთ ღურნოვო, რომ თუ მთავრობა შესამჩნევ უფლებებს დაუთმობს სათათბიროს, ე. ი. უმთავრესად კადეტებს, და თუ რევოლუციონერი ხალხი შესაფერი პასუხის გასაცემათ მზათ არ იქნება, მაშინ კადეტებიც ჯეროვან დახმარებას აღმოუჩენენ ვიტე-ღურნოვოს რევოლუციის „ჩასაქობათ“. მაგრამ იმაში კი ვერ დავარწმუნებთ სახელოვან მინისტრს, რომ ხალხი გულხელდაკრფილი შეხედება „დუმას“ და რევოლუციის ბედის გადაწყვეტას ვიტე-ღურნოვოს და კადეტებს მიანდობს.

(გაზ. „ელვა“ 1906 წ.
14 აპრილი № 26).

რეპოლიუციის გედი.

I.

ჩვენი თვალახედვის წერტილი ისტორიაზე მატერიალისტური შეხედულებაა. ეს არის იმავე დროს მეცნიერული სოციალიზმის ან მარქსიზმის საფუძველი. მატერიალისტური შეხედულება გვეუბნება, რომ ყოველგვარ საზოგადოებრივ მოვლენას საფუძვლად ეკონომიური მიზეზი აქვს, ე. ი. ყოველგვარი საზოგადოებრივი ხასიათის მოვლენა არა თუ შეკავშირებულია საზოგადოების არსებულ ნივთიერ პირობებთან, არამედ იგი პირდაპირ ამ უკანასკნელი პირობების ნაყოფია. ამიტომ არც ერთი ასეთი მოვლენა, როგორც უნდა იყოს იგი, ჩვენ არ შეგვიძლია გამოვეყოთ ცალკე, არსებულ ნივთიერ პირობების გარეშე და ისე განვიხილოთ და დავაფასოთ იგი. ეს არის ერთად ერთი უტყუარი საზომი, ერთად ერთი მართალი კრიტერიუმი ყოველგვარ საზოგადოებრივ მოვლენათა შესასწავლათ და დასაფასებლათ. სამწუხაროთ ამ კრიტერიუმის გამოყენება იმ შემთხვევაში, როცა თანამედროვე ცხოვრებას ვეხებით, საძნელო ხდება, ვინაიდან ამ შემთხვევაში უკანასკნელ მიზეზის—ეკონომიურის, რა თქმა უნდა, გამონახვა თითქმის შეუძლებელია. აი რას ამბობს, მაგ. ფრიდრიხ ენგელსი ამის შესახებ: „თანამედროვეთ არასოდეს არ შეუძლიათ სრული წარმოდგენა შეადგინონ ერთი განსაზღვრული ხანის ეკონომიურ ისტორიაზე; ეს შესაძლებელია მხოლოდ შემდეგში, როცა შეიკრიბება და შეისწავლება საკირო მასალა... ყოველ დღიური ცხოვრების გათვალისწინების დროს ჩვენ ხშირად გვიხდება ეკონომიური მდგომარეობა მთელი ხანისათვის ჩვეთვალათ შეუცვლელათ, როგორც იყო იგი ამ ხანის დასაწყისში, ან მივიღოთ მხედველობაში მხოლოდ ისეთი ეკონომიური ცვლილებანი, რომლებიც განომდინარეობენ აშკარა ფაქტებიდან, და როგორც ასეთები, მხოლოდ ცხოვრების ზედაპირს გვაქნობენ“. („კლასობრავი ბრძოლა საფრანგეთში“, კარლ მარქსის შესავალი).

თავის თავად იგულისხმება, რომ ენგელსს აქ განსაკუთრებული რევოლიუციური დრო აქვს მხედველობაში და მართლაც, როცა საზოგა-

დოგბრივი ცხოვრება დაწყნარებულია და იგი ჩვეულებრივ კალაპოტში დგას, როცა იგი რევოლიუციურ ცვლილებას არ განიცდის, ეკონომიური პირობების გათვალისწინება უფრო ადვილია, ვინემ მაშინ, როცა საზოგადოებაში ჩვეულებრივი მყუდროება დარღვეულია და ცხოვრება დუღს და გადმოდის. ეს არის რევოლიუციური ხანა და სწორედ ის არის ჩვენთვის საინტერესო. რევოლიუცია—ეს ერთი ურთულესი საზოგადოებრივი მოვლენათაგანი, მისი ბედი, მისი გამარჯვება თუ დამარცხება, დამოკიდებულია ეკონომიურ პირობებზე. გვეტყვიან: ამით თქვენ უარყოფთ ადამიანების გავლენას ისტორიაზე და ქადაგებთ ფატალიზმს, ბედის წერას, ე. ი. ამტკიცებთ, რომ ისტორიული განვითარება ხდება თავის თავად, აუცილებლად და აქ შეგნებულ ადამიანს არავითარი ნიჟაღი არა აქვსო. ეს საყვედური მართალია მხოლოდ იმდენათ, რამდენათაც აქ გამოთქმულია საზოგადოებრივ მოვლენათა აუცილებლობა. მაგრამ რამდენადაც იგი შეიცავს იმ აზრს, რომ შეგნებულ ადამიანს არავითარი გავლენის მოხდენა არ ძალუძს ისტორიაზე, ეს საყვედური სიმატლეს მოკლებულია. რასაკვირველია, ადამიანს არ შეუძლია შუბლით კედლის გარღვევა, არ შეუძლია ეკონომიური განვითარების წინააღმდეგ წასვლა, მაგრამ სამაგიეროთ მას კი შეუძლია ხელის შეწყობა, ისტორიულ მოვლენათა დაჩქარება, და სწორედ ამისათვის არის საჭირო ეკონომიურ პირობების ცოდნა, რაც ასე ძნელია. აქედან ჩვენ ვხედავთ, რომ რევოლიუციის დროს შეცდომების ჩადენა იმათ მხრივ, ვინც იმაში აქტიურ მონაწილეობას იღებენ, თითქმის აუცილებელია, მაგრამ ეს იმას კი არ ნიშნავს, რომ ვითომც რევოლიუციის ბედი უკანასკნელ ანგარაშში კერძო პირთა ან შეცდომებზე იყოს დამოკიდებული. როცა რევოლიუცია მარცხდება, ან ისე არ მიმდინარეობს როგორც სასურველია, ამის მიზეზად უფრო ხშირად კერძო პირების შეცდომებს და იმათ მიერ მიღებულ ტაქტიკას ასახელებენ. მაგრამ ეს შეცდომაა. ეს მოწმობს იმას, რომ ასეთი შეხედულებების მომხრე მარქსიზმის მოძღვრებას დაშორებულია, ვინაიდან იმას სწამს, რომ მხოლოდ პეტრეს ან პავლეს შეეძლოთ, რომ ისტორიული ჩარხი ასე დატრიალებულიყო და არა ისე. რა თქმა უნდა, კერძო პირების შეგნებულ მოქმედებას და ასეთ შეგნებაზე დამყარებულ ტაქტიკას დიდი მნიშვნელობა აქვს, მაგრამ ჩვენ ვიცით, თუ რამდენათ ძნელია მიმდინარე ცხოვრების ეკონომიური პირობების გათვალისწინება, რაც ამ შეგნების საფუძველს შეადგენს. საინტერესოა ვიცოდეთ, თუ რა აზრის იყო ამ საგნის შესახებ მარქსი, რომელიც 1848 წლის რევოლიუ-

„ციაში“ აქტიურ მონაწილეობას იღებდა. ცრუმორწმუნეობის დრო, — სწერდა გასული საუკუნის მეორე ნახევარში დასაწყისში, — რომელსაც რევოლიუცია მიაჩნდა რამდენიმე აგიტატორის მოქმედების ნაყოფად, სამუდამოთ წავიდა. დღეს ყველამ იცის, რომ იქ, სადაც არის რევოლიუციური კვანძები, იმის უკან უნდა იმალებოდეს რაიმე საზოგადოებრივი საჭიროება, რომლის დაკმაყოფილებას ელოდება დახვებულნი წესწყობილება. ეს საჭიროება ყოველგვან და ყოველთვის ერთნაირათ ისე საგრძნობელი არ არის, რომ მან გამარჯვება გამოიწვიოს. მაგრამ ყოველგვარი ცდა ძალით მისი დამარცხებისა მხოლოდ ხელს შეუწყობს მის გაშავებას, სანამ საბოლოოთ არ დაამსხვრევს თავის ბორკილებს. მაშასადამე, თუ დამარცხდებით, ჩვენ ხელახლა თავიდანვე უნდა დავიწყეთ. დასვენების დრო ჩვენ მხოლოდ საჭირო მუშაობას უნდა შევწიროთ, ე. ი. იმ მიზეზების შესწავლას, რომლებმაც გამოიწვიეს, როგორც აფეთქება, ისე დამარცხება იმ მიზეზების, რომელიც უნდა მონახონ არა რამდენიმე მეთაურის კერძო მოქმედებაში, ნიჭში, ნაკლულეფანებაში, შეცდომაში ანუ დალატში, არამედ — საერთო სოციალურ მდგომარეობაში და ხალხის ყოფა-ცხოვრებაში (იხ. „გერმანია 1847 — 50 წ. წ.“ გვ. 3—4, ხაზს ჩვენ უსვამთ).

ასეთი აზრის იყო მარქსი, რომელმაც სწორეთ ამ ეკონომიურ მიზეზების შესწავლას და გამოკვლევას მთელი თავისი სიცოცხლე მოანდომა. აქედან ჩვენ ვხედავთ, თუ რევოლიუციის საქმეში რას აქვს გადაწყვეტი მნიშვნელობა. რევოლიუციის დამარცხების, რასაკვირველია, დროებით, თავი და თავი მიზეზი ჩვენ უნდა ვეძიოთ არა მეთაურების მოქმედებაში, იმათ უნიჭობაში თუ შეცდომებში, არამედ საზოგადოებრივი ცხოვრების ნივთიერ პირობებში. ამასთანავე უნდა აღვნიშნოთ, რომ მარქსის აზრით, რევოლიუციას ამზადებს საერთოდ ქვეყნის ეკონომიური განვითარება, რომელიც ძირს უთხრის არსებულ საზოგადოებრივ წესწყობილებას. მაგრამ ერთბაშათ მის აფეთქებას იწვევს მსოფლიო ბაზარზე ჩამოვარდნილი კრიზისი, ე. ი. ისეთი მოვლენა, რომელიც მოულოდნელათ საერთო არეუ-ღარევის და საგრძნობელ რყევას იწვევს. საქმე ის არის, რომ ასეთი კრიზისის დროს ეკონომიური და სოციალური ურთიერთობა უფრო მწვავედება; ამ დროს მუშა ხალხი უფრო გაჭირვებაში ვარდება, ვინემ ჩვეულებრივ დროს და თვით გაბატონებული კლასებიც დარტყიან, ვინაიდან იმათ ბატონობასაც განსაცდელი მოეღოს. მაგრამ გაივლის თუ არა კრიზისი, რევოლიუციის ბედიც იცვლება. ეკონომიური

ისტორიის შესწავლამ მარქსი იმ დასკვნამდე მიიყვანა, რომ თებერვლის რევოლუცია საფრანგეთში და მარტის გერმანიაში 1848 წელს მსოფლიო აღებ-მიცემობის კრიზისმა გამოიწვია, რომელიც დაიწყო 1847 წელს. 1848 წლის ნახევრიდან უკვე იწყება აღებ-მიცემობის აყვავების ხანა, რომელმაც თავის უმაღლეს საფეხურამდე მიაღწია 1849 და 1850 წლებში, რა გარემოებამაც ევროპის რეაქციას ნიადაგი მოუმზადა. ასეთია მარქსის შეხედულება იმ რევოლუციებზე, რომლების აქტიური მონაწილე ის თითონ იყო.

(გაზ. „ილეა“ 1906 წ.
აპრილი 15 № 27).

ალექსანდრე წულუკიძის გარდაცვალების წლის თავი.

დღეს ერთი წელიწადი შესრულდა ალექსანდრე (საშა) წულუკიძის გარდაცვალების შემდეგ. სიკვდილმა უდროვით გამოგვგლიჯა ხელიდან ერთი საუკეთესო მებრძოლი იმ დროს, როცა ჩვენი საერთო მისწრაფება, ჩვენი უმახლობელესი მიზანი ხორცს ისხაჰდა, ე. ი. იმ დროს, როცა რუსეთის პროლეტარატი საზიზლარი წესწყობილების წინააღმდეგ აშკარათ გამოვიდა რევოლიუციონურ ბრძოლას ასპარეზზე. საშა წულუკიძეს არ დასცალდა რუსეთის გმირი პროლეტარიატის ძალებს მობილიზაციათა თვისი თვალით ეხილა, იგი ვერ მოესწრო ვერც გასული წლის ოქტომბრის საერთო პოლიტიკურ გაფიცვას, ვერც ყალბი თავისუფლების ტკბილ წუთებს, როცა მთელი რუსეთის სიერტეზე რამდენიმე დღის განმავლობაში დიდებული მატინგები და კრებები იმართებოდა, რომლებიც ჩქარა ცბიერად მთავრობის მეოხებით შეგბნელ დღეებათ შეიცვალა. მას არ დასცალდა ბევრი რამ, კიდევ ბევრ რამეს არ მოესწრო საშა—ეს და უღალავი რევოლიუციონერი და პროლეტარიატისათვის თავდადებული მებრძოლი.

საშა წულუკიძე უკანასკნელ ხანებში ეკუთვნოდა მხოლოდ რევოლიუციის საქმეს, იგი ცხოვრობდა მხოლოდ მისთვის: სოციალიზმის განხორციელება და რევოლიუციის გაშარჯება იყო მისი უმთავრესი და უმახლობელესი მიზანი. და აი, მან ამ დიადი საქმის სამსახურში დალია სული. იმდენათ მისთვის ავადმყოფობას ვერაფერი დაუკლია, რამდენათაც რევოლიუციის სამსახურმა დააკლო. სადაც პროლეტარიატის ინტერესების დაცვა იყო საჭირო, იქ მან არ იცოდა რა იყო თავისი კერპონტერესები; იგი მთელი თავისი არსებით ეძღვოდა ამ დიად საქმეს, მაშინ იგი ივიწყებდა ყველაფერს, მას არ ახსოვდა არც მისებრ თადევი დადებული ერთგული ამხანაგი—კოლი (ელენე), არც მახლობელი ნათესავეები. საშას სწამდა მხოლოდ წმინდა მოვალეობა კაცობრიობის ტანჯულ უმრავლესობის—მუშა ხალხის წინაშე. აქ იგი ნამდვილი ფანატიკოსი იყო, მაგრამ არა ბრმა, არამედ შეგნებული. პროლეტარიატის საქმეში მან არ იცოდა, რა იყო რყევა, შუა გზაზე გაჩერება, ორპოფობა:

და, მით უმეტეს, უკან დახევა. იგი მიდიოდა მუდამ წინ, და აქ მას გზას უნათებდა ფართო ნიქი და შესაფერი ცოდნა. მრავალი გზით დაჩაგრული თავის კერძო ცხოვრებაში, იგი არასოდეს სასოწარკვეთილებას არ მისცემია, მიუხედავად ვაგლახ და ღუხჭირ პირობებისა, რომლებთანაც მას შეტაკება უხდებოდა. იგი მუდამ აღფრთოვანებული შეეყურებდა მომავალს და სრულებით დაშვიდებული იგი ცნობილ იტალიელ პოეტის სიტყვებს იმეორებდა: Segui il tuo corso e lascia dir le genti *).

საშა წულუკიძემ ბევრი ვაკეთა მუშათა პარტიის ადგილობრივ ორგანიზაციისათვის და კიდევ მეტს მისგან მომავალში მოველოდით. მაგრამ ბედმა ეს არ გვარგუნა..

საუცხოვო სურათს წარმოადგენდა ქალაქი ქუთაისი გასული წლის 12 ივლისს. ამ დღეს უნდა გაესვენებიათ იქიდან საშას ცხედარი დაბა ხოშში დასაკრძალავათ. მთელი ქალაქი დილიდან ფეხზე იდგა. ქალი თუ კაცი, დიდი თუ პატარა, — ყველანი იქ მიეშურებოდნენ, სადაც ძვირფასი მებრძოლის გვამი ესვენა. აუარებელი ხალხი, 15-20 ათასამდე, გარს შემორტყმოდა იმ შენობას, რომელშიაც საშას გვამი ესვენა. აი შუა ეზოში გამოიჩინეს წითელი გვირგვინებით შემკული კუბო და გაიმართა ნამდვილი მიტინგი რევოლუციონური სიტყვებით. ეს მიტინგი დაიწყო ქუთაისში დილის 10 საათზე და დასრულდა ხოშში საღამოს 9 საათზე. მთელი ამ ხნის განმავლობაში, 25 ვერსის მანძილზე, შეუწყვეტელი მიტინგი იყო. ასეთი გასვენება სოციალ-დემოკრატიის ღრმის ქვეშ ჩვენში ჯერ არ მომხდარა. და რამდენათაც უფრო ღრმად ვუკვირდებოდით იმას, რასაც მე მაშინ ვამჩნევდი, მით უფრო ვრწმუნდებოდით, რომ საშა ღირსი იყო სწორედ ასეთი პატივისცემის.

(გაზ. „ლაშარი“ 1906 წ.
11 ივნისი № 39).

*) იარე შენ მიერ არჩეული გზით და სხვებმა, რაც უნდათ, ისა სთქვან.

შენიშვნები

1) გ. ზდანოვიჩი. გიორგი ზდანოვიჩი (გ. მაიაშვილი) ქართველი ფედერალისტების ერთი ცნობილი ბელადთაგანი იყო. ის დაიბადა ქ. ქუთაისში 1855 წ. სწავლობდა მოსკოვის უნივერსიტეტში, მაგრამ ეს უკანასკნელი აღარ დაუმთავრებია, ვინაიდან ჩაება რევოლუციონერ მოძრაობაში. ის მიემხრო ნაროდნიკების ჯგუფს და მისი ერთი მებრძოლთაგანი გახდა. 1875 წლის სექტემბერში გ. ზდანოვიჩის ასაპართლებენ (ეგრედ წოდებული „50-ის პროცესი“) და უსჯიან 8 წლის და 8 თვის კატორღას. 1889 წ. ის გაანთავისუფლეს, რის შემდეგ დაბრუნდა ქუთაისში. აქ საქართველოში, ის პირველათ არც ერთ ჯგუფს არ ეკედლებოდა, მაგრამ შემდეგ თანდათან დაუახლოვდა და ბოლოს შეუერთდა საესეებით ჩვენი ნაციონალისტების იმ წრეს, რომლისაგან შემდეგ გამოიჩეკა ფედერალისტების პარტია. გ. ზდანოვიჩი მოღვაწეობდა ჩვენში სამწერლო ასპარეზზე გ. მაიაშვილის ტყვედონიმიტ. ის გარდაიცვალა 1917 წლის 31 ივლისს ქ. ქუთაისში.

2) ქ. კ. კიშინიოვსა და გომელში ადგილი ჰქონდა ებრაელების დარბევას.

3) სულთან—კრიმ—გირეი იყო მაშინდელი რუსეთის ფინანსთა სამინისტროს რწმუნებული კავკასიაში და მასთან კიდევ კავკასიის მეფის მოადგილის საბჭოს წევრიც. მას თავი მოჰქონდა ლიბერალათ.

4) ილია ჭავჭავაძე. ილია გრიგოლისძე ჭავჭავაძე დაიბადა 1837 წ. სოფელ ყვარელში (ქალ. თელავის მახლობლად). სწავლობდა ჯერ ტფილისის გიმნაზიაში, მისი დამთავრების შემდეგ ლენინგრადის უნივერსიტეტში. ლექსების წერა ი. ჭავჭავაძემ ჯერ კიდევ უნივერსიტეტში ყოფნის დროს დაიწყო. 1863 წელს მან დაარსა ჟურნალი „საქართველოს მოამბე“, სადაც დაიბეჭდა, სხვათა შორის, მისი რამდენიმე ლექსი და მოთხრობა. მალე ი. ჭ. რედაქტორობას თავი დაანება და შევიდა სახელმწიფო სამსახურში—მომრიგებელ მოსამართლეთ ქ. დუშეთში. როცა დაარსდა სათავად-აზნაურო ბანკი, იგი მოწვეულ იქნა ამ ბანკის გამგეთ, რომელსაც ხელმძღვანელობდა დიდი ხნის განმავლობაში. 1905 წელს ქართლ—კახეთის თავად-აზნაურობამ ი. ჭ. აირჩია სახელმწიფო საბჭოს წევრათ. 30 აგვისტოს 1907 წელს ი. ჭ. თავის ცოლთან ერთად გაემგზავრა ქალ. ტფილისიდან სოფელ საგურამოში (ცოლის მამულში). სოფ. წიწამურის ბოლოს (მცხეთის მახლობლათ) მას თავს დაესხნენ და მოკლეს. ის დასაფლავებულია მთაწმინდის ეკლესიის გალავანში.

5) გაზეთი „ივერია“. 1877 წ. ქართველი საზოგადოების კონსერვატიულმა ჯგუფმა ილია ჭავჭავაძის მეთაურობით დაარსა საკუთარი ორგანო „ივერია“. ეს გაზეთი პირველათ გამოდიოდა კვირეში ერთხელ, მაგრამ 1879 წ. ის გადაკეთდა თვიურ ჟურნალად, ვინაიდან ამ დროს გაზეთმა „დროებამ“ (პირველათ ის დემოკრატიული ორგანო იყო) იმდენათ იცვალა ფერი, რომ შესაძლებელი გახდა მისი და გაზ. „ივერიის“ რედაქციების შეერთება. ამის მიხედვით მათ

შორის მოხდა შრომის ერთგვარი განაწილება: „დროებამ“ გაზეთის სახე შეიჩინა, ხოლო „ივერია“ კი თვითურ ეურნალად გადაკეთდა. მაგრამ ეს შეერთება დიდხანს არ გაგრძელებულა. 1881 წელს ისინი ისევ გაიყარნენ: „დროება“ ისევ დაუბრუნდა თავის ძველებურ ტრადიციას და ხელახლად იწყო თავისი ჩვეულებრივი მსვლელობა. ეს, რასაკვირველია, კარგათ ვერ იმოქმედებდა „ივერიაზე“ და ეს უკანასკნელი ისე უძლურდება დღე-დღეზე, რომ მოსალოდნელი გახდა მისი დახურვა. მაგრამ აქაც მას „დროებამ“ უშველა. 1885 წ. გაზეთი „დროება“ დაიხურა და ქართველი საზოგადოება სრულებით უგაზეთოთ დარჩა. ამ გარემოებით ისარგებლა „ივერია“ და 1886 წ. პირველ იანვრიდან დასტოვა ყოველთვიური ეურნალის სახე და იწყო გამოსვლა ყოველ-დღიურ გაზეთად. ამიერიდან ის უძლიერესი ლიტერატურული იარაღი გახდა ილია ჭავჭავაძის ხელში, ვინაიდან ის იყო მისი რედაქტორი; თუ როგორ უყურებდა გაზეთი „ივერია“ ჩვენი ქვეყნის განვითარებას, ეს სჩანს ი. ჭავჭავაძის შემდეგი სიტყვებიდან, რომლებიც წარმოსთქვა მან ჯერ კიდევ 1881 წელს: „ღიან, ბატონებო, ჩვენის გულითადის ფიქრით ქვეყანა იმისია, ვისაც ერთ ხელში ხმალი უჭირავს და მეორეში-გუთანნი. ხმალი იცავს გუთანს, ხოლო გუთანი ასაზრდოებს ხმალს“. ჩამდენიმე წლის შემდეგ „ივერია“ ვითომდა შეიცვალა განსაკუთრებით მას შემდეგ, რაც მას სათავეში ჩაუდგა ფილიპე გოგიჩაიშვილი, მაგრამ ფაქტიურად „ივერიას“ „განახლების“ შემდეგაც არ უღალატნია თავისი ძველი ტრადიციისათვის და ის ბოლომდე შერჩა ამ გზას.

6) ა. გ. ბულიცინი. ა. გ. ბულიცინი იყო მაშინდელი რუსეთის შინაგან საქმეთა მინისტრი. მისი ხელმძღვანელობით გამოიშვა დუმიანოვი იქნა სახელმწიფო დუმის პირველი პროექტი, რომელიც გამოქვეყნდა 1905 წლის აგვისტოში. ამ დებულებების მიხედვით უნდა ყოფილიყო მარტოდ-მარტო სათათბირო დაწესებულება, აგებული ვიწრო ცენზიან და ვიწრო წოდებრივ საარჩევნო უფლებების საფუძველზე. რევოლუციონური მოძრაობის განვითარების გამო ეს არ იქნა გატარებული პირვანდელი პროექტის მიხედვით, მაშინდელი მთავრობა იძულებული გახდა შეეცვალა ეს დებულება. 1905 წლის 2 დეკემბრისა და 1906 წლის 20 თებერვლის კანონების მიხედვით საგრძობლათ იქნა გაფართოებული დუმის კომპეტენცია და შემცირებული საარჩევნო ცენზი.

7) ფ. გოგიჩაიშვილი. ფილიპე გოგიჩაიშვილი საქართველოს სახელმწიფო უნივერსიტეტის პროფესორია. მან უმაღლესი სწავლა მიიღო საზღვარ-გარეთ, სახელდობრ, გერმანიაში. საქართველოში დაბრუნებისას მას კიდევ მოჰქონდა თავი მარქსისტად, მაგრამ მალე საყვებით შეაქცია ზურგი. ამ მოძღვრებას და გადაბარგდა ნაციონალისტების ბანაკში. ილია ჭავჭავაძის შემდეგ ის რედაქტორობდა ნაციონალისტების „განახლებულ“ ორგანოს „ივერიას“. ამ უმაღლეს ფ. გოგიჩაიშვილი კითხულობს ლექციებს სახელმწიფო უნივერსიტეტში და მუშაობს ამავე დროს ამიერ-კავკასიის სახელმწიფო საჯემო კომისიაში.

8) ფრეიბურგში მოსწავლე რამიშვილი. „ფრეიბურგში მოსწავლე რამიშვილი“ ეს ივანე რამიშვილია, რომელიც პირველად სოც. დემოკრატი იყო და დიდ იმედებს იძლეოდა, მაგრამ შემდეგ თანდათან გადაიხარა ნაციონალისტებისა:

კენ და დაიწყო გამოლაშქრება ჩვენს, ე. ი. ქართველი მარქსისტების წინააღმდეგ. აქ ნახშირია ფრეიბურგში მოსწავლე იმიტომ, რომ ის სწავლობდა და იმ დროს იმყოფებოდა გერმანიის ქალაქ ფრეიბურგში.

9) ვლ. დარჩიაშვილი. ვლ. დარჩიაშვილი გამოჩენილი მარქსისტი იყო. ის გარდაიცვალა კუქის ავადმყოფობით 1916 წელს. მას შემდეგნაირათ ახასიათებს ამა. ფილიპე მახარაძე: „განსვენებული ლადო დარჩიაშვილის მოღვაწეობა ჩვენში შეიძლება გაიყოს ორ ხანად, სახელდობრ: 1. საზღვარ გარეთ წასვლამდის და 2. საზღვარ-გარეთიდან დაბრუნების შემდეგ. პირველ ხანაში ეს მოღვაწეობა მეტად ვიწრო ფარგლებში იყო მომწყვედებული, რაც ადვილი გასაგებია. ყველაზე უფრო დამახასიათებელი ამ ხანის მოღვაწეობისა ის არის, რომ ლადო იმ თავითვე შემოეყვინა მაშინდელ მარქსისტულ ჯგუფს, რომელიც ის-ის იყო სწორეთ იმ ხანებში წარმოიშვა ჩვენში. ამ ჯგუფის პირველი ოფიციალური გამოსვლა, როგორც ვიცით, შეიქნა ეგნატე ნინოშვილის დასაფლავება. ამ დასაფლავებაზე ლადო დარჩიაშვილმა წარმოსთქვა მეტად შინაარსიანი სიტყვა, რომელმაც დიდი შთაბეჭდილება მოახდინა საზოგადოებაზე და რომელიც, გიორგი წერეთლის მოწმობით, არ იქნა დაბეჭდილი სიდიდის გამო. საზოგადოთ უნდა შეენიშნოთ, რომ იმ ხანებში ლადო ემზადებოდა პრაქტიკული მოღვაწეობისათვის და ამისათვის საუკეთესო საშუალებათ საზღვარ-გარეთ წასვლა მიაჩნდა. 1898 წ. მას შეუსრულდა ეს წადილი; იგი გაემგზავრა ევროპაში, სადაც დაჰყო 1904 წლის ნახევრამდე. ამნაირათ თავის პირველ მიზანს დიდი გაკირვების შემდეგ მან სძლია და სამშობლოში ცოდნით აღჭურვილი და სამწერლო ასპარეზზე მოღვაწეობისათვის მომზადებული დაბრუნდა. აქედან იწყება მეორე ხანა მისი მოღვაწეობისა. სამწუხაროთ ლ. დარჩიაშვილი საქართველოში დაბრუნების შემდეგ ევროპიულ ოპორტიუნისტ სოციალისტების სოფლ-მხედველობას იზიარებდა და თავისი კალმით მათ აზრებს იცავდა. უმთავრესმა უთანხმოებამ ჩვენსა და ლადოს შორის ეროვნული საკითხის გარშემო იჩინა თავი: ამ ნიადაგზე ატეხილ კამათის შემდეგ იგი ჩვენს პრესას მოშორდა, მაგრამ მიუხედავად ამისა, სხვა ბანაკში არ გადავიდა და ამჟობინა განმარტოებით ყოფნა. ეს გარემოება აშკარათ მოწმობს, რომ ლადო დარჩიაშვილი მრავალნი ძაფებით იყო გადაბმული მუშა ხალხთან და დემოკრატიის ინტერესების დაცვა მისთვის ორგანიულ მოთხოვნისადაც შეადგენდა. ერთი სიტყვით, ზოგიერთ საკითხში მან გამოიჩინა რყევა, მაგრამ მას პროლეტარიატისათვის არასოდეს არ უღალატნია. ლადო დარჩიაშვილის მთავარი შეცდომა მდგომარეობდა იმაში, რომ ეროვნული საკითხის გადაჭრას კაპიტალისტურ ხანაში პირველ ადგილს უთმობდა. შემცდარი იყო იგი იმაშიაც, როცა ფიქრობდა, რომ ეროვნული საკითხის გადაჭრის ნიადაგზე თითქოს შესაძლებელი ყოფილიყოს ცალკე განსაკუთრებული მიმდინარეობის შექმნა მარქსისტში და სწორეთ ასეთი იყო მისი ცდა „ალიონის“ გამოცემით.

10) იშხანაიანი. იშხანაიანი იყო სომეხი ნაციონალისტი. თუმცა ის სიტყვით სოც. დემოკრატი. იყო, მაგრამ არსებითად თავიდან ბოლომდე გაყენილი იყო სომხური ნაციონალიზმით.

11) კრიმ-გირეი. (იხ. შენიშვნა მესამე).

12) გენ. ალიხანოვი. გენერალი ალიხანოვი (ალი—ხან—აგარსკი) ითვლებოდა კავკასიის სამხედრო ოლქის შტაბის განკარგულებაში იმ დროს, როდესაც ის დაინიშნა რიონის რაზმის უფროსად (ეს რაზმი დაარსებულ იქნა გურიის მოძრაობის ჩასაქრობად 1905 წლის დასაწყისში). როცა შემდეგ სულთან — კრიმ—გირეი გაიგზავნა გურიის მოძრაობის გასაცნობათ, ალიხანოვის რაზმის მოქმედება ამით ცოტათი შეიკვეცა, მაგრამ მიუხედავად ამისა, რაზმი მაინც დარჩა გურიაში გენერალ ალიხანოვს თუმცა მინიჭებული ჰქონდა საგანგებო უფლებები, მაგრამ საერთოდ რევოლუციონური ნოძრაობის გაძლიერების გამო მან თავის უფლებებით მაინცადაშინდა დიდათ ვეღარ ისარგებლა. 1905 წლის ზაფხულში ალიხანოვის რაზმი მოიხსნა და მისი უფროსიც ისევ სამხედრო შტაბის განკარგულებაში გადავიდა. მეორეჯერ ალიხანოვი გამოჩნდა ქუთაისის გუბერნიის გენერალ გენ.-გუბერნატორის სახით 1905 წლის დეკემბრის აჯანყების დამარცხების შემდეგ. ის იყო იმ ჯარების უფროსად დანიშნული, რომელიც გაიგზავნა ქუთაისის გუბერნიაში. აქ ალიხანოვმა დააპატიმრა გუბერნატორი სტაროსელსკი. ვიცე -- გუბერნატორი ყიფშიძე და სხ. მისი ბრძანებით გადასწვეს დება-სოფლები, დაარბიეს ქუთაისი და სხ. 1905 წლის გაზაფხულზე ქუთაისში გენერალ ალიხანოვს თავს დაესხნენ რევოლუციონერები — ყუმბარები ესროლეს, დასჭრეს კიდეც, მაგრამ სიკვდილს გადაარჩა. შემდეგ, 1906 წელსვე გენერალი ალიხანოვი მოკლულ იქნა ქალაქ ალექსანდროპოლში (ახლა ლენინაკანი).

13) ი. ვიტე. ს. ი. ვიტე იყო რუსეთის ცნობილი სახელმწიფო მოღვაწე. ის მუდამ ორქოფ როლს თამაშობდა. მან შეადგინა 17 ოქტომბრის მანიფესტი. პირველი სახელმწიფო დუმის მოწვევის წინ ის გავიდა სამინისტროდან და მას შემდეგ აღარ თამაშობდა დიდ როლს სახელმწიფო მოღვაწეობის ასპარეზზე.

14) გ. პლენხანოვი. გიორგი ვალენტინეს-ძე პლენხანოვი დაიბადა 1837 წელს. ის იყო მარქსიზმის გამოჩენილი თეორეტიკოსი და ცდილობდა ამ მოძღვრების რაც შეიძლება ფართოდ გავრცელებას რუსეთში. თავდაპირველად ის ნაროდნიკი იყო, როდესაც მარქსისტი გახდა, მან მოაწყო „შრომის განთავისუფლების ჯგუფი“. რუსეთის სოციალ-დემოკრატიული მუშათა პარტიის პირველი პროგრამა მისი გამოქვეყნებული იყო. ის მონაწილეობას ლეზულობდა საერთაშორისო სოციალისტურ კონგრესებზე. პრაქტიკულ მუშაობაში პლენხანოვი დაუდრგომელი იყო. ხშირად მერყეობდა ბოლშევიკებსა და მენშევიკებს შორის. იმპერიალისტური ომის დროს დაიკავა „ობორონცული“ პოზიცია. ფილოსოფიის საკითხების დარგში მისი ნაშრომები ითვლება საუკეთესო წიგნებათ მთელს მსოფლიო მარქსისტულ ლიტერატურაში. გარდაიცვალა გ. ვ. პლენხანოვი 1918-წელს.

15) გოთუა (ცენზორი). პართენ გოთუა იყო პირველად ქართული გაზეთების ცენზორი 1905 წლის წინა ხანებში. უნდა ითქვას, რომ ის იყო ლმობიერი, ასე ვთქვათ, ლიბერალი ცენზორი. შემდეგ მან თავი „დაანება“ ცენზორობას და გამოსცა თავისი რედაქტორობით რუსული გაზეთი სხვადასხვა სახელწოდებით. დღეს ის ნაციონალ-დემოკრატია.

16) ვლ. დარჩიაშვილი (იხ. შენიშვნა მეცხრე).

17) ეგ. ნინოშვილი. ეგნატე ნინოშვილი (ინგოროყვა) დაიბადა 1859 წელს გურიის სოფელ ჩოჩხათში. წერა-კითხვა შეისწავლა სოფლის სკოლაში და შევიდა ოზურგეთის სასულიერო სასწავლებელში, საიდანაც მოსწავლეთა მოძრაობის მეთაურობისათვის გამოარიცხულ იქნა მეოთხე კლასიდან. 1880—81 წ. წ. ეგნატე თავისსავე სოფელში მასწავლებლობს. 1882 წელს შედის ტელეგრაფისტთა. 1884 წ. ვადმოდის ტფილისში და ღვება სტამბაში შევირდათ. 1885 წ. ბრუნდება სოფელში, რადგან ვერ აიტანა სტამბაში მუშაობა. სოფელში ხდება სოფლის მწერლად. 1886 წ. ნოემბერში მიემგზავრება საფრანგეთში (ქალაქ მონპელიეში), საიდანაც სამი თვის შემდეგ ბრუნდება თავის სოფელში. 1887 წ. ღვება თავად გრ. გურიელის სასახლეში „საოჯახო მწერლად“. 1888 წ. იწყებს ისტორიულ რომანის „სამწუხარო შედეგის“ წერას. ამ ხანებში შორდება გურიელის ოჯახს და 1889 წ. მიდის ბათუმში, სადაც დღიურად მუშაობს ქარხანებში, ნავთსადგურში და სხ. 1890 წელს ის შოულობს ადგილს ლოლობერიძის შავი ქვის კანტორაში, ზესტაფონში. აქ ის იწყებს მხატვრულ შრომას— „სიმონა“-ს „ქრისტინე“-ს და სხვა—მოთხრობებს. 1891 წ. თავს ანებებს აქ მუშაობას და გადადის აგრონომ ტიმოფეევის საფილოქსერო პარტიაში, სადაც რჩება 1891 წლის ოქტომბრის დამლევამდე. 1891 წლის დანარჩენ თვეებს ეგნატე ატარებს ხან ბათუმში, ხან ზესტაფონში. ამუშავებს ყველა თავის ნაწერებს და თანამშრომლობს იწყებს გაზეთ „ივერია“-ში. 1892 წელს ეგნატე უბრუნდება ლოლობერიძის კანტორას და განაგრძობს მწერლობას, 1892 წლის დასასრულს ეგნატეს მოწვევით ზესტაფონში შესდგა პირველი მარქსისტული კრება; 1893 წელს გიორგი წერეთლის მიწვევით ეგნატე იწყებს მუშაობას „კვალში“. 1893 წლის შემოდგომიდან ქლექით დაავადმყოფებული ის ლოგინად ვარდება და 1894 წლის მაისში თავის სოფელში სამუდამოდ ეთხოვება. წუთი-სოფელს. ეგნატემ საფუძველი ჩაუყარა სოციალ-დემოკრატიულ პარტიას. მის საფლავზე ჩამოყალიბდა „მესამე დასი“.

18) თედო ჟორდანია. თედო ჟორდანია დაიბადა 1854 წელს 20 აპრილს. სწავლა მიიღო სასულიერო აკადემიაში. სხვადასხვა დროს ის მასწავლებლობდა: სასულიერო სასწავლებელში და ტფილისის სასულიერო სემინარიაში. 1896 წლიდან მეთვალყურე იყო გურია—სამეგრელოს და იმერეთის საეკლესიო სკოლებს. მას რამდენიმე შრომა აქვს: ქართული ენის გრამატიკა, ქართლ—კახეთის მონასტრების ისტორიული საბუთები, ისტორიული ქრონიკები და სხვა. აღსანიშნავია ისიც, რომ მან სკოლების მეთვალყურეობის დროს თავი მსახურა ქართული ენის დევნით სააგეროების სკოლებში. გარდაიცვალა თედო ჟორდანია 1916 წელს 23 ოქტომბერს სოფელ კასპში.

19) სიტყვა. ს. ფირცხალავას (ფედერალისტი) ფსევდონიმი იყო.

20) კალამი. კალამიკ აგრეთვე ს. ფირცხალავას ფსევდონიმი იყო.

21) გაზეთი „ნობათი“. გაზეთი „ნობათი“ ქართველი ანარქისტების ყოველკვირეული ორგანო იყო.

22) გაზეთი „შრომა“. გაზეთი „შრომა“ ქართველი ფედერალისტების ბეჭდვითი ორგანო იყო.